



國全華中

名勝古蹟大觀

續編

海上

大陸圖書公司印行

MG
K 928.7
5
2:1



3 1764 4680 9

序

初編名勝古蹟。乃蛟川顧子冠英所編纂者也。今顧子已歸道山矣。百業山人爲之續。以補前者之闕漏。夫以吾國幅員之廣大。歷史之久遠。名人才士之衆盛。其名勝古蹟之編纂。綦難。況又爲續編者乎。然山人竟博采詳訪而續之。何不憚煩也耶。今已以蕞事見告矣。閱時固未久也。吾思讀者讀初編之時。必慷慨以爲勿足。茲得讀續編。見夫初編之所未備者。殆皆有焉。其能滿往日之缺憾。可無疑義。苟能亮編者之苦衷。必欣欣然曰。山人之裨益吾儕也不鮮。當夫尋幽選勝之際。挾之與俱。指某山某巖。雄奇而深秀。爲高人羽客之所寄棲。猶有丹竈藥臼之遺蹟。某泉某溪。清冽而甘美。爲謫宦逸士之所啜飲。固當時行吟其間。以自賞。有素室草廬之存在。又若某也爲戰場。英雄角逐之地。某也爲將臺。發施號令之所。某也爲洗筆之池。某也爲煉形之洞。某也爲某之佳城。某也爲某之里閭。一一與書相印證。以不知者求之。

書中知者求之書外。見者求之所見之中。不見者求之所見之外。嗚呼。搜奇訪古。樂水娛山。其爲樂又豈臥遊者所得同日語耶。然而吾重有感焉。夫是大好河山。庸非彼蒼蒼者特畀予吾人。聚國族於斯。生長優游者乎。歷五千年而至於今日。乃強隣偪處。國邦杌隉。勢有不能長保者焉。國人讀是書而知此大好河山。爲可愛可寶。怒焉不安。共謀所以保之存之。絕人之虔劉。拒人之侵虐。則大好河山。永永爲吾生長優游之處。其爲樂庸非更甚而悠長也乎。然則由是而言。山人之不憚煩而爲之續者。寄意蓋至深遠。世有目是書。僅爲遊覽山水之助者。其見亦陋哉。抑亦淺之乎。測山人矣。山人聞之。其亦許爲知言乎。癸亥夏六月太虛序。

例言

- 一本書專以增補名勝古蹟初編之闕漏。故曰續編。
- 一初編分類。依照舊制。本書則以最近頒布行政區域爲標準。而次第亦然。
- 一初編對於或種名勝之處。僅舉大略。多所未備。本書一一爲之加入。
- 一本書所述。有爲編者所親歷者。有爲朋輩所錄示者。有爲調查所得者。選輯各稿。自問謹嚴。顧因時間短促。不及詳攷。謬誤脫漏。是所難免。倘蒙閱者賜函指正。無任欣幸之至。

編者識

中華名勝古蹟 概言

中華名勝古蹟圖

目錄

杭州 柳浪聞鶯
杭州 小瀛洲
杭州 凱放亭
杭州 曲園風荷
杭州 濟公塔
杭州 大佛寺
杭州 棲御碑亭
杭州 梅麗公園
杭州 臥龍橋
杭州 虎跑寺
杭州 玉帶橋

中華名勝古蹟續編圖目錄

杭州 跨虹橋
杭州 葛嶺雪景
杭州 錦帶橋
杭州 劉庄
杭州 韜光竹林
無錫 錫山
無錫 松園
無錫 梅園風景之一
無錫 梅園風景之二
無錫 梅園風景之三
無錫 鼈頭渚
蘇州 支硎山古剎
聖恩寺大殿古柏

中華名勝古蹟續編圖目錄

濟南 黑虎泉

山東 孔子陵

鄧尉山古柏

鄧尉山香雪海

天津 季公祠之一

天津 季公祠之二

天津 城隍廟

天津 河北展覽會

天津 教育品參觀室

泰安 經石峪

北京 頤和園之一

北京 頤和園之二

奉天 鐘樓

奉天 南天門

湖北 漢陽鐵廠碼頭

湖北 漢陽古琴臺

漢口 大智門火車站

松江 佘山聖像

凌雲閣


開封 二會祠

碧血丹心坊

太原 翰亭楹碣

大明紀念碑聖德碑


雲南 大觀樓



杭州柳浪聞鶯




杭州小瀛洲




杭 州 凱 州 亭



杭 州 曲 院 風 荷




杭 州 濟 州 公 塔




杭 州 大 佛 寺




杭州棲御碑亭




杭州梅麗公園




杭 州 臥 龍 橋




杭 州 虎 跑 寺




杭州玉帶橋




杭州跨虹橋



杭 州 葛 嶺 雪 景




杭 州 錦 州 帶 橋



杭 州 劉 莊




杭 州 紹 光 竹 林



無錫錫山



無錫松園



無錫梅園風景


無錫梅園風景之一



無錫梅園風景之二




無錫梅園風景之三




無錫鼇頭渚




蘇州支硎山古刹




聖恩寺大殿古柏




濟南黑虎泉




山東孔子陵




鄧尉山古柏




鄧尉山香雪海




一 之 祠 公 季 津 天




二 之 祠 公 季 津 天




天津城隍廟



天津河北河會覽會



天津河北公園內教育參觀室



秦安經石峪




北 京 頤 和 園 之 一




北 京 頤 和 園 之 二



樓 鐘 天 奉




門 天 南 天 奉




湖北漢陽鐵廠碼頭




湖北漢陽古琴臺






閣 雲 凌




祠 會 二 封 開



碧血丹心坊



太原翰亭禮碣



大明紀念碑



大明觀

中華名勝古蹟續編總目

- 第一編 京兆
第二編 直隸
第三編 山東
第四編 山西
第五編 河南
第六編 陝西
第七編 甘肅
第八編 江蘇
第九編 安徽
第十編 江西
第十一編 浙江

第十二編 湖北

第十三編 湖南

第十四編 四川

第十五編 福建

第十六編 廣東

第十七編 廣西

第十八編 雲南

第十九編 貴州

第二十編 奉天

第二十一編 吉林

第二十二編 黑龍江

第二十三編 新疆

第二十四編 熱河

第二十五編 察哈爾

第二十六編 綏遠

第二十七編 川邊

第二十八編 外蒙古

第二十九編 青海

第三十編 西藏

中華名勝古蹟 總目

中華名勝古蹟續編目錄

第一編 京兆……………一一四二

戒壇山 石經山 景山 瀛臺 紫光閣 靜宜園 石礪 松樹畦 南苑 人
字柳 隕石 中央公園 朝日壇 夕月壇 南花園 自怡園 水心亭 靜觀
堂 七真洞 煙墩 清太廟 堂子 大高玄殿 歷代帝王廟 武廟 東嶽廟
靈神廟 天甯寺 妙應寺 覺生寺 明因寺 崇壽寺 黃寺 普覺寺 碧
雲寺 大覺寺 朝陽院 慈悲庵 朱彝尊賜第 高士奇賜第 查慎行故宅
神木廠 鐵塔 尊勝呪幢 塔幢 金人 勦工陳列所 五色蓋樓 古銅佛
滴水岩 草橋 明景帝陵 哀忠墓 耶律楚材墓 李東陽墓 王熙墓 翁方
綱墓 塔齊布墓 利瑪竇墓 香冢 鸚鵡冢 奕臺 督亢陵 華陽臺 樓桑
村 盧植故里 佑聖教寺 挂月峯 自來峯 蟠曉峯 天門開 天成寺 萬
松寺 清講禪院 歡喜嶺 將軍石 智樸禪師墓 大方廣石 紅龍池 天井

中華名勝古蹟 第一編 目錄

二

石 晾甲石 湯山 銀山 駒輪岩 仙人洞 彈琴峽 九龍池 明鏡 仙臺

獅子嶺 摘星蛇 象王峯 上方寺 雲水洞 雲居寺 雷音洞 藏經洞

金陵 賈島峪

中華名勝古蹟續編

第一編 京兆

戒壇山

戒壇山在宛平縣西五十里。巖巒聳拔。至爲清秀。巔曰極樂峯。峯下有極樂洞。高七八丈。廣亦如之。相近有太古洞。爲全山諸洞之最幽勝者。中供佛像一百餘尊。洞深可里許。多蝙蝠。列炬而入。百乳千螺。具龍虎龜魚之狀。玲瓏奇巧。殆難言喻。又有黃龍洞。中有石室。石扉。石牀。石竈之類。執火而進。壁間亦如太古洞狀。而精妙殆又過之。此外更有洞穴曰三慧。朝陽。孫臏。臥佛等。山谷中有寺曰戒壇。亦曰戒台。創自唐武德五年。曰慧聚寺。或云建自晉時。明正統中。改爲萬壽寺。遼金時。僧法均。卽普賢大士者。建大戒壇一座。招四方僧徒。登以受戒。故寺與山皆以是名。寺前有坊。明嘉靖時建。清光緒時重。

修坊有額二。外曰祇園真境。內曰永鎮皇圖。入寺爲大佛殿。殿後爲千佛閣。供佛繁多。重樓兩層。突兀聳峙。登之眺遠。有水環繞三面者。卽永定河也。閣之北有坊曰選佛場。進內則戒壇在焉。壇以白石鑿成。高一丈。雕鏤精緻。異常。周遭列戒神。壇上陳沈香椅十一。乃古物之僅見者。壇之左右。列羅漢五百。壇後則有玉皇殿焉。寺中鐘鑪之屬。往往爲明時物。樹木有九龍松。抱塔松。臥龍松。白虎皮松。娑羅樹等。形態怪異。夭矯不羣。考其歷年。有在千載以上者。石刻有遼金明清諸碑幢。歷覽全寺。固一古而且大之叢林也。讀明公蕭一梵宇臨芳甸。層臺接太虛。九州旋繞地。萬仞廣長居。山鳥伽陵喚。岩花簷蔔舒。大千歸墨點。兀坐正愁予。之作。寺之勝處。蓋可想見五六焉。

石徑山

石徑山在宛平縣西三十七里。一名石景山。孤峯特立。多石洞山。北峽中有沒字碑。明劉瑾所勒。巖有寺。可眺遠。望渾河。清聖祖高宗皆嘗幸焉。

景山

景山在京師神武門外。相傳其下儲煤。以備不虞。故又名煤山。明曰萬歲山。懷宗殉社稷於此。山週二里。高可百丈。凡五峯。峯各有亭。山之正門爲北上門。門內有綺望樓。山後東曰山左裏門。西曰山右裏門。中有壽皇殿。

瀛臺

瀛臺舊爲南臺。一名趨臺。在太液池中。西苑門內。勤政殿南。石堤數十步。過堤歷級而登。爲翔鸞閣、涵元殿、香展殿、蓬萊閣、迎薰亭、春明樓、謙虛樓。皆所謂瀛臺也。臺三面臨水。奇石森列。花樹芬芳。飛閣流丹。層樓探碧。於崇閣壯麗之中。有天然林壑之致。清聖祖高宗常爲夏月聽政之所。亦卽德宗之幽囚地。邵遠平有瀛臺侍直詩。詩云：「鬱葱玉樹映朱樓。太液芳波淨不流。石磴參差環豹尾。牙樯溶漾引龍舟。鏡中臺樹晴逾碧。檻外峰巒翠欲浮。扈蹕眞疑三島近。無煩羽客詫瀛州。」

紫光閣

紫光閣在太液池西岸。清聖祖時集三旗侍衛大臣校射於此。後於閣前殿試中式武舉。乾隆二十四年平定伊犁回部。在事諸功臣傅恆等一百人。圖像於內。並綴以贊。並藏得勝靈纛及俘獲軍器。以誌武成。及四十一年兩金川平。復圖諸功臣阿桂等一百人。亦綴以贊。

靜宜園

靜宜園在香山。清聖祖置之行宮。乾隆時重加修葺。乃名靜宜。中有勤政殿。麗陽樓。見心樓。虛朗齋。學古堂。翠微亭。馴鹿坡。絢秋林。芙蓉坪。重翠庵。香山寺。石渠。雲闕等。分內外垣。內垣爲景二十。外垣爲景八。高宗有二十八景詩。石刻於學古堂。當時樓觀壯華。松栢蒼蔚。琳宮梵宇。隱現諸天。實攬勝之奧區。修真之祕府。今則殊形衰落。頗非曩昔舊觀矣。

石欄

石礪在香山之麓。形方如塔。聳峭上銳。不易上登。獨金川土人善蹂升之。礪有眼。可瞭遠。清乾隆時征金川。土人恃礪險。久而勿克。高宗乃命於此置礪。設健銳營。以訓練武士。習雲梯仰攻之技。此卽其遺蹟也。今礪西有亭。亭中植碑。紀設礪之始末焉。

松樹畦

松樹畦在萬壽山後。廣數十畝。遍地栽松。青青盤鬱。陰翳蔽天。炎暑之際。游憩其間。宛居清涼世界矣。

南苑

南苑在京師永定門外二十里。方一百六十里。元爲飛放泊。明永樂中增廣。亦名南海子。清嘗設總管防禦等官守之。爲大閱之校場。有行宮。周圍繚以垣牆。育麋鹿雉兔其中。今航空學校設於此。

人字柳

人字柳舊在太液池畔。樹枝欹傾。作人字形。因名。高宗有人字柳詩云。「稅
枯和淖向妍韶。遺跡猶堪指勝朝。太液池邊人字柳。春來還發舊時條。」
液池一例照芙蓉。嬾嬾游絲濯濯容。設曰人應登列傳。晉書曾見有王恭。」

隕石

隕石在京師德勝門內淨業湖西北潮音祠牆外。高丈許。上鑄一獅一雞。下
以石盤承之。相傳爲隕石。故名。淨業湖種菱藕之屬。周數畝。頗宜消夏。

中央公園

中央公園卽前社稷壇址。入門爲白石築成之圓亭。亭柱鑄古聖賢之格言。
如自古皆有死。民無信不立。知是行之始。行是知之成之類。更進則有水榭。
花陽。鹿圍。噴水塔。玲瓏石。衛生儀器陳列所。古物陳列所等。社稷壇今已易
爲圖書室。此外茶寮。餐室。書局。球房。網球場。咖啡店。攝影館。咸錯置其間。全
園花木亭臺。蒲極清勝。都人士女。日游憩其中。又有城南公園。乃前先農壇

址亦就天然之地位。加以人工之點綴。有鹿苑、花肆、茶寮、運動場、觀耕臺、古物保存所等。亦堪遊觀。又有海王村公園。乃前琉璃廠甸址。中有茶社、菜館、古玩、書畫鋪等。遊客多以古歷正月往。平時則甚稀少。

朝日壇

朝日壇在京師朝陽門外東。制方一成。西嚮。廣五丈。高五尺九寸。四出陛。九級。圓壇。內櫺星門六。清時每年春分卯時祭日於此。

夕月壇

夕月壇在京師阜成門外西。制方一成。東嚮。廣四丈。高四尺六寸。四出陛。六級。方壇。內櫺星門亦六。清時每年秋分酉時祭月於此。

南花園

南花園在西苑門迤南。明時爲灰池。種植瓜蔬於坑洞。烘養新菜。名咬春園。入清改今名。凡蘇杭所進盆景。皆發此培植。並於暖室焙烘牡丹芍藥等花。

歲抄送大內陳設。秋時又收養蟋蟀於此。

自怡園

自怡園在京師西海甸。清康熙時大學士明珠別墅。查初白詩云：「名園多在苑西徧。不數樊川及輞川。綺陌東西雲作障。畫橋南北草含煙。鑿開邱壑藏魚鳥。勾勒風光入管絃。何似贊皇行樂地。手栽花木記平泉。」球場車埭互相通。門徑寬闊五百弓。但覺樓臺隨處湧。不知風月與人同。紫駝臥草平沙外。白馬穿花細雨中。一片近郊農牧地。可容雞犬識新豐。」讀此則當日是園之勝况。概可想見矣。

水心亭

水心亭在先農壇東北。爲席木所構成。巍然在水中。登之可眺遠。有橋三。以通行人。東西北各有一茅亭。東南有茶社。每當夏時。都人往往在此品茗納涼。

靜觀堂

靜觀堂在左安門外東舊宏善寺內。堂壁有禹之鼎雙鶴圖。徐涓畫鶴賦。

七真洞

七真洞在玉泉山。一在山腰。一在華嚴寺殿後。洞壁有詞兩首。清婉可誦。一爲元耶律楚材作。曰：「花界傾頽事已遷。浩歌遙望意茫然。江山王氣空千仞。桃李春風又一年。橫翠嶂。架寒煙。野花平碧怨啼鶯。不知何限人間夢。併觸沈思到酒邊。」一爲明夏言和作。曰：「人世滄桑有變遷。靈君玉洞自巋然。朝衣幾共遊山日。佛界仍存刻石年。嗟歲月。惜風煙。等閒花發又啼鶯。只將采筆題僧壁。玉帶長畱向日邊。」

煙墩

煙墩在永定門外。一名燕燬。有臺高二十餘尺。中有碑。刊清帝製之。帝都篇及皇都篇。漢滿文各一。

清太廟

清太廟在舊皇城內午門之左。南嚮。前殿九楹。左右兩廡各十五楹。中殿九楹。左右兩廡各五楹。後殿九楹。左右兩廡各五楹。南爲廟門。東爲神庫。宰牲亭。西爲神廚。清時每年四孟月時享。歲暮禘祭。以親王及大臣之有功者配享。

堂子

堂子在東華門內。爲滿洲祀神之所。中有天圓殿。上神殿。舊制。每年元旦及月朔。必詣此行禮。凡有征討大事。亦必親往祭告。

大高玄殿

大高玄殿在神武門北。明嘉靖中建。清雍正八年重修。乾隆十一年又修。御書匾曰元宰無爲。有二亭。鈎簷鬥角。極盡工巧。俗呼爲九梁十八柱。

歷代帝王廟

歷代帝王廟在阜成門內大街之西。祀歷代帝王。每年春秋二仲月祭。廟本明嘉靖時建。清乾隆時重修。覆瓦改用黃瓦。殿九楹。曰景德崇聖之殿。東南兩廡。各七楹。南爲景德門。又南爲廟門。街曰景德街。舊止祀三皇五帝三王及漢唐遼金元明創業諸帝。以歷代名臣配享。康熙六十一年。詔歷代享國之君。及名臣輔佐太平者。俱宜增祀。上自伏羲。下迄明代。凡一百六十四人。名臣自風后力牧以下七十九人。乾隆四十九年。又增入晉魏前後五代創業守成諸帝。自晉元帝至周世宗。共十三帝。又增入唐太宗金哀宗。撤去漢桓帝靈帝。

武廟

武廟在舊皇城地安門外。舊名白馬關帝廟。今與岳鄂王合祀。殿二重。陛各五級。又一廟在正陽門月城之右。有武義忠王四大字碑。及焦弘張橋趙端庭等撰記三碑。焦弘撰者乃董其昌書。

東嶽廟

東嶽廟在朝陽門外。元延祐中建。有趙孟頫書道教碑。及虞集隸書仁聖公碑。趙世延書昭德殿碑。列墀下。明正統中重修。有英宗御製碑記。清康熙三十九年重建。有聖祖御製碑文。乾隆二十六年重修。有高宗御製詩文。勒於石。神像相傳爲名手所塑。頗工巧。

蠶神廟

蠶神廟在昆明湖西。廟東爲延賞齋。北爲織染局。齋之廊壁。嵌有石刻耕織圖。

天寧寺

天寧寺在京師廣安門外。魏孝文時建。名光林寺。隋仁壽間。曰弘業寺。建塔藏舍利。高十三級。唐開元中。改曰天王寺。金大定二十一年。改大萬安寺。明宣德中。改天寧寺。正統中。又改萬歲戒壇。今仍名天寧寺。清乾隆二十年重

修。御書匾曰嘗清淨法。曰覺路慈緣。又有御製重修天寧寺文勒於石。清末竹垞嘗寓寺中。有詩云。「青豆房容借。經旬且閉關。日邊連右輔。樹杪豁西山。六井泉相似。千塔塔易攀。不應朝市客。翻羨旅人間。」萬古光林寺。相傳拓拔宮。著書非柱下。留客卽淹中。味坵園蔬甲。香携市酒筒。波濤人海關。安坐作漁翁。」

妙應寺

妙應寺在阜成門內大街路北。遼建。元至元十六年。改名聖壽萬安寺。明天順二年。改名妙應。清康熙二十七年。重修。有聖祖御製碑文。乾隆十八年。又修。亦有御製碑文。更又御書心經一卷。及梵文尊聖呪。並大藏尊經全部。爲鎮塔之用。四十一年。又修。寺藏有御製滿蒙漢西番合璧大藏全呪。西番首楞嚴經一分。維摩詰所說大乘經全部。寺內有遼時所建之塔。色白如銀。曰白塔。至元八年。加銅網石欄。明成化時。又加錢燈一百八座。平常浮圖多頂。

銳足豐。此獨足銳肩豐。肩以上長項。蓋空頂覆銅盤。盤上又建一小銅塔。制作奇巧。真罕覩也。

覺生寺

覺生寺在京師西直門外北。清雍正十一年建。有御製碑文。內有大鐘。高十五尺。徑十四尺。紐七尺。重八萬七千斤。明永樂間姚廣孝鑄。裏外鑄學士沈度書華嚴經。有氣眼二。中懸小鈴。投以錢。鏗然作聲。俗謂之打金錢眼。遊者往往好爲之。鐘本在萬壽寺。後移於此。因又稱寺曰大鐘寺。清高宗有大鐘歌。

明因寺

明因寺在京師崇文門外三里河東南。明萬曆朝肅皇太后建。舊有羅漢畫十六軸。藏於寺。又有董其昌書佛成道記石刻。

崇壽寺

崇壽寺在白雲觀西。明建。寺內有天啟六年製之磬一。外有弘治七年製之鐵獅二。兩者一則三百年。一則四百餘年。傳留至今。亦古物也。

黃寺

黃寺在京師安定門外。分東黃寺西黃寺。西黃寺有白石浮圖。高聳時立。身鑄斑禪佛降生事蹟。四角又有四小塔。鑄梵文蒙古文。下以石欄圍之。兩寺皆有清帝御製碑文。

普覺寺

普覺寺在香山麓。本唐兜率寺。元改昭孝。又曰洪慶。又曰壽安。明改永安。清雍正十二年改今名。寺有二臥佛。俗又稱臥佛寺。寺外有五色琉璃坊。坊額內曰具足精華。外曰同參密藏。皆爲清高宗御書。入坊後爲甬道。兩旁松柏森列。濃陰匝地。山門內有水一泓。中畜金魚。石橋跨其上。更進則爲大殿。殿凡三進。最後進則臥佛在焉。佛像範銅爲之。手支頤而臥。長可一丈五六尺。

明憲宗時造。唐貞觀間造之香檀臥佛像。今已無。前院有娑羅樹兩株。相傳來自西域。今止存其一。高丈餘。圍可二人抱。葉七出如雞爪。故一名七葉樹。

碧雲寺

碧雲寺在香山西北。距普覺寺可三里許。元耶律額爾吉建。明正統中太監于經拓之。魏忠賢踵而大之。清時迭次重修。至今紺宇琳宮。巍然爲西山之冠。寺門東向。有二石獅。雕刻極精。入內除大殿外。有羅漢堂。藏經閣。涵碧齋。洗心亭。嘯雲亭等。後院有臺。建塔七。中者十三層。方而最大。四隅各一次之。前面二圓而較小。塔頂各有蓋。登之遠眺。風景極佳。佛殿前有泉。從石罅中出。淙淙若琴筑。舊有亭曰聽水佳處。亭前有池植蓮。池南修竹成林。明神宗題水天一色四字。此外寺中古碑老樹。癭柳石巖。皆堪觀覽。而遊客蒞此。每留連不忍遽去。

大覺寺

大覺寺在陽臺山麓。距京師五十餘里。遼建。明宣德時改今名。清雍正二年重建。殿宇崇闕。古木翳鬱。爲景至佳。寺旁有塔院。東則有杏林。花時最堪玩賞。寺內有玉蘭兩株。高四五丈。在四宜堂前。堂後爲憩雲軒。軒後爲龍潭。潭右有亭。曰嶺要亭。潭後有閣。前有白塔。下豐上銳。四周老松森立。陰翳蔽日。境殊清幽。

朝陽院

朝陽院在陽臺山上。內有古柏。矢矯蒼勁。又有明萬曆時建之石塔。高二十餘丈。相近有金仙寺。寺前有泉。清冽可飲。寺內有銀杏兩株。大數圍。高百餘尺。

慈悲庵

慈悲庵在黑窯廠南。陶然亭相近。內有遼慈知大德尊勝大悲陀羅尼幢。金觀音甘露破地獄淨法界真言幢。

朱彝尊賜第

朱彝尊賜第在地安門內黃化門東南。其自賦入第詩云。「講直華光殿。居移履道坊。經營倚將作。宛轉繞宮牆。對酒非無月。攤書亦有牀。承恩還自哂。報國祇文章。」後移居槐市斜街。又自賦詩云。「莎衫桐帽海樓鞋。隨分琴書占小齋。老去逢春心倍惜。爲貪花市住斜街。」「屠門菜市費羸驂。地僻長稀過客談。一事新來差勝舊。昊天寺近井泉甘。」

高士奇賜第

高士奇賜第在西安門內大街路南光明殿衝衝。其自賦移居詩云。「客中陋巷爲家久。忽訝恩輝住苑西。牛背馱書千卷重。擔頭挑樹兩株齊。門前金碧瞻天闕。屋內鸞龍有御題。仲蔚蓬蒿十年事。一枝徧借上林棲。」按士奇字澹人。號江村。錢塘人。以國學生就試京闈。不利。賣文自給。新歲爲人作春帖。自爲句書之。偶爲聖祖所見。立召對。旬日三試皆第一。遂命供奉內廷。賜

居西安門內。後官至禮部侍郎。卒諡文恪。著有扈從日錄。城北苑西等集。

查慎行故宅

查慎行故宅在槐市斜街。其十月望後周桐野王樓村過槐。移看菊。留小飲。詩云。一老瓦盆中。花十本。上槐街裏屋三間。眼前此景殊不俗。盞下幾人能愛聞。我已掀泥除蘚徑。客方冒雨叩柴門。寒林瘦竹蕭蕭意。著片疏籬卽故山。一按慎行字悔餘。號初白。海寧人。康熙癸未進士。授編修。工詩。癖好山水。游履所到。悉於五七言發文。

神木廠

神木廠在京師廣渠門外二里許。有大木偃臥於地。高可隱一人一騎。明初構宮殿遺材也。相傳其木有神。因名。清高宗有神木謠。勒於石。

錢塔

錢塔在京師東直門外東里許錢塔寺內。高聳雲霄。圓形上銳。成深黑色。乃

巨大之建築也。寺以塔名。

尊勝呪幢

尊勝呪幢在阜成門內玉帶衚衕朝陽庵中。呪梵書六卷。記正書二面。

塔幢

塔幢在玉河鄉池水村廣濟庵中。凡六面。三面梵文。三面楷書。另又有僧道深開山碑記。

金人

金人者金代之石人也。在廣安門謙樓。石鐫蒙古人三。均背像。俗稱彰義金人。

勸工陳列所

勸工陳列所在廣安門內。崇樓三層。上下陳列各省工藝品。五光十色。無物蔑有。入內觀覽。可以知國貨之多寡。覘工藝之進退。樓西有澄懷園。乃茶社。

也。境地清佳。可以啜茗。

五色薔薇

五色薔薇在京師東安門外崇真萬壽宮中。花開五色。與常種異。相傳爲真人吳閑閑手植。

古銅佛

古銅佛在京師右安門外大井村。高三十餘尺。傳自何代。已不可考。

滴水巖

滴水巖在宛平縣西四十里。懸巖千仞。崖壁峭削。泉布石面。旁有穴。然炬以入。廣三十餘丈。洞中石乳成蓮花象鼻狀。右有石牀石龍。從潭側曲徑而上。二十里至北頂。可望居庸諸塞。

草橋

草橋在京師右安門外十里。相近居人以蒔花爲業。景物至佳。清湯右曾過

草橋詩云。一按鷹臺北接春郊。信馬閒行未覺遙。君王城南好光景。到天烟色柳條條。

明景帝陵

明景帝陵在宛平縣西金山口。帝薨於天順元年。以親王禮葬于此。與陵相聯屬之諸冢。乃諸王公主。天殤者之墓也。

哀忠墓

哀忠墓在京師西便門外白雲觀西十餘里。巍然大冢。相傳唐太宗葬隋代征遼將士處。

耶律楚材墓

耶律楚材墓在宛平縣甕山南麓。清乾隆十五年。高宗命加修葺。並建新祠。爲奠饋申酌之地。並命侍郎汪由敦爲碑記。又御製詩勒於石。按楚材字晉卿。遼突欲之後。少好學。博洽羣書。尤邃天文星歷。元世祖聞其名。召置左右。

凡制度典章軍旅政事。皆其經畫。仕終尙書令。贈太師廣寧王。諡文正。

李東陽墓

李東陽墓在西直門外大慧寺西。有碑曰明李文正公墓。有祠臨大道。東陽字賓之。明茶陵人。幼舉神童。肄業京庠。天順中舉進士。仕至少師吏部尙書。華蓋殿大學士。卒贈太師。諡文正。東陽慧悟夙成。文章瀟灑。代言敷奏。明暢爾雅。朝廷大著作。多出其手。又能獎掖才雋。推挽聲譽。風韻所漸。人皆嚮附。所著有懷麓堂集。

王熙墓

王熙墓在西直門外樂善團西五塔寺後。墓前有翁仲石獸石碑等。熙字子雍。一字胥庭。號慕齋。清宛平人。順治四年進士。官至保和殿大學士。卒諡文靖。熙性孝友。工詩文。遂於經史。在官忠貞愛民。不沽名。不市恩。不植黨。揆葬之日。都人羣往執紼。爲之罷市。

翁方綱墓

翁方綱墓在朝陽門外。方綱字正三。號覃溪。大興人。年二十成進士。選庶吉士。官至鴻臚寺卿。屢主文衡。預千叟宴。卒年八十六。方綱精心汲古。宏覽多聞。於金石譜錄。書畫詞章之學。皆能摘抉精審。著有兩漢金石記。詩宗韓杜。蘇黃。書初法平原。繼學率更。又善隸書。海內求書碑版者皆歸之。

塔齊布墓

塔齊布墓在京西蘇州街南端路東。塔齊布字智亭。滿洲鑲黃旗人。爲曾國藩所器重。洪楊之役。戰功甚偉。官至提督。攻潯城。忽患氣脫。卒於軍。年三十九。照將軍例。賜卹蔭襲如例。諡忠武。

利瑪竇墓

利瑪竇墓在阜成門外馬家溝嘉興觀西。墓前有堂。堂前有晷石。銘曰。「美日寸影。勿爾空過。所見萬品。與時并流。」按利瑪竇意大利教士。萬曆八年

至粵東。後赴北京。建教堂以傳教。精天文。輿地。算數等學。與徐光啟輩友善。著有乾坤經義二卷。幾何原本六卷。崇禎三年卒。詔以陪臣禮葬於此。

香家

香家在陶然亭北。相傳某名士屢試不售。憤恨之極。乃瘞其生平所作之文於此。或曰。有某生與曲妓舊雲訂白頭約。以貧不能卽娶。既而有賈人出重金。啗將強致舊雲。舊雲自殺。此卽其埋香處也。或曰。家實爲香妃葬身之所。故名。諸說紛歧。莫衷一是。家前有石碣。題詞曰。浩浩愁。茫茫劫。短歌終。明月缺。鬱鬱佳城。中有碧血。碧亦有時盡。血亦有時滅。一縷香魂無斷絕。是耶非耶。化爲蝴蝶。」

鸚鵡家

鸚鵡家在香家旁。較香家低小。亦有碑云。文兮禍所伏。慧兮禍所生。嗚呼。作賦傷生平。」相傳給諫張春陔墜落花諫草於此。蓋託鸚鵡以寓意也。或

曰。舊有粵人宦於京師。携一鸚鵡。能歌曲。後爲貓所傷。乃埋於此。故名鸚鵡冢云。

奔臺

奔臺在安次縣西八里左奔村。宋左奔衛臺。高一丈六尺。周一百二十步。制如土樓。元時點軍於此。

督亢陂

督亢陂在涿縣東南。卽燕太子丹使荆軻以獻秦者。劉向別錄云。督亢膏腴之地也。水經注。督亢溝上承涿水於涿谷。引之則長潭。委注。遏之則微川。輟流。水德合和。變通在我。

華陽臺

華陽臺在涿縣城內西北隅。相傳燕太子丹與樊於期。置酒華陽館。出美人奇馬處。

樓桑村

樓桑村在涿縣西南十五里。蜀志先主少孤。與母販屨織席爲業。舍東南角籬上有桑樹。生高五丈餘。遙望見童童如小車蓋。往來者皆怪此樹非凡。或謂當出貴人。先主少時常與宗中諸小兒於樹下戲言。吾必當乘此羽葆蓋車。水經注。督亢溝水東經涿縣。鄘亭樓桑里南。卽劉先主舊里也。唐乾寧四年。建廟立碑於此。金承安初。重修。王庭筠有記。明弘治二年。再修。以關張配享。清乾隆有題昭烈帝廟詩。

盧植故里

盧植故里在涿縣東十五里。盧家灤。植字子幹。剛毅有大節。師事馬融。博通今古。官至尙書。時董卓凌虐朝廷。議欲廢立。衆皆唯唯。植獨抗論。卓將殺之。議郎彭約曰。盧尙書海內大儒。人之望也。今先害之。天下震怖。卓乃止。免植官。遂隱於上谷。昭烈帝微時。嘗執經門下。

佑聖教寺

佑聖教寺在通縣北門內。有浮圖十三層。高三百五十尺。下作蓮花臺座。高百二十尺。周圍四百尺。扃於北周宇文氏。有石碑嵌壁間。唐貞觀七年重修。亦有一碑。塔頂舊有鐵矢一。相傳金將楊參升射鏃其上云。

掛月峯

薊縣西北二十五里有盤山。層巒疊障。翠嶺排空。老樹怪石。風景絕佳。本名四正。古有田盤先生自齊而來。棲遲於此。因名盤山。或云山勢磅礴而盤桓。故名盤山。志云。晾甲石爲下盤。古中盤爲中盤。雲罩寺爲上盤。上盤之勝以松中盤以石。下盤以水。掛月峯山之主峯也。高二百餘丈。峻峭難上。徑如螺旋。愈上愈窄。最窄處名八步險。頂有定光佛舍利塔。在此放眼曠觀。則四面諸山皆俯首在下矣。

自來峰

自來峰亦盤山之高峰。卽智樸禪師所謂北臺也。與掛月峰相連。一則在東。則一在西。下有雲罩寺。上有黃龍殿。殿前有古松。上懸一鐘。松皮蒼老作龍鱗狀。度其歷年。當在三百歲上。然以盤之多松。如此者轉不足奇。

雌嶢峰

雌嶢峰在盤山上方寺後。突兀嶙峋。勢如削成。峰後有小石。俗曰小兒望雌。嶢下有兩洞。上曰滴水。下曰流水。

天門開

天門開在上方寺西。石巖兀立。一徑中開。宛爲斧斤所劈。故名。峻峭高聳。鮮有階級。上登絕難。爲盤之最險處。其右壁有石曰懸空石。蓋狀如懸於空中也。

天成寺

天成寺在盤山翠屏峰之陽。唐建。舊名福善寺。俯瞰林壑。圖畫天然。中有涓

涓泉。舍利塔。清高宗盤山記碑。遊山者可於此宿食。

萬松寺

萬松寺在天成寺五里。卽明萬曆時僧普照卓錫之地。寺前有太平禪寺塔。寺西山頂。有李靖舞劍臺。相劍李靖習劍於此。

清溝禪院

清溝禪院在盤山之青溝。故名。清康熙十年僧智樸建。十七年高宗臨幸。賜額盤谷寺。故一名盤谷寺。今殿宇已廢。僅存石階。宋肇撰青溝禪院碑。倒仆於地。相近有文殊洞。洞上有石長十餘丈。曰清涼石。鐫正書文殊智地四字。

歡喜嶺

歡喜嶺在上方寺東。曲折而上。途間多石。狀態萬千。不可指名。最堪玩賞。嶺上有兩石接聯如門。隙間一松挺立。狀殊奇特。又有所謂塚石者。層疊上聳。彷彿如臺。

將軍石

將軍石在掛月峯下。屹然聳立。有將軍石三字。石旁有桃園洞。深丈許。洞上有一松。枝葉繁茂。四張如繖。俗曰平頂松。自此而上。有摩天石。鐵拐李足印石。鐵拐李足印石者。一石上有印如足形。相傳爲鐵拐李遺蹟。此涉於神怪而不可信。

智樸禪師墓

智樸禪師墓在清溝禪院相近。作圓柱形。上覆石亭。相近有大小將軍石。按智朴盤山僧。居清溝禪院。號拙庵。徐州人。工詩詞。當時名流如王漁洋朱竹垞輩。皆與往還。嘗作盤山詞一闕。調寄減字木蘭花。清遠可誦。並足以見盤山之佳勝。詞曰。芙蓉一朵。刷碧流青無不可。四季堪誇。輸與山居道家。千尋怪石。古意苔癥留舊迹。不數丹邱。自是羣峯讓一頭。一所有盤山志。電光錄。谷響集。雲鶴集。臺遊集。盤谷集。存誠錄。辛子蔓草等。

大方廣石

大方廣石在紫蓋峯下。方形突出。高數丈。鑄有大方廣三大字。左行有喝斷石。石斷而不連。故名。

紅龍池

紅龍池亦在紫蓋峯下。乃昔人祈兩處。石壁鑄一龍。作騰躍狀。舊時於此有少林寺。由寺登山。東則有多寶佛塔。西則有華巖洞。

天井石

天井石在盤山東甘澗山上。長數丈。面平而稍編。上有一窪。側有小穴。穴中有泉。亢旱不竭。

瞭甲石

瞭甲石在盤山舊靜寄山莊西偏千尺雪上。石勢排連。瑩潔如砥。相傳唐太宗東征瞭甲於此。有摩崖篆書唐文皇瞭甲石六字。

湯山

湯山在昌平縣東三十里。有三峯如筆架者。曰大湯山。高十餘丈。其東南巨石斜疊者。曰小湯山。高數丈。有溫泉二。一則熱度較高。亦稱沸泉。清康熙時就泉砌池。深廣各丈餘。浴之可已疾。舊於此有行宮。邇已改爲旅館。並築公園。昔日之樓觀亭臺。雖已荒圯。今人加以整治。山水林壑。仍復顯露。風景遂絕清佳。且馬路坦平。交通便利。電話郵櫃。溫室閱報社等類。亦各完備。故遊者甚衆。而達官政客。尤喜徜徉於此。優游歲月焉。

銀山

銀山在昌平縣東北七十里。峯巒高峻。恆有積雪如銀。因名山半有石崖。皆成黑色。謂之銀山鐵壁。有三峯。左峯卓立如錐。中峯頂脊如刀背。兩傍如削。下臨萬仞。不可凝視。唐僧鄧隱峯嘗居於此。岩壑林泉。頗饒幽趣。舊有白銀峯。佛頂峯。右佛岩。說法臺。佛覺塔。懿行塔。雪堂。雲堂。茶亭。濛泉諸勝。金大定

六年曾立石爲誌。

响岫巖

响岫巖在昌平縣西北德勝口西三里。亦作溝溝巖。深山疊嶂。秀石懸空。三十餘里。悉履石攀葛。始達其巔。清流繚繞。奇樹揚芳。旁有招提蘭若。點綴其間。風景殊佳。

仙人洞

仙人洞在昌平縣北中山石北一里。洞在山麓。可容二百人。洞口向東。從石梯而下。石皆倒垂。下爲平地。洞內西北有一門。門外有大石鐘。下懸長數尺。門內有石罅。如夾道。深黑不可入。

彈琴峽

彈琴峽在昌平縣西北。居庸關內。其地水流石罅。泊泊如琴音。故名。相近有仙人枕。乃道旁大石也。清高宗鑾輿經此。有彈琴峽詩。今峽壁上有摩崖。

九龍池

九龍池在昌平縣西南翠屏山下。泉出九穴。穴鑿石爲龍。水出於吻。瀦而爲池。舊時繚以重垣。覆以黃巒。明代車駕謁陵事畢。往往臨幸於此。

明陵

明成祖長陵在昌平縣北二十里天壽山南。仁宗獻陵在天壽山西峯下。東南距長陵一里。宣宗景陵在天壽山東峯下。亦名黑山。南距長陵一里半。英宗裕陵在石門山東。東距獻陵二里。憲宗茂陵在聚寶山東。少南距裕陵里許。孝宗泰陵在筆架山東南。距茂陵二里。武宗康陵在金嶺山東北。距泰陵二里。世宗永陵在十八道嶺。卽陽翠嶺。西距長陵二里。穆宗昭陵在大峪山東北。距長陵四里。神宗定陵在小峪山東。距昭陵一里。光宗廣陵在天壽山西峯之右。東距獻陵一里。熹宗德陵在雙鎖山之檀子峪。西南距永陵一里。毅宗思陵在錦屏山昭陵西。王承恩墓在思陵西。明太監從毅宗殉難者也。

清順治十六年。巡幸畿輔。詣諸陵及思陵前。爲文以祭。並命繕修思陵。世宗時。又求其後裔。封以侯爵。俾守宗祀。高宗卽位。命名延恩侯。又詣諸陵祭奠。並命修葺諸陵及享廟。後又迭次重修。故殿宇石坊。燎柱石像之類。至今猶存。諸陵以長陵爲最宏壯。大紅門內。豎神功聖德碑。及清代修陵臨謁等碑。中有一碑刻清高宗哀明陵詩。詩云。一北過清河橋。遙見天壽山。勝朝十三陵。錯落兆其間。太行龍脈西南來。金堂玉戶中天開。左環右拱實佳城。千峯後護高崔巍。昌平黃土誠福地。永樂曾以親臨視。英雄具眼自非常。豈待王廖陳其賢。或云十三氣數盡。朱明祚以此爲準。是蓋形家惑世言。承天造命惟君允。後嗣果能繼祖烈。朱氏宗社那遽絕。君昏國事付貂璫。瞻烏久矣於誰督。向聞頽廢應修治。工鉅無敢發其辭。湯山駐蹕一往閱。勝朝舊蹟當誰持。祿恩制肖皇極建。雖存已剝丹青爛。宣德曾頌袞奢麗。此而非奢奢孰見。石城明樓依然巍。三杯手酌拜如儀。明臣屢咏衣冠闕。底須重訂傳訛詞。棟

柱依舊椽木朽。簷牙落地狐兔走。以其初建工力觀。未修蓋數百年久。永陵制乃如長陵。定陵效之侈有增。忘其前世艱開。徒計身後營堪。輕長陵一碑功德記。餘皆有碑而無字。思陵乃就妃園葬。趙一桂曾記開壇。有殿三間復九間。寢牀供案皆雄壯。一妃之費已如此。餘諸帝者可知矣。即今雖爲禁樵蘇。松柏鬱蔥屋傾圮。屋圮猶可龕帳無。并其神主全失諸。尺木幾值亦盜去。汝祖獨非厥民乎。不忍再視命修葺。悵然悚然欲垂泣。此意勿更再三言。讀召誥文示詳悉。一清沈用濟有十三陵詩。而思陵詩最爲哀憤。詩云。一錦屏山色隔城來。渴葬千秋事可哀。一劍割將公主愛。九門報道寺人開。淒涼血詔留衣衽。寂寞桐棺付草萊。太息烏號幾人抱。紅牆日落首重迴。」

仙臺

仙臺在懷柔縣東十里。高十丈。不知築於何代。下有深洞。可容百人。

獅子嶺

獅子嶺形似獅子。在房山縣西南八十里之上方山。一房山縣以房山名。有大房山小房山之別。大房山雄偉高聳。延綿數十里。隨地易名。上方山即房山之一也。一下有接待庵。遊者由孤山口上行。必經是處。此庵專以招接遊客。故名。由是而上。有天王洞。歡喜臺。流水湖。雲梯諸勝。

摘量崆

摘量崆乃上方山之最高險處。崖壁峭立。高接雲漢。不易上登。下有彌勒庵。朝陽洞。南有三連峯。三峯蟬聯而排立。後有石柱巖。大石層疊。聳然峙立。

象王峯

象王峯爲上方山七峯之一。處山之東北。形狀如象。腰有一斗泉。下有旱龍潭。深十餘丈。無水。相傳舊有毒龍潛於此。後龍遷而水遂乾。

上方寺

上方寺亦名兜率寺。在上方山之中。錦絕峰下。環寺有七十二庵。上下錯雜。

其間。寺門前有款龍橋。一覽亭。寺東有觀音洞。中有觀音像。寺南有華嚴洞。內中鐘乳結物。亦堪觀覽。惟不逮雲水洞耳。

雲水洞

雲水洞在摘星屹西。爲上方山第一幽勝處。洞深三里餘。燃炬而進。鐘乳結成景物。如峰。如岩。如臺。如橋。如潭。如塔。如老僧。如觀音。如羅漢。如牡丹。如葡萄。如仙芝。如獅虎猿猴。如馬牛龜魚。如心肝腸肺。如鐘鼓木魚幡幢之屬。形態若真。纖細畢備。洵山林之秘窟。洞府之神區。遊履至此。莫不奇異而駭嘆。觀止矣。遊上方山而不遊雲水洞。猶不遊也。遊天下諸洞府而不遊雲水洞。亦猶不遊也。

雲居寺

雲居寺一名西域寺。在石經山下。石經山在房山縣西南四十里。時有白雲繚繞於山。名白帶山。一名雲居山。又以山生苾題草。亦名苾題山。峰巒秀拔。

儼若天竺。又曰小西天。寺處森林之間。景物極佳。內有殿三進。寺東有壓經塔。寺西有羅漢塔。

雷音洞

雷音洞在石經山之頂。就洞築堂。曰石經堂。壁間滿嵌石刻佛經。四隅各有八角形之石柱。每柱刻佛二百五十六尊。堂外有露臺。堂右有二石井。

藏經洞

藏經洞有七。二在石經堂下。二在石經堂左。三在石經堂右。前後納經於洞中。通千餘卷。有石幢記其自甚悉。洞皆以石爲窗櫺。用鐵固之。石本之近窗者。可窺見字畫。初北齊僧慧思慮東土藏教滅絕。發願書經十二部。刻石納巖洞中。其徒靜琬乃募緣鑿石爲板。刻經一藏。以傳於後。迄唐貞觀初。僅成大涅槃經一部。嗣後釋徒相繼。歷遼金始完。卽此七洞所藏者。而山於是乎以石經名。


金陵

金太祖睿陵在房山縣西北二十里雲峰山下。相近有太宗恭陵。世宗興陵亦在縣西北。相近有章帝道陵。宣帝德陵。清順治初於諸陵特設守陵五十戶。每歲春秋致祭。聖祖御製碑文以記。乾隆十六年。敕修太祖太宗陵。及享殿繚垣。工竣。高宗親詣展奠。

賈島峪

賈島峪在房山縣西。內有石室。相傳賈島所居。其墓在縣南十里。按島字閔仙。唐范陽人。初爲浮屠。號無本。居法乾寺。後去而舉進士。嘗於京師騎驢苦吟。得句曰。鳥宿池邊樹。僧敲月下門。初終下推字。于驢上以手作推敲勢。不覺衝京兆尹韓愈輿。詰其故。以實對。愈曰。敲字佳。遂共論詩訂交。後官長江主簿。世因稱爲賈長江。

中華名勝古蹟
第一編
京兆



中華名勝古蹟終

中華名勝古蹟續編目錄

第二編 直隸

一 天津海

..... 一一一五

開運浦 公園 海光寺 流佛 望海臺 朗吟樓 鐵佛 高適故里 張之洞

故里 尹吉甫墓 開福寺塔 臥佛寺 毛萇故里 漢河間獻王墓 無量塔

普照寺 人首山 都山 貫頭山 煉鐵爐 兔耳山 黃崖山 仙人臺山 夷

齊讀書處 寶峯寺 殿山 擂鼓臺 偏涼汀 尖山 二郎廓 湯泉山 蓮峯

山 金山嘴 北戴河 秦皇島 筆架山 清東陵 禪林寺 陳宮山 唐山

天宮寺 翠峯寺 文龍山 帛仲理丹竈 石鼓

二 保定

..... 一五二三〇

萬卷樓 永寧寺 抱陽山 方順橋 張說讀書臺 劉因故里 神仙洞 長安

中華名勝古蹟 第二編 目錄

二

城 石柱 鐵瓦寺 楊繼盛墓 紫泉河 龍潭溝瀑布 望都山 堯母陵 丹
 朱家 帝堯廟 壇山 堯城 演法寺 鐵佛 隆興寺 海螺山 西屏山 吳
 祿貞墓 張果尸解處 三箭山 孟嘗岡 白雲洞 孔子嶺 義臺 孔山 荆
 軻山 大崑山 乳水洞 御射碑 鐵象額碑 龍興觀 清西陵 祖遜墓 登
 梯山 西溪 衆春園 雪浪齋 開光寺塔 漢中山靖王墓 蓮花寨山 香岩
 關山 水竇石 北嶽廟 李百藥墓

三 大名

..... 三〇一四〇

滙山 白水潭 雪香亭 瑗邱 瓠子河故瀆 洪福寺 蓮伯鄉 梅花亭 宋
 文貞祠 關雎臺 郭園 隆勝寺 鵲山 孤山 鉅橋倉 龍臺 邯鄲宮 叢
 臺 廻車巷 圖銘寺 界橋 龍堂 神磨山 見山樓 御射亭 響堂寺 孔
 穎達故里 望臺 柏松寺 千秋亭 爽亭

四 口北

..... 四〇一四五

天德山 雞鳴山 清遠樓 于家園 東石 獨石 紫岩山 雲泉山 碧天洞
土水堡 柏林寺 盤匡洞 雲頭山 玉泉瀑布 擎笏山 八達嶺 黃帝會
諸侯處

中華名勝古蹟 第二編 目錄

中華名勝古蹟續編

第二編 直隸

一 津海

問蓮浦

問蓮浦在天津城西二里。烟水明媚。風景頗佳。中植芙蓉。每屆夏時。翠蓋田田。紅英的的。尤爲清勝。

公園

公園在天津河北大經路。疊石爲山。引泉作沼。花木繁茂。景物清幽。並設有運動場、博物館、圖書館、商品陳列所等。皆堪遊覽。

海光寺

海光寺在天津城南。初名普陀寺。清康熙五十五年。賜改今額。殿宇宏敞。舊

嘗於寺四周植柳萬株。青條婀娜。景絕幽佳。乾隆三十二年。高宗幸天津。御書匾曰普門慧鏡。

流佛

流佛在青縣東南三十里興濟鎮北。高十五六尺。範銅爲之。相傳明武宗時。運河水漲。隨流而至云。

望海臺

望海臺在滄縣東北。一名漢武臺。漢武帝東巡海上所築。唐實錄。貞觀十九年。太宗自高麗班師。次漢武臺。顧問侍臣對曰。是燕齊之士爲漢武求仙處。

朗吟樓

朗吟樓在滄縣南關運河之濱。風物頗佳。每屆夏日。遊宴於此者甚多。

鐵佛

鐵佛在南皮縣捨女寺莊西南。高可二丈。魁梧聳立。由來已久。不知年代。

高適故里

高適故里在南皮縣東南六十里。適字達夫。一字仲武。唐玄宗時舉有道科。官至散騎常侍。封渤海縣侯。卒諡曰忠。適尙節義。以功名自許。嘗官諫議大夫。負氣敢言。年五十始爲詩。卽工。每一篇出。好事者輒傳布。有高常侍集行世。

張之洞故里

張之洞故里在南皮縣雙妙村。之洞字香濤。一字孝達。清同治二年進士。屢主文衡。所至提倡經史實學。官兩湖時。創辦京漢鐵道。漢陽鐵廠。萍鄉煤鑛等。光緒末。爲軍機大臣。卒諡文襄。

尹吉甫墓

尹吉甫墓在南皮縣西三十里。高三丈。古老傳云。墓有樹二株。自有墓以來。卽有此樹。柯條鬱茂。不覺其老。俗呼長年樹。

開福寺塔

開福寺塔在靜海縣西北開福寺。隋文帝時建。級十三。高二十二丈。塔前識宋元豐二年施磚人姓名。

臥佛寺

臥佛寺在靜海縣西南陳官屯。寺有銅佛九尊。其一偃臥。高一丈餘。其他爲立像。高可四丈。如此偉物。世所罕覩。

毛萇故里

毛萇故里在河間縣北三十里。俗呼毛精壘。其家亦在於此。又有詩經村。在縣西北三十里。相傳即毛公設教處。按萇趙人。河間獻王博士。初魯有大毛公。爲詩詁訓傳於家。至萇治詩益精。是爲小毛公。以詩授同國貫長卿。是時言詩者。有齊魯韓三家。毛詩未得立於學官。後三家皆廢。而毛詩乃大行。即今所傳本也。

漢河間獻王墓

漢河間獻王墓在獻縣東北八里。墓旁有廟。明嘉靖十年建。清時曾重修。高宗南巡經此地。有獻王祠詩。

無量塔

無量塔在景縣城內。高二十餘丈。塔內有一井。曰東海海目。塔端有一七星劍。

普照寺

普照寺在東光縣治西南。舊名鐵佛寺。明永樂中建。有鐵佛長三丈餘。圍一丈五尺。座下有泉。殊深。

人首山

人首山在盧龍縣三角山南十里。奇石萬片。懸落縱橫。如人累而成。民多取以供用。

鄒山

鄒山在遷安縣東北一百五里。一名烏鄒山。高三十里。周倍之。傑出塞外。爲盧龍之鎮山。唐開元十一年。郭英傑與契丹戰於烏鄒山。卽此。

貫頭山

貫頭山在遷安縣西三十里。三峯連屬如珠。巉岩蒼翠。山半多竇。黑鷹巢之。又西爲平頂山。上有地頃餘。可容萬人。

煉鐵爐

煉鐵爐在遷安縣西四十里。世傳唐太宗征遼。造軍器於此。

兔耳山

兔耳山在撫寧縣西七里。雙峯尖聳。狀如兔耳。絕頂有潭。雲氣常蒙其上。微徑屈曲。盤折始登。山上平廣。容數萬人。其南有棲霞寺。金烏石等勝。宋宣和五年。張覺據平州。歸宋。敗金將伸。披於兔耳山。明建文二年。燕將谷祥敗遼。

東兵於郿落嶺。遂克鬼耳山寨。卽此。

黃崖山

黃崖山在撫寧縣東北五十里。邊內之山。盤礴於外者。黃崖爲大。高可十里。陡立崎嶇。山半有捨身厓。深三四十丈。石徑僅可容足。東有二石穴。水。冬夏不涸。名雙龍眼。又東有三洞。相去各里許。高二尋。廣仞餘。其東有池。不竭。名臥龍灘。

仙人臺山

仙人臺山在昌黎縣北十里。絕壁萬仞。上凌霄漢。其臺崇廣。臺後曰韓仙洞。右爲鋸齒山。左爲歡喜嶺。直南而下。爲閻王鼻。兩山夾峙。翳不見日。前爲黑鷹峪。稍下爲龍潭。有洞在絕壁。瀑布飛空而下。西爲浩然臺。東爲望海亭。稍下爲龍潭寺。又東卽五峯仙臺。南麓爲寶峯臺。臺左爲香山峯。靈異不可勝紀。而風景絕佳。

夷齊讀書處

昌黎縣西少北四十里。有書院山。兩岡合抱。相傳爲夷齊讀書處。山半有洞。後有石巖滴水。名洗心泉。有井名龍泉。

寶峯寺

寶峯寺在昌黎縣北八里。俗名水巖寺。有唐佛頂尊勝幢記。開元灌頂國師不空奉詔譯。遼保寧元年立石。

巖山

巖山在灤縣南五里。狀如虎踞。其東絕壁百仞。有洞十人。其二洞最大而深。最爲幽勝。下有石橋。一郡水口也。西麓爲蠶箔峪。又西三里有卸甲峪。送甲略。

播鼓臺

播鼓臺在灤縣西百里。相傳唐太宗征遼。常駐師於此。地多峻石。

偏涼汀

偏涼汀在灤縣北五里。灤水臨於前。橫山枕於後。山半有閣。其地最涼。故名偏涼。舊列灤州十二景中。曰偏涼虛閣。明景泰中嘗建偏涼寺於此。清高宗幸盛京。經此處賦詩。今有御書碑亭。

尖山

尖山在臨榆縣西北八里。舊有龍潭。甚深。其北五里。爲五泉山。有泉五道。北入石河。

二郎廊

二郎廊在臨榆縣西北十里。首山。有屋數楹。憑欄瞻眺。水光山色。景物清曠。炎夏道暑。最爲相宜。

湯泉山

湯泉山在臨榆縣西六十里。山多梨花。每屆花時。遙望如雪。景物最勝。上有

湯泉。冬夏常溫。人多就浴。旁有寺曰湯泉寺。

連峯山

連峯山在臨榆縣西南七十里。有東西二山。距離不遠。馬路可通。山多林木。以松櫟爲最盛。滹水自其西入海。登山椒可望見海。趙景徠詩云。一濱海有嶺號蓮蓬。懸崖削成金芙蓉。海光山勢相爭雄。怒濤隱隱凌太空。我來登時秋正濃。澎湃上下吹天風。雙螭初起馭祝融。元氣磅礴涵蒼穹。咫尺蜃樓變化中。早潮欲上雷隱隱。一卽咏此山麓有山市。折而西有村莊。出村而南有山產石。光瑩可愛。登巔見北戴河灣。曲如一線。其東爲石條山。勢如雙筍。

金山嘴

金山嘴在臨榆縣西南六十里。山如鳥嘴。半入於海。登之眺覽。景物至佳。王樸有詩云。一巉岩亂石互滄洲。大布檣桅海國秋。欸乃聲中飛畫鷁。望衡轉處起驚鷗。半帆落日千層浪。一櫂長風萬里流。小艇漁人歌不斷。箬篷已去

海西頭」

北戴河

北戴河在臨榆縣西南七十里。爲滷河出海處。初不名於時。清光緒間。京奉鐵道西。工師數人。後先居其地。嗣後往者日衆。築廬構屋。日漸整治。荒涼之區。煥然改觀。及火車通。馬路成。交通便。遂赫然爲名勝佳境。連峯湯泉諸山。密邇接近。勝水岩石嶺等。又聳峙其間。山翠青蒼。海光漾盪。風景絕佳。避暑尤宜。公園。旅社。菜館。浴室。郵櫃等等。亦各俱備。暫住久居。皆極便適也。

秦皇島

秦皇島在臨榆縣西南二十五里。入海一里。海水環之。相傳秦始皇駐蹕於此。故名。明邵達秦皇島詩云。「徐福樓船去不迴。鑿輿曾此駐叢臺。千尋碧浪紛如雪。萬疊潮來吼似雷。草樹當然籠碧嶂。煙霞依舊鎖蒼苔。追思漫憶長生藥。回首沙邱事可哀。」然據撫寧縣志。謂秦皇宜作秦王。唐太宗征高

廳駐蹕於此。從其在藩邸之稱也。清諸元壽秦王島詩云：「大唐天子志動兵。幕府猶傳秦邸名。自是征遼趨樂浪。非關渡海訪蓬瀛。千年錯事談羅石。百代遺蹤話拜荆。磧裏秋風悲戰骨。荒碑空憶魏元成。」觀乎此詩。則秦皇又確爲秦王矣。其地於清光緒二十四年開放爲商埠。與北戴河距離不遠。遊北戴河者。往往以餘力遊此。

筆架山

筆架山在遼化縣南二十里。三峯如筆架。左與明月山相連。中斷處爲小燕口峽。有石如臥牛。其上杵跡遍滿。名曰試杵石。

清東陵

清東陵前清帝后陵寢也。在遼化縣西北七十里風臺山。世祖（孝陵）聖祖（景陵）等陵墓。皆在於此。寶城享殿。備極宏壯。一切制度陳節。大致與明陵相同。風臺山本名豐臺嶺。康熙二年又易曰昌瑞山。山脉自太行來。前爲金

星峯。後爲分水嶺。左爲鮎魚關。馬蘭峪。右爲寬佃峪。黃花山。重樹疊翠。嵯峨從巖。形勢至爲雄偉。

禪林寺

禪林寺在遵化縣五峯山。初名雲昌寺。遼改今名。相傳初有行脚僧。誦經樹下一虎繞而聽。土人異之。爲結茅。後乃建寺焉。有大小碑七。其一在殿角左。苔蘚斑剝。姚秦時重修寺碑也。近寺古松夾徑。陰翳不見日。巖壑之美。甲於境內。

陳宮山

陳宮山在豐潤縣北七十里。東西綿亙數十里。東臨還鄉河。西接黃土嶺。上有觀雞寺。宏大可遊覽。舊有金大安九年碑。

唐山

唐山在豐潤縣東南四十里。林木蒼翳。景物清幽。上有興國寺。元建。下有二

泉。水甘冽異常。旅津人士。有由火車運飲此水者。

天宮寺

天宮寺在豐潤縣西南。遼建。名極樂院。有塔十三級。登之可以眺遠。金天會中改今名。清時嘗重修。

翠峯寺

翠峯寺在豐潤縣北五十里水路村。金貞祐初建。岡巒環繞。草木森然。有二石柱。雕八龍。相傳天將雨。龍頭晶晶有水珠。居民遇歲旱。輒往占候。

文龍山

文龍山在玉田縣西北三十里。山之陽有三泉。潏洄如瀑。多茂林。綠蔭覆翳。盛夏不暑。西峯環拱出山之古。東望龐山諸峯。秀削駢列。爲縣境最勝處。

帛仲理丹竈

帛仲理丹竈在玉田縣無終山。遺趾尙存。帛仲理遼東海州人。嘗隱於無終。

山煉丹以求仙。

石鼓

石鼓在玉田縣燕山。去地百餘丈。望若數百石。因有石梁貫之。鼓之東南有石人。援桴狀同擊勢。見水經注。其後林木叢茂。峯巒環繞。曰楸子峪。風景頗佳。

一一 保定

萬卷樓

萬卷樓舊在清苑城內。元守帥賈輔建。以經傳子史百家法書名畫。別爲九等。置其上。又邀致郝經。築堂樓側以居之。經爲作記。

永寧寺

永甯寺在清苑城南。元中統二年建。內有藏經閣。貯佛經五百卷。殿宇壯觀。殊可遊觀。

抱陽山

抱陽山在滿城縣西南。兩峯環抱南向。中谷溫和。隆冬冰雪不積。故曰抱陽。又以花木翳翳。亦曰花陽。有石洞數十處。又有龍潭。水常不竭。山上有聖教寺。有石林石井石門等。又有寶珠岩。岩下有明珠窩。滴水成池。

方順橋

方順橋在滿城縣南五十里。隋開皇間建。長十五丈。石室雕闌。堅緻雄偉。清代疊次重修。高宗幸五臺。過此有詩。

張說讀書堂

張說讀書堂在聖教寺內。唐張說嘗於此讀書。一名張燕公石穴。亦曰相公堂。

劉因故里

劉因故里在滿城縣于家莊。其故居旁有泉。畝餘。泉側有山。烟嵐石窟。風景

殊佳。按因字夢吉。元容城人。究性理之學。性不苟合。不妄交。非其義一介不取。常愛諸葛孔明靜以修身之語。表所居曰靜修。屢徵不就。卒贈翰林學士。封容城郡公。諡文靜。所著有四書精要三十卷。詩五卷。文集十餘卷。

神仙洞

神仙洞在徐水縣西。洞有石牀。行百步許。益高敞。儼如臺上。有石龍下垂。爲幽奇。

長安城

長安城在定興縣西北二十五里。漢宣帝時。幽陵刺史李宣尙苑陽公主。主思長安。乃築此城象長安。故名。相傳城中舊有棗樹。花而不結。枝皆向西南。俗謂之思鄉棗。

石柱

石柱在定興縣西北。魏末杜葛亂。殺人如麻。齊神武拾遺骸葬於此。立石柱。

以誌之。見州郡志。

鐵瓦寺

鐵瓦寺在定興縣南四十里。明正德中建。屋瓦羅漢皆鐵鑄。殿宇宏敞。最堪遊觀。

楊繼盛墓

楊繼盛墓在定興縣西南八里。舊在容城縣東。明萬曆三年遷此。清順治十三年。世祖作表忠論。勒石旌之。

紫泉河

紫泉河在新城縣西。源出縣西北十五里龍堂村。有泉數派。合而爲一。舊南流。繞縣城入高橋窪。今改入琉璃河。相傳元奉定中。水色一夕忽紫。故名。明胡廣過新城詩。「南接雄州北涿州。紫泉出郭向西流。」卽指此。其地清時嘗建行宮。高宗有紫泉行宮十景詩。

龍潭溝瀑布

龍潭溝在唐縣西北葛洪山北。一名龍門河。兩山壁立萬仞。水出其中。長九里。橫三里。有瀑布五注。盤石下沫如輪。聲如雷。勢殊雄壯。

望都山

望都山在望都城西南十五里。以山不連陵。亦曰孤山。又曰都山。堯母慶都所居。堯山在其北。登堯山可見都山故名。

堯母陵

堯母陵在望都縣青陽門內。陵前一坊。額曰堯母陵。進坊有一井。曰聖井。井東有一石碑。其北即陵冢。高三丈。周三十餘丈。陵前柏樹森立。其東南有祠。曰堯母祠。內有原謙等石碑。

丹朱冢

丹朱冢在望都城東。廣二畝。高丈許。墓前有臥石十三。側刻中天世子四字。

帝堯廟

帝堯廟在望都縣北郭。元至元三年建。清重修。廟前有古柏二。東一本三幹。西一本五幹。狀頗怪異。

壇山

壇山在完縣西二十五里。與馬耳山相接。有金龍桃花二洞。與馬耳山洞壘穴相通。洞前闊僅丈餘。壁立百仞。上透青霄。其石溫潤如玉。有龍蛇之狀。

堯城

堯城在完縣西南八里。相傳丹朱故居。即在堯城之北。

演法寺

演法寺舊在完縣西。前後層巒聳翠。殿宇壯麗。爲縣西第一叢林。

鐵佛

鐵佛在蠡縣治西南隅寶寧寺。高二丈四尺。坐以鐵獅。長一丈八尺。

隆興寺

隆興寺在正定縣東門內。一名龍興寺。又名大佛寺。隋開皇六年建。本名龍藏寺。內有隋張公禮龍藏寺碑。中有大悲閣。後毀。宋開寶中於寺北重建。閣中有太祖像及元趙孟頫聖主本命長生碑。後有天寧閣。九間五層。高一百三十尺。有銅佛像。高七十三尺。清康熙時重修。御製碑文以記。

海螺山

海螺山在獲鹿縣西十里。綿延聳秀。其北爲蓮花山。下有白鹿泉。隋因以名縣山之陽。岩洞幽邃。相接如門屋。曰聯珠洞。

西屏山

西屏山在獲鹿縣西南三十里。高數百仞。峯巒連互。宛若列屏。爲一郡之勝。西去井陘縣四十五里。山跨兩縣間。層厓於霄。形如臥虎。一名虎山。東有黑風洞。可容千人。

吳祿貞墓

吳祿貞墓在獲鹿縣石家莊。文石作成。外圍鐵欄。左爲張烈士墓。右爲周烈士墓。鼎峙而立。墓後有八亭。中植閭百川督軍撰碑。

張果尸解處

井陘縣東北十里有仙翁山。上有紫雲洞。相傳爲張果尸解處。

三箭山

三箭山在阜平縣西七十里。龍泉關側。崇厓竦峙。清康熙二十二年。聖祖西巡經此。勒馬連發三矢。直逾岩頂。居民遂呼爲三箭山。高宗西巡經此。有三箭山詩。

孟嘗岡

孟嘗岡在元氏縣西十八里。兩岡橫互。中通一線。曰雞鳴道口。相傳孟嘗君度關處。

白雲洞

白雲洞在元氏縣封龍山。龍骨熊耳兩峯間。方廣丈許。相傳徐真君修道處。舊下有修真道館。宋政和間賜額。

孔子嶺

孔子嶺在贊皇縣西南贊皇山。嶺有石室。頗爲寬博。其下有石。相距狀若楹柱。時人謂之三梁九柱之室。室內石人像類執卷。故號曰孔子嶺。

義臺

義臺在新樂縣西南。卽古野臺也。史記趙武靈王十七年。出九門。登野臺。以望齊中山之境。卽此。

孔山

孔山在易縣西南。山下有鐘乳穴。穴出佳乳。探者篝火尋路。入穴里許。渡一水。於中衆穴奇分。出入者疑迷。不知所趨。每於疑路。必有歷記。返者乃尋孔。

以自達。上又有大孔。豁達洞開。故以孔山爲名。

荆軻山

荆軻山在易縣西五里。山下爲荆軻故里。清乾隆十一年。高宗經此。有荆軻山詩。山旁有一塔。值清明日。村人懸旛招魂。亦猶荆楚競渡之意也。

大嵬山

大嵬山在易縣北三十里。綿五千里。高插雲霄。相近有洪厓山。雀巖。聳峙。山巔恆有種雪。又北二里有丹霞洞。相傳張果煉丹於此。有牀竈遺跡。

乳水洞

乳水洞在易縣西七十里。寬四丈許。有石槽十二。每歲正月十六日。自西至東。鄉民循次而占。某月旱則某槽無水。某月雨則某槽有水。多奇中。

御射碑

御射碑在易縣西南。水經注。徐水流經東山下。水西有御射碑。又北流西屈。

水陰又有一碑。又隨山南轉逕東厓下。水際又有一碑。凡此三銘。皆翼對厓。石文云。太延元年十二月。車駕東巡。逕五廻之險。途覽崇峯之竦峙。乃停駕車側。援弓而御之。飛矢踰於厓山。刊石用讚元功。夾碑並有層臺二所。即御射處也。

錢象頌碑

錢象頌碑在易縣治土地祠內。唐開元二十七年王端撰。蘇靈芝書。

龍興觀

龍興觀在易縣治南。中有唐景龍二年造之老子道德經碑。又有蘇靈芝書真容應見記碑。及元宗注道德經石幢等。皆古樸可珍。

清西陵

清西陵亦前清帝后之陵寢也。在易縣西五十里永寧山。距京漢鐵道梁格莊車站西南二十五里。世宗（泰陵）仁宗（昌陵）宣宗（慕陵）德宗（崇陵）

等陵墓皆在於此。寶城享殿與東陵埒。

祖逖墓

祖逖墓在涑水縣東北二十里。祖各莊。逖字士雅。慷慨有節尚。博覽書記。談涉古今。見者謂有贊世才具。嘗夜寢。中宵聞荒雞鳴。曰：此非惡聲也。因起舞。京師大亂。率親黨避地淮泗。元帝徵爲軍諮祭酒。以社稷傾覆。常懷振復之志。尋爲豫州刺史。渡江擊楫。誓曰：不清中原而復濟者。有如大江。遂部兵與石勒相持。由是黃河以南。盡爲晉土。卒之日。豫州士女如失父母。

登梯山

登梯山在涑源縣西南三十里。有古剎。石磴木棧。登陟如梯。上有幽林瀑布。爲縣之勝。

西溪

西溪在定縣西北。通鑿龍泉。水清澈底。湛若玻璃。中秋夕。邑人以西溪望月。

爲佳景。

衆春園

衆春園在定縣東北。宋州守李昭亮建。後韓琦擴其址。歲時與民同樂。故名。清時改建行宮。高宗嘗駐蹕於此。

雪浪齋

雪浪齋在定縣城內學宮。宋蘇軾得石狀如雪浪。鑿石爲芙蓉。益盛之。置於學中。因以名齋。有雪浪石詩云。一太行西來萬馬屯。勢與岱岳爭雄尊。飛狐上黨天下脊。半掩落日先黃昏。削成山東二百郡。氣壓代北三家村。千峯右卷。蠹牙帳。崩崖鑿斷開土門。塌來城下作飛石。一礮驚落天驕魂。承平百年烽煙冷。此物僵臥枯榆根。畫師爭摹雪浪勢。天工不見雷斧痕。離堆四面繞江水。坐無蜀士誰與論。老翁兒戲作飛雨。把酒坐看珠跳盆。此身自幻孰非夢。故國山水聊心存。一清康熙四十一年。州牧韓逢麻移置衆春園內。御書。

亭後有韓琦蘇軾祠。並軾書雪浪齋碑。乾隆十一年高宗臨幸。賦雪浪石用東坡韻詩。三十一年趙州知州李文耀得石於臨城縣。上有雪浪二篆題。相傳云自定州移至。總督方觀承以聞。高宗命仍置雪浪齋。作雪浪石記勒諸石。（按軾嘗於元祐八年知定州）

開元寺塔

定縣治南有開元寺。寺有大塔。宋咸平四年建。至和二年成。高十三級。上干雲霄。

漢中山靖王墓

漢中山靖王墓在定縣西南二里許。巍然隆起。高二三丈。清道光三十年州守寶琳重修。勒有碑記。按王名勝。景帝子。六月乙巳立。四十二年薨。見漢書世系表。

蓮花寨山

蓮花寨山在曲陽縣北五十里。峯巒九出。狀如蓮花。周圍峻絕。四面有一線路。土人謂之四門。惟西門可攀厓而上。其下有河。

香巖閣山

香巖閣山在曲陽縣北五十里。絕壁千尋。羣峯萬狀。有石鐘下垂。叩之輒鳴。

水竇巖

水竇巖在曲陽縣西北五十里。石骨清峭。拔地湧出。山雨驟至。則飛泉奔瀉。兩厓間。匯而成潭。巖際舊有漱玉亭。金章宗嘗遊於此。山坡石上。有宋蘇軾書浮休二大字。元盧摯因名曰坡峽。

北嶽廟

北嶽廟在曲陽縣治西。中多古碑。漢書神爵元年祠北嶽常山（卽恆山）於上曲陽。水經注。晉魏改有東西二廟。廟前有碑闕壇場相列焉。元和鄒縣志。恆嶽觀在恆陽（北齊天寶七年改上曲陽曰曲陽。隋開皇六年改曰石邑。

七年改曰恆陽。唐元和十五年復故名。縣南百餘步。又有恆嶽下廟。在縣西四十步。夢溪筆談。祠舊在山下。亦曰北嶽廟。晉王存勗滅燕。遠過定州。與王處直謁廟是也。石晉之後。稍遷延裏。今其地謂之神欄。新祠之北。有望嶽亭。新晴氣清。則望見大茂山（卽恆山）。

李百藥墓

李百藥墓在安平縣東北。百藥字重規。七歲能屬文。父友讀徐陵有刈琅琊之稻之語。曠不得其事。百藥進曰。春秋邴子籍稻。杜預謂在琅琊。客大驚。號奇童。貞觀中累遷散騎常侍。宗正卿。卒謚曰康。百藥才行爲天下推重。事父母以孝聞。文藻沈鬱。詩亦擅長。所箸有北齊書行於世。

三 大名

恆山

恆山在大名縣北。漢成帝時河決金隄。河堤使者王延世募人運土塞河之

處。以其愜當人情。故謂之愜山。土阜突起。卉木周鬱。風景頗佳。

白水潭

白水潭在大名縣西五里。林樹交蔭。菱荇繼構。爲近郊勝地。

雪香亭

雪香亭在大名舊府城。宋韓琦於壓沙寺種梨千樹。方花繁盛。邦人士女。日攜觴酣飲其下。寺僧剏亭花間。取唐人詩句名之。文彥博有詩刻於石。

瑕邱

瑕邱在濮陽縣東南十八里。義井里。禮記檀弓。公叔文子升瑕邱。遽伯玉從。文子曰。樂哉斯邱也。即此。

瓠子河故瀆

瓠子河故瀆在濮陽縣南。史記河渠書。元光中。河決於瓠子東南。注鉅野。通於淮泗。使汲黯鄭當時與人徒塞之。輒復壞。後二十餘歲。使汲仁郭昌發卒。

數萬人塞瓠子決。於是天子已用事萬里沙。則還自臨決河。沈白馬玉璧於河。會羣臣從官。自將軍已下。皆負薪寘決河。是時東流郡燒草。以故薪柴少。而下淇園之竹以爲榱。天子既臨河決。悼功之不成。乃作歌曰。瓠子決兮將柰何。皓皓旰旰兮閻殫爲河。殫爲河兮地不得寧。功無已時兮吾山平。吾山平兮鉅野溢。魚拂鬱兮柏冬日。延道弛兮離常流。蛟龍聘兮方遠遊。歸舊川兮神哉沛。不封禪兮安知外。爲我謂河伯兮何不仁。泛濫不止兮愁吾人。齧桑浮兮淮泗滿。久不反兮水維緩。一曰。河湯湯兮激滌潏。北渡送兮浚流難。攀長菱兮枕美玉。河伯許兮薪不屬。薪不屬兮衛人罪。鏡蕭條兮噫乎何以禦水。頽林竹兮榱石舊。宣房塞兮萬福來。於是卒塞瓠子。築宮其上。名曰宣房宮。水經。瓠子河出東郡濮陽縣北。注縣北十里。即瓠子河口也。漢元封二年。塞瓠子河口。築宮於其上。曰宣房宮。故亦謂瓠子堰爲宣房堰。平帝以後。未及修理。永平十二年。王景治渠築隄。瓠子之水絕而不通。惟溝瀆存焉。

洪福寺

洪福寺舊在濮陽縣新店。剏於後周。修於宋明。寺中有塔。碑文云。寺卽宣房故墟也。洪洋決其東。龍潭匯其西。平岡曲阜。岩壑深邃。林木蔚茂。爲澶盛剎。

遵伯鄉

遵伯鄉在長垣縣東。一名伯玉鄉。亦日新鄉。遵伯玉之故里也。曹大家東征賦曰。一到長垣之鏡界兮。察農野之居民。觀蒲城之邱墟。生荆棘之藜藜。遵氏在城之東南兮。民亦饗其邱墳。一卽指此。其墓在縣南十五里。

梅花亭

梅花亭在沙河縣北八里宋璟祠東。璟嘗有梅花賦。後人慕其德。因卽其故里建亭。遂以梅花名之。清乾隆十五年。重加開拓。迴廊曲檻。碧水平橋。蔚然勝覽。是歲秋。高宗巡幸中州。駐蹕於此。有梅花亭詩。又書璟著梅花賦並寫梅一株。俱勒石於亭。

宋文貞祠

宋文貞祠在沙河縣北八里。祀唐丞相宋璟。墓亦在焉。有顏真卿書墓碑記。清高宗嘗遣大臣致祭。有祭文及宋璟祠詩。樹碑祠內。按璟字廣平。唐南河人。耿介有大節。居官鯁直。不畏權勢。睿宗時拜吏部尚書。開元時封廣平郡公。以尚書右丞相致仕。卒贈太尉。謚文貞。璟風度凝遠。人莫涯其量。玄宗時與姚崇同心輔政。世稱姚宋。

鬪雞臺

鬪雞臺在南和縣。有二。一在大南門外官道東數十步。一在官道西數十步。相傳宋公子鬪雞之處。

郭園

郭園在唐山縣東北二里。相傳後周太祖誕生之地。

隆勝寺

隆勝寺在唐山縣北宣務山。後周太祖代漢後。卽山建寺。鑿石爲龕。刻佛像。佛經於上。賜名隆勝寺。備極華麗。中有千佛堂。堂下有同聲堂。鑿石而成。磴然有聲。堂東有響堂。有響卽應。

鵲山

鵲山在內邱縣西。卽古逢山也。亦名蓬鵲山。又名龍騰山。上有白石形如鵲。其頂有太子岩。昔肩鵲將魏太子采藥於此。

孤山

孤山在內邱縣西北十七里。唐天寶六年敕封內邱山。又名思親山。以魏太子思親而名。山孤峙。嶺有窟。大如盤。每朝出雲氣爲城市樓閣。或與唐山相連。四十餘里。如長虹。日出乃解。

鉅橋倉

鉅橋倉在曲周縣東北。水經注。衡漳北逕鉅橋邸閣西。舊有大梁橫水。故有

鉅橋之稱。昔武王伐紂。發鉅橋之粟。以賑殷之飢民。服虔曰。鉅橋倉石。鉅鹿水之大橋。今臨側水湄。左右方一二里。中狀若邱墟。蓋遺圃改審處也。

龍臺

邯鄲縣西南邯鄲故城中。有戰國趙王宮殿遺址。殿中稍高處曰龍臺。亦曰龍墩。乃趙王朝會之所。

邯鄲宮

邯鄲宮在邯鄲縣西北里許。輿地要覽以爲趙王如意所建。光武破王郎。居邯鄲宮。晝臥溫明殿。卽此。北齊武平七年。嘗營治之。

叢臺

叢臺在邯鄲縣城內。巍然高聳。相傳趙武靈王築。漢書高后元年。趙王宮叢臺災。後漢書世祖拔邯鄲。與馬武登叢臺。劉邵趙都賦。給雲閣於南宇。立叢臺於少陽。皆卽此。明嘉靖十三年。嘗建据勝亭於上。清時重修。爲邑人游觀。

勝地。

迴車巷

迴車巷在邯鄲縣西南。相傳藺相如引車避廉頗於此。明萬曆十二年。邑人鑄藺相如回車巷石額於巷口。或曰迴車巷實在邯鄲故城。後縣治遷徙。邑人乃仿而建之於此。藉誌思慕耳。相如故里在縣西二十里藺家河。

圖銘寺

圖銘寺在成安縣西十二里。唐建。舊有古柏石佛圖。爲千年遺跡。

界橋

界橋在威縣北。後漢書獻帝紀。初平三年。袁紹及公孫瓚戰於界橋。卽此。

龍堂

龍堂在清河縣西十里。堂右有古槐一株。宛若龍形。相傳宋太祖微時。曾避暑其下。解衣覆上。遂下生。

神齋山

神齋山在磁縣西四十里。相傳昔有神鹿游於其上。逐之不見。故名。山海經神齋之山。其上有文石。溢水出焉。今山有黑龍洞。卽溢水發源處。有石磨石碾等。山側有黑龍殿。中有明月閣。頗堪縱眺。

見山樓

見山樓舊在磁縣城內。元張文煥建。登樓望太行諸峯。紫翠萬狀。風物至佳。

御射亭

御射亭在磁縣北關外五里。清康熙四十二年。聖祖西巡回。駐蹕於此。親御弓矢。以道旁棚樓爲的。三發三中。遂建此亭。並立智聖神功二坊。以誌盛績。

響堂寺

響堂寺在磁縣鼓山。北齊時建。殿宇宏敞。凡有穴處。微擊之。鏗然有聲。故名。寺多石佛。大小皆有。雕工極精。惜邇已殘毀。好事者新配置之。然精劣不相。

類也。有北齊隋唐石刻。並其他古物。殊堪遊觀。

孔穎達故里

衡水縣西五里孔賢莊。唐孔穎達故里。穎達字仲達。衡水人。八歲就學。長明服氏春秋。鄭氏尙書詩禮。王氏易。善屬文。通步歷。隋大業初。舉明經。仕唐。官至國子祭酒。卒諡曰憲。嘗與顏師古等受詔撰五經正義。卽今通行之五經疏也。

望臺

望臺在趙縣治東南。一名望漢臺。高七尋。延袤二百八十尺。相傳後漢初耿純所築。臺西有古井。卽築臺時所鑿。其東南一里有清行宮。

柏林寺

柏林寺在趙縣治東南。唐時名觀音院。爲從諗禪師道場。金大定中。改名柏林寺。清雍正時。曾重修。寺有石甚古。刻虞世南攀龍鱗附鳳翼六字。殿壁有

吳道子畫文武水各一。

千秋亭

千秋亭在柏鄉縣北。後漢書郡國志高邑（柏鄉漢曰高邑）隋開皇十六年改今名。縣有千秋亭五城陌。光武卽位於此。亭前有一石人頭落於旁。村人謂爲光武所砍下云。

爽亭

爽亭在臨城縣東北普利寺。宋徽宗下晉陽。駐蹕於此。命蔡京書爽亭二字。立有石碣。

四 口北

天德山

天德山在宣化縣西北三十里。疊嶂層巒。勝致不一。夕陽時煙霞絢爛。風景更佳。

雞鳴山

雞鳴山在宣化縣東南。亦作鳴雞山。高聳突兀。厓壁峻峭。上有遼聖宗建之永寧寺。下有昭太后墓。魏書高帝紀和平元年。葬昭太后於廣寧雞鳴山。卽此。

清遠樓

清遠樓在宣化縣治東。明成化壬寅都御史秦紘建。崇閣三層。宏聳峙立。上置鐘司昏曉。其南有鎮朔樓。明正統庚申都御史羅亭信建。亦嘗置鼓角漏刻。以司昏曉。

于家園

于家園在宣化縣。花木繁茂。亭臺雅整。風物清幽。有邑中勝地。

東山

東山在赤城縣北。獨石城東二十里。極高峻。上有墩臺。可瞭三百里。

獨石

獨石在赤城縣北獨石城南。屹然孤立。形殊怪異。平地上可構屋數楹。有獨石神廟。祀土神。

紫巖山

紫巖山在萬全縣西北五里。極高聳。從危磴而上。旁多羣峯掩映。下有水泉。上有僧寺。景物頗佳。

雲泉山

雲泉山在張家口相近。林壑幽秀。峰巒層峙。崖壁有塞外靈琿四字。上有蒙古所祭之敖包。下有雲泉寺。冰洞。水洞。諸勝。

碧天洞

碧天洞在萬全縣北。傑閣倚霄。危宮架壑。爲邑境巨觀。游者甚衆。

土木堡

土木堡在懷來縣西二十五里。爲往來孔道。本名統漢鎮。唐初高開道據懷戎時所置。後訛爲土木。永樂初置堡。正統末英宗親御六師駐此。師潰。額森擁之北行。清朱彝尊土木堡詩云。一平蕪一簣狼山下。九月驅車白霧昏。到眼關河成故迹。傷心土木但空屯。元戎苦戰翻迴蹕。諸將論功首奪門。偷遣金縉和社稷。詞官誰奉裕陵園。一卽咏此事。

柏林寺

柏林寺在懷來縣新保安西二十里。唐時有僧卓錫於此。蒼梧萬株。平地有三巨石。高各十餘丈。鑿石爲龕。刻佛像其中。

盤厓洞

盤厓洞在陽原縣南四十里。峭壁千仞。架獨木爲橋。經久不朽。遼時建亭於其側。號厓木亭。

雲頭山

雲頭山在懷安縣南二十里。山勢高聳。雲覆其頂。卽雨。中有斑石洞。相傳爲仙人煉丹處。

玉泉瀑布

蔚縣南二十里有玉泉山。上有飛瀑。奔流濺沫。爲邑之勝。

擎笏山

擎笏山在延慶縣北二十里。峭拔孤立。狀如擎笏。中有瀑布。飛流直下。頗可觀覽。

八達嶺

八達嶺在延慶縣南三十三里。居庸關城外。顧炎武昌平山水記。自八達嶺下視居庸關。若建瓴若鬪井。昔人謂居庸之險。不在關城。而在八達嶺也。今懸崖勒有天險二字。字畫蒼勁。不知何人所鐫。

黃帝會諸侯處

涿鹿縣西北有釜綏。距京綏鐵道新保安站西南三十里。昔黃帝合符會諸侯處。史記北逐葷粥。合符釜山。索隱合諸侯符契圭瑞而朝之於釜山。猶禹會諸侯於塗山然也。

中華名勝古蹟 第二編 直隸

中華名勝古蹟續編目錄

第三編 山東

一 濟南

玉函山 鵲山 金線泉 百花臺 開元寺 長春觀 舜祠 秦瓊故宅 李攀龍故里 鮑叔牙墓 閔子騫墓 龍洞 張養浩墓 長白山 普照寺 陳仲子墓 商山 方山 五峰山 透明洞 石閭山 梁父山 高里山 社首山 云山 亭亭山 徂徠山 傲來山 唐玄宗紀泰山銘 柳下惠故里 石介墓 宮山 羊祜墓 安期山 段干木墓 錦秋亭

二 濟寧

縉雲山 承匡山 鳳凰臺 磁山 聖水井 防山 泮宮 誅少正卯處 周公廟 聖蹟殿 詩禮堂 少皞陵 啓聖王陵 伯禽墓 宰子墓 告山 驪山

中華名勝古蹟 第三編 目錄

中華名勝古蹟 第三編 目錄

二

馬鞍山 萬章墓 匡衡墓 薛山 蓮青山 躋雲橋 孟嘗君墓 毛遂墓 二
疏故里 徽山湖 青檀山 車稍山 青石山 許池泉 孺子橋 苟卿墓 蕭
望之墓 盜泉 泉林寺 金鄉山 萌山 范式墓 蒼山 大柱山 王祥墓
傾蓋亭 于公故里 康成石室 顏氏故里 崇固山 觀山 焦原山 閔公山
唐堯陵 仲山甫墓 子夏墓 十貞墓 半月臺

三 東臨……………三四—四一

光嶽樓 五女墓 晉臺 三槐堂 鐵旛寺 龍井堂 濯錦園 鐵鐘 石青牛
蘇祿王墓 畦樂園 興泉寺 樊噲墓 梁山 小洞庭湖 東平石橋 梁瀨
墓 孫奭墓 雲翠山 田子文墓

四 膠東……………四一—四八

之罘山 祝聖山 礮山 雲屯山 黃土臺 馬丹陽墓 鐵槎山 著棋山 召
石山 盞石 甯戚墓 峽山 雲門山 獬山 齊桓公墓 管仲墓 王猛墓

石門山 大峴山 管寧山 廬山 九仙山 駝兒山

中華名勝古蹟 第三編 目錄

三

中華名勝古蹟 第三編 目錄

中華名勝古蹟續編

第三編 山東

一 濟南

玉函山

玉函山在歷城縣南二十里。一名函山。濟南府志又名臥佛山。路有十八盤。西陽雜俎齊郡函山有鳥足青嘴赤黃素翼絳頰名王母使者。昔漢武帝登此山得玉函長五寸。帝下山玉函忽化爲白鳥飛去。世傳上有王母藥函常令鳥守之。

鵲山

鵲山在歷城縣北二十里。與濼口相對。亦名階山。巖石嶙嶙。遙望如鵲。齊乘王繪李白詩注云。扁鵲練丹於此。故名。山下有湖。曰鵲山湖。

金線泉

金線泉爲歷下七十二泉之一。在歷城縣城西。元好問云。金線泉有紋若金線。夷猶池面。宋曾鞏有詩云。「玉鬢常浮顯氣鮮。金絲不定路南泉。無風到底塵埃盡。界破冰綃一片天。」

百花臺

百花臺舊在歷城縣城內百花橋北。又名南豐臺。今臺圯。僅有遺址在水中。宋曾鞏詩云。「煙波與客同尊酒。風月全家上采舟。莫問臺前花遠近。試看何似武陵遊。」觀乎此詩。可想見當時之勝概矣。

開元寺

開元寺在歷城縣城東南十里許。寺爲名古刹。饒花木亭榭之屬。遊讌其中者頗衆。

長春觀

長春觀在歷城縣城西。元邱處機修真處。殿後有一洞。相傳深邃幽冥。蜿蜒數十里。其墓在棲霞縣北濱都宮右。

舜祠

舜祠在歷城縣城內。廟之東廡旁有井。曰舜井。水頗甘冽。居民多汲飲焉。縣南五里有歷山。相傳舜所耕處。因名舜耕山。又曰千佛山。

秦瓊故宅

秦瓊故宅在歷城縣西關五龍潭。即今中西總醫院。址內有唐秦叔寶故宅碑。瓊字叔寶。唐歷城人。從太宗征伐有功。累官左武衛大將軍。贈徐州都督。封胡壯公。

李攀龍故里

李攀龍故里在歷城縣西關紫市路南。攀龍字于麟。明歷城人。嘉靖進士。性侃直。不屑依附。提學陝西。督撫中丞以檄致于麟。使屬文。于麟不懌。曰。副使

而屬。提學非而屬也。且文可以檄致耶。遂告病歸。後復起。累官河南按察使。能詩古文。詩以聲調勝。古文多結屈聲牙。時與王元美輩號七才子。

鮑叔牙墓

鮑叔牙墓在歷城東三十里鮑山。山下有鮑城。卽其采地。叔牙春秋齊人。與管仲友善。知管仲賢。薦於桓公以爲相。

閔子騫墓

閔子騫墓在歷城縣東五里。子騫名損。孔子弟子。居德行科。性孝。少爲後母所苦。冬月以蘆花代絮衣。子騫寒不能爲父御。父知之。欲出後母。子騫曰。母在一子寒。母去三子單。後母聞而感悟。卒爲慈母。宋熙甯七年。濟南太守建祠於墓畔。明萬曆時知縣張翼明又爲建祠於東門大梁隅首。

龍洞

龍洞在章邱縣西南八十里。接歷城縣界。亦曰龍堂洞。高廣如屋。石壁具神

佛四十餘軀。巧若天造。西洞深數里。中有盆石泉。

張養浩墓

張養浩墓在章邱縣東南十五里。養浩字希孟。元濟南人。幼有行義。讀書不輟。授堂邑尹。民爲立碑頌德。累官禮部尙書參議中書省事。文宗天曆初。關中饑。特拜陝西行臺御史中丞。星命到官。出賑饑民。終日不怠。遂得疾不起。卒。封濱國公。諡文忠。

長白山

長白山在鄒平縣南二十里。綿互長山。章邱。淄川數縣界。巖石峻峭。經途險仄。有會仙峯。梭峯。摩訶頂。老人峯。印臺山。玉泉洞。羅圈峪。滴水崖。范公泉。諸勝。齊乘。山阿有醴泉寺。相傳誌公卓錫之地。宋范文正公讀書寺中。有上下二書堂。在巖堂巔。會仙峯下。皆宋代所建。元和志。長白山高二千九百丈。周迴六十里。相傳陳仲子夫妻所隱也。

普照寺

普照寺在淄川縣東北。卽開元寺。舊有石佛。高二丈四尺。及李邕撰并書碑。

陳仲子墓

陳仲子墓在長山縣東。唐張說古泉驛時云。「昔聞陳仲子。守義辭三公。身耕妻織屨。樂亦在其中。三長白臨河上。於陵入濟東。」按仲子周齊人。兄戴爲齊卿。食祿萬鍾。仲子以爲不義。携妻子適楚。居於陵。自謂於陵仲子。窮不苟求。常乏糧。身自織屨。妻辟纊。以易衣食。楚王聞而賢之。欲以爲相。仲子謂其妻曰。楚王欲以爲相。今日爲相。明日結駟連騎。食方丈於前。意可乎。妻曰。夫子左琴右書。樂在其中矣。結駟連騎。所安不過容膝。食方丈於前。所甘不過一肉。今以容膝之安。一肉之味。而懷楚國之憂。亂世多害。恐先生不保命也。於是出謝使者。相與逃去。爲人灌園。

商山

商山在桓臺縣東南五十里。亦名鐵山。有盤龍嶺、鐵牛嶺、蓮洞諸勝。晉書慕容德載記立治於商山。卽此。

方山

方山在長清縣東南九十里。亦名靈巖山。山上有臺。曰曬經臺。山下有泉。曰甘露泉。又有寺。曰靈巖。乃後魏孝明帝正光中法空禪師建。舊有摩頂松。相傳爲唐三藏法師遺跡。又有鐵袈裟山。石黑鏽如鐵。覆地如袈裟披摺之狀。齊乘爲佛圖澄卓錫之地。有立鶴泉。佛日巖。辟支塔。清高宗南巡。駐蹕於此。嘗作靈巖寺八景詩。曰巢鶴巖。曰甘露亭。曰卓錫泉。曰摩頂松。曰鐵袈裟。曰白雲洞。曰雨花巖。曰愛山樓。勒於石。此外又有恪恭坐禪牀。萬丈碑。龍鬚槐。飲虎池等。寺據地旣佳。又加以人工之點綴。花木巖石。遂爲一方勝景。

五峯山

五峯山在長清縣。距津浦鐵道固山站十八里。山有五峯。因名。多寺廟。古柏

流泉。有內八景外八景之名。景物清幽。亦長清佳境之一也。

透明洞

透明洞在長清盤龍山臥虎嶽內。洞長可二里。由西北通東南。殊平坦可行。夏時涼風颼颼。遊者綦盛。

石閭山

石閭山在泰安縣南四十五里。漢武帝曾禪於此。漢書武帝紀。太初三年。禪石閭。注。應劭曰。在泰山下。阼南方。方士言仙人閭也。故上親禪焉。

梁父山

梁父山在泰安縣南一百十里。史記秦始皇紀。二十八年。禪梁父。後漢書光武紀。中元元年。禪於梁父。皆卽此。

高里山

高里山在泰安縣西南三里。泰山之支阜也。高可三十丈。又名亭禪山。漢書

武帝紀。太初元年。禪高里。卽此。今山上有塔及廟。并歷代碑記等。又有亭曰對岱。夏間有於此處納涼者。

社首山

社首山在泰安縣西南二里許。高里山在其西。山形如土阜。殊低小。昔周成王。唐高宗。宋眞宗皆曾禪於此。今荆棘滿目。至爲荒涼。

云云山

云云山在泰安縣東南一百二十里。史記封禪書。無懷氏。慮羲。神農。炎帝。顓頊。帝。嚳。堯。舜。湯。封泰山。禪云云。卽此。

亭亭山

亭亭山在泰安縣南五十里。史記封禪書。黃帝封泰山。禪亭亭。卽此。

徂徠山

徂徠山在泰安縣東南四十里。巨石巉岩。殊爲幽勝。舊有竹溪。唐天寶中。孔

巢父、李白、韓淮、裴政、張叔明、陶沔，嘗結社於巖石峯。號竹溪六逸。宋石介亦嘗築室其下。因號徂徠先生。元許衡亦嘗隱於此。山之東有光化寺。寺多石刻。有北齊之經。元代之碑。

傲來山

傲來山在泰安縣北。與泰山頂相望。山麓有東百丈厓。瀑布下漚爲泉。名天神泉。內有白龍池。又西百丈厓。在東厓三百步。其高十倍東厓。濟南府志。又有仙影厓。在山下。諸山皆蒼石。惟仙影色白。

唐玄宗紀泰山銘

唐玄宗紀泰山銘碑。卽摩厓碑之一。世鮮傳其文。今特從搨本錄於下。雖間有闕字。想爲遊岱之士。樂資印證者歟。碑首一行四大字。曰紀泰山銘。下半四字。曰御製御書。以後文則曰。一朕宅帝位十有四載。顧維不德。懼於玉道。任天難任。安夫難安。茲朕未知獲戾於上下。心之浩盪。若涉於大川。賴上帝

垂休。先后儲慶。宰衡庶尹。交修黃極。四海會同。五典敷暢。歲云嘉孰。人用太和。百辟僉謀。唱口封口。謂孝莫大於嚴父。謂禮莫尊於告天。天符既至。人口既積。固請不已。固辭不獲。肆余與夫二三臣。稽虞典。譯漢制。張皇失師。震疊九口。旌旗有口。世界全譁。肅肅舊舊。翼翼溶溶。以至於宗順也。爾雅曰。泰山爲東嶽。周官曰。兗州之鎮山。實惟天帝之孫。羣靈之府。其方處歲物之始。故稱岱焉。其位居五嶽之伯。故稱宗焉。自昔王者受命易姓。於是乎敢天地。兼成功。序圖緣紀。氏號朕統。承先王。茲率承成典。實欲報玄天之眷命。爲蒼生之祈福。豈敢高視千古。自比九皇哉。故設壇場於山下。受羣方之助祭。躬封燎於山上。冀一載之通神。斯大因高崇天就。廣增地之義也。乃仲冬庚寅。有事東嶽。類於上帝。配我高祖。在天之神。罔不舉降。其翌日。神於社口。侑我聖考。祀於皇祇。在地之神。罔不咸舉。暨壬辰。覲羣后。上公進曰。天子應天符。納永福。羣臣拜稽首。千萬歲慶答歡同。陳試以德。大渾協度。彝倫攸敘。三事西

撲萬物由庚。兆人无植。列牧衆宰。時乃之功。一二兄弟。篤行孝友。錫類萬國。時惟休哉。我儒制禮。我史作樂。天地擾順。時惟休哉。蠻夷戎狄。重譯來貢。累聖之化。朕何暴焉。五靈皆寶。日來月集。會昌之運。朕何感焉。凡今而後。儆乃在位。一王復齊。象法權舊。章補缺政。存易簡。去煩苛。思立人極。乃見天則。嗚呼。天生蒸人。惟后時父。能以美利利天下。事天明矣。地德載物。惟后時相。能以厚生生萬人。事地察矣。天明地察。鬼神著矣。惟我藝祖。文考經正在天。其曰余幼。孫克享上帝。惟帝時若。馨香其下。丕乃曰有唐文武之曾孫。隆基。誕錫新命。續戎舊業。永保天祿。子孫其承之。余小子敢對揚上帝之休命。則亦與百執事尚綏兆人。將多於前功。而愆彼後患。一夫不獲。萬方其罪。余一人有終。上天其知我。朕惟寶行三德。曰慈儉謙。慈者覆無私疆之言。儉者崇將來之訓。自滿者人損。自謙者天益。苟如是。則軌速易循。基構易守。磨石壁。刻金記。後之人聽詞而見心。觀末而知本。銘曰。惟天生人。立君以理。惟君受命。

奉天爲子。代去不留。人來無已。德涼者滅。德高斯起。赫赫高祖。明明太宗。爰
革隋政。奄有萬邦。罄天張宇。盡地開封。武稱有截。文表時邕。高宗稽古。德施
周溥。茫茫九夷。削平一鼓。禮備封禪。功齊舜禹。巖巖岱宗。衍我神主。中宗紹
運。舊邦惟新。睿宗繼明。天下歸仁。恭己南面。氤氳化澤。告成之禮。留諸後人。
緬余小子。重基五聖。匪功伐高。匪德矜盛。欽若祀典。丕承永命。至誠動天。福
我萬姓。古封泰山。一十二君。或禪奕奕。或禪云云。其速不見。其名可聞。祇遙
文祖。光照舊勳。方士虛誕。我書齷齪。佚后求仙。誣神檢口。秦災風雨。漢污編
錄。德未合天。或承之厚。道在觀政。名非從欲。銘心絕巖。播告羣嶽。一末一行。
曰。大唐開元十四年歲在口寅九月乙亥朔十二日口戌建。

柳下惠故里

柳下惠故里卽泰安縣東南柳里村。其墓在村外。

石介墓

石介墓在泰安縣東南五十里。其故里在徂徠北橋溝村。介宋奉符人。篤學有志。樂善嫉惡。進士及第。歷嘉州判官。丁父母憂。耕徂徠山下。以易教授於家。後入爲國子監直講。從學者甚衆。太學繇此益盛。介嘗患文章之弊。佛老爲蠹。著怪說。又著唐鑑。以戒姦臣宦官宮女。指切當時。無所忌諱。旣而作慶曆聖德詩。大爲夏竦所忌。尋出通判濮州。未赴卒。有徂徠集行於世。

宮山

宮山在新泰縣西北四十里。接萊蕪縣界。卽古新甫山。相傳漢武封禪於此。見仙人跡。建離宮其上。故改名宮山。山有毳杖壑。冰寒溪。五雲澗。千人洞。諸勝。

羊祜墓

羊祜墓在新泰縣西六十里羊流店。凡三家。高丈餘。一爲漢廬江太守續墓。一爲晉太傅祜墓。一爲丹陽尹曼墓。舊傳有善相墓者。言其墓有帝王氣。若

鑿之則無後。祜遂鑿之。相者見曰。猶出折臂三公。後祜竟墜馬折臂。位至公而無子。如其言。按續字興祖。以清介稱於世。子衛。爲上黨太守。孫祜。衛子。字叔子。暴祜從孫。任達嗜酒。與阮放等八人同志友善。並爲名士。號黯合徒切。伯顏氏家訓。俗有黯黯語。蓋無所不施。無所不容之意。顧野王謂黯本從重不從黑。

安期山

安期山在萊蕪縣南二十里。相傳安期生修煉於此。舊有安期真人觀。有唐宋元三碑。

段干木墓

段干木墓在濱縣西北十里。干木周芮城人。高尚不仕。師事卜子夏。田子方。魏文侯欲見之。就造其門。干木踰牆而避。文侯過其閭。必式。

錦秋亭

錦秋亭在舊博興縣東南城上。元中統中邑人建。取蘇軾詩霜風吹綠錦。萬頃水雲秋。命名。蓋齊地舊時般灤衆水。滯爲馬車瀆。以入海。博興宛在水中。舟楫交通。魚稻成市。風景絕類江南。見齊乘。

一一 濟寧

縉雲山

縉雲山在濟寧縣西南三十里。亦曰晉陽山。北瞰諸湖。西聯九十九峯。山多隋唐以來碑文石刻。又有僧寺。登臨瞻眺。景物殊佳。

承匡山

承匡山在濟寧縣東南七十里。世傳爲女媧生處。陵廟在山下。

鳳凰臺

鳳凰臺卽鳳化臺。在濟寧縣西十里。突起於湖壩。湖盛荷花。每屆夏時。香風四散。景色幽芳。

嶷山

嶷山在滋陽縣西三十里。高一里。廣三里。西峯聳然。形如覆盂。多松柏桃李之屬。據高俯視。頗呈偉觀。

聖水井

聖水井舊在滋陽縣東北二里石佛寺門東。相傳井底有碑。上刻古篆。歲旱致祭。取碑出井。卽雨。

防山

防山在曲阜縣東二十五里。周八里。高三里。峯如筆牀。一名筆架山。山北三里餘。卽啟聖王陵。禮記孔子旣得合葬於防。春秋僖公十四年。季姬及鄆子遇於防。皆卽此。

泮宮

泮宮在曲阜縣城東南隅。詩魯頌旣作泮宮。淮夷攸服。水經注。靈光殿東南。

卽泮宮也。在高門直北道西宮中。有臺高八十尺。臺南水。東西一百步。南北六十步。臺西水。南北四百步。東西六十步。臺池咸結石爲之。詩所謂思樂泮水也。清乾隆十三年。於舊址建行宮。高宗作證疑篇。勒石立之。謂確係魯宮之舊。今池成一長形。綠萍浮蕩。景色清閒。小洲短隄。時有游者。

誅少正卯處

家語孔子誅少正卯於兩觀之下。春秋注。兩觀闕也。周禮疏。魯有三門。雉門有兩觀。闕里志。兩觀在古魯城雉門之外。周圍各四十步。高二丈。東西相去一百步。接今曲阜縣東南有兩觀碑。卽兩觀故址。

周公廟

周公廟在曲阜縣東北三里。故魯太廟之址。宋大中祥符時。追封周公爲文憲王。重建新廟。眞宗親爲之贊。立石廟中。清康熙二十三年十一月。聖祖親作碑文。勒石廟廷。以後裔東野沛然爲五經博士。世襲。乾隆中。高宗幸魯。詣

廟展謁。作謁元聖廟詩。勒石廟中。並書一額。曰明德勤施。今廟前有石坊。題曰元聖廟。進成德門。有櫺星門。東曰經天緯地。西曰制禮作樂。後卽達孝門。正殿五間。中座安元聖神主。東龕乃配享之魯公。西則有金人。口不三絨。背有清道光時孔憲彝書銘。清高宗御筆題額外。又有聯云。「官禮功成。宗國馨香傳永世。圖書象演。尼山統緒本先型。」

聖蹟殿

聖蹟殿在大成殿寢殿後。藏聖像及聖蹟圖碑。中有摹吳道子畫司寇像。燕居像。及顧愷之畫孔端友摹刻之行教像等。皆古雅可珍。

詩禮堂

詩禮堂在承聖門內魯壁前。論語所謂鯉趨而過庭。卽此地。清高宗書額曰。則古稱先。有聯曰。「紹緒仰斯文。識大識小。趨庭傳至教。學禮學詩。」

少皞陵

少皞陵在舊曲阜縣城東北里許。有廟在陵前。清時迭次重修。頗壯麗。正殿有木主曰少皞金天氏之神位。

啟聖王陵

啟聖王陵在曲阜縣東二十八里。俗曰梁公林。闕里志。叔梁大夫與顏氏合葬處。南負防山。北臨泗水。今陵前有石碑二。一刻曰聖考齊國公墓。金明昌四年高翔書。一刻曰大元追贈聖考啟賢王墓。乃孔措所立也。冢高聳可十餘尺。冢前有石翁仲角端玄豹之屬。左近有一冢。爲聖兄孟皮墓。明永樂間知縣孔希範立石。

伯禽墓

周魯公伯禽墓在曲阜縣東八里。明一統志。魯公墓在曲阜縣八里。修隴墓延不絕。皆周魯諸公所葬。其西葬伯禽。其南葬文公。按伯禽周公子。封於魯。嘗率師伐淮夷徐戎。在位四十六年。

宰予墓

宰予墓在曲阜縣西南三里有古碑在。予字子我。孔子弟子。列言語科。

告山

告山在寧陽縣東北二十里。南峯上有玉皇洞。洞中有石壁飛泉。甘如玉露。其北有虎尾山、皮山。其西有陪山。山北有仙人洞。

嶧山

嶧山在鄒縣東南二十里。左傳文公十三年。邾文公卜遷於繹。史記秦始皇紀二十八年。上鄒嶧山刻石頌秦德。皆卽此。郭璞曰。嶧山純石積構。連屬如繹。繹繚然。故以嶧名山。自頂至麓約八里。高秀特出。巖石峻峭。以五華峯爲最高。上有八卦石。相傳伏羲氏畫卦處。永嘉中。郗鑒避難於此山。因有郗公峯。始皇乘羊車上嶧。因有秦御路。此外有孤桐觀。卽書禹貢之嶧陽孤桐。又有仰山亭。世傳爲孔子讀書處。全山多洞穴。以玉帝洞爲最著。洞外有泉。曰聖

水井。古人題刻。隨處有之。

馬鞍山

馬鞍山在鄒縣北二十里。形如馬鞍。故名。一名鳧山。下有鳧村集。鳧村之陽。有孟子母仇氏墓。有碑曰。邾國公邾國宣獻夫人墓。宋孔道輔嘗建廟於墓前。元人張龜嘗作銘。後改置於縣東舊子思書院之右。相傳卽孟子所居。有臺高丈許。名孟子曝書臺。元李洞有記。鄒縣志子思書院相傳爲子思講堂故址。亦卽孟母二遷處。

萬章墓

萬章墓在鄒縣南十里萬村。其故里亦在於是。章戰國時人。孟子弟子。

匡衡墓

匡衡墓在鄒縣東匡莊。衡字稚圭。漢丞縣人。累官至太子少傅。封樂安侯。衡善說詩。諸儒爲之語曰。無說詩。匡鼎來。匡說詩。解人頤。初衡家貧好學。常鑿

鄰壁引光讀書。同邑有富民。其家多書。衡爲之傭作。而不取直。曰。願借主人書讀之。

薛山

薛山在滕縣東四十里。一名雪山。山之東。皆峭壁。薛水出其下。上有悟真巖。盤陀石。青龍。白雪。超仙。黃龍。丹陽諸洞。下有茶泉。流入薛水。其北爲高山。高山之南。爲雲龍山。

蓮青山

蓮青山在滕縣東北五十里。山有二。其一爲西蓮青。絕頂兩峯。插入雲漢。名蓮花峯。其一爲東蓮青。上有九十九峯。前有玉女池。後有水簾洞。東有桃花谷。谷多桃花。每春水出澗。浮帶落花。邑人謂之小桃源。自蓮青而東。踰潞河。峯然聳秀者。爲巨越山。又東爲連珠山。龜步水出焉。西流至鳳凰山。入潞河。

躋雲橋

躋雲橋在滕縣東南一里。跨南梁河。俗名斗子橋。長五十丈。闊二丈五尺。

孟嘗君墓

孟嘗君墓在滕縣東南四十五里。故薛城東。嘗有開掘者。內如宮室。以銅鐵爲壁。叩之有聲。水經注謂其作制嚴固。洵然。按孟嘗君性田名文。戰國靖郭君嬰之子。相齊二十餘年。封於薛。好賢下士。食客數千人。聲聞諸侯。孟嘗君其稱號也。

毛遂墓

毛遂墓在滕縣東南故薛城。距今津浦鐵道官橋站西可百步。遂戰國時趙平原君門下客也。時秦攻趙邯鄲。趙使平原君求救於楚君。約其門下食客文武備具者二十人與之俱。得十九人。餘無可取者。遂自薦請從。平原君乃與之俱至楚。楚王言合從利害。自朝至日中不決。遂按劍劫楚王。竟定從約。平原君曰。毛先生以三寸之舌。強於百萬之師。遂以爲上客。

二疏故里

二疏故里在滕縣南拖犁溝。距津浦鐵道沙溝站十八里。有漢二疏故里碑。按二疏卽疏廣疏受。廣字仲翁。漢蘭陵人。少好學。明春秋。仕至太子太傅。兄子受。仕至太子少傅。在位五年。上疏乞骸骨。上許之。賜黃金二十斤。太子贈五十斤。歸之日。散金與諸故舊。今近碑處有土阜。相傳爲散金臺故址。召鄉父老歡飲。不治田宅。或勸爲子孫計。廣曰。賢而多財。則損其智。愚而多財。則益其過。終不聽。

微山湖

微山湖在滕縣南九十里。湖水千頃。與徐邱通。每屆秋時。清漣皓月。漾盪成文。容與其中。景色倍勝。以足有微湖夜月之名焉。

青檀山

青檀山在嶧縣西七里。上多青檀。山巔有流泉。徑縣南。會承水。入泲河。又有

金界樓。世傳金宋分界處。宋岳飛曾居此樓養目。又嘗留題巖壁。

車梢山

車梢山在嶧縣北六十里。一名三峯山。四圍峯巒突兀。俯臨澗壑。澗下一池。深杳莫測。滄良淵出焉。爲承水上源。其西曰巨梁山。一名巨龍山。其南半里許。爲將軍山。斗山及熊耳山。山南有黃龍洞。中空闊委折。高數丈。深十數丈。燭以火。乃可入。西巖有泉。旁多石乳。舊有白蝙蝠。大如鷄。

青石山

青石山在嶧縣東。上有古穴。深數丈。名仙人洞。四圍懸厓。古木陰森。西巖尤峻峭。雨後瀑飛千尺。自削壁而下。直達澗底。

許池泉

許池泉在嶧縣西北十里嶺阜下。漾漾澄澈。味殊清冽。相近又有金花珍珠飾泉諸泉。南流會滄浪石室二泉。

孺子橋

孺子橋在嶧縣城西門外滄浪水上。長三十五丈。闊三丈。爲洞十五。以孟子所稱孺子歌滄浪得名。

荀卿墓

荀卿墓在嶧縣東故蘭陵城南。按荀卿即荀況。戰國趙人。時人尊之。因曰荀卿。趙工嘗問兵於況。況對曰。要在附民。上下一心。若子弟之衛父兄。手臂之捍頭目。仕齊。三爲祭酒。仕楚。爲蘭陵令。所著有荀子三十三篇。其學本孔子。而倡性惡之說。與孟子性善之說異。

蕭望之墓

蕭望之墓在嶧縣東五十里故蘭陵城北。望之。漢蘭陵人。字長倩。官太子太傅。宣帝察其明敏。持重。疾篤。受遺詔輔政。領尙書事。元帝卽位。望之以師傅見重。多所匡正。旣而爲宏恭石顯所陷。飲鴆自殺。帝聞之。驚拊手曰。殺吾賢。

傅。卻食涕泣。哀動左右。

盜泉

盜泉在泗水縣東北。尸子。孔子過於盜泉。渴矣而不飲。惡其名也。水經注。盜泉出卞城（卽今泗水）東北卞山之陰。論撰考議曰。水名盜泉。仲尼不飲。卽斯泉矣。泗水縣志。縣境之泉。凡八十有七。惟盜泉不流。餘皆匯爲泗河。

泉林寺

泉林寺在泗水縣東五十里陪尾山下。寺之左右。皆深林茂樹。有大泉十數。渟泓澄澈。互相灌輸。會而成溪。是爲泗水。寺以泗泉在東。又多古林。故曰泉林。相傳子在川上。卽此處。清乾隆二十一年。於泉上建行宮。宮有八景。曰近聖居。曰在川處。曰鏡瀾樹。曰橫雲館。曰九曲釣。曰柳煙坡。曰古蔭堂。曰紅雨亭。高宗東巡。嘗駐蹕焉。有詩勒於石。

金鄉山

金鄉山在金鄉縣西北三十七里接鉅野縣界。縣以此名山。上舊有石廟。並孔子及孔子弟子等形像石刻。又有泉。泉之西有橋。曰秦梁。相傳秦始皇時造。

萌山

萌山在嘉祥縣治東北隅。峯巖秀拔。石如萌芽。左右舒翼。縣治實枕之。稍東爲橫山。獨坐山。柏山。皆在城外。而山麓相接。

范式墓

范式墓在嘉祥縣南二十五里大鼎山前。式字巨卿。漢金鄉人。游太學。與張邵爲友。並告歸。式約曰。後二年當過拜尊親。乃共刻期。至日。邵白母殺雞炊黍待之。式果至。後劭卒。式忽夢見劭呼曰。巨卿。吾以某日死。當以爾時葬。式寤。悲泣。便馳往赴之。未到。喪已發。極不肯進。移時。式至。執紼引柩。於是乃前。後式舉州茂才。累官廬江太守。

蒼山

蒼山在臨沂縣東九十里。下有牛口峪。上可瞰海。中有石室。世傳安期生徐則昇仙處。

大柱山

大柱山在臨沂縣北九十里。狀如筆鋒。高插雲表。左爲映旗山。前爲荆山。右爲銀錫嶺。皆其培塿也。山之後。汶水出焉。

王祥墓

王祥墓在臨沂縣北二十五里。祥字休徵。晉臨沂人。早喪親。事繼母朱氏。至孝。母欲食生魚。時天寒冰凍。祥解衣將剖冰求之。冰忽自解。雙鯉躍出。母又思黃雀炙。後有雀數十飛入其幕。初爲徐州別駕。累遷至大司農。封萬歲亭侯。武帝即位。拜太保。進爵爲公。以年老固辭。賜几杖。不朝。安車就第。

傾蓋亭

傾蓋亭在鄒城縣北十里。家語孔子之鄒。遭程子於途。傾蓋而語。終日甚相親。後人因建亭於此。見鄒城縣志。

于公故里

于公故里在鄒城縣西十里。高大社。漢于公爲獄吏。嘗自言曰。吾治獄多陰德。後世必有興者。令高大其門。可容駟馬車。故今其地名高大社。

康成石室

康成石室在費縣西南八十里。南城山。室周迴五丈。世傳康成註孝經於此。

顏氏故里

顏氏故里在費縣東五十里。諸滿村。自師古以下。世居於此。有隱貞觀。相傳顏魯公所居處。

崇固山

崇固山在蒙陰縣西北一百十里。山上一石。聳然突起。絕頂處四平。約一畝。

許。孤立萬山中。若嵩嶽狀。故名山爲崇固。

觀山

觀山在莒縣東六十里。峯巒陡立。其巔名崖客頂。南北對峙者。曰鳳凰塚。數峯疊起。形勢峻絕。中有天橋。迤南爲橋子崖。即可樂塚。延袤二十餘里。東西壁立萬仞。

焦原山

焦原山在莒縣南四十里。尸子。莒有焦原。廣尋長五百步。臨百仞之溪。莊子。伯昏瞀人登焦原之山。射蛟百仞之淵。而目不瞬。唐李白詩。手執飛猱搏雕虎。躡足焦原未云苦。皆謂此。

閔公山

閔公山在沂水縣西北八十里。雙巒孤秀。澗壑迴合。環山皆松石。相傳閔子曾避地其中。因名。又有子路依棲巖。芙蓉泉出此。

唐堯陵

唐堯陵在荷澤縣東北五十里。舊雷澤城西。與濮縣接界。高四丈五尺。廣二十餘丈。上有廟。舊有漢時四碑。一爲元康元年濟陰太守孟郁修廟碑。一爲建寧五年成陽靈臺碑。一爲熹平四年堯廟碑。一爲熹平四年堯母廟碑。

仲山甫墓

仲山甫墓在荷澤縣東北堯陵之東。與濮縣接界。山甫周宣王時卿士。輔佐中興。詩人美之。

子夏墓

子夏墓在荷澤縣北十里。有高阜。土人稱爲卜堦。子夏姓卜。名商。衛人。孔子弟子。居文學科。爲人篤實。退而老於西河。教授門人。魏文侯師事之。

十貞墓

十貞墓在荷澤縣隆化集東北。明崇禎十五年冬。曹權兵變。千有總杜龍與

弟杜撰。出城徵饋。城潰。龍妻朱氏撰妻莊氏積薪自焚。龍妾黃氏朱氏女二姐莊氏子能寬姪能容姪女七姐僕婦一婢二俱投火死。龍撰歸檢遺骸不能辨。乃令一坵。時人題曰十貞墓。清順治初年。建坊表焉。

半月臺

半月臺舊在單縣東舊城東。唐少府陶沔所築。李白詩所謂「陶公有逸興。不與常人俱。築臺像半月。迥出東南隅」者也。

三 東臨

光嶽樓

光嶽樓在聊城紛中。高廣數丈。樓作四層。矗立雲表。清乾隆三十年。高宗南巡迴蹕過東昌。登此樓。賦詩兩章。

五女墓

五女墓在聊城縣西。同穴而葬。唐王建宋氏五女詩注。五女貝州宋處士廷

芬之女也。曰若華、若昭、若倫、若憲、若菊。其父老病。五女誓不嫁以奉事之。

晉臺

晉臺舊在博平縣西北三十里。舊縣城中。東昌府志。相傳晉公子重耳奔齊。桓公以宗女妻之。留齊五歲。築臺以望故國。故名。

三槐堂

三槐堂在莘縣東北二里許。地名羣賢保。卽宋王祐手植三槐處。蘇軾有記。

鐵旛寺

鐵旛寺在莘縣治東北。金天眷二年建。一名黑塔寺。內有磚塔一座。高三十三級。可望七十里。塔頂銅籠容二十餘人。明正德六年。巨寇逼城。邑令諸忠。令民登塔望賊。隨方設備。自後賊不敢犯。城賴以全。

龍井堂

龍井堂舊在高唐縣北二十里。徐鉉稽神錄。唐僖昭時。魏州人羅宏信。徵時

投寄高唐田氏。田氏撫愛如己子。遂冒姓田。已令浚井。甫下。忽龍自井出。雷雨交作。衆皆驚悸。宏信自井出。神色自若。後以軍功進爵豫章郡王。迎田氏夫婦。事之如父母。及歿。又爲堂於龍井之上。以祀之。

濯錦園

濯錦園在德縣城北。明司空程紹別墅。洞壑河流。景物幽奇。有啓秀坊。詠駿亭。貽燕堂。爲董其昌所書額。鵝羣樹爲王鐸所書額。

鐵鐘

鐵鐘在德縣桑園老君堂古松上。頗爲巨大。而松亦蒼老遒勁。世傳鐘以河水漂流。自懸於樹。其事甚怪。

石青牛

德縣栢鎮東南三十里有孫臏廟。廟中有石青牛一頭。長六尺餘。名爲神牛。

蘇祿王墓

蘇祿王墓在德縣北二里。明永樂十五年來朝。道卒葬此。清雍正十年。王後嗣奏請葺墓。乃敕官重修。按明時之蘇祿國。卽今蘇祿島地。在非力贖與婆羅之間。

哇樂園

哇樂園在平原縣城西郭家莊。董思敬別墅也。中有牡丹十餘畝。多異種。

興泉寺

興泉寺在平原縣西二十里馬頰河岸。寺下有黑龍潭。深杳莫測。上多古柏。森森鬱鬱。景色幽奇。

樊噲墓

樊噲墓在平原縣南一里。明知縣李嘉端立有碑記。清康熙二十七年。縣紳朱泗濱重建。噲漢初沛人。以屠狗爲事。從高祖起豐。及與項羽會鴻門。羽有殺沛公意。賴噲得免。累從征戰。多立功勳。封舞陽侯。

梁山

梁山在東平縣西南五十里。接壽張縣界。史記梁孝王世家。北獵良山。注索隱曰。漢書作梁山。卽此。山園圍二十餘里。上有虎頭厓。下有黑風洞。宋政和中。盜宋江等佔據於此。其下爲梁山灤。今已湮。

小洞庭湖

小洞庭湖在東平縣北三十里蠶尾山下。唐蘇源明宴小洞庭詩序。所謂左拂蠶尾首也。源明武功人。天寶間爲東平太守。以廢濟陽事。嘗燕五太守於泗源亭。作歌曰。『小洞庭兮半方舟。風嫋嫋兮離乎流。半方舟兮小洞庭。雲微微兮連絕。』

東平石橋

東平石橋在東平縣境。寰宇記。清水石橋。隋仁壽元年造。工作華巧。與趙州橋相埒。長四百五十尺。

梁灝墓

梁灝墓在東平縣北二十五里。子固。固弟適。相去各數十步。灝字太素。須成人。雍熙中進士第一。累官翰林學士。有吏才。真宗深眷之。所著有文集十五卷。及第時年八十二。謝啟云。一皓首窮經。少伏生之八歲。青雲得路。多太公之二年。謝思詩云。天福三年來應舉。雍熙二載始成名。饒他白髮鏡中滿。且喜青雲足下生。觀榜更無朋輩在。到家惟有子孫迎。也知年少登科好。爭柰龍頭屬老成。子固祥符二年。試大德曰生賦。擢魁。魏舒詩賀云。一封禪汾陰連歲榜。狀元俱是狀元兒。本朝人物熙熙盛。風虎雲龍會遇時。後直史館。卒年三十三。固弟適。字仲賢。累官同平章事。加太子太傅。卒諡莊肅。

孫奭墓

孫奭墓在東平縣東十五里。奭字宗古。宋博平人。居須城。九經及第爲國子

監。累遷龍圖閣學士。爽性方重。事親篤孝。堂掇五經。切于治道者。爲經典。徵言五十卷。嘗奉詔與邢昺杜鎬校定諸經正義。莊子爾雅釋文。考正尙書論語孝經爾雅謬誤及律音義。

雲翠山

雲翠山在東阿縣東南三十里。泰安府志。頂有巨石。高數十丈。修廣里許。其形正方。狀如印。而有紐。謂之印峯。旁三石壁立。中高兩墮。狀如筆牀。謂之筆峯。此絕頂也。少南爲子陵臺。相傳嚴子陵曾隱此。

田子方墓

田子方墓在范縣東南六十里。子方戰國魏人。文侯師事之。稱爲仁人。嘗與子擊遇於道。子擊下車謁甚恭。子方不爲禮。子擊怒曰。富貴者驕人乎。貧賤者驕人乎。子方曰。亦貧賤者驕人耳。富貴者安敢驕人。國君而驕人。則失其國。大夫而驕人。則失其家。失其國家者。未聞有以國家待之者也。夫士貧賤

者言不用。行不合。則納履而去耳。安往而不得貧賤哉。

四 膠東

之罘山

之罘山在福山縣東北三十五里。三面距海。一徑南通。史記秦始皇紀。二十八年登之罘。立石。二十九年登之罘。刻石。三十七年至之罘。射巨魚。漢書武帝紀。太始三年行幸東海。登之罘。皆卽此。縣志亦名青城山。其背峭壁如削。下臨汪洋。有梁千戶洞。中產異草。其東數小山。或岩石。或岡阜。棋布水面。直接嶮峒島。其西南有巉岩相對。上有橫石。曰石門。潮水出入其間。其西有遷喬谷。上有秦時石刻。二。李斯篆。今毀。

祝聖山

祝聖山在福山縣東南二里。三峯橫互。峙兩河中央。一名芝陽山。山南一峯。下有洞。曰芝陽洞。相傳金時馬丹陽修道處。舊有圖刻。

磁山

磁山在福山縣西北五十里。相傳山產磁石。故名。山有三峯。高聳峭拔。東峯石壁如削。懸崖瀑布。下爲石洞。深三丈許。下有二泉。旱澇不減不溢。南北又有石夾起。號曰天門。東與之罘相望。

雲屯山

雲屯山在招遠縣東北二十五里。東接棲霞。北連黃縣諸山。綿互百餘里。中有上九盤、下九盤、上祥光觀、下祥光觀。又有滴水崖、六公澗、鶴姑頂、繡幕屏諸勝。稍南有魯基山、會仙山。

黃土臺

黃土臺在萊陽縣西南八十里。其壤黑色。惟臺獨黃。相傳秦始皇取淄境土築此以望仙。

馬丹陽墓

馬丹陽墓在萊陽縣西南。丹陽初名從義。字宜甫。後改名鉅。字玄寶。扶風人。登金貞元進士。大定間遇重陽子。授以道術。與妻孫氏同出家。孫先仙去。丹陽後遊萊陽。入遊仙宮羽化。賜號丹陽順化真人。

鐵槎山

鐵槎山在文登縣南一百里。東連斥山。甚奇秀。南可瞰海。上有清涼洞。千佛洞。雲光洞。下有水簾洞。爲海潮出入處。洞口有二石珠。相傳天將大風雨。珠輒蕩激。聲響如雷。土人以下陰晴。

著棋山

著棋山在文登縣東北五十里。頂有石棋盤。方一丈許。相傳爲呂洞賓遺跡。

召石山

召石山在榮成縣東四十里。齊乘。秦始皇造石橋。欲濟海。觀日出處。有神人召石於山下。驅之岌岌相隨而行。石去不駛。神人鞭之見血。至今山下石色

皆赤。

蓋石

蓋石在掖縣北五十七里。北臨大海。方圓五步。上有蹲狀。世傳秦始皇鑿之。以盛酒。祈祭百神。

甯戚墓

甯戚墓在平度縣西六十里。俗呼鳴角阜。戚春秋衛人。家貧無資。爲人挽車。至齊國。於車下飯牛。扣牛角而歌曰。南山矸。白石爛。中有鯉魚長尺半。生不逢堯與舜禪。短褐單衣纔至。從昏飯牛至夜半。長夜漫漫何時旦。桓公聞而異之。命管仲迎之。拜爲上卿。後遷國相。

峽山

峽山在濰縣南九十里。接安邱縣界。狀如伏虎。俯臨濰水。上有雲眼。雲出卽雨。有仙洞數處。爲一邑名勝處。

雲門山

雲門山在益都縣南五里。一名雲峯山。上方號大雲頂。有通穴如門。可容百餘人。遠望如懸鏡。東南曰劈山。西則駝山。三山相聯。翠障如畫。

猗山

猗山在臨淄縣南十五里。詩齊風。遭我乎猗之間兮。卽此。

齊桓公墓

齊桓公墓在臨淄縣東南七里淄水南。冢殊高大。唐貞觀十一年。嘗致祭。禁二十步內。不令樵蘇。

管仲墓

管仲墓在臨淄縣南二十一里牛山之下。仲字夷吾。齊桓公相。稱仲父。有管子一書。舊題仲撰。

王猛墓

王猛墓在壽光縣南門內。猛字景畧。晉北海人。少貧賤。以鬻春爲業。博學好兵書。謹重嚴毅。氣度宏遠。隱華山。懷佐世之志。桓温入關。猛披褐謁之。捫蝨而言。旁若無人。後仕前秦。苻堅。堅信任之。猛外修兵革。內崇儒學。秦遂富強。以功封清河郡侯。歷官丞相。

石門山

石門山在臨朐縣西十八里。勢如錦幃環列。獨西面稍平。山中亭午不見日影。向夕乃返照。熒然。故石門返照。爲縣勝境。

大峴山

大峴山在臨朐縣東南一百五里。厓坂峭曲。石徑幽危。宋書武帝紀。慕容超聞王師將至。其大將公孫五樓說超宜斷據大峴。魏書刁雍傳。謂叔孫建曰。大峴以南。處處狹隘。不得方軌。皆謂此。

管寧墓

管寧墓在安邱縣西十五里。寧字幼安。漢北海朱虛人。長八尺。美鬚眉。與平原華歆同縣。郗原相交。黃巾之亂。至遼東。因山爲廬。鑿坏爲室。越海避難者皆來就之。旬月而成邑。遂講詩書。陳俎豆。飾威儀。明禮讓。非學者無由見。魏黃初中。徵爲大中大夫。明帝時以爲光祿勳。並辭不受。卒年八十四。

廬山

廬山在諸城縣南三十里。本名故山。山陽有盧敖洞。俗名休糧洞。宋蘇軾超然臺記。其東則廬山。廬人秦敖之所從遁也。卽此。洞巔有巨石。爲飲酒臺。洞左掖爲聖燈巖。

九仙山

九仙山在諸城縣西南九十里。潮河出此。山勢高聳摩空。嘗有仙人居之。西北有潭水。與東海相通。久雨將晴。井中有聲如雷。旱則以石擊井。必雨。其他有峭峯十有一。盤石十有八。蘇軾詩。九仙今已壓京東。又謂九仙在東武。奇

秀不滅雁宕。金史有土賊據九仙山。卽此。

駝兒山

駝兒山在日照縣西北一百里。山椒有石。如人負兒狀。傳噓河發源於此。山頂舊有秦王碑。磨劍石。齊乘所謂日照有石駝山。卽此。

SMC
1928.7





中華全國

名勝古蹟大觀

續編

上海

大陸圖書公司印行

MG
6928
S
20



3 1764 4681 7

中華名勝古蹟續編目錄

第四編 山西

一 冀寧

- 朔州山 寶鳴嶺祠 狄仁傑故里 蒙山 石寶山 晉祠 石龍 蓮花臺 雞
- 老泉 朝陽洞 寶翰亭 奉聖寺 邢昺墓 李良臣墓 千佛厓 紫荆山 黑
- 石樓山 永寧寺 蘆芽山 神晉玉清觀 白彪山 丹華子修真處 狄青墓
- 魏文侯墓 柏仙觀柏 尹吉甫故里 東嶽瀑布 郭泰墓 樓子臺山 扁斗山
- 白馬仙洞 五龍山 羊頭山 仙堂山 翠微洞 蟻峪山洞 隴阜山洞 菖
- 山 後唐銅鐘 龍巖 龍洞 大雲禪院 靈空山 老君洞 蒲山巨石 澤發
- 水 故關 水寶石 石岩山

二 雁門

中華名勝古蹟 第四編 目錄

一六一—二九



中華名勝古蹟 第四編 目錄

二

九龍壁 華嚴寺 石窟寺 後魏永固陵 雁門關 李克用墓 玉龍山 化悲
岩 六郎城 御射臺 塔井三奇 懸空寺 恆山 釋迦塔 火鼎神榆 尉遲
敬德故里 染峪 回春谷 仙人洞 駱駝山 朝陽洞 神池 看花臺 萬佛
洞 陀羅山 遺山 鐵拐山 仙人跡 楊五郎鐵棍 小五臺山 花佛寺

三 河東……………二九—四一

大雲寺 泉陶村 桑維翰故里 采桑津 通濟橋 鄭伯道故里 壺口山 廣
孝泉 開元鐵牛 鸚鵡樓 娥英陵 五老山 硃砂洞 秋風亭 后土祠 法
雲寺 孤山 鸚珂里 翟方進墓 關帝故里 玉溪洞 夏后氏陵 司馬光故
里 雲川寺 董澤 晉文公墓 佛閣寺 靈山 石佛匡 韓侯嶺 瑞石 李
靖紅拂遇斜髻客處 鳩星廟 翠屏山 龍母洞 龍窠。

中華名勝古蹟續編

第四編 山西

一 冀寧

崛巘山

崛巘山在陽曲縣西北四十里。山形峻峭。林木鬱茂。紅葉最佳。有寺曰崛巘寺。唐德宗貞元時建。有李克用父子題名石刻。

寶鳴犢祠

寶鳴犢祠在陽曲縣西北四十里冽石口。一名冽石廟。宋封英濟侯。有石碑。捫之光潤。洞照人影。謂之透玲碑。又有木狀如沈香。蚊蠅不敢近。舊在神龕中。

狄仁傑故里

狄仁傑故里在陽曲縣西南二十里狄村。村內慈觀寺有碑記。

蒙山

蒙山在太原縣西北五里。一名西山。崔鴻十六國春秋曰：前趙劉聰征劉琨，不克，略晉陽之人，踰蒙而歸，卽謂此也。山有隋文帝考楊忠、忠周將討齊戰勝，開皇二年追紀功烈，乃建此碑。

石室山

石室山在太原縣西南七里。有石室方丈四尺，四壁有篆字，人莫能識。

晉祠

晉祠在太原縣西南懸壘山麓。晉水發源處。祠中正殿七楹，高崇宏敞。前有方池，上跨石橋。又前有石台上建小亭，內立鐵製四甲士。殿左有朝陽洞，深數丈，殿右有泉，上覆以亭，有匾曰晉陽第一泉。泉水由洞外洩，居民引以汲飲，並以溉田。唐高祖起兵，禱於晉祠。貞觀二十年，太宗爲立碑，今碑在祠內。

惜字多漫滅。清乾隆二十七年重刊碑。則在其旁。可摩挲讀也。

石龕

太原縣西南三十里有天龍寺。北齊孝昭帝皇建元年建。內有石室二十四龕。石佛像四。明嘉靖二十五年。於西岩鑿石洞三龕。以避寇。後人因曰避寇洞。

蓮花台

蓮花台在太原。宋紹聖中建。共和六年修葺。有古蓮花臺四字嵌於垣。上有佛殿。殊壯偉。外有四鎮水金人。作甲士狀。立於四隅。殿後有古木崇山爲屏。蒼秀可觀。

難老泉

難老泉在太原縣西。泉井有亭。額曰晉陽第一泉。泉流瀲灩。有聲。泉下有水穿罅而出。如瀉玉。如溼絲。溪底滿襯蘋草。美若鋪錦。晉人名曰漏瀑深錦。

朝陽洞

朝陽洞在太原。上有崇樓高閣。曰呂祖閣。待鳳軒。伴桐亭。三臺閣諸勝。結構皆佳。閣下有石磴數十級。旁有古柏。聳然峙立。

寶翰亭

寶翰亭在太原。中有唐太宗御撰御書碑。久已漫滅。清乾隆時里人楊培摹鉤舊榻勒立一碑。壁間又有朱彝尊書集杜句楹碣。惟原物早經失去。此乃清咸豐時皖人沈巍所書勒。

奉聖寺

奉聖寺在太原。唐初尉遲恭捨別墅爲梵宇。高祖敕名。庭有古松。右枝龍蟠虬舞。鱗爪逼霄。左枝岐而復連。洵稱奇物。有一浮圖。高十餘丈。可盤旋而登。臨瞰晉陽。全寓目焉。楊二西詩云。「秀穎插雲際。下視衆峯低。餘霞散爲綺。多傍日華西。」

邢昂墓

邢昂墓在晉祠南原上。昂，宋太原人。高蹈不仕。寇準、文彥博、陳堯佐、范仲淹諸人皆推重之。咸有詩刻石。

李良臣墓

李良臣墓在榆次縣西北十里。子光進、光顏、孫昌元等皆祔。前有石柱二。碑二。制極高闊。顧炎武《金石文字記》：安定郡王李光進碑。令狐楚撰。嗣子李元書。太尉李光顏碑。李程撰。郭虔正書。今俱在榆次縣。按光進，其先爲河曲諸部。姓阿跌氏。貞觀中，內屬。以其地爲鷄田州。世襲刺史。隸朔光軍。後從馬燧救臨洛。戰洹水有功。元和四年，加檢校工部尚書、振武節度使。賜姓李。繼封安定郡王。光顏，光進之弟。討李懷光討蔡。戰功甚偉。官義成、邠、寧、鳳、翔諸節度使。敬宗初，拜司徒。卒，贈太尉。諡曰忠。

千佛崖

太谷縣東南十五里有奄谷。長四十里。東厓石壁有佛像。俗曰千佛厓。

紫荊山

紫荊山在祁縣東南一百里。山石多五色。極堪愛玩。上出泉匯爲太池。西厓有赤土洞。東厓有銀洞。今閉塞。西北有風洞。北有溫風洞。

黑石樓山

黑石樓山在交城縣西北一百五里。墨石攢起如樓閣。崇峙崔巍。一名獨泉山。洞穴中有石如盆盎。泉出其中。洄瀦下流。

永寧寺

永寧寺在交城縣西北二十里石壁山南。北魏孝文帝延興三年建。太和年間修。有甘露之應。唐德宗貞元十二年重修。甘露復降。賜名石壁永寧寺。憲宗元和七年。甘露又降。賜名龍山石壁永寧禪寺。內有甘露壇。殿後東北由石磴而上。有千佛閣。李白書壯觀二字。匾於上。寺後北岩下有龍潭泉。俗傳

古龍潭禪師演法於此。

蘆芽山

蘆芽山在岢嵐縣東北七十里。跨靜樂、神池、五寨諸縣界。發脈於管涔山。壘峯聳秀。前有小山尖。如竹萌。多生蘆芽。故名。上有金龍池、五龍洞、秀峯嶺諸勝。

神霄玉清觀

神霄玉清觀在岢嵐縣治東。有宋徽宗御製并書碑。

白彪山

白彪山在汾陽縣西二十五里。石壁巉岩。洞壑幽勝。爲縣勝境。有龍橋洞。方廣十丈。在兩岩間。石梁橫其絕處。懸溜如乳不絕。爲景至佳。

丹華子修真處

丹華子修真處在汾陽縣西十里鳴鶴洞。按元張真一號丹華子。修煉於汾

陽之西岩。常有白鶴飛止岩際。真一羽化後。人游洞中。每鼓掌則鶴聲應手而至。因號鶴鳴古洞。

狄青墓

狄青墓在汾陽縣北十里劉村。青字漢臣。宋汾州西河人。善騎射。仁宗寶元初。趙反。吳反。青以衛士選延州。指使常爲先鋒。大小二十五戰。皆披靡莫敢當。皇祐中。平儂智高之亂。以功拜樞密使。卒贈中書令。諡武襄。

魏文侯墓

魏文侯墓在孝義縣西五里。有唐開元時孝義令楊仲昌碑。大中時刺史崔駢墓。付鏤立。

柏觀仙柏

平遙縣西南十里有柏仙觀。中有枯柏一本五枝。圍二丈五尺。西向一枝。以石柱擎之。石入柏尺餘。拔樹離地。一柱刊金泰和七年。一柱刊明嘉靖三十

年。

尹吉甫故里

尹吉甫故里在平遙縣南八里。有一石坊。橫鐫周卿士尹吉甫故里八字。兩旁一聯曰：「乃武乃文。六月興師會北伐。不留不處。三軍司命預南征。」下刻世襲生尹承恩立。

東嶺瀑布

介休縣東南四十里有東嶺谷。其地四圍皆山。中有石壘。橫空數仞。周廣三里。巖頂有泉。溢爲瀑布。流爲白牛泓。

郭泰墓

郭泰墓在介休縣東五里。冢高二丈。周圍繚以牆垣。有祠堂。饗堂各三間。明世宗嘉靖十年植樹。穆宗隆慶三年增砌甬道。置田十四畝。清康熙十八年增建捲棚茶亭臺階大門等。王士禛過郭有道墓下詩云：「太息桓靈季。清

流見此人。西園方賣爵。北寺幾壘臣。危行全鈎黨。諸生學塾巾。千秋徐孺子。高義許相隣。又姚湘郭林宗。墓詩云。一知人薦士。緬遺踪。此日經過馬。戴封一木勢。難支大厦。六屯禍不及潛龍。登仙祇合同元禮。表墓寧須藉蔡邕。更有申屠共標格。高風樹屋獨名傭。後漢書本傳。秦卒刻石立碑。蔡邕爲文。曰。吾爲碑銘多矣。惟郭有道無愧色耳。碑久湮沒。今有清康熙時傅山補書碑在祠內。碑陰刻有金一鳳詩一絕云。一標榜釀成東市禍。鴻匡高蹈幾人知。只今遺廟孤城下。折角風流尙可追。祠前有漢槐。蔥蘢盤鬱。樹前有一石碣。鐫漢槐二字。又刻有常學易詩兩首云。一吾愛奇巍大漢槐。先生有道口口開。風高百世師天下。天植神槐仰聖才。一巍巍古幹翠凌雲。折角風流天下聞。高蹈不圖人爵貴。仍留槐蔭企清芬。

樓子臺山

樓子臺山在中陽縣東南三十里。山勢高聳。狀若層樓。中有劉公洞。

扁斗山

扁斗山在離石縣西北十五里。山勢插天。巍峨聳起。上有叶斗巖。巖下有靈通。月窟二泉。

白馬仙洞

白馬仙洞在離石縣東北五十里。九鳳山上。入洞里許。有獨木橋。有石橫從。盤石頂。優臥旋轉而下。有白龍、黑龍、蓮花等池。頂上石乳垂津。滴瀝如雨。又進分爲九穴。深不可測。石晉高祖嘗禱雨於此。天福改元。封淵濟仙洞。勅樞密使桑維翰書額。

五龍山

五龍山在長治縣東南二十五里。周十六里。山多松柏。森茂干霄。濃陰匝地。爲一郡之勝。

羊頭山

羊頭山在長子縣東南五十里。後漢安帝時。羌寇河東。任尙擊破之于羊頭山。卽此山。產柎黍。明嘉靖間取之以定樂律。陸深春風堂隨筆云。長子羊頭山。柎黍可以臬律。河內葭蓂灰。可以布瑄。非其地則無驗。

仙堂山

仙堂山在襄垣縣東北五十里。山勢嵯峨。西有琉璃巖。又有石九圈如車輞。環水中。雖旱不涸。上有龍洞及仙堂寺。皆堪遊觀。

翠微洞

翠微洞在壺關縣東南鳳臺山。洞前有白雲潭。洞口僅容一人。幽深窈窕。土人云。直透太行山外數百里。

嶠峪山洞

嶠峪山洞在黎城縣西七十里。嶠峪山麓。深六七里。中有池。深不可測。不溢不竭。產鐘乳五色。多肖物形。殊可觀覽。

隴阜山洞

黎城縣西北一百里有隴阜山。山半有洞。深數十里。杳冥幽晦。入洞十尋。有池四。深各數尺。又有方池一。深不可測。

莒山

莒山在晉城縣東北五十里。北接高平縣界。下有道泉。其左有全玉嶺。相傳卽蘭相如遣使懷壁從間道歸處。嶺以相如完璧而返。故名全玉。

後唐銅鐘

後唐銅鐘在晉城縣城內東南隅。玄妙觀中。鐘有銘記。後唐天祐時。李嗣昭勝梁於上黨。爲銅鐘四。各萬餘觔。此其一也。

龍巖

龍巖在陽城縣北三十里。亦名白巖山。其形方正。嶺有石梁。更上平廣三十畝。復承大巖。壁立高聳。中有古刹。東有小石龕。

龍洞

龍洞在陽城縣東南六十里。山甚高峭。下有石厓。厓半石洞。可梯而上。中廣方丈。里許有潭。旁有石佛三座。洞盡處有小孔。風從中出。人莫敢近。

大雲禪院

大雲禪院在沁水縣東九十里。磻山。元魏初建。名磻山寺。唐昭宗景福初。賜額曰大雲寺。寺中有白松三株。圍丈五尺。高數十丈。蒼者盤鬱。稀見之古樹也。

靈空山

靈空山在沁源縣西北六十里。高十餘里。盤踞五十餘里。其勢陡峻。石磴盤折。俗名十八盤。上有五龍潭。半空有仙巒二橋。跨澗而過。其東麓有蓋海洞。林壑清幽。風景頗佳。

老君洞

老君洞在平安縣東八十五里承天山。方可二丈。中有老君堂。古傳老君煉丹處。有明清時聯額碑志甚夥。堂後石壁多題刻。亦近人手筆。舊傳有韓昌黎題名。今已無見。

蒲山巨石

蒲山巨石在平定縣西二十五里蒲山。石巨數丈。盤聳古松間。石上有穴。深尺許。中產菖蒲。水冬夏不竭。

澤發水

澤發水在平定縣東北九十里。源出綿山妬女祠下。一名畢發水。突起平地。下赴絕澗。懸流千尺。俗謂之水簾洞。卽井陘治河之上源。金趙秉文有懸泉賦。碑在故關隘口。

故關

故關在平定縣東九十里。接直隸并陘縣界。元和志并陘故關在廣陽（卽

平定。縣東八十里。韓信張耳擊趙時所出處。清王士禛詩云。「危棧飛流萬仞山。戍樓遙指暮雲間。西風忽送瀟瀟雨。滿路榆花出故關。」卽詠此。

水寶石

水寶石在孟縣東六十餘里柏橋山下。全石無罅隙。而水涓涓不已。相傳以爲水寶。故名。

石巖山

石巖山在壽陽縣西北八里。周五里。高松怪石。厯落如畫。上有石佛古洞。下有流水之曲。環映左右。景物絕佳。

一一 雁門

九龍壁

九龍壁在大同縣城內陽和街東。相傳爲明代王府屏壁。高二三丈。長十餘丈。北向。以五色琉璃磚瓦累建而成。九龍鱗爪生動。影色斑斕。雲氣間雜。宛

然逼真。

華嚴寺

華嚴寺在大同縣城內清遠街。遼史地理志。清寧八年建華嚴寺。奉安諸帝石像銅像。卽此。明洪武三年改正殿爲大有倉。旋改供佛像。寺中有高臺數丈。上構殿宇。殊宏壯可觀。

石窟寺

石窟寺在大同縣西武州山。元魏建。始神瑞。終正光。歷百年而工始完。其寺一同升二靈光三鎮國四護國五崇福六童子七能仁八華嚴九天宮十兜率。內中石窟佛像更僕難數。佛像之大者高七丈。次則六丈。雕刻奇偉。冠絕一時。清時嘗重修。其山最高處曰雲岡。上建飛閣三重。閣前有清世祖書西來第一山五字。鑿石開山。因厓構屋。岩巒聳峙。洞窟幽深。洵叢林之勝地。遊覽之名區也。

後魏永固陵

後魏永固陵在大同縣北方山上。魏書孝文紀。太和五年。建永固石室于山上。立碑於石室之庭。十四年四月癸酉。葬文明太皇太后於永固陵。文成皇后馮氏傳。太后與高祖遊於方山。顧瞻川阜。謂羣臣曰。舜葬蒼梧。二妃不從。豈必遽附山林。吾百年之後。神其安此。高祖乃詔有司營建壽陵於方山。又起永固石室。太和五年起作。八年而成。刊石立碑。頌太后功德。水經注。方嶺有文明太皇太后陵。陵之東北有高祖陵。二陵之南有永固堂。

雁門關

雁門關在代縣西北三十里。一名西陘關。志云。關舊在雁門山上。東西山岩峭拔。中路盤旋崎嶇。唐於絕頂置關。元時關廢。明初移今所築。城周二里有奇。兩山夾峙。形勢雄勝。卽句注故道也。西抵寧武偏頭。東連紫荆倒馬。逼近朔州威遠。爲山西之屏障。

李克用墓

李克用墓在代縣西八里舊柏林寺側。相近有弟克謙子嗣照二墓。按克用少驍勇。黃巢陷京師。率沙陀兵大破之。功稱第一。封晉王。其子存勗。卽後唐莊宗也。

玉龍山

玉龍山在懷仁縣西北四十里。七峯並列。以摩天峯爲最高。有青石盤旋至頂。如龍狀。厓有玉龍洞。又有天橋。東壁鑿石磴百級。援鐵絙乃可上。

化悲巖

化悲巖在山陰縣西南四十里。兩峯壁立。東巖有石穴。頗深廣。中有北岳祠。中雷聖水滴之盈缶。以禱雨。奇驗。縣志云。相傳有樵夫夏初採薪巖窟。見二仙對弈。樵夫留薪窟中。歸告諸父老。伐木鑿石。構祠四楹。

六郎城

六郎城在廣靈縣西南四十里林關口。相傳宋楊六郎屯兵所築。遺址尙存。

御射臺

御射臺在靈邱縣東南。魏書太宗紀。和平二年。靈邱南有山高四百丈。詔羣臣仰射山峯。無能踰者。帝彎弧發矢。出山三十餘丈。過山南二百二十步。遂刊石勒銘。水經注。澆水逕御射臺南。臺在北埠上。臺南有御射石碑。

塔井三奇

靈邱縣東南三十里。元魏太和中敕建。寺有浮屠高三十丈。左有小浮圖。高與之埒。塔側一井。深亦三十丈。稱謂塔井三奇。

懸空寺

懸空寺在漢原縣南恆山下。龔窯口。剏自後魏。盛於元代。寺在石壁巉巖間。依山附厓。懸空架屋。下承長柱。上建樓閣。崇峙數層。矗起雲際。遙望如在空中。故名懸空。寺內殊廣闊宏麗。構造殊精。有老君如來西王母呂純陽等像。

臨欄縱眺。風景絕佳。獨俯首下瞰。則身似凌虛。心目爲之震懾矣。

恆山

恆山在渾源縣東南二十里。即北岳。互直隸舊保安府西境。及本省舊大同府東境。漢時避文帝諱改曰常山。括地志北岳有五別名。一曰蘭臺府。二曰列女宮。三曰華陽臺。四曰紫微宮。五曰太乙宮。或曰大茂山。書舜典歲十有一月朔。巡狩至於北岳。卽此山之最高處爲嶽頂。亦曰天峯嶺。入山之逕由懸空寺而進。里許有北嶽廟山門。題曰北嶽恆山。由此東上。則爲步雲路。虎雲口。虎風口有亭翼然。亭旁有古松挺然特立。亭後有石碑。刻介石二字。明弘治知州會稽董錫所立也。相近有紫芝峪。白龍洞。紫芝峪前有石曰振衣臺。至此路徑崎嶇。行三里許。抵嶽廟。有坊巍然。額二。前曰永奠冀方。後曰北嶽恆山。坊東有殿宇在石厓下者。爲嶽帝寢宮。旣入廟。有更衣殿。殿左有潛龍二泉。相距尺許。一甘一苦。相傳飲浴可愈疾。今苦者已湮沒。而甘者尙存。

自更衣殿側上半里。方爲嶽廟正殿。有額曰貞元之殿。有坊曰南天門。左右有清遺祭文各碑。多二十餘座。坊下石階一百餘級。望若天梯。登殿者必歷此。殿後危巉峭立。望之屹然。壁上有通天絕地。壁立萬仞。天地大觀等摩崖。渾源志云。恆山在州治南二十里。巔曰天峯嶺。下建北嶽觀。觀自北魏太延元年。歷唐武德金天會。至明洪武中。屢復修建。弘治間劉宇以古廟陝。度地中峯之陽。建廟殿。改古廟爲寢宮。清統志云。恆山漢書地理志以爲在上曲陽。歷代諸志皆因之。尙書周禮注疏亦云。自漢宣帝神爵元年。祀北岳常山於曲陽。唐宋祀典皆在定州。至宋始有恆山沒於遼。從曲陽縣望祀之說。明人乃定渾源之元岳爲恆山。弘治六年。馬文升請釐正祀典。乃修治渾源州舊廟。而秩祀尙在曲陽。本朝順治十七年。始改岳祭於渾源。據此則此廟建於明宏治。而祀秩始於清順治也。出殿西上有八角亭。曰御碑亭。有北嶽朔方鍾靈毓秀四門亭。西有閣二層。曰玉皇閣。閣西石窟下有殿。曰會僊府。內

列羣仙像。府西有純陽宮。宮西有凌雲閣。娘娘廟。府之西北偶。一峯突出。旁有石几。曰琴棋臺。頂有象戲一局。府之東有白虎峯。林木繁茂。鬱鬱青蒼。峯下有二洞。曰白雲洞。相近有通元谷。壁上刻篆文果老仙跡四字。明邢其任題。旁有飛石窟。上有飛石遺跡四字。八分書。窟側有還元洞。幽深杳冥。塞而復啓。有明御史黃應坤勒碑記其事。洞南有縱我懷抱亭。亭後多古人石刻。筆致極佳。游踪至此。則恆山之勝。則已觀覽殆徧矣。明馬汝驥恆山詩云。一代郡高誰闢。恆山鬱自盤。頂浮天地闊。傍掩日星殘。形勢并門扼。威靈冀宅安。省方元帝始。分野紫垣端。錦繡虛無出。銀鏤縹緲看。寶符傳七聖。玉檢奉千官。俎豆明冬殿。琴碁駐曉鑾。觀碑垂歲月。窟石鎮林巒。百里煙霞秀。三時雨雹寒。穴風生虎吼。巖瀑注龍蟠。鍾乳猶懸穗。金芝即捧盤。薜蘿翻翠壁。松柏護瑤壇。雲步名仙會。脂圖大隱歡。障開峰繞筆。社入竈還丹。倚柱思黃鶴。飛車問赤鸞。真源何窈窕。不及掛纓冠。又清沈用濟恆山詩云。一夜天

樞象北辰。衆山環拱碧嶙峋。雲霞隱見金銀闕。昏旦盤旋日月輪。呼吸蒼冥通一氣。逍遙紫嶠會羣真。陽終陰始扶元化。朔漠長留太古春。」「氤氳霧靄擁危巒。象肖靈蛇勢鬱盤。盤望去神光凌斗極。飛來秀色落桑乾。龍潭雲出千巖雨。虎口風生萬壑寒。我欲摩崖登絕頂。扶搖何處覓青鸞。」

釋迦塔

釋迦塔在夜縣治西南隅佛宮寺。高三十六丈。周圍半之。五層。額書釋迦塔。六簷八角。玲瓏宏敞。爲天下浮圖第一。明永樂四年。北往駐蹕塔上。親題峻極神功四字。正德三年。武宗亦幸此。親題天下奇觀四字。

火鼎神榆

在雲縣城內有玉虛宮。中有古榆。根無緣著。生大鐵爐上。舊時根下火常不絕。而榆青翠自若。謂之火鼎神榆。

尉遲敬德故里

尉遲敬德故里在朔縣南石碣峪村。其故宅遺址尙存。敬德名恭。以字行。唐朔州善陽人。爲劉武周偏將。降唐。屢著戰功。嘗與長孫無忌決策定隱巢之亂。論功第一。除右武侯大將軍。封吳國公。改封鄂國公。卒贈司徒并州都督。諡忠武。

染峪

染峪在寧武縣東十五里。山色如染。山半有洞。下有泉水甚甘。澗產蝦。所謂染谷流蝦是也。

回春谷

回春谷在寧武縣西百里中廣數里。巨石盤旋。峭壁千仞。四時如春。近正月時。蟄蟲皆振。草木已綠。

仙人洞

仙人洞在寧武縣西三十里。有大石門小石門。洞側有懸巖香爐峯。環山皆

生香草。

駱駝山

駱駝山在偏關縣東北七十里。相傳明李文忠北征。嘗憩兵於此。有駱駝洞。深數里許。舊中多蝶。有大如箕者。

朝陽洞

朝陽洞在偏關縣東八十里馬家山中。有陰陽二穴。陰穴燭以炬。可窺其底。陽穴深不可極。近穴如聞風雨聲。

神池

神池在神池縣治西門外。環西南城。冬夏不竭。一名西海子。明劉養志文昌祠記。寧武口距黃花嶺。皆崇岡疊嶂。鳥道盤虬。踰嶺而下。自巔抵麓十五里。地少平。有水一泓。出無源。去無踪。旱不涸。雨不盈。魚藻胥不生。名曰神池。卽此。

看花臺

看花臺在五寨縣東南四十里蘆芽山上。上多異卉。歲蕤播颺。駭綠綠紅。又有北峯臺北岳臺。統謂之蘆芽三臺。

萬佛洞

萬佛洞在五寨縣東北蘆芽山。明僧福登居此。神宗賜號真來佛子。爲造萬佛鐵塔。鑿石佛萬。雕刻極精。

陀羅山

陀羅山在五寨縣西北五十五里。怪石懸厓。形勢奇特。有清涼石、香爐石、滴水厓、青龍池諸勝。

遺山

遺山在五寨縣東北十五里。孤峯突起。爲衆山所遺。故名。金元好問讀書於山。因以爲號。山上神山寺。卽讀書處也。其旁有遺山祠。

鐵拐山

鐵拐山在五臺縣東五十里。削壁千仞。中插一鐵拐。世傳爲仙人所遺。

仙人跡

五臺縣東南五十里有仙人山。石巖上有人坐蹟。山腹石上有手跡。山下石上有雙腳跡。皆西向。謂之仙人跡。

楊五郎鐵棍

五臺縣東有太平興國寺。宋釋睿見居此。相傳爲楊五郎之師。寺內有鐵棍一重八十一斤。傳卽五郎遺物。有碑鐫詩云：「棄卻干戈披衲衣。個中爭許幾人窺。只今惟有台山月。夜夜空臨楊老祠。」

小五臺山

小五臺山在繁峙縣東南一百四十里。五臺並峙。林壑幽奇。石泉清秀。寺觀錯置其間。景物絕佳。

花佛寺

花佛寺在保德縣南十五里。元至正間。石崖崩出石佛數百。州人建寺。泉至其中。卽今石像是也。

三 河東

大雲寺

大雲寺在臨汾縣城內安道坊。唐貞觀中建。俗名鐵佛寺。內有大鐵佛。頭上建浮圖。

皋陶村

皋陶村在洪洞縣南十里。一名士師村。其墓卽在于此。每屆清明。村人多往祭奠。至今不衰。村南有師曠里。相傳師曠墓在焉。

桑維翰故里

桑維翰在浮山縣東北五十里夾榆村。其墓在縣東北六十里。維翰字國僑。

爲人醜怪。身短面長。初舉進士。主司惡其姓。不取。或勸其改業。乃著日出扶桑賦以見志。鑄鐵硯示人曰。硯穿則改業。卒第進士。仕晉（五代）。累官中書令樞密使。封魏國公。後遼攻京師。張彥澤兵入。維翰曰。吾晉大臣。自當死國。遂死焉。

采桑津

采桑津在鄉寧縣西。大河津濟處也。左傳。僖公八年。晉里克敗翟於采桑。卽此。

通濟橋

通濟橋在曲沃縣西南二十里侯馬鎮南澮河上。相傳晉平公與齊景公相會地。

鄧伯道故里

鄧伯道故里在襄陵縣東南二十五里。縣東南十五里北鄧村有遺愛橋。世

傳鄧伯道建橋於此因名遺愛

壺口山

壺口山在吉縣西南。書禹貢。既載壺口。卽此。州志云。在州西南七十里。河勢北來。至此全傾於西。崖奔放而下。約五六百尺。懸注潑旋。有若壺然。

廣孝泉

廣孝泉在永濟縣東南二里。舊名舜井。東西相去四百餘步。泉脈相通。城中井水皆鹹。此水獨甘。釀酒尤佳。宋大中祥符四年。眞宗如汾陽。賜名廣孝。命王欽若撰碑文。歲久碑廢。明時重書勒石。

開元鐵牛

開元鐵牛在舊蒲州府治。寰宇記。唐開元十二年。於河東（卽今永濟）縣開東西門。各造鐵牛四。鐵人四。其牛下並鐵柱。連腹入地尺餘。至今尙存。

鸛鵲樓

鸛鵲樓在永濟縣城西南城上。沈括夢溪筆談河中（卽蒲州）府鸛鵲樓三層。前瞻中條。下瞰大河。唐王之渙詩：（白日依山盡。黃河入海流。欲窮千里目。更上一層樓。）能狀其景。舊志：樓舊在郡城西南黃河中高阜處。時有鸛鵲棲其上。遂名。後爲河流衝沒。卽城角樓爲圖。以存其蹟。

娥英陵

娥英陵在永濟縣東南蒼陵谷。寰宇記：帝舜二妃之陵也。在河東縣十里。

五老山

五老山在虞鄉縣西南。元和志：堯升首山。觀河渚。有五老人飛爲流星。上入昴。因號其山爲五老山。雲笈七籤：謂爲第五十二福地。唐侯道華升仙於此。山有雷公洞。上洞在歸雲巖。下洞在北峯。又有北斗峯。峯上有北斗臺。又有東西錦屏峯。東南有韓君洞。又有太乙峯。峯南有步虛坪。又有太乙青城玉峯。蒼龍太白玉母白沙玄武保德諸洞。洞之陽有棄瓢巖。旁有龍井。禱雨輒

應。又有飲鹿、金龜、金沙、玉女諸泉。俱出其麓。全山峯巒峻拔。泉壑幽深。景物至佳。

硃砂洞

硃砂洞在虞鄉縣西南十五里方山下道清觀旁。卽侯恣子昇仙處。有大石覆壓洞口。石色皆赤。內有井。水恒滿。恣子本名道華。唐虞鄉人。從師道清觀。資性篤實。故人稱爲恣子。師令汲水。每見一童子輒與戲。師知而異之。授侯以鐵針紅線。令簪童子頂。侯如命。童子忽慟。去入葡萄樹下。掘地得入。參如童子形。師烹之。以事出。侯竊食至盡。棄其餘汁於犬。師歸。侯與犬俱飛昇去。

秋風亭

秋風亭在榮河縣西北后土祠廟後。昔有漢武帝秋風辭石刻。後廢。復建層樓於大殿前。石刻秋風辭。署額曰秋風樓。

后土祠

后土祠在榮河縣北。漢書郊祀志。武帝時立后土祠於汾陰（卽今榮河）
睢上。間歲至河東祀后土。成帝初徙置長安。後復汾陰。寰宇記。唐開元十年
親祀。兼建碑。及御製文並書。文獻通考。唐開元十二年。祀后土於汾陰睢上。
太史奏榮光出河。休氣四塞。獲古銅鼎二。古甄。長九寸。有篆書字。又有赤鬼。
見於壇側。宋大中祥符四年。祀后土地祇。以太祖太宗並配。悉如封禪禮。詔
睢上后土廟爲太寧正殿。通志。金章宗元世祖皆遣官致祭。明永樂十三年
重修。縣志。古后土祠爲河侵圯。新汾陰祀在廟前村北。清統志。本朝康熙二
年。因舊祠重建。

法雲寺

法雲寺舊在萬泉縣南十里介山絕頂。宏麗精巧。甲於一方。元泰定元年建。
明萬曆八年建石城。周七十丈。

孤山

孤山在猗氏縣南五十里。廣八十里。接萬泉縣界。南谷有雕石厓。舊常有雕巢其上。南麓有桃花洞。舊多於此種桃。金劉海蟾羽化於此。有登仙石遺跡。

鳴珂里

鳴珂里在猗氏縣城內。唐書張嘉貞爲相。弟嘉祐爲金吾將軍。每朝軒蓋騶從盈閭。所居之坊號曰鳴珂里。即此。

翟方進墓

翟方進墓在猗氏縣西翟村。唐長修僂漢故丞相翟方進墓碑。公本汝南上蔡人。歸葬本郡。值東郡之敗。子孫西遷。改葬於此。代爲河東猗氏人。按方進字子威。漢上蔡人。年十二而孤。嘗爲太守府小史。好學。舉明經。成帝永始中拜相。以儒雅緣飾吏事。號爲通明。封高陵侯。食邑千戶。卒諡恭侯。

關帝故里

關帝故里在解縣東南十八里常平村。其光整即在村南。有廟在縣西門外。

百步。南面條山。北背硝池。溯自陳隋。宋大中祥符時重建。金元屢修。明萬曆中。敕廟名英烈。清雍正四年。授聖裔世襲五經博士。五年。加封聖祖父三代公爵。建前後殿。以春秋兩仲月及五月十三日致祭。

玉溪洞

玉溪洞在夏縣東南七里中條山中。俯瞰溪流。則清澈可愛。相傳司馬溫公嘗隱此讀書。

夏后氏陵

夏后氏陵在夏縣西池下王村里。清統志云。夏后氏一代陵寢。惟禹陵在浙江會稽山。少康陵在河南太康縣西。蓋啓以下諸王之陵。俱在於此。金大定五年。建朝元觀奉祀。

司馬光故里

司馬光故里在夏縣西司馬村。獨樂園在縣西二十里。其墓在縣西北三十

里鳴條岡其祖父十餘家胥存舊志宋哲宗篆碑首曰忠清粹德起樓臺東命蘇軾撰文紹聖元年奪官毀樓仆碑斷碑之陷有杏生於龜跌之側膠枝蟠繞金皇統中夏縣令王廷直得舊碑石摹勒碑文明嘉靖初重修其碑舊有祠在墓旁又一祠在儒學左內有知足齋布衾銘柳氏訓言二石刻俱溫公手書明時因舊祠隘陋改祠於縣治東北

雲川寺

雲川寺在垣曲縣西北七十里曹家山峯巒疊翠厓壁峭絕處地極佳

董澤

董澤在聞喜縣東北四十里古參龍氏董父居此亦曰董泊一名董池左傳宣公十二年厨武子曰董澤之蒲可勝既乎即指此

晉文公墓

晉文公墓在絳縣東南二十里下村有廟唐貞觀十一年詔致祭五十步內

禁樵蘇。又晉獻公墓在縣東槐泉村。晉靈公墓在縣東磨裏村。地名景冢。

佛閣寺

佛閣寺在稷山縣東北三里。一名清涼院。金建。樓洞高敞。厓洞幽遠。頗稱勝境。清時曾重修。

霍山

霍山在霍縣東三十里。主峯高二百丈。盤踞二百里。南接趙城。洪洞二縣界。卽古太岳也。虞書傳中祀泰岳。霍山。周禮職方冀州鎮曰霍山。皆謂此山有廟。唐貞觀四年立。開元八年敕命重修。有刑部尙書鄭瀚撰碑。唐以後歷代皆曾修葺。至今完整。清王士禛霍太山詩云。一岳色清秋裏。峇嶢俯素汾。幾時携蠶屨。絕頂息勞筋。姑射連冰雪。中條接白雲。竹書何日事。霸業久三分。

石佛厓

石佛厓在汾西縣西三十里。高二丈許。厓上鑿大小佛像百餘。又霍縣西南十五里汾水東。有聖佛厓。亦鑿佛像甚衆。

韓侯嶺

韓侯嶺在靈石南二十里。一名韓信嶺。亦曰高壁嶺。嶺有鐵礮數尊。又有韓信墓及祠。祠中楹聯甚多。有云「青天有意存忠骨。碧草無言對夕陽。」「公旣登大將壇。苟稍有利天下之心。則早謀於十萬軍中。又豈待克齊城時。乃生異志。我欲問漢高祖。枉受此薄功臣之過。試歷數此二千年內。而至今高廟祠者。究屬何人。」志云。漢高后斬信於未央宮。遣人幽首詣帝所。帝征陳豨。還駐蹕於此。遂葬其首於嶺上。後人卽其冢立廟祀之。有元集賢學士歸陽撰碑。

瑞石

瑞石在靈石縣城北門外。隋開皇十年巡幸。傍汾開道所得。有文曰。大道永

吉。以爲瑞。因名縣。志云石高六七尺。玲瓏類太湖石。其文今不可辨。

李靖紅拂遇虬髯客處

靈石縣東十七里小水鎮。有英雄奇遇坊。及李衛公廟。乃唐李靖紅拂於旅邸遇虬髯客處。虬髯客事見張說虬髯客傳。

媧皇廟

媧皇廟在趙城縣東五里。周廻約五里許。松柏圍二丈。有奇者百餘株。宋太祖開寶六年建。明太祖洪武三年。命有司修理。春秋致祭。每三年遣官致祭。有碑文。清代亦屢次遣官致祭。有陵冢在於此。

翠屏山

翠屏山在蒲縣西南一里。山勢聳秀。松柏鬱然。山半巖下有晉文公祠。祠前有泉。從石竇湧出。有疾者禱而飲之。汗出卽愈。因名曰汗泉。

龍母洞

龍母洞在蒲縣北四十里。居羣山中。有泉甚甘冽。旁產五花花乳石。瑩潤可愛。

龍窠

龍窠在大寧縣南翠微山南。石壁高可百尺。有龕深廣各丈餘。唐代宗大曆十年。黃龍養子於此。厓上有枯龍形。大龍窠南三百步有小龍窠。

中華名勝古蹟 第四編 山西

四二

中華名勝古蹟終

中華名勝古蹟續編目錄

第五編 河南

一 開封

吹臺 繁塔寺 大相國寺 公園 會公祠 鐵塔 汴故宮 蔡邕墓 邊韶墓
鴻圖岡 鄭莊公迎母處 輿果寺 睦崗山 夏臺 穎亭 楊億墓 雲岩洞
龍潭 蓮經石塔 華陽亭 後周陵 子產墓 歐陽修墓 南亳城 商邱
蠡臺 平臺 兔園 南園 牧仲別業 壯梅堂 開元寺 帝嚳陵 伊尹墓
微子墓 張巡墓 雷萬春墓 洧陵 賴鄉城 李老母廟 梁孝王墓 銅像
西園 商高宗陵 晉王台 九曲池 西河 讓王台 關公故邸 關公挑袍處
小商橋 李膺墓 許慎墓 鍾繇台 梅山 裴度墓 大周山 厄井 劉禹
錫墓 廣武山 金龜山 方山

中華名勝古蹟 第五編 目錄

二 河北……………一三二—四一

霖落山 孔子擊磬處 呂祖閣 望京樓 比干墓 山濤墓 會盟亭 大寺
韓琦墓 岳忠武廟 祭陌 佛圖證墓 天平山 萬泉山 空桑村 殷中宗陵
紫山 定晉岩 明璐王園 同盟山 靈山 青岩山 雲夢山 淇園 鹿臺
石麒麟 天門山 蘇門山 百門泉 俄夫墓 黑山瀑布 大覺寺 紫金山
浮邱山 青壇山 黎公祠 秦皇碑 風穴 明月山 石柱鐵環 許衡墓
天壇山 孔山 天井谷 淬劍池 義門村 漢獻帝陵 花石厓 韓愈墓 魏
公臺

三 河洛……………四一—五八

伊闕 故成周城 故雒邑王城 金墉城 東都城 上清宮 周公廟 白馬寺
香山寺 九老堂 耆英堂 甄官井 石經碑 關林 東漢諸陵 二程子墓
砥柱 漢文臺 召公祠 魏氏山 田橫墓 顏真卿墓 許遠墓 淨土寺

北宋諸陵 處士莊 盧岩 鬼谷 測景台 將軍柏 聖德感應碑 中嶽廟
會善寺 少林寺 女几山 項羽阮秦降卒處 秦趙會盟處 嵒山 聘臺 邵
雍墓 關龍逢墓 荆山 阿對泉 三鱣堂 風穴山 致雨亭 篋箕山 琴臺
二蘇墓 香山

四

汝陽

五八一六三

雞公山 龍跑山 賢首山 申伯臺 呼延贊鐵盔 張衡墓 半山亭 蘇家寨
山 黃城山 天中山 南湖 廣教寺 黃憲墓 李斯井 蟾虎寺 金頂山
寶石橋 雲坳亭

中華名勝古蹟 第五編 目錄

中華名勝古蹟續編

第五編 河南

一 開封道

吹臺

吹臺在開封城東南三里。陳留風俗傳。縣有倉頡師曠城。上有列仙之吹臺。卽此。漢梁孝王修築之。曰平臺。晉世乞活憑居。削墮故基。遂成二層。謂之乞活臺。後有繁姓居其側。因名繁臺。俗曰婆臺。梁開元中。曰講武臺。明代嘗祀碧霞元君二仙女。俗又曰二姑臺。祠祀禹王。又曰禹王臺。今臺前有坊。題曰古吹臺。大門外有二鐵獅。內祀嵩嶽神。水濱神暨禹王。並附祀秦漢以來治水者二十九人。後壁有清巡撫劉樹堂摹寫峴嶽碑石刻。有御碑亭。立清高宗御製詩碑。另又有三賢祠。祀唐李白杜甫高適等。蓋昔三人嘗遊於此也。

繁塔寺

繁塔寺在吹臺西。後周曰天清。明代曰國相。清重建。殿後有興慈塔。本宋太平興國二年造。甃砌六角。塔門左右有宋趙安仁書十善業道經及金剛經石刻各六方。元末兵燹塔毀。明初重修。止存四級。已不若前之高聳矣。

大相國寺

大相國寺在開封城東北。齊天保六年建。名曰建國。唐睿宗改爲相國寺。宋太宗至道二年重建。題額曰大相國寺。宋孟元老夢華錄。相國寺每月五次開放。萬姓交易。又遼使入朝見訖。翌日詣大相國寺燒香。金章家。元世祖。明太祖相繼重修。憲宗成化二年改名崇法。崇禎十五年河水淤沒。清順治十六年巡撫賈漢復重建。仍名大相國寺。歲久傾圮。乾隆三十一年巡撫阿思哈奏請重修。御書古汴古藍。匾額暨御製碑文。今殿宇崇宏。巍然猶存。有五百羅漢像。內多小販售賣雜物。其承宋代五次交易之遺歟。

公園

公園乃前開封銅圓局所改置。距隴海鐵道開封站西北二里。備花木亭臺之勝。牆有黃綠玻璃嵌成古佛二十尊。最堪觀賞。

曾公祠

曾公祠在開封刷絨街。祀清曾國藩文正公及其弟國荃忠襄公。河督許仙屏建。有瓣香樓。深廣十楹。祠之前後。湖光山翠。風景清佳。今設圖書館。供人遊覽。

鐵塔

鐵塔在開封城內東北隅。全用磚砌。磚色黃赤。故曰鐵色琉璃塔。登之可以眺遠。最高處有鐵像。舊塔側有大延壽甘露寺。即古上方寺。今已圯廢。

汴故宮

汴故宮在開封城北隅。五代梁建都。以軍治爲宮。晉爲大寧宮。宋時謂之大

內宋史地理志建隆（太祖）三年廣皇城東北隅命有司畫洛陽宮殿按圖修之宮城周迴五里南三門東西兩門北一門正殿曰大慶正衙殿曰文德大慶殿北有紫宸殿視朝之前殿也西有垂拱殿常日視朝之所也次西有皇極殿又次西有集英殿宴殿也殿後有需雲殿東有昇平樓宮中觀宴之所也宮後有崇政殿閱事之所也殿後有景福殿西有殿北向曰延和便坐殿也金因舊址少更之明洪武十一年改建爲周王府清順治十六年改爲貢院康熙中築萬壽亭前代故宮殿址今猶可按尋有石闌獅柱龍鳳柱五嶽碑甬道午門御座等遺跡御座係白石方臺四面鑄龍高廣可一仞今安玉皇像於此

蔡邕墓

蔡邕墓在杞縣南五十里蔡邕字伯喈後漢陳留圉（卽杞縣）人少博學好辭章知術數天文妙操音律靈帝時拜郎中與楊賜等奏定六經文字

立碑太學門外。於是後儒晚學。咸取正焉。尋以事免官。後董卓辟之。累拜左中郎將。封高陽鄉侯。及卓被誅。王允收邕付廷尉。遂死獄中。所著詩賦碑銘書記等作。凡百四篇。傳於此。

邊韶墓

邊韶墓在杞縣東三里。韶字孝先。漢浚儀人。以文學名。教授數百人。嘗晝日假臥。弟子私嘲之曰。邊孝先。腹便便。懶讀書。但欲眠。韶應曰。邊爲姓。孝爲字。腹便便。五經笥。但欲眠。思經事。嘲者大慚。桓帝時爲臨穎侯相。徵拜大中大夫。著作東觀。再遷北地太守。入拜尙書令。後爲陳相。卒。所著有詩頌碑銘書策等。凡十餘篇。

鴻臺岡

鴻臺岡在洧川縣西半里。高十餘仞。南北長十餘里。首踞洧城。爲邑之巨鎮。舊上有鴻臺二。各高數丈。戰國策。張儀說韓王曰。鴻臺之宮。非大王有。卽此。

鄭莊公迎母處

洧川縣西南十里有大隧山。高二十餘仞。長七八里。其中斷處爲大隧澗。兩崖壁立。中有坦途。可容方軌。相傳卽鄭莊公迎母武姜處。

興果寺

興果寺在中牟縣南崑澤里。明英宗天順間建。有銅佛一千一百尊。亦曰千佛寺。

崆崗山

崆崗山在禹縣西北五十里。接密縣界。一名大仙山。懸崖絕壑。形勢峻巖。石澗瀑布。淙淙有聲。山巔有石洞。殊杳深。

夏臺

夏臺亦曰鉤臺。史記夏本紀。桀召湯而囚之夏臺。卽此。元和志在陽翟（卽禹縣）縣南十五里。

穎亭

穎亭在禹縣西。唐宣帝大中四年陽翟令陳寬建。宋范鎮曾修葺之。清王士禎穎亭詩云。「青山圍穎亭。下有清穎流。石瀨何淺淺。力始勝方舟。金沙映素儵。策策千萬頭。斜日照冰雪。微風矯輕鷗。側身望終古。企彼巢與由。糠粃鑄堯舜。心與造物游。不逢掛瓢人。北指軒轅丘。」

楊億墓

楊億墓在禹縣城北茨山下。億字大年。宋浦城人。生數歲。家人抱之登樓。觸其首。卽吟曰。危樓高百尺。手可摘星辰。不敢高聲語。恐驚天上人。雍熙初試中童科。太宗召見。試一賦二詩。頃刻而成。送中書再試。執政令賦喜朝金闕。詩下筆立就。有願秉貞忠節。終身立聖朝之句。除正字。後試進士。而爲翰林學士。億性耿介。尚氣節。帝嘗欲立劉德妃爲皇后。命億草制。丁謂諭旨。億執不可。乃命他學士代焉。卒諡曰文。億爲文格律雄健。學者宗之。著書甚多。今

惟存武夷新集二十卷。

雲岩洞

雲岩洞在密縣東四十里。一山突起。四水環之。高下岩洞十餘。惟雲岩爲最深廣。岩石皆玲瓏斑駁。洞旁雲岩宮。有唐獨孤及風后八陣圖碑。

龍潭

龍潭在密縣東南三十里大隴山麓。有數源流注潭口。兩岸皆石。水流倒擊。崖竅飛瀑如雷。潭側峯巒峭拔。其水瑩淨。色如琉璃。

蓮經石塔

密縣治西有法海寺。宋眞宗咸平四年建。寺前有塔。青白石雜爲之。高十餘級。四面自基至頂。鑿蓮經一部。字畫勁遒。宋張哲有法海寺石塔記。

華陽亭

華陽亭在新鄭縣東南。卽華城。乃稽康學琴處。晉書。稽康嘗游洛西。暮宿華

陽亭。忽有客詣之。與康共談音律。因索琴彈之。而爲廣陵散。遂以授康。

後周陵

後周太祖嵩陵。在新鄭縣北自然山下。世宗慶陵恭帝順陵。亦在於此。昔時春秋致祭。立碑甚夥。

子產墓

子產墓在新鄭縣西南陘山（亦作邢山）上。晉書杜預傳。吾往過密縣之邢山。山上有冢。問耕夫。云是子產之冢。其造冢居山之頂。四望周達。連山體南北之正。而邢東北向新鄭城。意不忘本也。其墜道唯塞其後。而空其前。不填之。示藏無珍寶。不取于重深也。山多美石而不用。必集洧水自然之石。以爲冢藏。貴不勞功巧。而此石不入世用也。君子尙其有情。小人無利可動。歷千載不毀。儉之至也。按子產姓公孫名僑。春秋鄭大夫。博學多聞。長於政治。孔子稱其有君子之道四。其行己也恭。事上也敬。養民也惠。使民也義。

歐陽修墓

歐陽修墓在新鄭縣西二十八里。蘇軾撰碑。修字永叔。宋廬陵人。舉進士甲科。仁宗時爲諫官。論事切直。後拜參知政事。盡心匡輔。與韓琦策立英宗。王安石秉政。以太子少師致仕。修天資剛勁。見義勇爲。好獎引後進。五代以來。文體卑微。修遊隨州。得韓愈遺稿。讀而慕之。苦心探索。遂以文章名天下。學者翕然宗之。晚居潁之西湖。號六一居士。自爲傳曰。吾集古一千卷。藏書一萬卷。有琴一張。棋一局。而常置酒一壺。以吾一翁老於其間。是爲六一。卒贈充國公。諡文忠。所著有新唐書及五代史等。

南亳城

南亳城在商邱縣西南。寰宇記。在穀熟（卽今商邱）縣西南三十五里。帝王世紀。穀熟爲南亳。三亳之一。皇甫謐曰。三亳穀熟爲南亳。卽湯都。蒙爲北亳。卽景亳。湯所受命。偃師爲西亳。盤庚所徙。括地志。宋州（舊歸德府）唐曰

宋州睢陽郡。穀熟縣西南二十五里南亳故城。卽南亳湯都也。宋州北五十里大蒙。商邱漢時嘗曰蒙縣。城爲景亳。湯所盟地。因景山爲名。河南偃師爲西亳。帝嚳及湯所都。盤庚亦徙都之。

商邱

商邱在商邱縣西南三里。周二百步。高八丈。相傳卽關伯所居。今其巔有關伯廟。墓亦在爲。秋日。邑人在此登高臺之西北。有燧人氏陵。

蠡臺

蠡臺在商邱舊城南。卽宋景公所登之虎圈臺。晉書姚襄載記。殷浩遷襄於梁國蠡臺。亦卽此。

平臺

平臺在商邱縣東北二十五里。宋平公所築。史記梁孝王大治宮室。爲複道。自宮連屬於平臺。三十餘里。卽此。當時鄒枚相如之倫。皆嘗游咏於上。

兔園

兔園在商邱縣東。距隴海鐵道馬牧集站西北十二里。亦名修竹園。方三百里。梁孝王築。卽梁苑也。西京雜記。梁孝王苑中有白霧山。落猿岩。栖龍岫。雁池。鶴洲。鳧島。諸宮觀相連。奇果佳樹。瑰禽異獸。靡不畢備。今邑人呼其地曰梁園村。荒煙蔓草。景況清涼。

南園

南園在商邱縣城南十里。明戶部尙書侯恂建。無雕飾之美觀。具淨明之雅致。有隨喜亭。可昇而行。坐臥其中。尤饒別趣。

牧仲別業

牧仲別業在商邱城西南十三里史家河。有水竹荷菱之勝。清太子少師宋犖別墅。牧仲犖字也。

壯悔堂

壯梅堂在商邱北門內。侯方域建。方域恂次子。字朝宗。性豪邁。多大略。與桐城方以智、如皋冒襄、宜興陳貞慧稱四公子。工詩古文。才思橫溢。所著有壯梅堂集。

開元寺

開元寺在商邱縣南一里。唐建。宋更名寶融寺。又名興隆寺。有唐顏真卿書八關齋會報德記石幢。高八尺。上覆以亭。

帝嚳陵

帝嚳陵在商邱縣南四十五里。高辛集之西北。宋太祖開寶六年。建廟於陵前。

伊尹墓

伊尹墓在商邱縣穀熟集南五里。周三十餘畝。有廟。元時建。

徵子墓

徵子墓在商邱縣西南二十里青岡廟。有祠在城內西北隅。一名象賢祠。

張巡墓

張巡墓在商邱縣城北高原。巡唐南陽人。天寶末安祿山反。拜河南節度副使。守睢陽。與太守許遠合兵拒賊。賊將尹子奇以十餘萬衆來攻。守數月。城中食盡。援絕。殺愛妾饗士。羅雀掘鼠而食。城陷殉節。從李翰請。擇城北高原。招魂與諸將士作一墓葬於此。

雷萬春墓

雷萬春墓在商邱縣東一里。萬春張巡偏將。令狐潮圍雍邱。萬春立城上與潮語。伏弩發。六矢著面。萬春不動。潮疑刻木人。謀得其實。乃大驚。後睢陽陷。與巡俱死難。

洧陵

洧陵在寧陵東南二十五里。左傳成公十六年。鄭子罕伐宋。宋將鉏欒懼。敗

諸洧陂。退舍於夫渠。不徹。鄭人覆諸洧陵。卽此。

賴鄉城

賴鄉城在鹿邑縣東十里。亦名厲鄉。史記老子楚苦縣（卽鹿邑）厲鄉曲仁里人。注正義曰厲音賴。晉太康地記苦縣東有賴鄉村。老子所生地也。其故宅今爲廟。唐曰太清宮。中有古石碑。魏文帝黃初三年嘗立闕於廟前。有銘鍾繇書。

李老母廟

李老母廟在鹿邑縣東。元和志在縣東十四里。一名洞霄宮。祀老子母。唐高宗乾封元年冊號先天太后。宮前舊有宋眞宗御製碑銘。蔡襄書。水經注李老君母廟前有李母冢。冢東有碑。是永興元年譙令長沙王阜所立。

梁孝王墓

梁孝王墓在永城縣北。水經注梁孝王墓斬山作郭。穿石爲藏。行一里到藏。

中有數尺水。水有大鯉魚。黎民謂藏有神。不敢犯之。

銅像

虞城縣南牛王堽寨中有銅像廟。中有銅像。相傳出於土中。高四尺。鑄鑿至精。

西園

西園舊在淮陽縣西。宋張咏知陳州時建。中有七亭。曰流芳、中謙、流盃、香陰、環翠、洗心、望京。有閣曰冷風。堂曰清思。臺曰望湖。後晏殊以故相守陳。見園中隙地有莎叢生。爲莎場。作庭莎記。

商高宗陵

商高宗陵在西華縣北二十里。清乾隆十六年修築。陵前有祠。宋王汾碑記。

晉王臺

晉王臺在項城縣西三十三里。上有古井。四門空洞。乃唐李克用屯兵之所。

有碑刻。

九曲池

九曲池在許昌城西南。其水九曲環轉。中闢地畝餘。雜蒔花柳。邑人多遊憩於此。

西河

西河卽許昌護城河。中多蓮茨。每屈夏日。則紅蕖綠水。掩映城郭。風景至佳。

讓王臺

讓王臺在許昌城東。漢獻帝禪位於魏。百官送之於此。因名。

關公故邸

關公故邸在許昌城南。相傳曹操拜公爲偏將軍時居於此。今卽其地立爲神勇廟。內有吳道子畫關公持刀騎馬像。及辭曹操書石刻。

關公挑袍處

許昌西門八里有關帝廟。廟多松柏。森立濃陰。相傳關公去曹歸劉。曹操餞別處。內有關公挑袍處石碑。並有張遼許褚張晃等捧幣送行。及甘糜二夫人等像。城內文廟附近有大節亭。傳爲關公秉燭達旦。侍甘糜二夫人處。

小商橋

小商橋在臨潁縣南二十五里。隋開皇四年建。下臨小澗河。與鄆城縣接界。宋楊再興與烏珠戰死於此。

李膺墓

李膺墓在襄城縣北二十里。清王士禛拜李元禮墓詩云。「潁水東流去不迴。漢家司隸汜城隈。西園官爵歸常侍。北部髡鉗記黨魁。一代荀陳師友誼。千秋蕃武死生哀。歲寒謾謾松風裏。猶似龍門御李來。」按膺字元禮。漢襄城人。性簡亢。無所交接。惟以同郡荀淑陳寔爲師友。舉孝廉高第。并遷青州刺史。轉烏桓校尉。拜司隸校尉。諸黃門常侍皆鞠躬屏氣。休沐不敢出宮省。

帝問故。並叩頭曰。畏李校尉。是時綱紀頹弛。膺獨持風裁。士有被其容接者。名曰登龍門。後遭黨事下獄。免歸。陳蕃資武秉政。引爲長樂少府。陳竇敗。復廢。收捕鉤黨。詣獄考死。

許慎墓

許慎墓在鄆城縣東三十五里召陵臺下。慎字叔仲。或作叔重。漢召陵（即鄆城）人。性淳篤。博通經籍。馬融常推重之。時人爲之語曰。五經無雙許叔仲。仕爲郡功曹。舉孝廉。再遷除浚長。所著有五經異義。說文解字等。而說文解字推究六書之義。分部類從。至爲精密。後世言小學者皆宗之。

鍾繇臺

鍾繇臺在長葛縣治前。晉鍾繇嘗學書於臺下。有洗硯池。今池存水涸。

梅山

梅山在鄭縣西南二十五里。接新鄭縣界。尖秀峭拔。高數十丈。西北麓有深

澗。澗中有洞。洞前泉水極甘。山東有峯。高廣多雲氣。俗稱泰山。三面皆斷崖絕壁。惟東南隅疊石爲磴道。可行。左傳。襄公十八年。楚蔣子馮公子格率銳師。右回梅山。侵鄭東北。卽此。

裴度墓

裴度墓在鄭縣南三十里林錦店。翁仲碑碣尙存。墓東有廟。度字中立。唐聞喜人。貞元初進士。累官中書侍郎。督兵討平淮蔡。封晉公。加中書令。正色立朝。言無不盡。以身係天下輕重者三十年。後因閹豎擅權。力請罷職。治第東都集賢里。作別墅號綠野堂。野服蕭散。與白居易劉禹錫輩。觴咏其間。不問人間事。號曲江公。臨終謂門人曰。吾死無所繫。但午橋莊松雲嶺未成。軟碧池。鱗魚尾未長。漢書未終篇。爲可恨耳。卒諡文忠。

大周山

大周山在滎陽縣南三十五里。有三泉九峪。汴水發源於此。宋仁宗時。曹皇

后嘗建塔其上。

厄井

厄井在滎陽縣西南十五里。漢高祖與項羽戰敗於京索。遁入此井。蛛網其口。鳩鳴其上。追者以爲無人。遂得脫。因名。

劉禹錫墓

劉禹錫墓在滎陽縣東檀山原。禹錫字夢得。唐中山人。擢進士。登博學宏詞科。累官至集賢殿學士。出爲蘇州刺史。遷太子賓客。會昌初。加禮部尙書。禹錫工詩文。文於韓柳外。自成軌轍。有劉賓客集四十卷行於世。

廣武山

廣武山在滎澤縣西河陰縣北。史記漢四年。項王與漢俱臨廣武而軍。卽此。孟康注。於滎陽築兩城相對曰廣武。在敖倉西三皇山上。山經注。西廣武城。漢所築。山下有水。北流入濟。謂之柳泉。東廣武城。項王所築。今名其壇曰項

羽堆夾城之間。有絕澗斷山。謂之廣武澗。今山上有漢高祖廟。其下卽漢楚交戰處。

金龜山

金龜山在汜水縣東郊外。磴道數百級。懸崖深洞。杳不可測。其上有仙井。山之東澗下有王母洞。

方山

方山在汜水縣南四十里。山周數百里。嶙峋萬仞。勢出天表。自山麓循溪而入。其西有馬跑泉。東爲龍窩。豹窩。南口漢家泉。乃光武遺跡也。又西爲抱壘峰。峰半有仙人洞。又南則羣峯拱向。中爲環翠峪。下有神母祠。祠下有泉。名柏池。北爲紫玉岩。一名玉仙山。上有玉仙元君祠。祠前有二泉。一爲小龍池。一爲黃龍池。卽汜水源也。是山東南屬密。西南屬登封。東北屬滎陽。西北屬鞏。中有五玉嶺。蓋以兼五邑之勝而名之也。

一一 河北

霖落山

霖落山在汲縣西北三十五里。一作林落山。中有獅子岩、香泉、重巒疊巘。瑰特于狀。風景至爲幽勝。

孔子擊磬處

孔子擊磬處在汲縣南里許。舊有碑石。圯廢。明知府周思宸建餘韻亭。後亦廢。清乾隆十五年。因舊基復建亭。高宗御題孔子擊磬處五字。

呂祖閣

呂祖閣在汲縣城外西北隅。有臺。邯鄲授枕意。臥像石刻一方。嵌於呂祖龕後。又有呂祖畫筆石碑及門額。後有層樓。曰白雲閣。高聳峙立。可以眺遠。

望京樓

望京樓在汲縣城內。一名務本樓。俗曰望景樓。明潞王所築。高十餘丈。廣五

六丈。巍然聳立。上有十字廊。石坊等。登臨遠眺。景物全收。

比干墓

比干墓在汲縣北十五里。墓高一丈五尺。徑十丈。古柏繞之。氣象嚴肅。有碑刻隸書殷比干墓四字。碑左右有元王悅曾明周思宸等所摹刻銅盤文。又有石坊。柱刻陸農越題「孤忠心不死。故社柏猶存」。聯坊後有廟。題曰殷太師廟。廟內墓前多歷代御祭文碑及前人頌贊諸石刻。惜有年久而倒仆者。

山濤墓

山濤墓在武陟縣西二十里。子簡及孫遐墓。稍前並列。濤字巨源。晉懷（卽武陟）人。少有器量。介然不羣。舉秀才。累遷吏部尙書。甄拔人物。各爲題目。時稱山公啟事。後拜司徒。固讓。輿疾歸家。薨。年七十九。諡曰康。子簡。字雅倫。性溫雅。有父風。卒贈征南大將軍儀同三司。

會盟亭

會盟亭在安陽縣北洹水上。楚項羽與章邯盟此。後人作亭其處。

大寺

大寺在安陽城外。內藏水陸神像大軸甚多。筆致極佳。

韓琦墓

韓琦墓在安陽縣西。子忠彥等祔。琦字稚圭。宋安陽人。天聖中舉進士。方唱名。太史奏五色雲見。初授將作監丞。歷官陝西。經歷安撫招討使。與范仲淹在兵間久。名重一時。朝廷倚以爲重。天下稱爲韓范。邊人謠曰。軍中有一韓。西賊聞之心膽寒。軍中有一范。西賊聞之驚破膽。嘉祐三年。拜同中書門下平章事。英宗嗣位。拜右僕射。封魏國公。神宗立。拜司徒兼侍中。琦爲相。臨大事。決大議。不動聲色。執政十年。光輔三后。歐陽修稱爲社稷臣。卒謚忠獻。帝親爲碑文。篆其首曰。兩朝顧命定策元勳之碑。

岳忠武廟

岳忠武廟在湯武縣南門內。宋建。廟前有秦檜、王氏、張俊、万俟卨、王黼兒等五鐵像。作跪形。有聯云「蓬頭垢面跪階前。想想當年宰相。端冕垂旒臨座上。看看今日將軍。」正殿供忠武像。後殿供忠武母、楚國夫人、李太君神位。西院供忠武女、英烈、孝娥像。廟中多碑誌古柏。且有忠武親書出師表。鐫於石。清高宗曾二次進香於此。

祭陌

祭陌在臨漳縣西。戰國時俗巫爲河伯娶婦。祭於此。故名。褚少孫補史記滑稽傳。魏文侯時。西門豹爲鄴（卽臨漳）令。會長老問民所疾苦。長老曰。苦爲河伯娶婦。（正義曰。河伯華陽潼鄉人。姓馮。名夷。浴於河中。而溺死。遂爲河伯。）以故貧。豹問其故。對曰。鄴三老廷椽。常歲賦歛百姓。收取其錢。得數百萬。用其二十萬。爲河伯娶婦。與祝巫共分其餘錢。持歸。當其時。巫行視

人家女好者。云是當爲河伯婦。卽聘取洗沐之。爲治新繪綺縠衣。間居齋戒。爲治齋宮河上。張緹絳帷。女居其中。爲具牛酒飯食。行十餘日。共粉飾之。如嫁女。床席令女居其上。浮之河中。始浮行數十里。乃沒。豹曰。至爲河伯娶婦時。願三老巫祝父老送女河上。幸來告語之。吾亦往送女。皆曰諾。至其時。西門豹往會之。河上三老官屬豪長者。里父老皆會。以人民往觀者。三二千人。其巫老女子也。已年七十。從弟子女十人。西門豹曰。呼河伯婦來。視其好醜。卽將女出帷中。來至前。豹視之。願謂三老巫祝父老曰。是女子不好。煩大巫姬爲入報河伯。得更求好女。後日送之。卽使吏卒共把大巫姬投之河中。有頃曰。巫姬何久也。弟子趣之。復以弟子一人投河中。有頃曰。弟子何久也。復使一人趣之。復投一弟子河中。凡投三弟子。西門豹曰。巫姬弟子是女子也。不能白事。煩三老爲入白之。復投三老河中。西門豹簪筆罄折。嚮河立待良久。長老傍觀者皆驚恐。西門豹顧曰。巫姬三老不來還。柰之何。欲復使廷

椽與豪長者一人入。趣之。皆叩頭。叩頭且破額。血流地。色如死灰。鄴吏民皆大驚恐。從是以後不敢復言爲河伯娶婦。水經注。西門豹爲鄴令。投巫於河中。淫祀雖斷。地留祭陌之稱焉。

佛圖澄墓

佛圖澄墓在臨漳縣西。晉書本傳。澄自起塋墓于鄴西紫陌。卽祭陌。水經注。趙建武（石虎年號）十一年。爲佛圖澄先造生墓於紫陌。建武十五年卒。葬焉。按佛圖澄天竺僧。少學道。妙通玄術。石虎傾心事之。稱曰大和尚。天平山

天平山在林縣西二十六里。宋柳開遊天平山記。山有大峯六。小峯五。其西又有二峯。諸峯皆於茂林喬松間。拔出石壁數千尺。迴環連接。巒岩峭翠。雖善工亦不能圖畫。

萬泉山

萬泉山在林縣東南五十里。山多泉。山半有石門寺。寺南一泉。飛騰噴薄。響振山谷。

空桑村

空桑村在內黃縣西二十里。伊尹產生處。有廟。宋真宗親幸立石。

殷中宗陵

殷中宗陵在內黃縣西南二十五里。高一丈五六尺。宋開寶間樹碑。梁周翰撰文。

紫山

紫山在武安縣東北三十里。亦名紫金山。唐天寶六年。改爲朱衣山。山下有水北流。中有鮒魚。名朱衣鮒。鱗色若金。上有王喬洞。產九節菖蒲暨烏石。

定晉岩

定晉巖在武安縣西北八十里。高百餘里。下有湧碑池。池畔有透影碑。

明璐王園

明璐王園在新鄉縣城西五陵崗。周二里許。園外有坊。額曰璐藩佳城。有翁仲石獸十餘對。墓前有碑亭。亭前有石製之案。爐燭臺等。舊廟殿。今已傾廢。僅存故址。明時祭碑。今尙峙立。距王墓右十餘丈。爲璐王次妃趙氏墓。墓前有廟殿。階下有明萬曆時碑二。妃墓清時曾重修。故廟殿崇麗。今有緇流居焉。

同盟山

同盟山在獲嘉縣東北五里。武王伐紂。與諸侯同盟於此。故名。舊有武王廟。其右有飲馬池。

靄山

靄山在淇縣西北三十里。有黑龍潭。其北有四井。上有十佛洞。隋開皇中。榮陽鄭元伯斲石造佛。萬四千軀。

青岩山

青岩山在淇縣西南三十里。唐天寶末甄濟隱此。安祿山辟不就。亦曰蒼峪山。上有水簾洞。澄徹可鑒。

雲夢山

雲夢山在淇縣方山後。上有天爺廟。內有孫臏洞。洞口有瀑布。因又名水簾洞。深里許。中有石屋。

淇園

淇園在淇縣西北三十五里。即詩所咏淇澳也。漢武皇塞瓠子決河。下淇園之竹以爲楗。東漢初。寇恂爲河內太守。講武肄射。伐淇園之竹以爲矢。有百餘萬。章帝建初七年。幸淇園。卽此。

鹿臺

鹿臺在淇縣東北。書武成散鹿臺之財。水經注。朝歌城內有殷鹿臺。紂昔日

自投於火處也。

石麒麟

淇縣南門裏迤西殷三仁祠。祀殷微子箕子比干。祠前有一石麒麟。琢工甚精。神態若生。內有唐柳宗元撰碑。

天門山

天門山在輝縣西北五十里。有石屹向若門。一名石門山。懸厓峭壁。徑途崎嶇。產千層石。黑色有光。雖薄如紙。可分析。又產水晶。輕石。雲母石。輝綠石。石松石。柏之類。有三潭。跳珠。歎玉。飛珠。四濺。水皆黛色。又東在西二偏嶺。東偏嶺腹有水晶洞。深丈許。

蘇門山

蘇門山在輝縣西北七里。一名蘇嶺。太行之支也。本名柏門山。亦作百門山。風景頗佳。尤多古蹟。除嘯臺外。有振衣亭。御碑亭。亭後石厓上刻孔天胤題。

湯紹恩書。仁智動靜四大字。右有李夢陽撰重修嘯臺記石。相近有文廟。中有吳道子畫聖像石刻。廟外有坊。坊西有洞。洞下多名人題咏。洞左有周程祠。祠西有關帝廟。廟有乾坤正氣碑。殿壁嵌石刻。明人所書扇面。廟外有歎玉亭。有元許衡詩石刻。又有二張祠。祀明巡撫張克儉及布政司張昇。祠東則邵康節之安樂窩在焉。

百門泉

百門泉在蘇門山麓。一名百泉。志云。泉通百泉。故名。廣百餘步。水藻榮廼。游鱗出沒。波平如鏡。清澈見泥。巖石爲塘。護以闌干。塘側有共姜祠。邵康節祠。耶律文正祠。孫夏峰祠。及清行宮。水心有清暉閣。層樓峙立。丹髹煥然。壁間嵌有行書石刻。臨檻遙觀。風物絕佳。徐東海有聯云。一盞歸乎來。試著我席帽。青衫。徜徉煙景。結可漁可樵之侶。當宜晴宜雨之天。倚檻聽魚。遇橋題竹。臨波招鷺。坐石吟松。把數十年車馬勞。付諸雲水蒼茫。別開清境。更不須

浮印接袂。洪厓拍膺。俯仰自寬閑。好共沙鷗盟息壤。一去古未遠。且對此潭紋簾影。憑弔林亭。叩宋明理學所傳。挹晉魏風流所在。酒箴中聖。易與窺義。琴韻通仙。笑聲疑風。問千百載溪谷落落。誰與沈寥高曠。爭滌塵襟。又何必莫許同生。葛懷重活。詠歌餘慨想。長留春色駐蓬壺。」

餓夫墓

餓夫墓在蘇門山嘯臺左。清王士禛有餓夫詩。序云。彭姓字了凡。蘇縣人。遭闖亂。棄諸生客饒陽。爲鄉塾師。已而從孫徵君（徵君名奇達。字啓泰。一字鍾元。直隸容城人。舉萬曆庚子鄉試。晚講學於蘇山之夏峯。學以慎獨爲主。經學理學俱有獨見。學者稱夏峯先生。明清兩代皆徵召之人。因稱曰徵君。卒年九十二。清道光時從祀孔子廟）於蘇門。或授之粟。不受。竟坐死嘯臺之旁。或曰明亡了凡往依夏峯。及至夏峯。已受清室徵君封號。遂不食而死。徵君題其藏曰餓夫墓。詩曰。黔敖呼餓人。不受嗟來食。使之當大事。必

讓千乘國。靈輒餓鬻粟。倒戟一何力。簞食不忘報。竟脫宮甲逼。蘇門有餓夫。風節夙所植。生餓蘇門下。死葬蘇門側。嘯臺高峨峨。百泉流湜湜。清風一相映。泉石起寒色。遐哉首陽薇。千古長太息。

黑山瀑布

黑山亦名黑麓山。在輝縣東北五十里。兩崖壁立。直逼霄漢。水經注。黑山在縣北白鹿山東。清水所出也。瀑布垂巖。懸注二十餘丈。雷撲之聲。震動山谷。左右石壁層深。隍中散水霧合。視不見底。

大覺寺

大覺寺在延津縣治北街中。有長明燈記。元揭傒斯撰。趙孟頫書。

紫金山

紫金山在濬縣東五里。大伾山之東。翠石稜稜。山無餘土。相傳玉女修煉其上。丹成飛去。有白金泉。拖裙石。玉女巖。玉女觀。

浮邱山

浮邱山在濬縣西南隅。半在城內。高三十餘丈。盤踞六里。有峯巖三層。縣治正跨其上。山多洞廟。有碧霞元君行宮。每年正月初。香會甚盛。廟西北有千佛寺。殿外石巖下有洞。鑿佛數十尊。東南又有一洞。亦有佛像。額曰佛國。別由東上。有浮邱仙壇。中有白衣閣。閣西有亭。可眺遠。亭南有白衣菴。菴後石壁刻小羅浮三字。相近有浮山寺。有明赫流撰浮山寺碑。又有文昌閣。中有春秋佳日軒。山水清音室。鴻文樓。鑿亭諸勝。棟宇宏敞。境地崇幽。最堪遊憩。

青壇山

青壇山在濬縣東二里。漢光武平王郎。還至黎陽。築壇祭告天地百神。劉公幹賦所謂青壇承祀。高碑頌靈者也。一名大伾山。禹貢。至於大伾。又名黎山。周五里。高四十丈。峯巖秀拔。若倚屏障。上有太極宮。中有前人石刻。由殿左而上。有八卦臺。凡三層。供仙神像。下層有清邑令劉德新。三清贊等石刻。臺

西南有禹廟。內有王守仁手書詩賦石刻。傍廟東轉而下。爲大佛巖。有藏經樓。大佛閣。層樓挺起。上干雲霄。中石佛像。高十餘丈。壯偉岸異。殊饒異觀。由此北行。有龍洞。洞前建豐澤廟。有宋蔡襄及明姜森等碑記焉。

黎公祠

黎公祠在濬縣南門內。世傳爲子貢故里。祠門兩旁植松柏。森立鬱茂。殿西有一古槐。曰靈楷樹。

秦皇碑

濬縣西二十里白祀山上。有巨碑。無字。土人呼爲秦皇碑。相傳秦始皇祀西岳於此。

風穴

濬縣西北七十里黑山。削壁怪石。迴溪曲澗。盤鬱其中。有風穴。口大如斗。風從中出。附口處草皆外偃。

明月山

明月山在沁陽縣東北四十里。有古刹。自山坳層構而上。最後曰憑虛閣。高峻舒豁。可以登眺。

石柱鐵環

沁陽縣西北三十里馬頭山。上有石柱鐵環。相傳洪水時。民繫舟於此。

許衡墓

許衡墓在沁陽縣東北六十里。衡字平仲。元河內（卽沁陽）人。幼有異稟。七歲入學。問其師曰。讀書何爲。師曰。取科第耳。曰。如斯而已乎。師大奇之。稍長嗜學如飢渴。得朱程書。慨然以道爲己任。世祖時召爲國子祭酒。議事。中書省。拜中書左丞。衡善教誨。無貴賤賢不肖。隨其才昏明大小。皆有所得而意滿。至元十八年卒。卒之日。懷人無少長。皆哭於門。四方學士有數千里來祭哭墓下者。大德二年贈司徒。諡文正。皇慶二年。詔從祀孔子子廟。

天壇山

天壇山在濟源縣西。卽王屋山絕頂。軒轅祈天之處。故名。東曰日精峯。西曰月華峯。卽唐司馬承禎得道之所。李白詩。有一願隨夫子天壇上。閒與仙人掃落花。一句。壇北有王母洞。壇東有八仙嶺。壇南又有華蓋峯焉。巒嶂崇峙。景物幽奇。

孔山

孔山在濟源縣東北二十五里。上有數峯。峯皆玲瓏。遠近洞見。水經注。山上石穴洞開。穴內石上有車轍牛跡。自然成者。非人工所能也。

天井谷

天井谷在濟源縣北盤谷內。水流爲天井。溪石上有數坎深若井。水自上溢。相接而落。遠視若倚劍然。韓愈詩。「是時新晴天井溢。誰把長劍倚太行。」卽指此。

淬劍池

淬劍池在修武縣西北嵇山下。晉嵇康淬劍所。宋嘉祐四年河北提刑使曹涇書淬劍池三字刻於石。

義門村

義門村在修武縣西二十里。宋張宏毅家於此。有連理槐兩樹。相去三步許。上枝交貫爲一。柯葉繁茂。前有龍虎二石。不假雕飾。形象天成。

漢獻帝陵

漢獻帝陵在修武縣北三十五里濁鹿城後小風村。名禪陵。

花石厓

花石厓在孟縣西三十五里。厓谷幽邃。其石色淺黃。隱隱成花木形。頗堪觀賞。

韓愈墓

韓愈墓在孟縣西十五里韓家莊皇甫湜銘愈字退之唐河陽人性明銳操行堅確勤學讀書日記數千言比長盡通六經百家學擢進士第累官刑部侍郎憲宗迎佛骨入禁中愈上表極諫貶潮州刺史尋改袁州召拜國子祭酒歷轉吏部侍郎長慶四年卒贈禮部尚書諡曰文其先世嘗居昌黎宋元豐中因追封爲昌黎伯愈爲文粹然一出於正輔翊六經闕深奧衍卓然自成一家爲後世學者所宗法。

魏公臺

魏公臺在溫縣西南十五里晉宣帝嘗登此臺宴飲父老捧觴慶賀因又名賀酒臺。

三 河洛

伊闕

伊闕在洛陽縣南一名闕塞山亦名龍門山左傳昭公二十六年晉知躒趙

鞅帥師納王使女寬守闕塞。史記秦昭襄王十四年白起攻韓魏於伊闕。五
十一年西周君與諸侯約從將天下銳兵出伊闕攻秦。令秦毋得通陽城。水
經注昔大禹疏以通水。兩山相對望之若闕。伊水歷其間北流。故謂之伊闕。
春秋之關塞也。兩京記隋煬帝登北邙觀伊闕曰此龍門耶。自古何爲不建
都於此。蘇威曰以俟陛下。遂自故都移於今所。今山有二華表。一題曰伊闕
雲連。一題曰龍門勝概。廟宇亭榭參差錯置其間。有九間房者。唐武后建。今
殿屋雖圯。佛像猶存。高可十丈。聳然屹峙。摩厓碑誌甚夥。石厓上瀑布懸垂。
水聲潺潺。巖壑響應。風光煙水。極堪玩賞。

故成周城

故成周城在洛陽縣東二十餘里。卽洛陽故城。公羊傳曰成周者何。東周也。
書序召公旣相宅。周公往營成周。作洛誥曰我又卜瀍水東。亦惟洛食。卽此。
其後遷殷頑民於此。秦呂不韋封文信侯。食河南洛陽十萬戶。擴大其城。後

東漢魏晉皆嘗定都於此。

故雒邑王城

故雒邑王城在洛陽縣西北五里。卽河南故城。書序成王在豐。欲宅洛邑。使召公先相宅。周公曰。我乃卜澗水東。澗水西。惟洛食。卽此。其後平王徙都之。是爲東周。左傳莊公二十一年。鄭虢同伐王城。是也。敬王始遷成周。後夏王城曰河南。博物記王城方七百二十丈。郛方一十里。南望雒水。北至邾山。

金墉金

金墉城在洛陽縣東。魏築。延禧二年。魏主禪位於晉。出舍金墉城。晉楊后及愍懷太子賈后之廢。皆徙金墉城。永康二年。趙王倫遷惠帝於金墉城。皆卽此。東魏元象元年。高歡破城。乃毀。

東都城

東都城在雒邑王城東。隋之東都也。北據邙嶺。南對伊闕。東西越澗。洛水

貫其中。唐以其舊址爲東都。宋又因唐址而修築之。曰西京。

上清宮

上清宮在洛陽縣北八里。世傳老子修煉之所。正殿梁柱及瓦皆範鐵爲之。清代曾重修。又有下清宮。在城北五里。

周公廟

周公廟在洛陽城西南五門屯。內有金人像及古敬器三。廟旁有定鼎堂。

白馬寺

白馬寺在洛陽縣東二十里。故洛陽城西。漢明帝時。摩騰竺法蘭初自西域。以白馬馱經而來。舍於鴻臚寺。遂取寺爲名。剏置白馬寺。此僧塔之始也。

香山寺

香山寺在洛陽縣香山。寺以山名。香山闕塞之支。產香葛。故名。後魏孝明帝元年建。白居易曰。龍門十寺。觀遊之勝。香山爲首。清乾隆十五年。高宗巡幸。

嵩洛經臨寺中。有御製詩。勒於石。今御碑亭是也。

九老堂

九老堂在香山履道坊。唐白居易故宅。當時嘗集胡杲、吉叟、劉真、鄭據、盧真、張渾、李元爽、僧如滿等。及已爲九老。作尚齒會。太和六年。居易撰修香山寺記。今刻於門屏。

耆英堂

耆英堂舊在洛陽縣東舊資聖院。宋文彥博留守西都。慕唐九老。集洛中公卿大夫。年德相若者。爲耆英會。繪像堂中。凡十三人。文彥博、富弼、席汝言、王尙恭、趙丙、劉几、馮行己、楚建中、王慎言、張問、張燾、王君貺、司馬光也。

甄官井

甄官井在洛陽縣東南。後漢初平二年。孫堅討董卓。進至額陽。得漢傳國璽於井中。

石經碑

石經碑在洛陽縣。通志、蔡邕正定六經。熹平中，詔書於碑，鐫刻立太學門外。魏正始中又立古篆隸三字石經，樹堂西。

關林

關林在洛陽縣南十五里。三國蜀志注吳歷曰：權送羽首於曹公，以諸侯禮葬其屍骸。卽此。今冢前一門，顏曰鍾靈處。門外有廟，供關公像，多匾聯碑碣。翠柏上聳，紅垣外繞，氣象莊嚴。經蒞於此者，必瞻禮焉。

東漢諸陵

東漢諸陵：章帝敬陵在洛陽東南七十八里。和帝慎陵在洛陽東六十里。殤帝康陵在洛陽東六十里。安帝恭陵在洛陽東北六十七里。順帝憲陵在洛陽東北二十五里。冲帝懷陵在洛陽東北二十五里。質帝靜陵在洛陽東南六十三里。桓帝獻陵在洛陽東南六十里。靈帝文陵在洛陽東北十里。至世

祖原陵在孟津縣西。帝王世紀在臨平亭南。西望平陰。去洛陽二十五里。明帝顯節陵在洛陽縣東南。帝王世紀在富壽亭西北。去洛陽三十七里。

二程子墓

二程子墓在洛陽縣南七十里。有祠在城西。明宏治十一年建。如闕里之制。正殿祀明道伊川二程子。兩廡從祀門人六十三人。

砥柱

砥柱在陝縣東北四十里。黃河中。禹貢底柱析城。注砥柱石在大河中流。其形如柱。今陝州陝縣三門山是也。趙冬曦三門賦序。砥柱山六峯。皆生河之中流。其最北有兩柱相對。距厓而立。卽所謂三門也。次南有孤峯。揭起峯頂平濶。西有孤石數丈。圓如削成。復次南有三峯。東曰金門。中曰三堆。西曰天柱。志云三門中神門。南鬼門。北人門。惟人門修廣可行舟。鬼門尤險。三門之廣約三十丈。鬼神二門之間。有峽甚淺。冬日往往涸乾。夏秋河漲。乃有流水。

漢文臺

漢文臺在陝縣城西南。漢文帝築以望河上。公今臺西有河上仙翁廟。唐崔曙有九日登望仙臺呈劉明府詩。詩云。漢文皇帝有高台。此日登臨曙色開。三晉雲山皆北向。二陵風雨自東來。關門令尹誰能識。河上仙翁去不回。却欲近尋彭澤宰。陶然共醉菊花杯。一卽咏此。

召公祠

召公祠在陝城縣署左。卽召公聽政處。有召公手植甘棠。周四尺。已枯老。又有一鐵鼎。亦古物也。有古鼎記石碑。此外更有明代碑碣。

緱氏山

緱氏山在偃師縣南四十里。列仙傳。王子晉見桓良曰。告我家七月七日。待我於緱氏山頭。果乘白鶴駐山巔。望之不到。舉手謝時人而去。唐宋之間。詩云。侵晨發洛陽。城中歌吹聲。畢景至緱嶺。嶺上煙霞生。草樹饒野意。山川多

古情。一卽咏此。山舊有子晉祠。有唐武后撰並書碑。

田橫墓

田橫墓在偃師縣西赫田砦。有清道光時宋之睿詩碑。田客墓亦在家旁。相連屬。

顏真卿墓

顏真卿墓在偃師縣北一里。真卿字清臣。唐臨沂人。博學工詩。尤善正草書。開元中官監察御史。繼出爲平原太守。安祿山反。倡義討之。亂平。封魯國公。後李希烈反。朝議使大臣往陳禍福。盧杞素憾真卿。舉之。真卿至東都。希烈欲脅之降。真卿不可。數屈辱之。遂爲希烈所縊死。

許遠墓

許遠墓在偃師縣西南五里。遠新城人。天寶中爲睢陽太守。與張巡合兵拒安祿山。後賊將尹子奇陷城。巡死。生致遠於洛陽。至偃師不屈死。葬此。

淨土寺

淨土寺在鞏縣東北七里。一名石窟寺。亦名石佛寺。後魏景明間建。鑿石爲佛。觸目皆是。多唐宋人題咏。有唐開元及後唐長興年石幢。並中和時韋薰書碑。

北宋諸陵

北宋諸陵。宣祖永安陵。在鞏縣西南四十里。太祖永昌陵。亦在於此。太宗永熙陵。在昌陵西一里。眞宗永定陵。在昌陵北十里。仁宗永昭陵。在定陵西北五里。英宗永厚陵。在昭陵西一里。神宗永裕陵。在昭陵西二里。哲宗永泰陵。在昌陵西二里。諸陵曾遭毀掘。後經修理。享殿已無。惟冢墓纍纍。猶可辨耳。

處士莊

處士莊在孟津縣舊河清縣。唐穆宗時溫造居此。後爲監察御史。舉朝壯其風力。官至禮部尙書歸里。白居易詩云。白石清泉拋濟口。綠幢紅旆照河

陽。村人都不知時事。猶自呼爲處士莊。」

盧岩

盧岩在登封縣北十五里太室之東。唐盧鴻隱處。舊有艸堂。倒景臺。懋館。枕煙庭。雲錦淙。期仙磴。滌煩磯。霽翠亭。洞元寶。金碧潭諸跡。

鬼谷

鬼谷在登封縣東南。史記蘇秦習於鬼谷先生。元和志在告成（卽登封）縣北五里。卽六國時鬼谷先生所居也。

測景臺

測景臺在登封縣東南二十里。周公測日景而築。唐開元十年。詔太史監南宮說立石表焉。臺北有觀星臺。高五丈。闊一丈。磚甃尙完。臺後舊有周公廟。今已破敗。

將軍柏

將軍柏在登封縣太室麓。嵩陽書院後院。一株大可七八人圍。高十餘丈。矯然聳立。柯枝翳叢。生氣濃厚。卽漢武所封大將軍也。又一株在前院。較大將軍爲低小。大止三四人圍。卽二將軍也。至三將軍。今已枯死。

聖德感應碑

聖德感應碑在舊嵩陽書院西南隅。高崇竚立。唐李林甫撰。徐浩八分書。

中嶽廟

中嶽廟在登封縣東八里華蓋峯下。漢志謂之太室廟。後魏太武帝太延元年重建。歷代增修。廟外有坊。內有正殿寢殿。寢殿後又有黃籙殿。貯道藏經函。歷代修葺及御祭碑甚夥。殿宇高敞。規制宏大。爲中州祠宇之冠。

會善寺

會善寺在登封縣西北十里。本後魏孝文帝避暑宮。隋開皇中。賜名會善。有魏嵩陽寺碑。唐戒壇碑。及清代石刻。寺外有舍利塔十餘座。林木翳翳。峯巒

秀拔風景絕佳。

少林寺

少林寺在登封縣西北二十五里。少室山北麓。後魏太和二年建。隋文帝改名陟岵。唐復名少林。殿宇宏壯。有佛祖殿、毘盧殿、達摩殿等。後殿有白玉佛像。壁上畫有吳道子佛相。左廊畫有操練武術圖。廟內魏唐以來詩文碑刻不可計數。而古柏挺立。亦屬不鮮。郭緣生述征記云。柏林蔭謫。窮日幽暗。殆弗覩陽影。隋開皇賜少林寺地一百頃。稱柏谷屯。從可知古柏之多。由來久矣。唐初寺僧曇宗等。佐秦王平王世充有功。明倭人入寇。總制胡宗憲亦嘗用僧爲兵。故少林僧以武力著於世。而技擊中遂有少林派焉。

女几山

女几山在宜陽縣西九十里。晉張軌嘗隱於此。水經注。渠谷水出宜陽縣南女几山。東北流逕雲中。臨迨。遶層峻。流煙半垂。纓帶山阜。唐韓愈途經女几

山下詩云。「旗穿曉日雲霞雜。山倚秋空劍戟明。敢請相公平賊後。暫攜諸吏上崢嶸。」白樂天曰。晉公（裴度）出討淮西。過女几山下。題詩云。「待平賊壘報天子。莫指仙山示武夫。」而公此詩和作也。女几山或曰。有白蘭香者。在此昇仙。故云仙山。

項羽阮秦降卒處

新安縣西南有楚坑。史記項羽本紀。阮秦卒二十餘萬人。新安城南。卽此。

秦趙會盟處

澠池縣西有會盟臺。一碑曰秦趙會盟處。相傳秦昭襄王趙惠文王會盟處。

崱山

崱山在洛寧縣北六十里。西北接陝縣。東接澠池。左傳蹇叔曰。殺有二陵焉。其南陵夏后皋之墓也。北陵文王之所避風雨也。今北陵有文王避雨臺。又有紫微宮。供文王神位。宮內有琉璃井。山後有二郎洞。

聘臺

聘臺在嵩縣空桑澗之西南。直北爲伊尹祠。中隔溪流。一山平兀如几。世傳成湯使者聘尹處。

邵雍墓

邵雍墓在嵩縣東北紫金山下。有祠在縣北。清康熙二十四年建。有聖祖御書學達性天圖。按雍字堯夫。宋范陽人。寓洛四十年。號所居曰安樂窩。神宗時以著作郎徵之。不至。事李之才。受河圖洛書八卦六十四卦圖像。探賾索隱。妙悟神契。多所自得。元祐中卒。諡康節。所著有皇極經世書。漁樵問對。擊壤集等。

關龍逢墓

關龍逢墓在靈寶縣南十里孟村之西。唐太宗東巡致祭。開元十三年立碑。

荆山

荆山在閩鄉縣南三十五里。西史記封禪書黃帝采首山之銅鑄鼎於荆山下。魏書釋老志世宗嘗於恒農荆山造珉王像。唐韓愈詩「荆山已去華山來。日照潼關四扇開。」李商隱詩「楊僕移關三百里。可能全是爲荆山。」皆指此。相近有鑄鼎原。又有獨遊山。世傳黃帝嘗居於此。

阿對泉

阿對泉在閩鄉縣西五十里。阿對漢楊震家僮也。嘗引泉灌蔬。故名。唐吳融詩「阿對泉頭一布衣。」卽此。

三鱣堂

三鱣堂在閩鄉縣西四十里。後漢楊震講堂也。一名校書堂。震嘗客湖上。有冠雀銜三鱣魚飛集講堂。故名。按鱣同鱣。鱣鱣古字通也。

風穴山

風穴山在臨汝縣東北二十里。上有風穴。風將作。穴中先有聲。山麓有大慈

泉南流入黃澗。宋吳幾復嘗隱此。舊有吳公洞。讀書庵。稚才亭。諸勝。李廌俱題咏之。其上有翠嵐亭。

致雨亭

致雨亭在臨汝縣治西池上。宋咸平中州守趙况建。有蘇軾祈雨文刻於石。

簞箕山

簞箕山在魯山縣南十八里。上有白塔寺。山多紫石。可爲研。春月隔溪桃花爛漫。頗有武陵之致。

琴臺

琴臺在魯山縣北。寰宇記在故子城東南牆上。廣二百步。唐開元中元德秀爲令。彈琴其上。志云。琴臺顏真卿撰文。金趙秉文書。二大字刻之。石。元好問詩云。「千山爲公臺。萬嶺爲公琴。夔曠不並世。月露爲知音。」

二蘇墓

二蘇墓在邲縣西北三十五里。小峨嵋山（相傳宋蘇軾見此山以其形類蜀之峨嵋故名）蘇軾卒於常州。其子過卜葬於此。宋史蘇過傳。過葬軾汝州邲城小峨嵋山。東坡年譜。葬於汝城邲城（卽邲縣）縣鈞臺鄉上瑞里。後蘇轍亦葬此。故云二蘇。

香山

香山在寶豐縣東南三十里。舊名火珠山。中巒圓淨如珠。旁兩峯高峙。巒頂建浮圖。下有天池。上架石梁。

四 汝陽

雞公山

雞公山在信陽縣南七十里。與湖北應山縣接界。亦曰雞翅山。志云。上有怪石。曰雞公石。水經注。九渡水出雞翅山。近西人建築廬舍。爲夏日避暑之地。有郵局、教堂、學校、旅館等設置。

龍跑山

龍跑山與雞公山附近。在京漢鐵道新店站西。上有巨石數十。作騰驥之勢。故名。山腹有石如靴狀。靴底向天。形勢若眞。曰仙人靴。山下有石鼓。擊之有聲。其地名石鼓溝。

賢首山

賢首山在信陽縣西南七里。亦曰賢隱山。峯巒秀麗。風景頗佳。有梵宮、石洞、石井等。通鑑齊建武二年。魏遣劉昶攻義陽。蕭衍赴救。率精兵從間道夜發。逕上賢首山。卽此。

申伯臺

申伯臺在信陽縣東北。世傳申伯所築。古申國在縣北二十里。有碑甚夥。北門內有申伯祠。明成化十六年建。

呼延贊鐵盔

京漢鐵道新店站西六十里有呼氏祠。祀宋呼延贊。藏有鐵盔一具。卽其遺物云。

張衡墓

張衡墓在南陽縣東北。水經注。潁水逕西鄂（卽南陽）縣。水北有張平子墓。有碑文。字悉是古文。崔瑗之辭。按衡字平子。後漢西鄂人。安帝時拜爲郎中。遷侍中。永和初。出爲河間相。徵拜尙書。四年卒。衡善屬文。作二京賦。十年乃成。爲時傳誦。尤精天文曆算。作渾天儀及候風地動儀。機巧無匹。

半山亭

半山亭在內鄉縣西北一百二十里湯河半山間。宋張舜民建。有窪尊石刻存焉。金元好問有樂府。

蘇家寨山

蘇家寨山在舞陽縣南七十里。峯巒高聳。壁立險絕。舊有蘇氏避兵於此。其

相屬諸山。曰百藥山、虎頭厓、九頭厓、白石厓、鬪王嶺、馬驚嶺、走馬嶺、千人嶼、鎗鋒梁、雞窩、龍窩、地皆奇勝。

黃城山

黃城山在葉縣北十里與城山相連。山經注是長沮桀溺耦耕之所。東有流水。則子路問津處。清王士禛過長沮桀溺耦耕處詩云：「曾讀陶公傳。奈奈沮溺心。耦耕餘故跡。流水抱寒岑。鳥下日將夕。雲歸山半陰。從來避世者。不厭入山深。」

天中山

天中山在汝南縣北三里。一名天臺山。高止丈餘。上土下石。自古考日景測分數。於此最正。唐真卿立有天中山碑。

南湖

南湖在汝南縣南。周圍千頃。前互長隄。後倚郡郭。舊爲遊覽勝地。

廣教寺

廣教寺在正陽縣東三十里。俗呼柳寨寺。岡嶺高峻。閩河環繞。林木交翠。清幽殊常。

黃憲墓

黃憲墓在正陽縣舊縣治內。吏隱堂後。顏魯公書碑。有祠在舊縣治南。明嘉靖四十一年建。按憲字叔度。後漢愼陽人。年十四。潁川荀淑與語。移日不能去。曰。吾之師表也。同郡戴良才高倨傲。見憲未嘗不正容。陳蕃周舉嘗相謂曰。時月之間。不見黃生。則鄙吝之萌。復存於心。郭林宗少遊汝南。稱叔度汪汪若千頃波。澄之不清。滯之不濁。不可量也。初舉孝廉。又辟公府。人勸其仕。憲亦不拒。暫到京師而還。竟無所就。年四十八終。天下號曰徵君。

李斯井

李斯井在上蔡縣西南。地卽其故宅。李斯秦始皇相。變蒼頡籀文爲小篆。工

文章。澗茂樸質。

蟾虎寺

蟾虎寺在上蔡縣西五里。蘆岡絕頂。澗水環抱。修竹茂林。景最清幽。

金頂山

金頂山在確山縣西四十五里。山頂雲霧多。緋紫色。望若金光。曰金頂曉霞。爲縣八景之一。又五里有峯子山。狀若駝峯。

寶石橋

寶石橋在確山縣南五十里。亦曰桂家橋。水淺而不涸。橋底倒插銅劍。由來已久。不知其故。

雲坳亭

雲坳亭在潢川縣城北淮河上。元馬祖常詩。『八月誰南雁。又來。雲坳亭畔。菊花開。』卽咏此。

中華名勝古蹟 第五編 河南

六四

中華名勝古蹟終

中華名勝古蹟續編目錄

第六編 陝西

一 關中……………一一三二

- 八仙宮 樂遊原 慈恩寺 丈人溝 韓莊 南五臺山 碑林 細柳原 淮陰侯墓 董仲舒墓 馬跑泉 文武成康陵 霍光墓 行宮 溫泉 慈禧后浴處 始皇坑儒處 始皇陵 很石 福嚴寺 扁鵲墓 李晟墓 紫閣峯 藍橋 荆軻墓 仙遊潭 呂洞賓隱處 白樂天故里 唐太宗陵 飛仙山 柳公權宅 白樓 金塔寺 倉頡冢碑 龍門 蘇山 司馬遷墓 西岳廟 老子怪牛處 玉泉院 千尺幢 老君犂溝 公主峯 王刁洞 水簾洞 韓愈投書處 玉女洗頭盆 仙人掌 毛女峯 焦道辰隱處 基石 碧雲洞 霧谷 仙谷 避詔厓 抱真洞 華封三祝處 班超墓 寇準故里 左宗棠柳 楊震墓 小華

山 王喬谷 天柱山 銅佛龕 蟠龍原 觀音洞 石門山 書堂山 玉虛洞
 吳道子畫佛像 三良冢 岐山 五將山 大嶷嶺 大散關 清風臺 唐憲
 宗迎佛骨處 班固墓 絳帳村 鄆塢 天台山 鳴鳳山 玉潭 隴山 吳
 山 丹陽洞 八卦亭 明祖山 幽山 石厓 慶壽厓 琅天洞 黑石殿 誌
 公說法處 西厓 丹厓 唐高宗陵 狄仁傑墓 郭子儀平蕃處 武功山 姜
 嫄墓 蘇頌墓 陸賈墓

二 漢中……………三二—四四

武鄉谷 天臺山 王子山 蒼塢洞 凌雲閣 同鼎山 雲夢山 廣泉讓水
 石鏡 漢碑 李固墓 石鏗山 郡圃 紅厓 梳粧臺 白厓 龍洞山 石棧
 關 滴水巖 武侯琴臺 玉女山 牛山 黃春壽 秋山 化龍山 馬跡山
 光頭山 穿厓 風洞 鏡石 錫義山 文筆峯 張紫陽修道處 觀音福洞
 枯柳洞 龍樓山 白侍郎洞 瀑布泉 花宇潭 飛蓋亭 鬼迷店

三 榆林……………四四—五〇

石盤山 錦屏山 白雲山 無量山 碧簪山 石樓臺山 候雨山 滴溜山
翡翠樓 月宮山 相思亭 雲巖臺 扶蘇臺 蒙恬墓 白雲山 烽臺山 柏
山寺 石泓寺 龍舌崖 藥王洞 定洲寺 卜居城 黃帝陵 駐蹕屋

中華名勝古蹟 第六編 目錄

中華名勝古蹟續編

第六編 陝西

一 關中

八仙宮

八仙宮在長安東門外。饒花木林亭之勝。多牡丹。尤多異品。有紅綠黑紫諸種。遊者甚衆。

樂遊原

樂遊原在長安縣南。漢宣帝立廟於曲江之北。號樂遊。世因稱其地爲樂遊原。唐長安中。太平公主於原上置亭遊賞。後賜寧申岐薛王。其地居城之最高處。四望寬敞。俯視城內。如觀指掌。舊日每正月晦日。三月三日。九月九日。士女咸就此登賞祓禊。

慈恩寺

慈恩寺在長安縣曲江北。本隋無量寺地。唐高宗在春宮時。爲文德皇后立。故名。西院有浮屠七級。崇二百尺。永徽三年沙門玄奘立。相傳建塔時。有雁過而墜。瘞於塔。因名雁塔。神龍後。新進士多題名於此。舊有褚遂良聖教序碑。在塔下。

丈八溝

丈八溝在長安縣西南十五里。唐杜子美陪諸公子納涼丈八溝。卽此。

韓莊

韓莊乃唐韓愈與孟郊賦詩並其子讀書之所也。在長安皇子陂南。

南五臺山

南五臺山本稱五臺山。以有北五臺山在耀縣。故加南字別之。亦稱南五臺。在長安縣南五十里。山腰有達勝泉。泉旁有寺。寺壁鐫漱石枕流四大字。山

巖有佛殿五楹。石牆鐵瓦。以防狂風。此外有睡佛殿。琉璃殿。千佛寺。石佛寺。紫竹林。忘暑樓。捨身臺。靈應臺。清涼臺。上寶泉。下寶泉。諸勝。登靈應臺。縱眺。煙雲變幻。尤多奇觀。

碑林

碑林在長安舊西安府學。有唐開成二年國子祭酒鄭覃等校刻周易尚書毛詩周禮儀禮禮記春秋左氏傳穀梁傳公羊傳孝經爾雅論語等石經。暨古來關中碑碣。并唐宋以來石刻。（如多寶塔聖教序等）不可數計。惜多殘缺。而石經亦有補字。

細柳原

細柳原在三橋鎮西南十里。漢文帝六年。匈奴大入寇。帝命周亞夫屯兵細柳。卽此處。

淮陰侯墓

淮陰侯墓在長安縣東北。

董仲舒墓

董仲舒墓在長安縣南。俗呼蝦蟆陵。因昔漢武帝幸宜春苑。每至此墓下馬。時人謂之下馬陵。歲月深遠。誤爲蝦蟆。仲舒爲漢醇儒。朝廷有大議。常遣使問之。著有春秋繁露等書。

馬跑泉

馬跑泉在咸陽縣西。泉凡二。砌磚爲池。泉上湧如珠。清冽澈底。兩泉距離一百五十步。

文武成康陵

文武成康陵在咸陽縣北門外畢原。文王陵方而平。武王陵高而銳。在文陵後。成王陵與康王陵分左右而列文陵前。並有廟碑。

霍光墓

霍光墓在興平縣東北。漢書本傳。地節二年。光薨。發三河卒。穿復土。起家祠堂。置園邑三百家。按光平陽人。輔昭帝。立宣帝。出入禁闕。未嘗有過。封博望侯。圖形麒麟閣。

行宮

行宮在臨潼縣驪山麓。清慈禧后幸陝回京時所建。有樓臺花木之勝。邇已大加修葺。作爲公園。

溫泉

溫泉亦在驪山麓。分內外兩池。池以大青石砌成。內池之上。覆以屋。顏曰。夕佳樓。水之溫度。恰與人身之溫度相等。有石管注水外流。此外有小池若干。有一池曰貴妃池。爲唐楊太真浴處。池有亭。亭有額曰乾坤一局。

慈禧后浴處

慈禧后浴處在貴妃池後。慈禧后幸陝時曾浴於此。其旁又有一池。爲德宗

浴處。

始皇坑儒處

始皇坑儒處。俗稱坑儒谷。在驪山西南。秦始皇三十五年坑諸生四百六十餘人於此。漢號其地曰愍賢鄉。唐明皇改曰旌儒鄉。立旌儒廟。賈玉爲碑文。

始皇陵

始皇陵在驪山東麓。俗呼當陵。一冢孤立。下方上圓。

佷石

佷石在驪山側。始皇陵東南。初。始皇之葬。遠采此石。將致之驪山。至此不復動。高一丈八尺。周十八步。唐皇甫湜有碑。

福嚴寺

福嚴寺在臨潼縣東南驪山石魚巖下。卽石瓮寺。唐開元中建。宋改名。舊有玉石像。幽州所進。精巧無比。叩之如磬。佛殿之西有紅樓。下臨絕壁。樓有唐

明皇題詩及王維山水兩壁。

扁鵲墓

扁鵲墓在臨潼縣二十里驪山東北麓。扁鵲姓秦名越人。爲春秋時名醫。

李晟墓

李晟墓在高陵縣南。墓前有西平郡王碑。裴度撰柳公權正書。晟字良器。洮州臨潭人。年十八從王忠嗣征吐蕃。稱萬人敵。德宗時平朱泚。收復京師。當是時內無資糧。外無救援。徒以忠義感激將士。故衆雖單弱而銳氣不衰。軍士未授春衣。盛夏猶衣裘褐。終無叛志。及大破朱泚屯兵於合元殿前。作露布上行。在曰。臣已肅清宮掖。祇謁陵寢。鐘簷不移。廟貌如故。上泣下曰。天生李晟。以爲社稷。非爲朕也。以功累官至司徒兼中書令。封西平郡王。有子十五人。知名者愿。愬。

紫閣峯

紫閣峯在鄂縣東南。其陰卽漢陂。杜甫詩「紫閣峯陰入漢陂」是也。迤東有白閣峯黃閣峯。二峯相距不甚遠。

藍橋

藍橋在藍田縣東南五十里。世傳其地有仙窟。卽裴航遇雲英處。按唐裴航下第。遇雲翹夫人。贈以詩曰：「一飲瓊漿百感生。玄霜搗盡見雲英。藍橋自是神仙窟。何必崎嶇上玉京。」復航經藍橋驛。求漿於老嫗。嫗呼雲英持漿飲之。航覩雲英艷麗驚人。願納厚禮娶之。嫗曰：「昨有神仙與靈藥一刀圭。但須玉杵白搗之。得此當娶之。」航求獲玉杵白。爲搗藥百日。乃得娶雲英而仙去。

荆軻墓

荆軻墓在藍田縣北二十里。或云在郿縣東北三十里。軻戰國衛人。爲燕太子丹獻樊於期首及燕地圖於秦。以匕首搃始皇。不中被殺。

仙遊潭

仙遊潭在整屋縣南。俗稱五龍潭。歲旱禱雨。往往多應。潭上石壁峭絕。宋章惇遊此。履險而上。以漆墨書名於石。

呂洞賓隱處

呂洞賓名岳。唐京兆人。咸通中及第。值黃巢亂。移家歸終南山得道。整屋縣東南二十五里太微峯東。厓有呂公洞。相傳爲呂嵩隱居處。

白樂天故里

白樂天故宅在渭南縣西。有雙鉤。唐白樂天故里碑立於道右。

唐太宗陵

唐太宗昭陵在醴泉九嵎山。去今縣城六十里。古蓬蒲邨下。封內周一百二十里。陪葬諸王七。蜀王愔。趙王福。紀王慎。越王貞。嗣紀王澄。曹王明。蔣王暉。公主二十一。妃嬪八。宰相十二。馬周。岑文本。崔敦禮。李勣。李靖。溫彥博。蕭瑀。

高士廉房喬魏徵許敬宗長孫無忌丞郎三品則唐儉李大亮孔穎達褚亮虞世南閻立德姜晦杜正倫姜皎姚思廉薛收江夏王道宗等五十三人功臣大將軍以下則阿史那忠尉遲敬德秦叔寶程知節段志元等六十四人所乘六駿石像在陵後。

飛仙山

飛仙山在同官縣南三十里。下有飛仙洞。世傳葛稚川昇仙處。迤南爲金牛嶺。舊傳唐太宗射虎處。

柳公權宅

柳公權宅在耀縣西北四十里。有公權瘞筆冢。公權公綽弟。字誠懸。唐華原人。博貫經術。尤擅書法。結體勁挺。自成一家。穆宗嘗問公權用筆法。對曰。心正則筆正。帝改容悟其以筆諫也。文宗時嘗與六學士對便殿。帝舉袂曰。此三澣矣。學士皆賀公權曰。人主當進賢退不肖。納諫諍。明賞罰。若服瀛衣。此

小節耳。其忠懇多類此。

白樓

白樓舊在大荔縣治。乃翫賞眺景之所。唐令狐楚作賦刻其上。元稹寄白居易詩云：「煙入白樓沙苑暮。」卽謂此。

金塔寺

白塔寺在大荔縣治東。隋建。舊有褚遂良書聖教序碑在寺內。

倉頡冢碑

倉頡冢碑在白水縣黃龍山下倉頡冢前。下方上銳。面通一孔。高四尺七寸。闊二尺四寸。文計二十四行。凡九百一十餘字。字皆漫滅不可讀。亦無譌書人姓名。止倉鵠四目靈光爲左史及熹平年十餘字可見。

龍門

龍門在韓城縣東北黃河西岸。跨山西河津縣界。書禹賢導河積石。至於龍

門卽斯處也。

蘇山

蘇山在韓城縣西北五里。有漢蘇武墓故名。上舊有老柏三百餘株。皆南向。其故里在乾縣西南十里。

司馬遷墓

司馬遷墓在韓城縣南芝川鎮東南司馬嶺。嶺以墓名。遷字子長。年十歲誦古文。二十而南遊江淮。上會稽。探禹穴。窺九疑。浮沅湘。北涉汶泗。講業齊魯之邦。過梁楚以歸。父談爲太史令。遷繼父業。會李陵降匈奴。武帝怒甚。遷言陵忠。被腐刑。乃紬金匱石室之書。作史記。始自黃帝。訖于太初。凡百三十篇。

西嶽廟

西嶽廟在華陰縣東五里。祀西嶽之神。廟制崇闕。黃瓦宮城。基址方積。佔三百畝。前爲五鳳門。進爲櫺星門。最進爲金城門。內駕金水橋三。中爲灑靈殿。

殿朝石人二。後爲萬壽閣。重簷三層。高矗雲霄。廟有碑刻甚多。然古碑如漢碑北周碑。並不可復覩。所存者止唐宋人題名石柱。及字跡甚古之石柱各一。仆於地。玄宗御製碑。經火焚碎。僅有碑座在五鳳門內。

老子拴牛處

西嶽廟五鳳門內有古柏一株。相傳老子繫青牛於此。

玉泉院

玉泉院在華山麓。適當谷口。院祀陳希夷先生。院西有扶搖子石睡像。并有山蓀亭。無憂樹。頗有亭臺之勝。清慈禧后偕德宗西狩時。曾駐蹕於此。凡登山。可在院宿食。

千尺幢

千尺幢。華山之最險處。絕壁深谷。手攀鐵索。趾着石孔。扳挽而上。上則有曰百丈厓。曰糊猴愁。曰閻王碓。曰日月厓。曰擦耳巖。曰蒼龍嶺。曰鶴子翻身。此

卽登華嶽之徑途。亦卽華嶽之壯奇幽偉處也。

老君犁溝

老君犁溝在百丈厓車廟谷之上。山形如礪。中有溝如犁發土者狀。俗因呼爲老君犁溝。

公主峯

公主峯在稠繇愁上。與雲臺峯相近。世傳漢南陽公主避王莽亂。入山得仙處。

王刀洞

王刀洞在嶽之東。隱者王遙。刀自然居此得仙。其上洞人不能到。中洞有石遮門。下洞則避跡者可居。

水簾洞

水簾洞又名石仙人洞。在北面山腰。爲華山四大洞之一。洞口丹青。儼肖人

形。上有瀑布飛流直下殆千尺。自洞視之。宛以簾箔。故名。瀑布至青柯坪而成溪澗。北流入於渭。

韓愈投書處

蒼龍嶺乃一凸起之石脊。南高北下。兩旁皆古松深谷。俯視千仞。嶺盡處有大石曰通天門。卽杜甫詩「箭筈通天有一門」也。相傳韓退之痛哭投書之所。卽在於是。

玉女洗頭盆

玉女洗頭盆在玉女峯。杜甫詩「安得仙人九節杖。拄到玉女洗頭盆」。卽詠此盆之後。有玉女祠。祠東有玉女石室及玉女龕。

仙人掌

仙人掌在東峯。峯側石上有痕。自下望之。宛然一掌。五指俱備。石厓上有隻手擎天四字。世傳華嶽與首陽本一山。當河。河水過而曲行。河神巨靈手盪

脚。開而爲兩。故張衡西京賦云。一高掌遠蹠。以流河曲。一今仙人掌。卽其遺跡云。其足跡或謂在東首陽下。

毛女峯

毛女峯在西北。相傳秦時宮人玉姜隱此。玉姜卽毛女也。故名。

焦道廣隱處

嶽頂之東北有雲臺峯。兩峰對峙。四面陡絕。巍然獨秀。北周武帝時道士焦道廣隱於此。峯上有試鑿穴。深不可測。

基石

基石在蓮花峯上。相傳卽仙人衛叔卿博臺。按衛叔卿漢中山人。嘗乘雲車駕白鹿。見漢武帝。帝將臣之。叔卿不言而去。武帝悔。求得其子度世。令追其父。度世登華。見父與數人博於石上。敕度世令還。

碧雲洞

碧雲洞與王刁洞相近。下爲碧雲溪。晉丁少微、鄭雲叟、羅隱之、翟表正、鄭明處居此。時稱五高士居。按丁少微，眞源人。與陳搏齊名。志尙清潔，善服氣。太平興國中召赴闕，留數月遣還山。

霧谷

霧谷在毛女峯東北。後漢張楷居此。楷字公超，亦名張超谷。又名霧市谷。以公超能爲五里霧也。宋陳搏命弟子於張超谷鑿石室，卽此。谷中有算場、蘆花池。相傳後魏道士寇謙之洞曉渾天儀，定天元五紀，棄其餘算化爲葭。故名。

仙俗

仙谷在霧谷西。一名石羊城。俗以爲黃初平叱石成羊處。

避詔厓

避詔厓在細辛坪南。相傳宋初以詔召陳搏，搏不應。避居於此，故名。

抱真洞

抱真洞在華陰縣治。清聖祖西巡。道出華陰。題額曰「抱真」。又題「陰符寶字逾三百。道德靈文只五千。今古上仙無限數。盡於此處達真銓。」一詩。

華封三祝處

華陰縣嶽鎮街西有碑曰。聖人福壽多男子。旁題華封三祝處。又縣城東北隅有一碑曰。聖人多福多壽多孫子。蓋清光緒二十六年慈禧后借帝西幸時立也。

班超墓

班超墓在華陰縣西二十五里。超漢安陵人。字仲升。彪之子。少有大志。家貧傭書。嘗投筆歎曰。大丈夫當效傅介子張騫。立功異域。以取封侯。安能久事筆硯間乎。明帝時竟使西域。服五十餘國。以功封定遠侯。

寇準故里

寇準故里在西關。有碑云。宋寇萊公故里。準字平仲。宋下邳人。年十九舉進士。嘗奏事殿中。語不合。帝怒起。準輒引帝衣令帝復坐。事決乃退。太宗嘉之。曰。朕得寇準。猶文皇之得魏徵也。景德元年。同中書門下平章事。遼兵大入。中外震駭。準獨請帝親征。遂幸澶州。遼乃奉書請盟。河北罷兵。準之力也。卒後。贈中書令萊國公。諡忠愍。

左宗棠柳

清左宗棠西征於潼關。以西道傍植柳。至今已拱把成材。每屆春時。則一碧無際。景物清幽。苑在江南。柳線娜娜。爭媚行人。凡道經於此者。輒指曰。此左宗棠柳。

楊震墓

楊震墓在潼關舊城基釣橋東。震字伯起。漢華陰人。少好學。明經博覽。生徒千數。諸儒爲之語曰。關西孔子楊伯起。官東萊太守。道經昌邑。故所舉荊州

茂才王密爲令。謁見。至夜懷金十斤以遺震。震不受。密曰。暮夜無知者。震曰。天知神知我知子知。何謂無知。密愧而出。後轉涿郡太守。故舊或欲令爲開產業。震曰。使後世稱清白吏子孫。以此遺之。不亦厚乎。延光時。官至太尉。以切諫爲中常侍。樊豐等所譖。詔遣歸本郡。行至城西夕陽亭。飲醪而卒。順帝卽位。詔改葬震於華陰潼亭。先葬十餘日。有大鳥集震喪前。俯仰悲鳴。淚下沾地。葬畢。乃飛去。郡以狀上。帝感震之。特使太守丞以中牢具祠。於是時人立石鳥像於墓所。唐貞觀十一年。太宗幸墓所。親爲文以祭之。今乾縣東南有十二楊村。村民卽震後裔。

小華山

小華山在華縣。有獨秀峯。阜頭峯。鳳谷山。三甲山。金壺峽。青岡坪。金堆峪。龍王嘴。諸勝。巖石清幽。林泉秀聲。亦足登臨。一縱遊眺。

王喬谷

王喬谷在華州西南三十里英山。俗傳王喬曾隱於此。

天柱山

天柱山在商縣南五里許。山巒秀拔。宋邵康節嘗卜居於此。

銅佛龕

銅佛龕在華州東南四十五里。亦稱諸天洞。中有銅佛三尊。

蟠龍原

蟠龍原在蒲城縣西三十里。舊傳唐明皇遊幸。見原上雲霧中有黃龍之狀。於下得石。狀似蟠龍。因以其地爲龍樂鄉。

觀音洞

觀音洞在蒲城縣東南四十里。舊有大谷。明萬曆中厓崩。見一洞。貯石觀音二軀。並石獅石象諸儀物。因名。

石門山

石門山在雒南縣北十里河中石山突立中闢一門高廣各五六丈水流其中。

書堂山

書堂山在雒南縣北二十里爲縣主峯俯視羣山環向若揖山後有二洞相傳昔有逐鹿者至此聞其中有書聲故名。

玉虛洞

玉虛洞在雒南縣東北三十里深五里許可容千餘人中多石乳奇狀百端有水積爲池池中有石皆成蓮花形。

吳道子畫佛像

鳳翔縣東門外普門寺壁有吳道子畫佛像又城內北街開元寺壁亦有吳道子畫佛像故蘇軾詩云「何處訪吳畫普門與開元」但開元寺畫佛像今已不存。

三良冢

春秋時秦穆公卒。以子車氏之三子奄息仲行鍼虎爲殉。秦人作黃鳥之詩以哀之。詩序云黃鳥哀三良也。其家在今鳳翔縣南。

岐山

岐山在岐山縣東。其一峯高峻。逾出諸山。狀若天柱。因又名天柱山。國語內史過曰。周之興也。鸞鸞鳴於岐山。故又名曰鳳凰山。亦曰鳳凰堆。

五將山

五將山在岐山縣東北。與麟遊縣接界。晉太元十年。慕容冲攻逼長安。苻堅以讖書有云。帝出五將久長。遂奔五將山。爲姚萇將吳忠所執。卽此。

大蟲嶺

大蟲嶺在寶雞縣西北。亦名西平原。接鳳翔縣界。地勢高峻。故謂之嶺。卽宋吳璘金撤離罕相持處。按宋史紹興十年。吳璘楊政與金將撤離罕夾渭兩

軍。璩置軍大嶽嶺。撤離罕覘之。曰。善戰者立於不敗之地。此難與爭。遂引去。

大散關

大散關在寶雞縣東南。亦稱散關。在大散嶺上。爲秦蜀之襟喉。南山自藍田而西。至此方盡。又西則隴首特起。汧渭築流。關當山川之會。南北之交。北不得此。无以啟梁益。南不得此。無以圖關中。漢建安二十年。曹操討張魯。自陳倉出散關。至河池。蜀漢建興六年。諸葛亮出散關。圍陳倉。皆出此。

清風臺

清風臺元邱處機所築。在寶雞縣南六十里。西倚飛雲壁。南臨漱玉溪。爲一邑最勝處。

射箭臺

射箭臺在寶雞縣西南十里。元憲宗入蜀嘗駐師於此較射。舊有碑刻。

唐憲宗迎佛骨處

唐憲宗迎佛指骨於法門寺。留禁中三日。韓愈上疏切諫。帝大怒。貶爲潮州刺史。寺在扶風縣北二十里。崇正源。見清一統志。

班固墓

班固墓在扶風縣東十八里。固字孟堅。彪之子。超之兄。博通載籍。有良史材。父作漢書未成。固續成之。

絳帳村

絳帳村在扶風縣東南二十五里。乃馬融教授處。融字季長。漢扶風茂陵人。才高博洽。諸生千數。常坐高堂。施絳紗帳。前授生徒。後列女樂。弟子以次相傳。鮮有入其室者。盧植鄭玄皆其徒也。桓帝時曾官南郡太守。

郿塢

郿塢在塢縣北。後漢初平中。董卓所築。高厚七八丈。號曰萬歲塢。

天台山

天台山在麟遊縣西五里。卽九成宮故墟。其陽崇巖崛起。上有蒼松古柏。

鳴鳳山

鳴鳳山與天臺山相對。小石孤立。狀如島嶼。相傳嘗有鳳凰鳴於上。有屏山在鳴鳳山北。蒼厓百尺。勢折如屏。巨石危懸若墜。有泉自厓半百罅中出。亦名滴水厓。

玉女潭

玉女潭在麟游縣西南十五里魚塘峽內。其水自永安宮前流入此潭。從半山飛下。聲振巖谷。四面屏山。圍繞如畫。又寶雞縣西南二十五里。亦有玉女潭。卽五代時蜀將安思謙敗漢兵處。

隴山

隴山在隴縣西北。巖嶂高峻。厓峽峻絕。綿亘甘肅清水。靜寧。鎮原境。漢書武帝紀。元鼎五年十月。行幸雍。遂踰隴。登空同。張衡四愁詩。「我所思。今在漢

陽欲往從之隴阪長。一皆指此山。秦州記隴山東西百八十里登山巔東望秦川四五百里極目泯然。山東人行役升此而顧瞻者莫不悲思。

吳山

吳山在隴縣南。有峯十七。得名者五。中爲鎮西峯。卑而獨秀。鎮西之左爲大賢峯。右爲霽應峯。峯上有雷神洞。峯下厓高千丈。飛流飄漾。謂之晴巖飛雨。霽應之南。爲會仙峯。大賢之左。爲望輦峯。峯下有錦屏小錦屏。相去里許。聳峭如壁。其餘有真人洞。餐霞洞。閻王窰。神岔溝。元鶴巢。鳳凰石巢。諸勝。又有筆架山。在吳山岳廟前。山勢如筆架。一名小五峯。

丹陽洞

丹陽洞在隴縣北里許。世傳馬丹陽成仙處。中有殿。階下有柏。分十股。柏中有清泉。四時不涸。

八卦亭

八卦亭在隴縣西北一百五十里。有仙人鍾離權呂洞賓遺跡。

明岨山

明岨山在邠縣西十里。其麓有水簾洞。洞中有水流出。相傳唐貞觀中鑿山爲連珠小竅。形肖飛閣。每歲元宵。居民率張燈於此以祈年。見清一統志。

幽山

幽山在邠縣南。城垣所依。亦名鳳凰山。俗傳周初鳳凰所棲之地。左列壽山。前依澗水。巖壑嶽嶽。委曲百折。亦謂之幽巖。一名安定巖。

石厓

石厓在邠縣西二十里。其厓壁立百餘仞。無階可倚。石佛嵌空而坐。其崇八丈。唐貞觀二年開鑿以成。層臺飛閣。閣底竅通中寒泉。淒冽澈及肌骨。

慶壽寺

慶壽寺左邠州西北二十里。唐建。有佛像坐石巖下。高八丈餘。俗名大佛寺。

西院一洞。有唐宋以來題跡。東院一洞。有范仲淹摩厓題壁。惜爲居民所毀。

環天洞

環天洞在柵邑縣東北二十五里。一名趙家洞。其巖深邃寬平。可以眺遠。內有石室。洞之右。又有流石洞。石谷環繞如城。珠屬幽奇。

黑石巖

黑石巖在柵邑縣東南五十里。巖石如漆。壁立萬仞。林木陰翳。人跡罕到。

誌公說法處

長武縣南三十里。畫閣山麓畫閣寺。相傳爲誌公說法處。誌公卽寶誌禪師。指月錄云。寶誌禪師。金陵東陽民朱氏之婦。上巳日聞兒啼。鷹巢中。梯樹得之。舉以爲子。其後出家。專修禪。披髮徒跣。著錦袍。往來皖山劍水之下。以藁尺拂子。拄杖頭。負之而行。王筠曾撰誌公碑文。碑在山東鄒平醴泉寺。

西厓

西厓在乾縣西五里。即武水厓。壁立如削。每日初出。紅光相映。若赤壁。

丹厓

丹厓在乾縣東二十五里。即唐竇伯女仲女投厓處。伯女仲女奉天（即今乾縣）人。遇賊行剽。避匿山谷中。賊迹而得之。將逼以私。行臨大谷。伯曰。我豈受污於賊者。遂自投下。賊大駭。俄而仲亦躍而墜。京兆尹裁其烈行。詔旌門閭。舊有廟在東門內。曰雙烈祠。

唐高宗陵

唐高宗乾陵在乾縣梁山最高峯。與則天同一陵。陪葬太子賢、重潤、諸王、上金素節、守禮、公主、義陽、新都、永泰、安興、臣下王及善、薛元超、劉審禮、盧欽、望楊、再思、劉仁軌、李謹行、高侶等。今山前有唐高宗乾陵五字碑。爲清畢沅所題。舊墓城之四門。有高八九尺之石獅各二。墓正南門。有對立小石人四十八。又南有石人、石馬、石牛、石羊、石虎等。長安志云。乾陵周八十里。有於闐闐

所進無字碑。今不可考。陵之西有溝十二。世傳黃巢所掘。

狄仁傑墓

狄仁傑墓在乾陵東。仁傑字懷英。唐太原人。高宗初爲大理。能斷滯獄。爲江南巡撫。毀淫祠一千七百餘所。獨留夏禹秦伯季札伍員四祠。遷幽州都督。賜紫袍金帶。繡十二金字以旌其忠。官昌平令時。有老嫗泣訴虎害其子。仁傑移文竄神。未幾虎伏階下。乃告於衆而殺之。在朝薦張柬之姚崇等。皆爲中興名臣。唐室匡復。厥功甚偉。卒諡文惠。封梁國公。

郭子儀平蕃處

唐郭子儀平蕃處。世傳在長武縣。今東西有高原平闊可百里者。卽其地。李華嘗作戰場文以弔之者也。

武功山

武功山在武功縣南一百里。北連太白山。峯岡秀傑。林木清幽。縣以此得名。

姜嫄冢

姜嫄冢在武功縣上南門外三百六十步。按姜嫄乃后稷之母。帝嚳之妃也。

蘇頲墓

蘇頲墓在武功縣西南十五里。頲字廷碩。瓌子。性敏悟。第進士。官監察御史。開元中。累官同平章事。與宋璟同當國。封許國公。卒。諡文憲。頲與張說並以文章顯。稱望略等。時號燕許大手筆。

陸賈墓

陸賈墓在永壽縣西南。賈漢初楚人。有口辯。常居高祖左右。天下既定。使南越。招諭趙佗。拜大中大夫。賈時時前說詩書。帝令賈奏秦漢興亡之故。賈凡箸十有二篇。每上一篇。帝未嘗不稱善。號曰新語。其文大旨尊王黜霸。歸本於修身用人。亦漢儒之醇者。

二 漢中

武鄉谷

武鄉谷在南鄭縣東北三十一里。即蜀漢諸葛亮受封之地。

天臺山

天臺山在南鄭縣北。山頂平坦如臺。有石牌谷。石堅潤。有金星。可作硯。谷中泉流可溉田。上有佛子潭。飛泉流注數百尺。下爲深淵。

王子山

王子山在南鄭縣北五十里。距天臺山二里。峯巒峭拔。如列畫屏。

蒿壩洞

蒿壩洞在南鄭縣東南。高厓壁立。前臨深澗。洞當半厓。飛橋而入。洞中極寬。廣巉巖萬狀。石乳參差。

凌霄閣

凌霄閣在南鄭縣西南中梁山寺前。下瞰漢川。據一郡最勝處。

同鼎山

同鼎山在褒城縣東北十五里。西瞰黑龍江。東連漢王山。三峯鼎峙。故名。厓半有飛虎洞。迤南與釣魚臺對者。曰錢屏厓。山後峯巒起伏。亘三十餘里。

雲夢山

雲夢山在褒城縣西北。俗名觀山。最高處有雲臺觀。觀東一里。曰飛仙厓。石峯壁立。高三百五十五丈。厓下曰白龍洞。深數步。下有石池。水自上滴入。不溢不涸。又西三里。有青龍洞。深丈餘。亦有石池。水亦自上滴入。從洞口流出。後有聖水洞。石井深丈餘。水從底峽中出。

廉建讓水

廉泉即廉水。源出南鄭縣南巴嶺山。北流經廉水鎮。入於漢。讓水在褒城縣西南。亦名遜水。其源出於廉水漑田之餘。東南流至故廉水城側。與廉水合。宋范柏年對明帝云。臣鄉在廉泉讓水之間。即此。

石鏡

石鏡在褒城縣北三十里山河堰石門上。光瑩可鑑人。山河堰本漢蕭何所開。荆相傳爲蕭何堰。後乃語訛爲山河。

漢碑

漢碑在褒城縣雞頭關下石門。有十三種。悉漢代遺碑。

李固墓

李固墓在城固縣西三十里。舊有石碣。題曰漢忠臣太尉李公神道。固字子堅。後漢南鄭人。少好書。常步行尋師。不遠千里。遂究覽墳籍。結交英賢。慶嘉二年。以災異對策。順帝覽其對。多所納用。即時出宋阿母還舍。諸常侍悉叩頭謝罪。朝廷肅然。以固爲議郎。冲帝卽位。以固爲太尉。及冲帝崩。質帝遇弒。固與杜高欲立清河王。梁冀竟立桓帝。誣固下獄。遂見害。

石鏗山

石鏗山在洋縣北六十里。峯巒高聳。有九十四峯。頂石如鏗。

郡圃

郡圃舊在洋縣治北。唐時規闢。宋文同知洋州。乃飾其臺榭。有橫湖、湖橋、冰池、荻池、蓼園、寒蘆港、二樂榭、金橙徑、待月臺、灤泉亭、吏隱寺、霜筠亭、露香亭、涵虛亭、溪光亭、過溪亭、禊亭、菡萏亭、野人廬。此君庵、茶蘆洞諸勝。政暇賦詩。蘇軾蘇轍鮮于侁皆遙和。

紅厓

紅厓在西鄉縣有二。一在縣東十里。茂林修竹。高閣臨流。爲邑之勝。一在縣西南二百里。廣四十里。俗傳明建文帝遜跡於此。因又名建文厓。

梳粧臺

梳粧臺在西鄉縣東南子午山下。相傳爲戚夫人梳粧臺。漢高祖築。

白厓

白厓在寧羌縣。有二。一在縣東北。半山有洞。中有小方池。方五尺許。山趾有泉。卽洞中水。泉中有魚。一在縣東。寬敞可容千人坐。又白河縣西南三十里。亦有白厓。石磴盤梯。望如積雪。

龍洞山

龍洞山在寧羌縣西南四十里。上有寒泉。紅魚時躍。煙霞斷續。相傳有神。驅龍於此。

石霞關

石霞關在七盤嶺上。爲川陝交界處。石壁上鐫有西秦第一關五字。又有小心移步碑。

滴水巖

滴水巖在寧羌縣北。兩山峭拔。其中一峯。有飛泉千丈。下瀉山垠。激石成五花。

武侯琴室

武侯琴室在沔縣東南定軍山下。室內有石琴。相傳諸葛亮所御。

玉女山

玉女山在略陽縣東南三十里。山峯特立。雲霧掩映。山半有白石。修潔如人形。

牛山

牛山在安康縣北綿亙百餘里。高入雲漢。爲縣境羣山之冠。上有泉不涸不溢。禱雨輒應。揮塵錄云。唐中和三年。黃巢亂。有太白山人。謁金州刺史崔堯封。言本州北牛山旁有黃巢谷金桶水。請握破之。則賊當自敗。堯封遂發丁往掘之。月餘。崖崩。有一石桶。桶中有一黃腰獸。上有一劍。獸見劍自撲而死。其秋巢果敗。今上有金牛洞。謂卽昔人掘劍刺黃腰獸處。

萬春寺

萬春寺在安康縣北。初名萬禎寺。唐建。在今寺之東。後移此。更名萬春。前有萬春洞。洞內外多唐宋名人題名。清康熙二十三年於洞門刊白雲深處四字。爲一邑名勝處。

秋山

秋山在平利縣東南一百九十里。通四川。上下四十里。林木蔽日。陰寒特甚。中有一碗泉。隨飲隨溢。

代龍山

代龍山在平利縣南二百里。上有九臺十三灣。世傳多奇禽怪獸。有苦竹。其實可充食。

馬跡山

馬跡山在洵陽縣北。水經注云。山有懸書厓。高五十丈。刻石爲文字。今人不能上。不知所迹。山下有石壇。上有馬跡五所。因名馬跡山。

光頭山

光頭山在洵陽縣東南一百五十里。與四川萬源縣接界。山頂不生草木。故名。上有二穴極深。下有龍洞。石門三重。內有石牀。

穿崖

穿崖在洵陽縣東北一百五十里。高千仞。崖中一竅。南北相通。可三里許。

風洞

風洞有三。一在洵陽縣南八十里。洞中有大風極寒。人不可當。一在平利縣西四十里。四時皆有風出。一在石泉縣西二十里。投石則風出。

鏡石

鏡石在洵陽縣南五十里。一山突起。巖石如削。光耀如鏡。

錫義山

錫義山一名天心山。在白河縣東北。方圓一百里。形如城。四面有門。上有石

壇數十丈。世傳列仙所居。山高谷深。多生薔薇草。其草有風不偃。無風獨搖。亦一異也。

文筆峯

文筆峯有二。一在白河縣東南三里。孤峯如削。聳然特立如筆。一在紫陽縣東南八里。一峯突起。峭厲如筆。

張紫陽修道處

紫陽縣南漢江南岸。有山形如甕者。曰甕山。山麓有紫陽洞。深丈許。宋真人張紫陽修道於此。縣因以名。張紫陽金州人。名用成。嘗有僧能入定出神。數百里間。頃刻卽至。紫陽謂之曰。禪師。今能與遊乎。僧曰。願同往揚州觀瓊花。乃瞑目跌坐。紫陽與僧至。各折一花。頃之覺。僧袖手皆空。紫陽乃拈花與僧把翫。治平（英宗年號）中。訪扶風馬默於河東。以所著悟真篇授之。元豐五年夏。跌坐而化。清雍正十一年。加封大慈圓通禪仙紫陽真人。

觀音禰洞

觀音禰洞在紫陽縣西南一百二十里。在河旁。石厓高覆。有石如龍。噴水下注。石穴中。不竭不溢。內有洞。可容數十人。

枯柳洞

枯柳洞不知其命名之意。在石泉縣北五十里。洞門高一丈二尺。闊一丈。洞門有石臺石爐。中有石豆籩杯罍之類。皆出天成。又有三梯。深數十丈。盤梯而進。旁有泉穴如碗。其深莫測。傾耳聽之。如雷鳴。

龍樓山

龍樓山在鎮安縣西南。高峯三疊。旁分五瓣。朝暮煙嵐如樓閣。飄渺雲際。

白侍郎洞

白侍郎洞在鎮安縣西二十五里。相傳唐白居易買島遊於此。洞門有居易與島問答詩。

瀑布泉

瀑布泉在鎮安縣西四十里雲蓋嶺。飛流數十丈。形如匹練。相傳唐賈島曾卜居於雲蓋嶺。

花字潭

花字潭在商南縣西南一百二十里。有二潭相連。俱在石上。每潭周十餘丈。兩旁懸崖下瞰。形勢險惡。亦名風雨雷潭。俗傳人至其地。稍不敬。則其中雷聲隱隱。潭水隨溢。

飛蓋亭

飛蓋亭舊在鳳縣治內。方輿勝覽云。縣出金絲柳。宋元豐間。有旨取百株。邵康節詩。「楊柳垂金絲。風動如飛蓋。」後乃建亭。取其詩。飛蓋爲名。

鬼迷店

宋陸游詩。「侍者奏蜀間。慷慨事征戍。猿啼鬼迷店。馬噤飛石鋪。」方輿勝

覽云。鬼迷店在鳳縣東北大散關下。飛石鋪在小益道中。

三一 榆林

嗣武城山

嗣武城山在榆林縣南一百三十里。魚河堡南五十里。由石磴而上。四面石巖。高百丈。舊爲囉兀城。

石盤山

石盤山在神木縣西南柏油堡東南。接榆林縣界。相接爲沈家寺山。有巨人足跡。長尺五寸。

錦屏山

錦屏山在神木縣東北。山形峻峭。丹翠布列如屏。四時不改。泗滄之水環遶其下。

白雲山

白雲山在葭縣東南五里。石洞崢嶸重疊。爲州中名勝之處。

無量山

無量山在葭縣北六十里。高家堡。石崖上有東南士人王興書塞北蓬瀛四大字。

碧簪山

碧簪山在膚施縣北十里。形尖如簪。高可數百丈。一名虎頭山。

石樓臺山

石樓臺山在保安縣南七十里。奇峯突兀。峭壁陡絕。下臨深淵。士人嘗築寨於此。又於山厓鑿窰穴居焉。

候雨山

候雨山在保安縣西一里。舊名官山。旁有石室。天將雨則室中煙霧四塞。人以爲候。

滴溜山

滴溜山在安定縣北一百里。古木陰翳。泉出巖石間。景最清勝。

翡翠樓

翡翠樓在延長縣東南六十里。聖燈溝上。石臺周圍曰百餘步。高百丈。上有樓。極目山川蒼翠。

月宮山

月宮山在綏德縣北二里。有月厓。月宮寺。明康海晉溪洞記云。少師晉溪王公。謫戍月宮山。山有石洞。公恆憩其中。登眺厓際。當大理無定二水之間。前值龍灣村。煙樹蔥鬱。望之如畫。僉事桑溥與游。因更治洞。刻公像鑄其上。曰晉溪洞。

相思亭

相思亭舊在綏德縣南三十里。西北二水。交合於此。宋司馬光詩。一嶺上雙

流水猶知會合時。行人經過此。那得不相思。」

雲巖寺

雲巖寺在綏德縣治西巖上。飛閣翼然。下瞰理水。爲州名勝。

扶蘇墓

扶蘇墓在綏德縣治西北山上。又有祠在疏屬山峯。

蒙恬墓

蒙恬墓在綏德縣西。恬。秦將。蒙武子。始皇遣恬率兵三十萬。北築長城。威震匈奴。始皇崩沙丘。趙高矯詔殺太子扶蘇。恬吞藥自殺。恬始剏爲筆。以枯木爲管。鹿毛爲柱。羊毛爲被。初裝之時。固非兔毛竹管也。

白雲山

白雲山在米脂縣北二里。環抱縣城。山之北有高家山。有石洞。可容數萬人。

烽臺山

烽臺山在清澗縣東二百步。上有古峯墩。一名東峯山。峯巒秀麗。爲邑之勝。

柏山寺

柏山寺在鄜縣西九十五里柏山上。柏山山水秀朗。而殿閣隱現其間。舊傳壁有唐太宗像。

石泓寺

石泓寺在鄜縣西一百三十里。石山如砌。鑿門而入。爲佛殿。有大佛三。小尺許者千百計。製作極工。見前鄜州志。

龍舌崖

龍舌崖在雒川縣東北三十里龍尾灣。一巒回顧。狀若龍首飲水。上懸一石。長七八尺。風撼則動而不墜。

藥王洞

藥王洞在中部縣西五十里。洞中深邃。可容百人。中有石蓮座。橫列奇巧。得

之自然。

定洲寺

定洲寺在中部縣西八十里。多古柏。森羅蒼翠。爲西山之勝。

卜居城

卜居城在中部縣東二十里。相傳晉公子重耳奔狄時所居。

黃帝陵

黃帝軒轅氏陵在中部縣西北橋山。按橋山以沮水穿山而過若橋然。故名。冊府元龜云。唐大歷五年。鄜坊節度使臧希讓上言。坊州有軒轅黃帝陵。請置廟。四時享祭。列於祀典。從之。廟舊在橋山。宋開寶中。移於縣東三里。有碑亭。古樹之屬。

駐蹕厓

蹕駐厓在宜君縣西。相傳唐太宗駐蹕於此。厓東有石室。甚奧。外有水。散流。

中華名勝古蹟 第六編 陝西
號曰水簾。

五〇

中華名勝古蹟終

中華名勝古蹟續編目錄

第七編 甘肅

一 蘭山……………一一九

九州臺山 皋蘭山 瓦埠山 湫干嶺 梨花館 蕩蓮池 望河樓 鐵柱 馬
銜山 西湖 雪山 湫池 石門山 唐述窟 西溪 丙靈寺 棲雲閣 烏鼠
同穴山 五竹山 中山壘 車道嶺 馬鹿山 李賀墓 蒸餅山 青霧山 汪
世顯臺

二 渭川……………九一六

翠屏山 龜山 諸葛壘 地網 鐵堂莊 瑞應寺 石洞山 趙充國故宅 青
泥嶺 銀椿厓 鸞鷲山 琵琶洲 王仁裕墓 溫泉 石門山 大像山 姜維
墓 露骨山 天池 安靜堂 坐嘯堂 得要亭 鳳凰山 驚駭 十九泉

中華名勝古蹟 第七編 目錄

三 涇原……………一六一—二六

雙廟山 參雲亭 趙時春墓 邵家坪 武山 吳玠墓 吳璘墓 履順橋 崇
旗坡 得勝坡 鐵邊山 馬嶺山 傅介子墓 畫石山 凝壽寺 承天觀 郭
汾陽墓 青岡峽 回中山 鳳山 五籠山 錦屏山 玉山 懸泉 溫冷泉
六盤山 朝那湫

四 寧夏……………二六一—二八

金波湖 承天寺 金積山 龜山 硤口山 保安寺

五 西寧……………二八一—二九

日月山 熱水泉 四望山

六 甘涼……………二九一—三三

西山 靈泉池 大雲寺 金山 金川亭 海子 候馬亭 莊浪城 正度樓
靈泉 五雲樓 宏仁寺 普觀寺 大身拔谷 大佛寺

七 安肅……………三二—三五

璧玉山 酒泉 陳家花園 白城山 月牙泉 神泉

中華古勝古蹟 第七編 目錄

中華名勝古蹟續編

第七編 甘肅

一 蘭山

九州臺山

九州臺山在皋蘭縣北黃河北五里。其形峭拔。直上如臺。登之可以遠望。相近有白塔山。拱遠三關。如屏障然。

皋蘭山

皋蘭山在皋蘭縣南四里。縣南三里則爲龍尾山。山形如龍尾落河壩。臨洮府志云。皋蘭山高峻雄渾。左右蜿蜒如張兩翼。東西環拱州城。延袤二十餘里。其東麓爲紅山。土色皆赤。龍尾則其西支也。相傳漢霍去病擊匈奴至此。渴不得水。以鞭草地而泉出。卽今山半之蘭泉。亦曰五眼龍泉。泉淙淙散流。

有五泉寺在泉上。樓臺高聳。景地清幽。足堪游憩。又有武侯祠。文崇閣等。

瓦埠山

瓦埠山在皋蘭縣西南十里。其東麓曰古峯山。去縣三里。林泉秀麗。號稱名勝。

沃干嶺

沃干嶺在皋蘭縣西南。亦曰沃干阪。三國魏正元二年。陳泰救王經於狄道。姜維退還涼州。軍從金城南至沃干阪。即此。

梨花館

梨花館皋蘭城西南。徧植梨花。每屆春時。則一望如雪。風景勝絕。

蕩蓮池

蕩蓮池舊在皋蘭縣西七里。周數十里。明時肅王令瀦神泉水爲池。花木暢茂。魚鱉充牣。爲一邑勝境。按神泉在皋蘭縣南。俗呼獅跑泉。

望河樓

望河樓在皋蘭秦築長城上。高峙干霄。黃河繞其下。有額曰大河前橫。聯曰「積石導流歸大海。崆峒倚劍上重霄。」皆清左宗棠手筆。

鐵柱

黃河逕省城之北門外。河之南岸。豎有鐵柱二。一西柱高丈餘。大數圍。鑄有明洪武九年總兵官某造字樣。一東柱較爲短小。鑄有建於洪武五年字樣。上繫鐵纜。長可二十丈。蓋河湍湍急。舟隻往來。藉以維持者也。

馬銜山

馬銜山在狄道縣北。接皋蘭縣及榆中縣界。山勢高峻。綿亙數百里。巔有冰雪。雖夏不消。亦名馬寒山。宋史吐蕃傳。大中祥符七年。曹瑋言唃廝囉率馬銜山羌兵。至伏羌砦擊敗之。所謂馬銜山。卽指此。

西湖

西湖舊在狄道縣西南二里。引洮水注之。每屆重五日。郡人競游於此。

雪山

雪山在導河縣西一百五十里。接臨潭縣界。四時積雪。石如露骨。亦名露骨山。宋熙寧六年。王韶復河州。進破諾捫桑城。穿露骨山。入洮州境。即此。

湫池

湫池在導河縣西北二百里。積石關西。周圍二十里。岸上萬木森列。一葉落其中。輒移岸上。土人名爲顯神池。

石門山

石門山在導河西南。水經注云。灘水東北逕石門口。山高峻絕。對岸若門。故峽得厥名。疑即皋蘭山門也。漢武帝元狩二年。霍去病出隴西至皋蘭。即此。相傳霍去病擊匈奴至皋蘭。以爲即皋蘭山。誤。清一統志辨之。

唐述齋

唐述窟在導河縣西北積石山厓。積石山以有禹貢導河之積石山在微外。故又名小積石山。窟高四十丈。西二里。有時亮窟。高百丈。廣二十丈。深三十丈。厓下有水。南注河。謂之唐述水。

西溪

西溪在導河縣西。舊有明王竝別業。有迴瀾閣、醒心亭、一鑑池、連漪橋、半畝塘。秋香經、丹霞塢、水竹居諸勝。

丙靈寺

丙靈寺在導河北六十里。臨黃河。琢山石爲佛。高十餘丈。地產檀香。有泉清冽可飲。

棲雲閣

棲雲閣在榆中縣西三十里馬寒山口。有宋人詩刻石壁。

烏鼠同穴山

鳥鼠山在渭源縣西。亦名青雀山。書禹貢。導渭自鳥鼠同穴。卽此。孔安國傳。鳥鼠共爲雌雄。同穴處此山。遂名山曰鳥鼠。爾雅。鳥鼠同穴。其鳥名餘。其鼠名餘。郭璞注。餘如人家鼠而短尾。餘似鷄而小黃黑色。穴地入三四尺。鼠在內。鳥在外。元和志。鳥如家雀。色小青。鼠如家鼠。色小黃。近火溲溺。氣甚辛辣。使人氣逆嘔吐。如馬牛得其氣。多疲臥不起而大汗。土人至今猶傳此說。渭水發源此山。

五竹山

五竹山在渭源縣西南三十里。乃青雀山之支。與露骨山相連。山產五色細竹。有秀峯巖。下爲銀溝峪。

中山壘

中山壘在定西縣東北三里。半依西山麓。足容千人。明徐達與元將王保保相持於此。達封中山王。後人因名是壘曰中山壘。按王保保卽元將擴廓帖

木兒明既滅元。元昭宗委以國事。屢侵明邊。不得志。明太祖招之。不應。稱爲天下奇男子。後死於合刺那海之衙庭。

車道嶺

車道嶺在定西縣北六十五里。接榆中縣界。一曰車道峴。長五十里。峭壁峻。厓深溝窄。澗形勢險要。止一路可通往來。南有沈兒峪。明初徐達敗王保保於此。

馬鹿山

馬鹿山在隴西縣西南九十里。四圍山厓甚險。有五峯分列。一名蓬峯山。亦名西五臺。怪石林立。草樹芬芳。爲一方之勝。其旁有老君山。壁厓線道。上有貨郎洞。二仙洞。又有獅子厓。武城水出焉。

李賀墓

李賀墓在隴西縣仁壽山後。賀字長吉。唐鄭王後。七歲能詞章。皇甫湜韓愈

過其家。使之賦詩。援筆立成。名高軒過。苦吟。每出騎弱馬。小奚奴背古錦囊。後隨。遇有所作。輒投其中。及歸。母探囊。見所書多。怒曰。兒嘔出心肝矣。乃已。憲宗朝。爲協律郎。一日。晝見緋衣人持一板。書云。上帝成白玉樓。召君作記。賀告以母老且病。緋衣人曰。天上殊樂。不苦也。遂卒。年二十七。所著曰昌谷集。行於世。

蒸餅山

蒸餅山在會寧縣南五十里。明時太僕寺牧馬之地。周圍百餘里。

青霧山

青霧山在漳縣東北。峯巒高聳。林木蒼鬱。延亙而東。與武山縣之斗底山相接。

汪世顯墓

汪世顯墓在漳縣南山小鹽井河側。世顯字仲明。鹽川人。仕金。屢立戰功。官

至鎮遠軍節度使鞏昌便宜總帥金亡。世顯猶守城。皇子濶端至。始降。從征蜀有功。拜總帥。秦鞏等二十餘州事。追封隴右王。謚襄武。

一一 渭川

翠屏山

翠屏山在天水縣南二里。亦名文峯山。有文星臺。其麓爲石馬坪。其右曰武峯山。有古南山寺。杜甫詩「山頭南郭寺」卽此。

龜山

龜山在天水縣東四十里。周五里。中間突起如龜背。南臨渭水。右濱清水。其麓爲社樹坪。有阜自山南循。藉水而西。止於縣東十里。謂之沙隴。

諸葛壘

諸葛壘在天水縣東。俗謂之下募城。其旁有司馬懿壘。俗謂之上募城。魏太和五年。武侯攻天水。司馬懿拒之。此其對壘處。

地網

地網在天水縣西南。故天水長道（即今禮縣）二縣界。方輿勝覽云。金昭陝西。天水長道並當邊面。地勢平衍。敵騎四布。步兵不能捍禦。隆興（孝宗年號）中。宣撫吳玠乃剏設地網。其制於平田間縱橫鑿爲渠。每渠濶八尺。深丈餘。連綿不斷。如布網然。敵騎始不得逞。天水元管三百六十條。後增爲五百五十條。近歲雨水湮塞。已損於舊。然猶有遺跡可尋也。

鐵堂莊

鐵堂莊在天水縣西鐵堂峽內。蜀漢姜維所置。四山環抱。對面有孤塚。相傳爲維祖塋。或云維祖塋在伏羌縣維墓旁。

瑞應寺

瑞應寺在天水麥積山上。初名石巖。後秦姚興重修。改名。舊有隋塔。記杜甫詩「野寺殘僧少。山園細路高。麝香眠石竹。鸚鵡啄金桃。」即咏此。

石洞山

石洞山在清水縣東南五十里。上有清崖洞。洞門有巨石懸而不墜。其下有泉。

趙充國故宅

趙充國故宅在清水縣北二里。東漢建安中建爲寺。充國字翁孫。漢隴西上邽人。以良家子善騎射。補羽林。爲人沈勇。有大畧。通知四夷事。武帝時以假司馬從貳師將軍擊匈奴有功。拜爲中郎。宣帝初。以定冊功。封營平侯。西羌叛。充國受詔至金城。招降罕升。擊破先零。罷兵屯田。振旅而歸。卒年八十六。諡曰壯侯。甘露三年。與霍光等列畫未央宮。成帝時。西羌嘗有警。上追美充國。召楊雄卽充國圖畫而頌之。

青泥嶺

青泥嶺在徽縣南。懸崖萬仞。上多雲雨。行者屢逢泥濘。故名。杜甫有詩云。一

朝行青泥上。暮在青泥中。泥濘非一時。版築勞人功。」

銀椿厓

銀椿厓在徽縣東北五十里。壁立萬仞。厓畔石柱如銀。其光暎日。旁有洞穴。深不知其丈尺。人莫敢入。人亦莫能入。

鸞鷲山

鸞鷲山在兩當縣東。兩峯秀聳。一名南岐。一名來儀。南有登真洞。相傳張果老登真處。洞高一丈。深百尺。有水自頂注於石池。池旁有石。振之作聲。俗名石鼓洞。洞上舊有朝陽亭。碧軒桃。

琵琶洲

琵琶洲在兩當縣南三十里。其地洲渚迂迴。極爲幽寂。謂之枉渚。杜甫詩「鵝鷄號枉渚」即此。

王仁裕墓

王仁裕墓在禮縣東北。古長道縣境。仁裕字德輦。五代天水人。以文辭知名。初仕蜀。爲翰林學士。晉高祖時。歷諫議大夫。漢高祖時。累遷戶部尙書。性曉音律。晉高祖初定雅樂。奏黃鐘。仁裕曰。音無和聲。當有爭者起禁中。已而兩當校闢升龍門外。喜爲詩。少嘗夢剖其腸。胃以西江水滌之。願見江中沙石。皆爲篆籀文。由是文思日進。有詩百卷。號西江集。

溫泉

溫泉在通渭縣西南十五里。隆冬若沸。此外又有三。一在定西縣東南三十里。從山石間湧出。浴可愈疾。一在漳縣南十五里。百孔迸流。望之如星。一在西和縣東五里。

石門山

石門山在武山縣東北五十里。四圍皆峽。中間一門。曰石門山口。爲要隘處。下有洞。光映如月。名夜月洞。

大像山

大像山在伏羌縣西南三里。山勢巍峨。寰宇記謂自下至頂。凡一千二百三十丈。有石佛。軀高數丈。又有隗囂歆涼臺。

姜維墓

姜維墓在伏羌縣西南五十里。維字伯約。漢冀（即今伏羌）人。仕蜀。拜征西將軍。諸葛亮與蔣琬書曰。伯約忠勤。思慮精密。涼州上士也。亮卒。維繼領其兵。自負才武。兼練西方風俗。每欲興軍大舉。費禕常裁制之。禕卒。屢出兵隴西狄道。破魏兵於洮西。進爲大將軍。後鍾會兵至劍閣。維設計力禦。會不能克。維又遣人馳表奏。宜令張翼廖化督軍守陰平。以防未然。後主惑於黃皓言。謂敵終不自致。寢其奏。後裨鄧艾由陰平攀木懸崖而入。後主降。維得後主敕。始降。維密與諸將議。以計殺鍾會。復立蜀主。值將士作亂。殺會。并格殺維。剖其膽。大如斗。

露骨山

露骨山在武都縣南三十里。峯巒森列。山之南有萬象洞。洞中泥。可爲硯。相傳出洞即爲堅石。

天池

天池一名洋湯池。在文縣西北天魏山下。因又名天魏湫。合衆山水。四爲大壑。環一百五十里。積水其中。水平山頽。不見畔岸。

安靜堂

安靜堂舊在舊州廳後。宋呂凝之有詩云。「峽東秋空一線青。萬山深處長官廳。此堂虛曠無餘物。四面齊開碧玉屏。」

坐嘯堂

坐嘯堂舊在文縣舊州治。宋呂凝之詩。「使君坐嘯無他事。楊柳陰中早放衙。」即詠此。

得要亭

得要亭舊在文縣東十里。宋呂巖之斷句云：「使君獨具登臨眼。亭上江山畫不如。」

鳳凰山

鳳凰山在成縣東南。相傳漢世有鳳雛止於山。因名。東南十里下爲鳳村。山腰有瀑布。名曰璣泉。杜甫詩：「亭亭鳳凰臺。北對西康州。」即此。

鷲峽

鷲峽在成縣西北。晉太和六年。苻堅遣苻雅等伐仇池。至鷲峽。與楊纂戰於峽中。後魏太和二十一年。李崇討仇池鎮將楊靈珍。靈珍遣從弟建屯龍門。自帥精勇據鷲峽以拒崇。皆即此。

十九泉

十九泉在成縣西南四十里。杜甫詩：「近接西南地。長懷十九泉。」即此。

三 涇原道

崆峒山

崆峒亦作空同。在平涼縣西。即笄頭山。一作雞頭。一作并頭。一作并屯。又名峯屯。一名薄落。史記黃帝西至空桐登雞頭。即此。通志云。崆峒山絕頂有香山。有廣成子洞。峯之最高者曰翠屏峯。有隴石如珠者。名珊瑚峯。巨石上平下銳者。爲香爐峯。有峯如柱。當路矗立者。爲蠟燭峯。層崖遂密。踞絕巖間者。名雷神峯。東巖下有洞。名皂鷄。又有青龍洞。雨後將晴。雲輒歸洞。亦名歸雲洞。洞之西北爲望鷲山。下有撒寶巖。涇水發源是山。

參雲亭

參雲亭舊在平涼縣崆峒山。相近有會景亭。宋遊師雄詩云「此處陟參雲。危棧愈踉蹌。會景亦可喜。周顧忘倦數。」卽此。

趙時春墓

趙時春墓在平涼縣南四里。時春字景仁。平涼人。嘉靖五年進士第一。選庶吉士。歷兵部主事。時都御史汪鏞進甘雲副都御史。徐瓚等進瑞麥。時春疏劾其罔上要君。復陳今之務最大者一。最急者二。帝怒下獄。詔除名。久之起編修。兼司經局校書。與羅洪先等請東宮受朝賀。復黜爲民。尋以知兵起兵部主事。贊理營務。統民兵訓練。忤仇鸞。幾重得罪。累擢都御史。巡撫山西。時春慷慨負氣。又善騎射。詩文豪肆。自喜。適類其爲人。

邵家坪

邵家坪在靜寧縣西石馬坪相近。舊有古槐二株。不知經歷年數。大十餘圍。蒼老蟠屈。蔭數十畝。

武山

武山在寧靜縣南七十里。多產奇花野草。春夏之交。燦爛奪目。

吳玠墓

吳玠墓在靜寧縣南一百二十里。玠字晉卿。少沈毅。有志節。知兵。善騎射。高宗建炎初。以戰功累遷涇原路副總管。張浚合五路兵與金人戰。大潰。玠收散卒。保和尚原。烏珠合諸道兵十餘萬來攻。玠大敗之。四年。敵復大入。攻仙人關。玠又敗之。金兵自是不妄動。累遷四川宣撫使。卒贈少師。諡武安。玠善讀史。凡往事可師者。錄諸座右。用兵本孫吳。務遠略。不求近利。故能保必勝。御下嚴而有恩。故士樂爲之死。金人一意睨蜀。玠身當其衝。西人至今思之。孝宗淳熙中。追封涪王。

吳璘墓

吳璘墓在靜寧縣南水洛城北原。璘字唐卿。玠弟。從玠攻戰。累官至四川宣撫使。孝宗時拜太傅。封新樂安郡王。卒。追封信王。璘剛勇謹慎。代兄爲將。守蜀二十餘年。隱然有方面之重焉。

履順橋

履順橋在靜寧縣青家驛西三里。長十六丈。寬二十餘尺。又驛東有利濟橋。長十二丈。寬三十尺。

祭旗坡

祭旗坡在隆德縣南六十里。相傳宋曹瑋征吐蕃祭旗於此。因名。

得勝坡

得勝坡在隆德縣西二十里。明馬文升敗敵處。

鐵邊山

鐵邊山在慶陽縣北三百二十里。頂平麓險。川流縈繞。宋范仲淹嘗置寨於上。

馬嶺山

馬嶺山在慶陽縣西北七十五里。接環縣界。亦名馬嶺阪。左右帶川。巖洞幽邃。相傳多果實。積鳥之屬。漢之牧地也。

傅介子墓

傅介子墓在慶陽縣西二里。介子漢義渠（即今寧縣）人。以從軍爲官。先是龜茲樓蘭皆嘗殺漢使者。昭帝元鳳中。介子以駿馬監求使大宛。因詔令責樓蘭龜茲二國。皆謝服。拜中郎。遷平樂監。後復至樓蘭。斬其王。持首詣闕。封義陽侯。

畫石山

畫石山在寧縣西十五里珊瑚川。其石有文。燦然如畫。因名。

凝壽寺

凝壽寺舊在寧縣南六十里。宋張舜民記有定平山。不如水。水不如寺。寺不如凝壽之句。按唐高祖武德二年。置定平縣屬寧州。宋政和中屬邠州。金仍屬寧州。即今寧縣境也。

承天觀

承天觀在正甯縣南撫琴山。舊名通聖觀。唐開元二十三年。玄宗夢羣仙現於羅底。詔訪焉。於羅川（即今正甯）縣東堡村底家莊有一老人。引至洞口。見一白光入穴。遂掘得二十七仙玉石之像。各題名姓。得道去處。並老人亦一仙之數。以應二十八宿。乃置觀曰通聖。宋真宗改曰承天。兵部尙書李維有記。

郭汾陽墓

郭汾陽即子儀。墓在合水縣東南一百二十里。舊有子儀十一世孫訥刻碑。子儀唐鄭（即今華縣）人。長七尺二寸。以武舉異等。累遷振遠軍使。安祿山反。充朔方節度使。討平之。以功加司徒。入朝。肅宗迎勞曰。國家再造。勳力也。代宗時。聯回紇。破吐蕃。十萬於靈臺。德宗嗣位。詔攝冢宰。賜號尙父。進太尉中書令。封汾陽郡王。年八十五卒。諡忠武。配享代宗廟。子儀事上誠。接下恕。賞罰必信。以身繫天下安危者二十年。八子七婚。皆爲朝廷顯官。子孫數

十人。每問安不能盡辯。頷之而已。八子。曜、吁、唏、哦、晤、曙、映、曖。尙昇平公主。四子。鑄、釗、銚、鎔。鎔尙漢陽公主。一女爲憲宗后。

青岡峽

青岡峽在環縣北。亦曰青岡嶺。唐玄宗開元四年。單于副都護張知運擊突厥叛戶於青岡嶺。後唐明宗天成四年。朔方節度使康福赴鎮。自方渠至青岡峽。遇吐蕃野利大蟲二族大破之。宋太宗至道三年。遣五路兵討李繼遷。詔李繼隆出環州。繼隆以環州路迂。乃自青岡峽繞靈武徑趨平夏。皆指此。

回中山

回中山在涇川縣北。多石洞。有三清樓在其上。頂爲王母宮。有水一泓。曰瑤池。又有周穆漢武祠。其後有池。舊傳密康公隨共王游。此因名。

鳳山

鳳山在崇信縣北三十里。形如鳳翥。下爲殿子坡。水聚貫珠。濃露諸泉之水。

由匯口之西南流入。山之右有湫谷。谷內有湫。深廣里許。山之左有散花谷。其水皆南流入。湫。

五龍山

五龍山在崇信縣西四十里峽口南岸。其上林木蒼鬱。相傳爲唐時禦戎故壘。上有藥王觀音等洞。

錦屏山

錦屏山在崇信縣南。縣城據其麓。繁花木。三時絢爛如屏。一名花山。

玉山

玉山在鎮原縣東十里。山多白石。陰雨之後。明豔如玉。止巔有凌雲閣。下臨萬仞。

懸泉

懸泉在靈臺縣西一百三十里橫渠鎮。石厓數仞。上覆如幕。有泉下注如簾。

爲邑奇勝。

溫冷泉

溫冷泉在靈臺縣東南保巖山陰。半溫半冷。相傳浴之可已疾。

六盤山

六盤山在固原縣西南。接隆德華亭二縣界。通志在固原州西南七十里。山路險仄。曲折峻阻。盤旋而上。古謂之終盤道。元世祖自和林有事陝蜀。恒屯兵於此。元貞（成宗年號）二年。自六盤至黃河。立屯田置兵萬人。明初徐達定關中。屢敗元兵於六盤。蓋州境之險要也。

朝那湫

朝那湫在固原縣西南。史記封禪書。湫淵祠朝那。元和志。平高（卽今固原）縣有朝那湫。蘇林云。方四十里。冬夏不增減。不生草木。旱時祠之。以壺挹水。置之所在。則雨。雨不止。反水於泉。俗以爲恒。今周迴七里。蓋近代減耗。明

統志。湫有二。土人謂之東海。西海。固原州志。西海在州西南四十里。六盤山之陰。山腰有泉眼。東西濶一里。南北長一里。北岸有廟。舊傳祭龍神。潤澤侯處。明正德十年。以城中井水鹹苦。遂導入州城。公私便之。又東海在州東南十五里。泉流有聲。廣五里。濶一里。東岸有廟。其水亦引流入清水。

四 寧夏

金波湖

金波湖。舊在寧夏縣東北。沿岸垂柳蔽日。中有芰荷。每屆春夏。士女游賞。頗盛。爲一方之勝。

承天寺

承天寺。在寧夏城內西。宋時夏人建。又名西塔寺。寺門兩旁壁鐫唐玄奘取經事。纖細精巧。門楹又鐫鐘鼎文。亦樸雅可觀。正殿有臥佛一。長可二十餘尺。有青甃砌成八角十一層塔。塔後有小殿。殿有額曰古塔凌霄。前人有詩。

云。一物外招提大野環。客來渾自暢心顏。風鈴幾語興亡事。寶塔遙傳晉宋間。極塞山河相拱揖。諸天雲日總幽閑。刼餘正喜尖重合。努力憑高試一攀。一觀此可知寺之佳勝處矣。

金積山

金積山在靈武縣南一百里。山多赭土。日照則色如金。山北北厓石板下。有水亂滴如雨。又有滾泉在東麓。自地湧出。高一二尺。如沸湯之狀。清潔可飲。

蠡山

蠡山在靈武縣南。層巒蒼翠。其峯如蠡。山有富泉。南有小蠡山。亦曰螺山。四旁皆平地。屹然獨立。上多奇木異卉良藥。

峽口山

峽口山在靈武縣西。一名上河峽。亦名大石山。唐高祖武德九年。安州都督李靖與突厥戰於靈州之峽石。又穆宗長慶元年。靈武節度使李進誠與吐

蕃戰於大石山。敗之。皆指此。明統志。峽口山兩山相挾。河經其中。一名青鋼峽。上列古塔一百有八。

保安寺

保安寺在中衛縣城內正北。梵宇巍峨。高聳入雲。爲一方勝境。

五 西霧

日月山

日月山在西寧縣西川口外。元史。憲宗四年。會諸王於顆顆腦兒之西而祭天于日月山。即此。

熱水泉

熱水泉在西寧縣巴伽。水自地湧出。熱如沸湯。

四望山

四望山在碾伯縣東南。漢書趙充國傳。神爵初。充國至金城。渡河遣騎候四

望陔中。無虜。曰。吾知羌虜不能爲兵矣。使發數千人守杜四望陔中。兵豈得入哉。所謂四望陔。卽四望山也。

六 甘涼

西山

西山在武威縣西二十里。峯巒若蓮花。因又名蓮花峯。石五色成文如獸形。有藥泉水可療病。

靈泉池

靈泉池在武威縣南。水經注曰靈淵池。王隱晉書曰。漢末博士敦煌侯瑾。香內學。語弟子曰。涼州城西泉水當竭。有雙闕起其上。至魏嘉平中。武威太守條茂起學舍。築闕於此泉上。填水造起門樓。與學闕相望。泉源陡發。重導於斯。故有靈淵之名也。

大雲寺

大雲寺在武威城外。有前涼時之巨鐘。聲極宏遠。其右有慶雲寺。寺後有浮屠突兀聳峙高十餘級。

金山

金山在永昌縣北二十里。晉禿髮樹機能敗涼州刺史蘇儵於金山。即此。後詛渠蒙遜亦曾駐軍於此。

金川寺

金川寺在永昌城北。唐建。依厓架屋有樓觀泉流之勝。景物絕佳。

海子

海子池也。在金川寺西。中有觀音閣、韋陀閣等。綠柳湖光。爲邑名勝。池東又有龍王宮等。池西有關帝廟等。點綴其間。景物尤佳。

候馬亭

候馬亭在平番縣西南。水經注廣武（即今平番）城西南二十餘里。水西

有馬蹄谷。漢武帝得大宛天馬。感北風之盛。遂頓羈絕絆。讓首而逃。晨發京城。食時至。燉煌北塞外。長鳴而去。因名其處曰候馬亭。

並浪城

並浪城在平番縣城南里許。北門樓上有武當勝境四字。俗呼滿城。以爲滿人所居也。

正度樓

正度樓即平番縣之南高閣也。南面有正度二字。入南門有河朔重關四字。樓凡四層。聳然矗起。足堪瞻眺。

蓼泉

蓼泉在張掖縣西。十六國春秋。沮渠蒙遜元始七年。遣張掖太守沮渠廣宗。詔降李歆。歆發兵迎之。蒙遜伏兵於蓼泉。歆覺之。引還。蒙遜追敗之于鮮支。灑城建康而還。八年。歆復襲蒙遜。引兵入都瀆澗。蒙遜逆擊敗之於懷城。歆

勒兵復戰。蓼泉爲蒙遜所殺。即此。

五雲樓

五雲樓在張掖城上。飛欄軒翥。巍然聳峙。登臨其上。則全城入目。風物極佳。

宏仁寺

宏仁寺在張掖城。西夏建。中有大佛。長十餘丈。寺後一塔孤峙。內又有小塔無數。中藏佛像。相近又有寺曰木塔。中有銅佛像。乃一古物也。

普觀寺

普觀寺在張掖縣南一百三十里。祁連山下。行都司志。內有浮屠塔。古名馬蹄寺。有石門二十。石洞七。廣狹不一。俱鑿佛像。土人倚洞立爲禪堂。明初敕改今額。

大斗拔谷

大斗拔谷在山丹縣南。隋煬帝大業五年。帝伐吐谷渾。經大斗拔谷。山路險

隘。魚貫而出。乃至張掖。唐太宗貞觀九年。李靖征吐谷渾。還。上遣使勞軍於大斗拔谷。皆卽此。

大佛寺

大佛寺在山丹縣西北十里。獅子山麓。明代太監建。有大佛高數丈。居五層樓中。足踏下層而首在上層。怪異可哂。

七 安肅

璧玉山

璧玉山在酒泉縣西。一名玉石山。亦名嘉峪山。峻峭險阻。頗不易上。穆天子傳。天子循黑水至於璧玉之山。卽此。

酒泉

酒泉在酒泉縣東。泉方八尺。石砌成圍。澄清澈底。魚游其中。泉前有清勵樓。有聯云。一中聖人之清。有如此水。取醉翁之意。以名吾亭。一樓之內有門。題

曰古酒泉。門內爲澄鏡堂。有額云：大地醍醐。一聯云：甘或如醴，淡或如水。無卽學佛，有卽學仙。一院後卽酒泉矣。泉之來，狀如珠。泉水北流入湖。湖北有亭。亭北有大湖，景色清佳。

陳家花園

陳家花園在酒泉南門外。有亭臺谿石之勝。多花木。春夏之交，紅碧如錦。有一覽亭，可觀全園。

白城山

白城山在高臺縣西南八十里。石磴曲折，有林泉之勝。

月牙泉

月牙泉在安西縣南鳴沙山麓。南隣黨河。淵渟澄澈，映月無塵。環以流沙。雖遇烈風，而泉不爲沙掩。舊傳水產鐵背魚七星草，服之得長生云。

神泉

神泉即古淵泉。在安西縣城樓下。深二十尺。四圍砌甃。成方形。有兩木龍盤柱上。尾上首下。張口作欲飲水狀。水清冽可飲。土人多汲以煎茶。







海 上

行 印 司 公 書 圖 陸 大

MG
kp28.7
5
3



中華名勝古蹟續編目錄

第八編 江蘇

一 金陵.....一一一八

- 牛頭山 雞鳴山 馬鞍山 覆舟山 方山 金陵岡 白鷺洲 烏龍潭 樂遊苑 劉園 愚園 鳳凰台 夫子廟 靈谷寺 大報恩寺 景陽樓 冶城 朱雀橋 新亭 鐘亭 鐵貓 楊公剖心處 茅山 武岐山 周瑜故里 晉柏靈巖山 蒜山 鬪山 馬蹟山 昭明選文 鶴林寺 玄妙觀 經山 練湖 玉乳泉 歸真觀 公園 齊梁諸陵 雲林 石墨池 芝山 青龍山 貞義女墓

二 滬海.....一八一—二五

- 紀念公園 也是園 遂吾廬 惠家園 九果園 小萬柳堂 學圃 宋園 松
- 中華名勝古蹟 第八編 目錄 一

中華名勝古蹟 第八編 目錄

二

社 徐光照墓 干山 余山 巽山 醉白池 三賢祠 秀甲園 三高土墓
梧溪精舍 鎮洋山 古澗園 鶴槎山 雲翔寺 義兵巖 望海亭 茶山

三

蘇常…………… 二五—四七

穹窿山 支硎山 寒山 華山 半學山 銅坑山 鼇頭山 真假山石 香雪
海 石壁 石樓 邨公鼎 石湖 練瀆 途園 霽園 韓園 拙政園 黃堂
姑蘇臺 報恩寺 開元寺 堯峯寺 銅觀音寺 陸贄墓 韓世忠墓 丹井
馬鞍山 陽城湖 碩園 野鶴軒 鴛鴦湖 垂虹橋 白雲溪 馬蹟山 公
園 避暑宮 天寧寺 清涼寺 太平寺 玄妙觀 東坡紫藤 錫雨 管社山
梁溪 泰伯井 公園 胡園 點易臺 若冰洞 白雲洞 倪雲林故里 東
林書院 華孝子祠 張公山 石觀音 崇恩寺 龍池山龍 浮遠堂 薛畏齋
墓 狼山寺 曹頂墓

四

淮揚…………… 四七—五六

仙人洞 韓信城 漂母冢 枚乘故里 韓信釣臺 漂母祠 康山 瓜洲渡
邵伯湖 古井 吳公臺 明月樓 石塔寺 梅花嶺 浮香寺 神居山 甃社
湖 露筋祠

五

徐海.....五六一六一

寒山 峒山 漢高祖試劍石 荆山石橋 快哉亭 曹操繫馬處 范增墓
王陵母墓 霧豬山 丁公追漢祖處 聚仙山 龍岡山 天門寺 小華山 呂
布射戟處 司吾山

中華各勝古蹟 第八編 目錄

中華名勝古蹟續編

第八編 江蘇

一 金陵

牛頭山

牛頭山在江寧聚寶門外三十里。卽佛書所謂江表牛頭者也。山有二峯。東西相對。名曰雙闕。梁書何允曰。世傳晉室欲立闕。王丞相指牛頭山曰。此卽天闕也。因一名天闕山。又以山多洞壑。亦曰仙窟山。山高一百四十丈。周四十七里。山徑由麓起。有石磴數百級。杉檜行列。名天盤嶺。亦曰白雲梯。半霞和尚所創之普覺寺。卽在嶺上。寺左有白龜池。寺右有虎跑泉。唐塔則在寺後。更上爲觀音洞。後爲捨身巖。下有文殊洞。山後有池。梁昭明太子洗馬於此。因名洗馬池。此外更有獻花巖。三茅宮。辟支洞。石浮屠諸勝。



雞鳴山

雞鳴山在江甯覆舟山西二百餘步。本名雞籠山。寰宇記。西接落星岡。北臨樓元塘。狀如雞籠。宋文帝元嘉時。徵廬山處士雷次宗。至建康。爲開館於雞鳴山。使聚徒教授。卽此。後齊武帝晨遊鍾山。射雉至此。始聞雞鳴。因改今名。明初於山巔築臺。置渾天儀。名觀象臺。故又曰欽天山。山有雞鳴寺。卽古同泰寺。寺前有施食臺。一名誌公臺。寺後有谿蒙樓。乃明憑虛閣舊址。又有北極閣。景陽樓二樓。皆可登眺。玄武湖。又有覆舟池。中植荷菱。隄栽楊柳。夏時戾止。清曠宜人。全山景物。較牛頭爲佳。

馬鞍山

馬鞍山在江甯清涼定淮二門之間。以山形如馬鞍。故名。高八十餘丈。與獅子山石頭城接連。有吉林寺。聽潮庵諸勝。

覆舟山

覆舟山在江甯太平門內。一名龍舟山。元和志。鍾山西足也。形如覆舟。故名。方輿勝覽。東連鍾山。北臨元武湖。宋元嘉中。嘗改名元武。建康志。山周三里。高三十一丈。山之東麓爲東陵。桓元使桓謙屯處。又東爲白朮坡。蘇峻被殺處。陳書。太建七年。甘露類降樂遊苑。詔於龍舟山立甘露亭。卽此。舊山有瑤臺。闐風亭。藏冰井。今荒廢不可究詰。惟陟岡遠眺。煙水蒼茫。樓臺高聳。城市全收。亦至可觀也。

方山

方山在聚寶門外東南四十五里。元和志。秦鑿金陵。以斷其勢。方山是所鑿之地也。其山四面等方。孤絕形似方印。又名天印山。晉元帝時。張闔自至方山迎賀。循宋元嘉末。何尙之請。致仕退居方山。明初敗陳瑊。先於方山。皆卽此。相傳吳葛仙翁嘗居此山。有石龍洗藥等池。今山有洞真觀。東霞寺。皆可遊觀。

金陵岡

金陵岡在盧龍馬鞍山之下。龍灣路上。秦所鑿以斷王氣者。相傳即瘞金處。

白鷺洲

白鷺洲在江甯城西南八里大江中。宋曹彬伐南唐。嘗破其兵於此。唐李白詩「朝別朱雀門。暮宿白鷺洲。」「三山半落青天外。二水中分白鷺洲。」即謂此。

烏龍潭

烏龍潭在江寧城內。風景極佳。有小西湖之目。薛農慰有廬在其旁。水中有亭。顏曰何必西湖。

樂遊苑

樂遊苑在覆舟山南。宋書禮志。晉立北郊在覆舟山南。太祖以其地爲樂遊

苑。元嘉十一年。禊飲樂遊苑。范蔚宗樂遊苑應詔詩序曰。苑在宮城北三里。晉時芍藥園也。南史陳紀。太建四年。幸樂遊苑採甘露。今城北土橋南小教場。即其地。

劉園

劉園在江甯雨花臺畔。乃劉舒亭之別墅。一名又來園。據天成之形勢。加工之點綴。風景綦佳。中有又來堂。起雲樓。藏春閣。師竹軒。倚竹亭。荼蘼廊。紫青閣。罷釣灣。訪橋。凌冰仙館。水月虛明堂。諸勝。

愚園

愚園在江甯城內。爲胡氏所築。因又名胡園。樓閣亭臺。竹林池石。布置頗工。而全園結構曲折。尤極清幽之致。有至正廳。水石軒。竹鳴樓。雲閣。海棠春睡軒。諸勝。

鳳凰臺

鳳凰臺在江寧城西南隅。唐李白詩云：「鳳凰臺上鳳凰遊。鳳去臺空江自流。吳宮花草埋幽徑。晉代衣冠成古丘。三山半落青天外。二水中分白鷺洲。總爲浮雲能蔽日。長安不見使人愁。」清乾隆二十二年。高宗南巡。御製鳳凰臺詩。用李白韻並效其體。元薩都刺亦有詩云：「六朝歌舞豪華歇。商女猶能唱後庭。千載江山圍故國。幾番風雨入空城。鳳凰飛去梧桐老。燕子歸來楊柳青。白面書生同弔古。日陪驄馬繡衣行。」

夫子廟

夫子廟在江寧城內東牌樓文德橋。殊壯聲可觀。中爲大成殿。後爲明倫堂。尊經閣。右有青雲樓。孝弟祠。內有玉兔泉。外有大成泉。月牙池。

靈谷寺

靈谷寺在鍾山之陽。金陵紀。蔣山寺舊在山南。本名道林寺。梁武帝爲寶誌禪師建塔於玩珠峯前。名曰開善寺。宋曰太平興國寺。後爲蔣山寺。明移於

東麓。賜名靈谷寺。清康熙四十六年。聖祖南巡。賜御書聯額。乾隆十六年。高宗南巡。又賜御書聯額。當時紺宇琳宮。號稱第一。邇則已多頹圯矣。其下院。今爲大士庵。有觀世音像石。高廣各三丈許。光瑩可鑒。亦稱水晶屏。有孝感。熊賜履書水晶屏三字勒於石。

大報恩寺

大報恩寺在江寧城南。吳大帝建。明永樂時重建。賜額規模宏壯。有塔高百餘丈。清康熙時重修。聖祖高宗南巡。並登塔賦詩。賜御書匾額。黃之雋亦嘗登塔頂作詩云。一到眼無埃壒。蒼茫入素秋。萬家斜照外。千古大江流。金碧翔霄表。虬龍壓石頭。長安稱雁塔。此亦舊皇州。

景陽樓

景陽樓在法寶寺西南。俗呼景陽臺。宋紀后妃傳。齊武帝永明中。置鐘於景陽樓上。應五鼓。及三鼓。宮人聞鐘聲。早起粧飾。

冶城

冶城在江甯城西。六朝事迹。本吳冶鑄之所。因以爲名。晉太元中。謝安與王羲之登冶城。悠然有高世之想。卽此。金陵記。冶城卽今府治西北朝天宮。楊吳之紫極宮。宋之天慶觀也。按朝天宮。洪武中改。當時凡六朝賀。百官習儀於此。清乾隆二十一年。高宗南巡。賜御書匾額。

朱雀橋

朱雀橋在江寧城東南。卽朱雀桁。建康志。朱桁桁對朱雀門。南渡淮水。亦名朱雀橋。本吳南津大航橋。謝安置重樓並二銅雀於橋上。因名。今鎮淮橋。其故所也。

新亭

新亭在江甯二山門外。晉書王導傳。過江人士。每至暇日。相要出新亭飲宴。周顛中坐而歎曰。風景不殊。舉目有江山之異。皆相視流涕。卽此。

鐘亭

鐘亭在江甯儀鳳門內北極閣旁。內懸明洪武二十一年造鐘一具。高一丈六尺。經七尺。周二丈一尺。重四萬六千斤。此鐘初半沒於土中。爲清江甯藩司許振禕所掘出。因建亭而懸之。其地乃明鐘樓故址。

鐵貓

鐵貓在江甯城內花牌樓鍾山書院後。有二具。相傳馬三寶下西洋故物。婦人撫摩之。謂可宜男。

楊公剖心處

楊邦乂剖心處在聚寶山北麓。有碣刻宋忠臣楊公剖心處。按楊公吉水人。建炎初。倅建康。金帥完顏宗弼兵至。守將杜充戰敗而降。公獨不屈。宗弼遣人說之。公以首觸柱。礎流血。大書衣裾曰。甯爲趙氏鬼。不作他邦臣。大罵乞死。宗弼怒。殺之。剖去其心。

茅山

茅山在句容縣東南。卽句曲山。高三十里。周百五十里。卽晉王廙慟哭處。梁書齊永明十年。陶弘景辭祿止於句容之句曲山。恒曰。此山下是第八洞宮。名金壇華陽之天。昔漢有咸陽三茅君得道來掌此山。故謂之茅山。山有九霄萬福宮。印宮。乾元觀。老虎洞。華陽洞。龍池。所謂龍池者。中有物四足五爪。方首扁尾。長可三寸許。色微青。脊有紅線。腹色丹。而有光。陶弘景養龍子於池中。此卽所謂龍也。宋眞宗嘗敕中使取龍以進。尋送歸池。有觀龍歌刻於石。印宮至乾元觀。相距十數里。道盛林木。尤多松樹。陰翳蔽天。景殊清佳。且相近有數百年之古木焉。華陽洞卽第八洞。狹長幽奧。或云可通浙之吳山云。

武歧山

武歧山在句容縣。距滬寧鐵道之下蜀站東南六里許。山產蕙蘭。每屆春季。

花開香溢。遊者甚多。

周瑜故里

周瑜故里在高淳縣西二十五里。其宅以磚爲垣。周一里。俗呼爲磚牆周。

晉柏

晉柏在高淳縣立信鄉尋真觀內。相傳晉時許真君手植。大可十圍。枝葉繁茂。而幹似枯朽。其根盤辟直上。而枝柯下垂。作攫拏狀。

靈岩山

靈岩山在六合縣東。巖巒層巒。四面如一。有偃月岩、白龍泉、馬腦澗。而馬腦澗產五色石。所謂靈岩石也。石有雲霞草木人物鳥獸之狀。甚至字畫天然。得者珍如環寶焉。

蒜山

蒜山在丹徒縣西九里。元和志。山多澤蒜。因以爲名。輿地紀勝。自古皆作蒜。

山。惟陸龜蒙題曰算山。或以周瑜與武侯議拒曹操謀算於此。故名。晉末孫恩浮海至丹徒。率衆登蒜山。劉裕擊破之。唐劉展叛。田神功將三千軍於瓜州。將濟江。復出騎萬餘陳於蒜山。卽此。宋蘇軾嘗遊蒜山。以松林可卜居。欲餽其地。地屬金山。乃作詩與金山元長老。詩云：「魏王大瓠無人識。種成何翅實五石。不辭破作兩大尊。只憂水淺江湖窄。我材濩落本無用。虛名驚世終何益。東方先生好自譽。孟賁子路并爲一。杜陵布衣老且愚。信口自比契與稷。暮年欲學柳下惠。嗜好醋鹹不相入。金山也是不羈人。蚤歲聞名晚相得。我醉而嬉欲仙去。旁人笑倒山謂實。問我此身何所歸。笑指浮休百年宅。蒜此幸有間田地。招此無家一房客。」

圖山

圖山在丹徒縣東北六十里。宋建炎三年。金人治舟師。欲由海道赴浙。詔遣韓世忠控守圖山。卽此山。多巖壑。形勢峻險。前爲龜山。右爲五峯山。有石仙

朝陽桃仙。鶴仙。蝙蝠諸洞。巔有寺。寺有塔。登塔遙眺。則金焦兩山。楊子海門。皆可一覽入目矣。

馬蹟山

馬蹟山在丹徒縣東南二十五里。以有青童君馬蹟故名。道書以爲第四十九福地。有青龍洞。黃龍洞。青龍洞有石龍挂石罅間。有井曰葛洪井。黃龍洞有石泉。四時不竭。

昭明選文處

丹徒縣南七里招隱山。卽獸窟山。山上有招隱寺。寺有增華閣。世傳爲梁昭明太子選文處。山之西舊有泉。圓濺若貫珠。名眞珠泉。傳爲昭明所開。唐李迥嘗構亭其上。宋蘇軾詩所謂「巖頭匹練兼天淨。泉底眞珠濺客忙」。是也。此外又有虎跑。鹿跑二泉。

鶴林寺

鶴林寺在丹徒縣黃鶴山下。晉元帝大興四年建。劉宋改今名。寺中殿前有井。名寄奴泉。宋武帝徵時所鑿。寄奴者武帝小字也。

玄妙觀

玄妙觀舊在丹徒縣石礎橋。俗呼東觀。卽唐紫極宮。元成宗元貞時改今額。有宋徽宗所賜永鎮福地金碑。及趙孟頫度人經石刻。

經山

經山在丹陽縣東北三十五里。相傳有異僧講經於此。一名金牛山。上有金牛洞。洞口僅容一人。其中甚廣。有石座平坦光瑩。彷彿菩提。舊有崇教寺在山麓。卽經山院。寺前有銀杏一株。相傳寶誌手植。宋嘗於山置寨。曰經山寨。

練湖

練湖在丹陽縣西北。本名後湖。亦名練塘。晉郗鑒練兵於此。故名。分上下兩湖。清一統志。練湖形勢最高。上湖高下湖數尺。下湖又高運河數尺。勢若建

。幅員四十里。納長山諸水。以濟漕運。唐權德輿嘗宅於湖上。憶江南詩云。一結廬長占練湖春。是也。

玉乳泉

玉乳泉在丹陽縣東北觀音山下。張又新煎茶水記。丹陽觀音山水第四。即此。山上有望湖亭。廣福寺。頗可遊觀。

歸真觀

歸真觀在丹陽縣東南七十里。舊名東膠觀。焦光煉丹處。有丹池。丹井。飛昇臺。迎仙橋。望仙墩。唐元宗開元時。改名清虛。宋真宗詳符時。乃改歸真。

公園

公園在丹陽城內。花木清幽。風景佳勝。並有齊梁諸陵及吳季札墓碑。

齊梁諸陵

齊梁諸陵齊永安陵。在丹陽縣東北三十里。高帝父。追尊爲宣帝。高帝泰安

陵在丹陽縣東北三十一里。武帝景安陵在丹陽縣東三十二里。明帝興安陵在丹陽縣東北二十四里。梁建陵在丹陽縣東北二十里。武帝父追尊爲文帝。武帝修陵在丹陽縣東二十五里。唐貞觀十一年詔令百步禁采樵。簡文帝莊陵在丹陽縣東二十七里。陸游曰：自常州西過呂城（呂蒙所築）又西北至陵口。距丹陽三十餘里。見大石獸偃仆殘缺。蓋南朝諸陵墓也。

雲林

雲林舊在金壇縣南八里西瑤村。明於玉德建。內有三十六泉。泉池山石巧嵌玲瓏。舊爲觴詠之地。

石墨池

石墨池在金壇縣西茆山。卽菖蒲潭。世傳費長房學道於此。書符滌硯。澗池悉爲墨色。至今用池水合藥。往往有驗。

芝山

茅山在溧陽縣西八十一里。舊名小茅山。與溧水縣接界。建康志：山中菅產芝草。故名。上有洞十數。最著者曰梅仙洞。相傳梅福曾隱於此。洞前有觀音石。甚奇異。曰李子洞。有百沸泉。曰燕洞。有石如燕。曰仙人洞。有石秤碇子。曰天井洞。有竅通天如井。曰黃龍洞。乳水下滴。不沾人衣。山下有泉。泉水芳冽。大旱不涸。

青龍山

青龍山在溧陽縣北八十里。距金壇縣西南五十里。形勢如龍而青色。因名。山有洞穴。祈禱輒應。山半有洞。曰青龍洞。洞前奇石森列。流泉漚漚。旁有峴曰牧門。洞口二尺許。其中平廣。石梁如帶。有堂臺簾竈。仙人掌之屬。皆以石狀得名。入洞稍深。有門曰隔凡。土人傳與金壇句容諸洞相通。

貞義女墓

貞義女墓在溧陽縣西北黃山。即春秋時史氏女墓也。伍子胥奔吳。至於瀨。

清女授以壺漿而自沈於河。唐李白有碑銘。舊有祠在縣北鳳皇橋。以明趙運使淮殉難二妾翠蓮綠雲繪圖祀亭。顏曰貞烈。

一一 滬海

紀念公園

紀念公園在上海南北虬江橋畔。中有花木橋亭之屬。殊清勝可觀。門前有亭曰紀念亭。誌築軍工路之落成也。園名即基於此。

也是園

也是園在上海小西門內凝和路。明天啓間喬煒建。即渡鶴樓遺址。至今已屢易其主。今名乃李氏所易也。園有湛華堂、育德堂、珠來閣、釣菴處。諸勝。而疊石穿池、迴廊水榭、殊饒林泉之趣。

遂吾廬

遂吾廬在上海謹記路。乃皖人程氏之家園也。幅員不廣。結構甚佳。引流作

沼。疊石成山。與衆不同。殊有雅致。

惠家園

惠家園在上海徐家匯西南漕河廟之南。園廣三十畝。多花木。頗堪悅目。惠雨亭所築。俗稱惠家花園。

九果園

九果園在上海曹家渡之西。以舊植九果樹故名。邑人吳文濤建。有望江樓。瑣江草堂。鬧紅畫舸。蘿補小築諸勝。

小萬柳堂

小萬柳堂在曹家渡。無錫廉泉隱居之所。中有樓曰帆影。閣曰蕩淞。園曰南園。此外小溪花徑。竹屋球場。咸饒清趣。

學園

學園在上海靜安寺路。四明周氏別墅。西式建築。景物清幽。多花卉。尤多佳

種。

宋園

宋園在上海宋公園路。門額宋園二字。乃譚延闓書。園之中央。宋教仁石像在焉。像坐而作斜視勢。像之下石刻漁父二字。章炳麟書。背面石刻于右任題語。語曰。一先生之死。天下惜之。先生之行。天下知之。吾又何記。爲直筆乎。直筆人戮。爲曲筆乎。曲筆天誅。於虜。九原之淚。天下之血。老友之筆。賊人之鐵。勒之空山。期之良史。銘諸心肝。質諸天地。一像之後。即墓冢。巍然高聳。圓如覆碗。墓之兩畔。有共和二字。以泥砌成。外以花草圍之。墓後有小阜。栽松檜之屬。逾小阜更進。爲一廣圃。蒔菜蔬。中有宋夫人之墓焉。

松社

松社在上海徐家匯路。蔡鏗墓及祠堂在焉。松坡圖書館亦在其內。

徐光啓墓

徐光啟墓在徐家匯。其祠在太卿坊大街。光啟字子先。明上海人。萬曆進士。授庶吉士。歷贊善。崇禎初。以禮部尙書兼東閣大學士入參機務。卒於官。贈太保。謚文定。光啟嘗從意大利人利瑪竇學天文算法火器。盡通其術。與意人龍華民鄧玉函羅雅谷等修正歷書。生平譯著甚多。

千山

千山在松江縣西北三十里。機山東。相傳千將曾鑄劍於此。故名。又以山形似馬。名天馬山。舊上有二陸草堂。三高士碑。一柱石。半珠庵。八仙坡。雙松臺。看劍亭。留雲壁。濯月泉。餐霞館。稱千山十景。山下有鶴靜堂。來鶴亭。南園諸勝。又有菊莊。傳爲陶宗儀種菊處。

佘山

佘山在松江縣西北二十五里。舊傳有佘姓居此。故名。高三十餘丈。周十餘里。山多竹。產筍。笋香如蘭。清康熙四十八年。聖祖南巡。名曰蘭笋山。有東西

二峯望之穠郁深秀。明陳繼儒施紹萃嘗隱此。今山有西人所築之教堂及天文臺。往時之招提蘭若山莊草堂咸不可覩。但猶有一浮圖。轟然存耳。

崑山

崑山在松江縣西北二十三里。長谷之東。陸機陸雲兄弟皆有辭學。人以爲玉出崑岡。故名。山形圓秀而潤。旁無附麗。望之如覆盎然。太平寰宇記。陸遜父祖墓在焉。山北有秦皇走馬塘。相傳始皇帝曾遊此。山南有大壩路。卽秦皇馳道也。

醉白池

醉白池在松江縣城內。顧見山水部別墅也。額爲王時敏手舉。處地幽僻。景物清閑。邑人往往觴詠於此。

三賢祠

三賢祠在松江縣城內。祀范仲淹。范履冰。范純仁。內有二陸像碑。像作晉人。

衣冠高一尺三寸。寬二尺二寸。號綾錦墩碑。以此碑嘗歸綾錦墩野人。故名。

秀甲園

秀甲園在松江縣西塔街。卽明徐爾鉉宜園。入清歸王太傅瑣齡。康熙四十四年。聖祖南巡幸其地。時藤花盛開。御賜蒸霞二字。越歲復幸其地。瑣齡繪圖以紀。今已改爲陳忠愍公祠。

三高士墓

三高士墓在松江縣西北至山麓。三高士者。楊維禎。陸居仁。錢維善也。

梧溪精舍

梧溪精舍舊在青浦縣青龍江上。元王逢避地之所。中有羅月山房。冥鴻亭。小草軒諸勝。逢自爲記。

鎮洋山

鎮洋山在太倉縣周三百步。明孝宗弘治十年。知州李端築。上有三峯及集

仙洞。舊建有迎春來仙遊仙三亭。祝允明有記。

古漪園

古漪園在嘉定縣南翔鎮。園有池沼竹木。風景清幽。夏日荷葉盛開。消暑尤佳。有楠木廳。懸董其昌書華嚴墨海額。蓋此園本明關氏別業也。

鶴槎山

鶴槎山在南翔鎮北三里。舊有宋韓蘄王所築墩。今廢。土人每掘地得瓶。曰韓瓶。視爲古董。售之得善價。清王西莊學士詩「軍持掘得荒原裏。沽取春醪酒一杯。」卽咏此。

雲翔寺

雲翔寺在南翔鎮。舊名南翔寺。梁武帝時建。寺有八景。曰經幢石。梁朝并植明檜。九品觀。雲臥樓。齊師鶴博望槎。鶴跡石。今止存經幢石。而寺亦毀圯。惟山門外之二瓦塔及石埠在尚。

義兵岩

義兵岩在寶山縣江灣鎮。亦名鄉兵岩。宋高宗建炎時。嘗置鄉兵於此。韓世忠亦嘗駐軍。以擊金人。

望海亭

望海亭在寶山縣礮臺灣。清道光時建。高數丈。登頂遠眺。海水汪洋。盡入眼底。

茶山

茶山在崇明縣東北海中。一名蛇山。亦曰長山。有東西二峯。西峯頂有石。大數畝。羣松環之。南有呂純陽碑。

三 蘇常

穹窿山

穹窿山在吳縣西南。山形如釵股。頂方平。廣可百畝。左思吳都賦。赤須蟬蛻。

而附麗。蓋指此山。上山過半山亭。顏曰第一靈山。又曰直山雲霄。由此更上有巨石一方。石有兩穴。相傳爲茅君禮斗處。穴卽其膝印也。穴有水。名雙藤泉。泉產石蟹。更上則有僧寺焉。崇宏壯麗。蔚然可觀。佛殿禪房。殆逾千間。此外更有法雨泉、百丈泉、柱杖泉、紫藤隔、讀書臺諸勝焉。

支硎山

支硎山在吳縣西南。晉支遁嘗居此。平石爲硎。山有平石。故山名支硎。而支遁以支硎爲號。東有觀音寺。又名觀音山。山有寒泉石室。白馬澗。放鶴亭。馬蹟石。諸勝。相傳觀音寺。卽支遁道場。白馬澗爲支遁飲馬處。放鶴亭爲支遁放鶴處。

寒山

寒山在吳縣西。本支硎之支峯。明處士趙宦光嘗隱此。築小宛堂。後爲僧舍。庭前老榦。相傳宦光手植。芙蓉泉出其旁。西爲寒泉亭。清淺池。千尺雪飛魚。

峽東南爲空谷。棕房石壁。馳烟驛。有篆書刻石。宦光舊迹也。清高宗南巡。屢次駐蹕其間。御賜聯額甚多。今荒廢湮埋。頗非舊觀矣。

華山

華山亦在吳縣西。晉太康中。生千葉石蓮華。因名。山半有池。又稱天池。山峭拔聳秀。巖壑與虎邱靈巖相埒。有龜巢石。蒼玉洞。桃花洞等勝。又有石屋壁鑿佛像。

峯嶸山

峯嶸山在吳縣西南。形如獅子。因又名獅子山。山南有巨石。相傳爲墮星。吳地記。吳王僚葬此。山北爲何山。姑蘇志。故爲鶴阜山。以何求何點葬。此改今名。

銅坑山

銅坑山亦在吳縣西南。一名銅井山。吳地志。銅山有銅坑十餘穴。深者二十

餘丈。淺者六七丈。左思吳都賦所謂採山鑄錢者也。姑蘇志在鄧尉山西南。相傳晉宋間鑿坑取沙土煎之。皆成銅。故名。山上有巖洞。其懸溜匯而爲池。清甘不竭。名曰銅泉。

龍頭山

龍頭山在吳縣西南。洞庭之支嶺也。產青石。有天然玲瓏者。謂之花石。宋徽宗時采貢。故有花石綱。又一種色白而潤溫。堪爲玩具。號爲玉石。又有胎斑而光澤者。可充硯臺。山有厓突出如龍首。故名。登其上觀太湖。烟水蒼茫。氣象萬千。風景至佳。

真假山石

真假山石在吳縣西南玄墓山。晉青州刺史郁泰玄墓畔。明天順間現於土。後漸湮沒。清康熙十七年復出。此石玲瓏奇巧。宛似花園中之假山。實則非製自人工。而由於天然。因名曰真假山石。亦有洞。康有爲刻壽。

洞二字於其上。

香雪海

香雪海在吳縣西南吾家山。山盛植梅花。花時一望如雪。香風度十餘里。清康熙時巡撫宋犛題香雪海三字。鑄於厓壁。相近有石作花瓣狀。卽往時梅花亭柱石。又有御碑一方。仆臥於地。蓋康熙二十八年。聖祖南巡。嘗幸此觀梅花也。

石壁

石壁在吳縣鄧尉之蟠螭山頂。奇峭峻拔。大可數畝。有殿宇曰東湖精舍。又有望湖臺。可觀太湖。遊步到此。令人發清曠之思。

石樓

石樓距石壁可數里。有古剎。趙寒山題石樓二字。此處俯觀梅花。勝於香雪海。蓋紅綠白諸梅。皆可一覽入目也。

郝公鼎

郝公鼎藏於鄧尉聖恩寺。古色斑斕。作扁圓形。昔嘗爲劣僧售去。得潘祖蔭贖還。祖蔭題跋曰。郝公鼎。郝公徑。俱見春秋經。阮氏釋郝爲周。誤矣。余見邱印川隅天閣遺著。乃知聖恩寺有是器。同治甲戌。求之不可得。今乃假得拓一本。而仍以原器歸之寺。大江以南。無專鼎在焦山。王子吳鋼在虎邱。與此鼎峙而三矣。云云。此外又有文殊指南圖。一蒲團外。萬梅花圖。咸有名人題詠。與郝公鼎稱三珍焉。

石湖

石湖在吳縣西南。輿地紀勝。范蠡所經。入五湖者。有茶磨諸峯映帶。頗爲勝絕。宋參政范成大因越來溪故址。小築臺榭。孝宗書石湖二字賜之。因自號石湖。中有千巖觀。天鏡閣。玉雪坡。盟鷗亭等迹。又有巨石刻大士像。今諸勝多有湮沒不可尋者。清高宗南巡。泛舟湖中。御書石湖二字。鐫於厓壁。

練瀆

練瀆在吳縣西南唐皮日休詩「空濶嫌太湖。崎嶇開練瀆。三尋習石齒。數里穿山腹。」卽咏此。

遂園

遂園在吳縣申衙前。畢秋帆建。今屬劉姓。舊名慕家花園。園有池。池盛荷蕖。每屆夏時。香風四溢。清雅宜人。

留園

留園在吳縣。昆陵盛氏業也。有小天竺。沿紅橋等勝。亭堂花木。頗具園林之勝。

韓園

韓園在光福鎮峙淹嶺下。有清彭玉麟墨梅畫壁。舊時逍遙鷗。迴波榭。心月山房諸勝。近頗頽圯。

拙政園

拙政園在吳縣齊妻二門間。初本大弘寺。明嘉靖時。御史王獻臣改爲之。文徵明有拙政園圖。記清初歸海昌陳之遴。後籍沒。爲駐防將軍府。繼又爲吳三桂壻王永寧邸舍。康熙時。又改爲蘇糧道署。缺裁。散爲民居。後又歸郡人蔣氏。名曰復園。熹慶未。又歸武林吳氏。屢易其主。今又改爲八旗奉直會館矣。當時茂梅曲池。勝甲吳下。舊有連理室。珠山茶樹。花開之際。爛紅悅目。吳偉業有山茶花歌。歸蔣氏時。蔣氏時會親友於園。洞庭葉芳林爲之作復園嘉會圖。王次山爲之記。

黃堂

黃堂在吳縣。吳郡志。春申君子假君之殿也。後太守居之。數失火。塗以雄黃。遂名黃堂。即今太守正廳是也。天下郡治皆名黃堂。仿此。

姑蘇臺

姑蘇臺在吳縣西南三十里橫山西北姑蘇山上。一名晉臺。吳地記闔閭造此。經營九年始成。子胥諫夫差不聽。曰：「吾見鹿豕遊姑胥之臺也。」卽此。唐李白詩云：「舊苑荒臺楊柳青。采菱歌唱不勝春。只今惟有西江月。曾照吳王宮裏人。」五代羅隱詩云：「讓高泰伯開基日。賢見延陵復命時。未會子孫因底事。假崇臺榭爲西施。」明張羽詩云：「荒臺獨上故城西。輦路淒涼草樹迷。廢冢已無金虎踞。壞牆時有夜烏啼。采香逕斷來麋鹿。響屐廊空變蒺藜。欲弔伍員何處是。淡煙斜日不堪題。」

報恩寺

報恩寺在吳縣城北。本吳通元寺。唐改爲開元寺。吳越爲報恩寺。今稱北寺。吳地記通元寺吳大帝孫權吳夫人捨宅置。續圖經開元中詔天下置開元寺。遂改名開元。同光三年吳越錢氏更造。移支硎山報恩寺額於此。梁僧正慧造浮圖於中。凡十二層。宋蘇軾捨銅龜以藏舍利。宋建炎四年權兵燹。寺

塔俱燼。紹興間再剏。止九層。登塔遠眺。可觀全城。

開元寺

開元寺在盤門內。同光二年錢鏐建。清咸豐十年燬。同治十一年重修。乾隆二十二年高宗南巡幸焉。舊有晉時浮海來二石像及佛鉢。梁簡文有石像銘。唐皮日休有佛鉢序。

堯峯寺

堯峯寺在吳縣橫山西南。本名免水院。後改曰堯峯。舊有十景。曰清輝軒、碧玉沿、多境巖、寶雲軒、白龍洞、觀音巖、偃蓋松、妙高峯、東齋、西隱等。

銅觀音寺

寺在吳縣龜山。宋仁宗康定元年大旱。民迎銅觀音像祈雨。輒應。寺後有浮圖。梁時建。

陸贄墓

陸贄墓在吳縣齊門外六里官河之西。地名陸墓。贄字敬輿。唐嘉興人。德宗時爲翰林學士。甚親任。號稱內相。從幸奉天。日詔書旁午。皆出贄手。武夫悍卒。聞者莫不感泣。思奮。累遷中書侍郎。同平章事。爲裴延齡所讒。貶忠州別駕。在朝論諫甚切。一本於仁義。卒諡宣公。所著有奏議翰苑文集。

韓世忠墓

韓世忠墓在靈岩山西。有石碑。孝宗御題中興佐命定國元勳之碑字樣。碑高三丈六尺。闊七尺二寸。相近有祠。祠多碑刻。有陳鑾聯云「高冢臥麒麟。回首感六朝風雨。神絃彈霹靂。歸魂思一曲滄浪。」接世忠字良臣。延安人。從高宗南渡。與岳飛合力拒金人。戰功甚偉。累官京東。淮東。宣撫處置使。孝宗時追封蘄王。諡忠武。

丹井

丹井在常熟縣治致和觀後。相傳井有藏丹。宋治平中。道士李正則浚井。得

藏石丹雘。啓之化爲雙紅鶴。飛入尙湖。因又名鶴井。明宋濂嘗撰銘勒井上。

馬鞍山

馬鞍山在崑山縣城內。高七十丈。山產石玲瓏纖巧。號崑山石。價值甚昂。山上有一線天、桃源洞、凌霄塔、落星潭、鳳凰臺、曇華亭、華藏寺諸迹。一線天壁上有片雲穿石峽。飛浪到天門十字。桃源洞深杳幽邃。相傳可通常熟山。落星潭有一巨石。圓而色青。傳爲落星所化。山麓又有劉龍洲墓、黃太常墓及公園焉。

陽城湖

陽城湖在崑山縣西北三十五里。通志陽城湖所納之水凡十。視諸湖蕩爲大。東爲巴湖、傀儡湖。二水與陽城合而爲一。又東爲巴城湖。北爲鱧驪湖。施澤湖。全湖汪洋浩蕩。風景頗佳。世所稱陽城湖蟹。卽產於此。

碩圓

碩圓在崑山縣留暉門外。卽明王澄川碩圓。有萬竹樓、聽松閣、清蔭堂、雪舫等勝。

野鶴軒

野鶴軒在馬鞍山東南。宋劉過建。明崑山令楊子器重修。歸熙甫嘗會文於此。有野鶴軒壁記。文曰：「嘉清戊戌之春。余與諸友會文於野鶴軒。吾崑之馬鞍山小而實奇。軒在山之麓。旁有泉。芳冽可飲。稍折而東。多盤石。山之勝處。俗謂之東厓。亦謂劉龍洲墓。以宋劉過葬於此。墓在亂石中。從墓中仰視。蒼碧嶙峋。不見有土。唯石壁旁有小徑。蜿蜒出其上。莫測所往。意其間有仙人居也。始慈谿楊子器名父。刼此軒。令能愛文好士。不爲俗吏者。稱名父。今奉爲名父祠。嗟夫。名父豈知四十餘年之後。吾黨之聚於此耶。時會者六人。後至者二人。潘士英自嘉定來。汲泉煮茗。翻爲主人。余等時時散去。士英獨與其徒處。烈風暴雨。厓崩石落。山鬼夜號。可念也。」今改爲柳堂先生祠。

鶯脰湖

鶯脰湖在吳江縣西南。其源自天目東流至荻塘。會爛溪水。併出平望。匯於此。其形似脰。故名。或訛爲鶯門湖。俗又呼杏登湖。湖中有平波臺。九華寺。八慵園等迹。水光蕩漾。風景至佳。

垂虹橋

垂虹橋在吳江縣東。本名利往橋。蘇舜欽詩。長橋跨空古未有。因又名長橋。宋慶歷八年建。構亭其上。曰垂虹亭。宋蘇軾自杭移高密。嘗與張子野等。月夜置酒亭上。吳郡志。吳江利往橋。有亭曰垂虹。而世並以名橋。輟耕錄。吳江長橋七十二洞。元泰定二年。贅以石。宋鄭毅詩云。一三百蘭干鎖畫橋。行人波上踏瓊瑤。插天蟬螻玉腰闊。跨海鯨鯢金背高。路直鑿開元氣白。影寒壓破大江豪。此中自有銀河接。不必仙槎八月濤。

白雲溪

白雲溪在武進縣唐家灣。源自溧陽流入。卽荆溪之上源。舊時頗擅煙水之勝。溪北有畫閣及白雲古渡坊。往時每屆端午。龍舟競渡於此。

馬蹟山

馬蹟山在武進縣東。其西麓曰西青。石壁峭立。多石窟。圓如馬跡。因名山有葛仙井。深可四尺。寬可二尺。相傳葛稚川煉丹於此。

公園

公園有二。一在武進城內雙桂坊。曰第一公園。舊爲延陵季子祠。中有落星石。一在新西門內。舊爲白龍庵。曰第二公園。二園皆有亭臺花木。而第二公園風景尤佳。城內公園路有圖書館。亦有花木之勝。

避暑宮

避暑宮在馬蹟山之內閩灣。世傳吳王闔閭避暑之所。今其井尙存。

天寧寺

天寧寺在武進縣東。唐建。紺宇琳宮。巍峨壯麗。郡叢林之巨擘也。清乾隆二十七年高宗南巡。嘗頒御書聯額。寺有塵外樓。九蓮閣。風景綦佳。

清涼寺

清涼寺在武進縣大南門外。有明代藏經。處地幽靜。夏時多有往寺避暑者。

太平寺

太平寺在武進縣城外。寺壁舊有清濟貫河圖數十丈。極雄奇壯偉之致。乃郡人徐友手筆。寺後有塔七級。

玄妙觀

玄妙觀在武進縣東南宋名天慶。元改今名。中有梅樹。尤多修篁。遊行其中。令人生清曠之思。舊有畫龍壁。相傳爲仙人李懷仁遺蹟。

東坡紫藤

東坡紫藤在武進縣東門內駁岸湯宅東院。其根在西院。中隔大廳三楹。相

傳係蘇東坡手植。

錫山

錫山在無錫縣。與惠山連麓。唐陸羽惠山記。山東峯當周秦間。大產鉛錫。故名錫山。漢興錫方殫。故創無錫縣。王莽時。錫復出。改縣名曰有錫。後漢有樵客於山下得銘云。有錫兵天下爭。無錫清。天下寧。有錫疹。天下弊。無錫父。天下濟。自光武至孝順之世。錫果竭。順帝更爲無錫縣。此錫山名所由始也。宋聶厚載無錫縣治記之。樵客得銘。合在文景之世。是時弭師偃革。天下清宴。故神靈薦祉。其銘出矣。因之。剋縣宜彰其美。陸云。後漢得銘。非也。清乾隆十六年。高宗南巡。幸焉。今山有于忠肅廟。龍光寺。龍光塔。石浪禪院。麻姑池等。

管社山

管社山在無錫縣西。前瀕震澤。後引漆湖。山麓有萬頃堂。額爲楊翰西書。臨窗遙望。風景絕佳。堂多聯語。如「天浮一壺出。山挾萬龍趨。」「如上岳陽。」

樓對萬頃湖光。重憶希文椽筆。遙瞻於越界。指一帆風影。可來范蠡扁舟。等堂右有虞王廟。廟旁有虞美人厓。清初高士楊紫淵墓。祠及其隱居之楊園。亦在山麓。

梁溪

梁溪在無錫縣西。源出慧山。相傳古溪極隘。梁大同中重浚。故名。或以梁鴻居此而名。遊太湖必經此道。中流有仙蠡墩。世傳范蠡載西施入湖泊舟處。處泰伯井。

泰伯井在無錫縣梅里鎮。相傳吳泰伯宅居於此。舊有泰伯城。城周二里。

公園

公園在無錫縣城內。就崇安寺黃松院禪房隙地爲之。共和二年建。占地甚廣。有涵碧橋。紀念塔等。花木繁茂。風景清佳。西南隅有一古樹。大可十圍。則數百年物也。

胡園

胡園在無錫慧山尊賢祠旁。中多桂樹。有雲外天香閣。又有假山。山有石公墮履處。

點易臺

點易臺在慧山麓明邵寶讀書處。厓壁則有點易臺三字。寶字國賢。號二泉。咸化進士。知許州。累官禮部尙書。卒諡文莊。寶質性淳懿。學問博洽。孝親睦族。獎誨後進。應務之才。細巨皆適。一時儒碩。並以天下士稱之。

若冰洞

若冰洞在慧山第二泉上。爲唐僧若冰刷巖而得。故名。亦名北巖洞。洞中深杳。相傳可通宜興張公洞。洞下有泉。曰若冰泉。

白雲洞

白雲洞在慧山石門下。洞爲一小龕。奉呂祖像。龕畔石上刻有篆文白雲深。

處四字。每字徑可八寸。字畔尙有其他石刻。頗模糊不可辨識。

倪雲林故里

倪雲林故里在無錫梅里鎮。舊有雲林草堂、朱陽堂、清祕閣等。雲林字元鎮。號雲林。元無錫人。強學敦行。工詩善書畫。所居幽迥絕塵。藏書數千卷。手自勘定。古鼎名琴。陳列左右。自號雲林居士。性好潔。盥濯不離手。俗客造其廬。去輒洗滌其處。張自誠鉤致之。逃以免。明太祖召之不起。人稱無錫高士。所著有清閼閣集等。

東林書院

東林書院在無錫縣治東。宋楊時講學處。明顧憲成顧允成高攀龍輩。復講學其中。攀龍榜其門曰東林。院屢毀屢修。清光緒間改爲小學校。門前有東林舊跡坊。

華孝子祠

華孝子祠在惠泉左。唐時立。即孝子宅址。舊有遺蔭樹。成志樓。承澤池。溯原等遺跡。又有龜池。池有二石鱗。一吐一納。壁有文徵明隸書石刻。孝子名贊。父豪。義熙末。戍長安。時孝子年才八歲。豪謂之曰。我還爲汝冠。後長安陷。豪死。孝子年至七十不冠。亦不婚。或問之。不忍答。輒號慟彌日。齊高帝建元三年。詔表其門閭。今祠中塑像童髻而長鬚。蓋存其真也。

張公山

張公山在宜興縣東南。山有洞。相傳張道陵居之。因以名山。山高六十仞。周五里。洞深五十餘仞。北向一竇。廣踰四尋。遊者秉炬達燒香臺。可坐百人行。約三里。南望小洞通徹。道書第五十八福地也。洞後有白馬洞。白鶴洞。皆有水出。合流入審畫溪。西南曰佛窟洞。有玉女潭。入西南三里許。曰天窟洞。有龍湫。又西一洞凡三穴。卽君陽洞也。

石觀音

石觀音在宜興縣黃家山之棲雲寺。高可丈餘。立於鰲首。左右有善財龍女像。皆神采生動。雕琢極精。

崇恩寺

崇恩寺在宜興縣磬山。有御書樓。藏明板經冊七十餘卷。又有天隱僧洗鉢池。深僅尺許。不涸不溢。全山多竹。箐箐萬個。翳蔽天日。

龍池山龍

宜興縣西南龍池山。有龍池。中有物如句容茅山龍池。中物相類似。惟前二足四爪。後二足五爪。爲稍異耳。邑人以龍目之。天旱輒往禱雨。殊敬視。

浮遠堂

浮遠堂舊在江陰君山上。取蘇軾江遠欲浮天之句以名堂。北臨大江。南望城市。一郡之勝概也。

薛畏齋墓

薛畏齋墓在江陰縣南鄉塘下橋北。畏齋明江西按察使副使。墓前有石人石馬之類。去墓西半里許曰西莊。有畏齋祠。懸有海瑞書贈抗節崢嶸四字扁額。

狼山寺

狼山寺在南通縣狼山上。寺有額曰第一山。有聯曰「長嘯一聲。山鳴谷應。舉首四顧。海闊天空。」寺後有支雲塔。殿壁有古人石刻。

曹頂墓

曹頂墓亦在狼山上。墓有碑曰明忠節曹頂之墓。墓後爲祠。相近又有倭子墳。高如小阜。傳係倭人被俘而死者。

四 淮揚

仙人洞

仙人洞在淮陰縣西南老子山西。深可二丈許。下臨淮水。四壁如削。形勢頗

爲幽險。

韓信城

韓信城舊在淮陰縣西。馬頭鎮相近。城之西北隅曰韓王莊。卽漢韓信故里。

漂母家

漂母家在淮陰縣西南泰山墩。相對有一陵。相傳爲韓信母家。俗因呼爲東西家。

枚乘故里

枚乘故里在淮陰縣東南。舊有枚乘亭。乘字叔。爲吳王濞郎中。王初謀爲逆。乘上書諫。不納。去之。從梁孝王游。王尊爲上客。善屬文。嘗作七發。進楚太子。詞賦尤高。爲一代作手。漢武即位。以安車蒲輪徵之。道卒。子皋。字少孺。武帝時上書北闕。拜爲郎。亦善詞賦。且敏捷。揚雄曰。軍旅之際。戎馬之間。飛書馳檄。則用枚皋。

韓信釣臺

韓信釣臺在淮安縣北。韓信嘗釣於此。清崑山徐昂發詩云「木落荒原水氣昏。英雄漁釣跡猶存。蒯通不售三分策。漂母長留一飯恩。人歎老臣知國士。天哀女子殺王孫。藏弓烹狗由來事。只合終身淮上村。」

漂母祠

漂母祠在淮安縣望雲門外。明黃省曾嘗謁祠。有文云「予自北歸。艤舟淮陰。乃登觀散趾。謁漂母於城。因歎韓信之在當時。三老無所舉。縣次不以擇。胸函冠代之略。才蘊帝師之算。不能博一餐於鄉人。蓐炊絕往。川釣無獲。綠草曷茹。清波難飽。使無漂母之飯。則楚溝之孳。信恐不免矣。宜其一旦致侯王。聲天下。而奉千金以爲報也。且夫常人之情。嚮輒於顯宦之門。雖萬鎰之輸。不以爲吝。昭華夜光之珍。每百方求進。以一受爲榮。至於茅素埃塵之士。神龍不雲。黃鵠無羽。所須者斗釜之粟耳。孰肯誤有毫毛之捐。以濟其旦夕。」

之命哉。此母之高義。所以爲難。而千金之報。予猶以爲薄也。或曰。廟貌之享。不爲過歟。予曰。天將降大任於是人也。必先投之窮辛抑鬱之地。無所往而有適。以堅閱其所具。則是信之貧窶。乃天之所養。以爲英雄者也。母於天之所養。哀而食之數十日。則天心寧有不悅。而使之俎豆於百世乎。信而飢死。則暴項不滅。而蒼生糜爛無已。則是凡信之功。皆母成之也。信既有祠。而母可小哉。當母之時。所謂黃金北斗者。徒皆卉蟻而死。惟母之聲名。齊日月於穹壤。施義之報。宜其然也。嗚呼。今之淮陰。猶夫昔也。莽澤困悴。豈無英雄如信者乎。未問有若漂母以飯之者。於是益知母之高義爲難也。因奠之椒醕。再拜勒文於祠上。

康山

康山在江都縣東南隅。相傳潞河時。積土所成。其上舊有堂。董其昌題曰康山草堂。即康海與客燕飲彈琵琶處。清乾隆時高宗南巡。嘗幸之。御書康山

草堂額。

瓜洲渡

瓜洲渡在江都縣南四十里。與鎮江相對。元和郡縣志云。瓜洲蓋揚子江中之沙磧也。沙漸漲出。狀如瓜字。明吳浩詩云。淮煙漠漠夕陽收。楚雨昏昏翳客舟。風度鐘聲來北固。帆將燈影過揚州。雲消碧海天無際。波撼金山地欲浮。獨恨壯遊非昔日。滿江風露夜如秋。

邵伯湖

邵伯湖在江都縣北四十五里。運河之西。東接艾陵湖。西接白茆湖。西南通新城湖。北通高郵。巽社湖。旁有邵伯埭。晉太元十一年。謝安築新城。於城北二十里。築堰以灌民田。民思其德。比於邵公。因名。全湖波流浩瀚。饒有風景。清彭羨門過邵伯湖詩云。一斜暉低驛路。馬首悵何依。晚渡潮爭上。寒塘人獨歸。溪魚時自擲。水鳥慣卑飛。願逐垂綸客。長歌入釣磯。

古井

古井在江都縣舊城小東門內甘泉街南太平地巷。西本明初常遇春駐軍之所。礮兵遺蹟。至今猶存。近歸江都貧兒院。以平築菜圃。井始發現。井式甚古。水則清冽可飲。並於井中得古餅十數。今陳列院中。此井鑿於何代。已難查攷。大抵當在三百年前耳。

吳公臺

吳公臺在江都縣西北。一名雞臺。宋沈慶之攻竟陵王誕所築弩臺也。後陳將吳明徹增築之。因號吳公臺。唐高祖武德元年。江都守陳稜葬煬帝於江都宮西吳公臺下。卽此。

明月樓

明月樓舊在江都縣治東北。揚州趙氏建。一時題咏甚多。趙氏性好客。趙子昂題楣帖云。「春風闔苑三千客。明月揚州第一樓。」趙氏撤酒器爲贈。傳

爲韻事。

石塔寺

石塔寺在江都縣甘泉山。本慧照寺。劉宋文帝元嘉十七年爲高公寺。唐睿宗光天二年爲安國寺。肅宗乾元中爲木蘭院。文宗開成三年建石塔。葬古佛舍利。因改名。亦名甘泉寺。撫言王播少孤貧。客揚州慧照寺。隨僧齋餐。僧厭怠。乃齋罷而後擊鐘。播作詩有「慚愧闍黎飯後鐘」之句。宋蘇軾嘗以此事作詩云「飢眼眩東西。詩腸忘早晏。雖是燈是火。不悟鐘非飯。山僧異漂母。但可供一莞。何爲二十年。記憶作此訕。齋廚養若人。無益祇貽患。乃知飯後鐘。闍黎蓋具眼。」此詩之前有序曰。世傳王播飯後鐘詩。蓋揚州石塔寺事也。相傳如此。戲作此詩云云。

文峯塔

文峯塔在江都南門外。近方爲雨山法正寂山等二十餘寺。合力修繕竣工。

崇閣壯麗。極堪遊覽。

梅花嶺

梅花嶺在江都縣廣儲門外。明萬曆中州守吳秀濬河積土而成。因樹以梅。故名。嶺有史閣部衣冠冢。清彭定求嘗過而作詩哀之云。「極目層城古戰場。忠魂飄蕩恨茫茫。軍中空道臨裴度。都下無由仗李綱。碧血久從衰草沒。白雲遙帶古梅香。吾來暗灑三升淚。髣髴靈旗下大荒。」按史閣部諱可法。字憲之。明祥符人。福王立。以兵部尙書大學士督師揚州。拒清兵。城陷被殺。揚人嘗立廟祀之。今廟天寧門外。中多聯語有「萬點梅花盡是孤臣血淚。一抔故土。還留勝國衣冠。」「殘局泣孤臣。讀奏草終篇。尤見行間含血淚。溯原同一派。幸梅花無恙。又從亂後拜忠靈。」等作。

浮香亭

浮香亭舊在泰縣藕花洲後。宋時有御書額。州守陳垓嘗刻秦觀蘇軾蘇轍

僧參寥古梅唱和詩於石。

神居山

神居山在高郵縣西六十里。秦觀曰：山不甚廣，而股趾盤礴甚大，傍占數墟，遂爲州境之望。山有煉丹井，井大可五尺，深倍之。一名石塘，又有排牙石，人記其數，輒忘。宋志云：南齊亘公嘗結庵於此，煉丹仙去。

驥社湖

驥社湖在高郵縣西北。元至元十三年，張士誠作亂，李齊出守驥社湖。即此。宋孫覺於湖上夜讀書，見大珠光燭天，故黃庭堅詩：「驥社湖中有明月，淮南草木借光輝」之句。舊傳珠現則有休咎之應。

霧筋祠

霧筋祠在高郵縣南三十里，相傳唐時女子霧處於野，義不宿於田家，爲蚊所噬，霧筋而死於此。因立祠祀之。宋紹聖元年，米芾刻石記其事。清康熙四

十六年。聖祖南巡。頒節媛芳躅四字額。乾隆時高宗南巡。亦作霧筋祠詩。立祠以來。上自帝王卿相。下至布衣縑流。莫不各有題詠。可謂盛矣。但據清徐昂發畏壘筆記云。五代時將路金。有德於茲土。民特立廟祀之。霧筋實路金之誤耳。

五 徐海

寒山

寒山在銅山縣東南十八里。晉書劉遐傳。建武初。沛人周撫以彭城叛。降石勒。遐討撫。戰於寒山。撫敗走。南史梁武帝紀。太清元年。東魏將慕容紹宗大敗蕭淵明於寒山。皆即此。

峒山

峒山在銅山縣茅邨相近。上有蘭岩。下有古洞。前有石室。洞幽深不可測。游者雖多。鮮有入穴一窺其底蘊者。

漢高祖試劍石

漢高祖試劍石在銅山縣東南漢高祖廟。石高三丈餘。中裂如破竹。不盡者寸。相傳此漢高祖試劍石也。宋蘇轍嘗觀此石爲作銘。

荆山口石橋

荆山口石橋在銅山縣東北二十里。舊長三百六十丈。清乾隆十二年重修。長四百八十丈。實邑之大建築也。

快哉亭

快哉亭在銅山縣東南隅。水繞如帶。細柳拂簷。亭外有荷池。及至夏時。芙蓉灼灼。風景尤爲清勝。

曹操繫馬處

銅山縣利國驛東南奉聖寺前。有銀杏樹一株。舊傳曹操嘗繫馬於此。

范增墓

中華名勝古蹟 第八編 江蘇

范增墓在銅山縣南雲龍山北。元天曆初，有盜識墓中寶氣，發得古銅劍一口。虞集諸人題詠之。明嘉靖中，戶部主事岳東升表其墓。今巍然高數十丈，周數十丈。

王陵母墓

王陵母墓在銅山縣西南。有石垣及坊。按當楚漢交爭之際，沛人王陵以衆屬漢。項羽收其母置軍中，欲以招陵。陵使至，其母私送使者，泣曰：爲老妾語陵，謹事漢王。漢王長者，終得天下，無以老妾故恃二心。妾以死送使者，遂伏劍而死。後葬於此。

霧豬山

霧豬山在蕭縣東五十里。有霧豬泉，淵匯數畝，東南流至桃山。宋蘇軾祈雨詩有「豈知泉下有豬龍，臥枕雷車踏陰軸」之句。

丁公追漢祖處

蕭縣南十五里有丁公山。相傳項羽將丁公。嘗追逐漢高祖。高祖顧曰。兩賢豈相厄哉。丁公罷還。卽此處。

聚仙山

聚仙山在蕭縣西北二里。亦名聖泉山。上有泉。雖一勺而挹之不窮。山西有桃花洞。山北有書聲洞。下有拱翠壁。登山游覽。風物清幽。

龍岡山

龍岡山在蕭縣東南三十八里。綿亙數里。山南深谷中。有果老洞。又南二里曰龍駒嶺。衆山環繞。中關一路。過數嶺。有雙龍泉。止隔片石。左甘右苦。判然有別。

天門寺

天門寺在蕭縣東南三十五里山谷中。三面山崖。峻聳壁立。惟西面闕然如門。稱爲天門。因以名寺。元至正中建。寺外松檜古木甚多。森然圍列。陰翳蔽

日人處其間。如在塵外。

小華山

小華山一名東華山。在豐縣東南三十里。周十數里。山有三峰。山巔石皆方平。稍西削壁千仞。又西有華陽洞。深杳莫測。不知所窮。洞西有石室。可坐數人。中峯突起。有自然石級。可以登躡。亦名嵐山。山陽又有洞五。曰會景。曰虛白。曰碧寒。曰太元。曰太乙。皆極幽勝。足堪遊觀。

呂布射戟處

後漢袁術遣將攻劉備。備求救於呂布。布植戟營門。射戟中小支。罷兵不戰。今沛縣南門內西隅有戟臺。相傳卽布射戟處。

司吾山

司吾山在宿遷北七十里。高百丈。周十五里。漢置司吾縣。以此山名。一名司鎮山。俗名峒嶧山。山有石洞。洞口鑿石爲螭。有水自螭口噴出。宋紹興末。首

領張榮嘗屯兵此山以拒金人。

中華名勝古蹟 第八編 江蘇

中華名勝古蹟 第八編 江蘇

六二

中華名勝古蹟終

中華名勝古蹟續編目錄

第九編 安徽

一 安慶……………一一一三

百子山 菱湖 古樓 迎江寺 鐵牛 余闕墓 碧峯山 白雲岩山 華厓山
左光斗墓 白厓山 鑿山 西源山 南臺山 司空山 香茗山 三祖山
白水源 白鶴道人鶴止處 麴信陵墓 王喬山 大蜀山 冶父山 毛公山
春秋山 五畝尖山 蕊珠宮 陋室 平河湯 褒禪山 龍洞山 彭祖石室
昭關 英布墓 挂龍尖山

二 蕪湖……………一三二

浮邱山 三山 凌家山 博望山 李白墓 尖山 荊山洞 城陽山 黃山
棧閣 萬安山 千秋潭 落星潭 石老山 煙燈山 率山 祁山 龍巖山

中華名勝古蹟 第九編 目錄

二

大藥山 石照山 祥雲洞 蒼龍洞 陵陽山 華陽山 梅堯臣墓 奎潭 黃
峴山 寶峯山 硃砂山 水西山 岩露洞 桃花潭 古磬山 石鏡山 文脊
山 石橋山 齊山 桃花陽 遷人石 江祖石 雨臺山 卸甲嶺 太白岩
舒姑泉 梅山 印石 句雲洞

三

淮泗

三二—四六

彭祖廟 禹廟 觀魚臺 逍遙臺 皇覺寺 明英陵 十四王妃墓 湯和墓
橫澗山 三峯山 判虎臺 銅鐘 董槐墓 沐英墓 大澤鄉 扶疏亭 相讓
臺 坡瓊泉 支祈井 豐山 豐樂亭 瑯琊寺 庶子泉 紫微泉 六一泉
西調 石樓峯 仙人洞 吉祥庵 孔雀寺 琉璃井

中華名勝古蹟續編

第九編 安徽

一 安慶

百子山

百子山在懷寧縣西北二十五里。濱石湖。羣峯層疊。最高者曰雲峯。山口曰獅巖。奇石稜峭。下臨溪水。居人執梅其上。曰梅谿。山內廣袤可二三里。土性宜桃。春日爛漫如霞。有高嶺曰金坑。爲出山之口。

菱湖

菱湖在懷寧北門外三里許。近由邑人創置公園於此。栽樹蒔花。築臺疊石。布置頗佳。湖中備有遊艇。供人蕩槳。並於城垣東北角。開一新門。建築馬路。以便游人直達其地。爲安慶最新勝境。

古樓

古樓在懷寧城內舊藩署前。登臨其上。憑闌遠眺。全城在目。相傳爲周瑜將臺。南面有青天白日四大字石刻。

迎江寺

迎江寺在懷寧東門外。層樓聳峙。近接江濱。憑闌遠眺。風景萬千。前清官使往來。於此接送。故一名接官廳。寺有浮屠。清光緒時重修。七級。可登。後有昭忠祠。左爲英果敏公祠。其東爲先農壇。自此沿江而行。有一家。乃殉難之典史墓也。有石碑在。

鐵牛

鐵牛在懷寧城。志云。江濬多水怪。初建城時。冶鐵鎮之。一在集賢門內。一在盛唐門內。一在山川壇東。一在天柱閣右。俱藏土中。微露牛脊。寰宇記。北齊皇建（孝昭帝）二年。刺史王洪遺掘鐵牛。遂舉入城。未鎔鑄。于時城中人

馬多瘦。問巫覡曰：鐵精爲祟。遂使人送牛本處。當埋之時，土沒牛六寸。

余闕墓

余闕墓在懷寧西門外二里。墓側有樓曰大觀。有名人楹聯。志云：元末余闕死節。賊義之。求其屍。清水塘中。具衣冠葬此。洪武八年封土。繚垣樹碣。墓道以表之。有李宗可墓在余墓左。馬倅墓在余墓右。皆與闕同時死者。

碧峯山

碧峯山在桐城縣西北七里。諸山分峙。一澗迤邐。沿澗而入。南崖壁立。下開四洞。可容千人。有披雲洞。尤爲幽勝。

白雲岩山

白雲岩山在桐城縣東一百二十里。有東西兩岩。峯有四。曰鐵障、鐵船、絳霄、雙峯。岩之小者有五。曰燕子、蛾眉、雪浪、樓子。墓岩洞有三。曰函雲、四顧、抱龍。有泉有池。多奇石。其名勝亞於浮山。

華厓山

華厓山在桐城縣北八里。高聳橫峙。多石。草木繁茂。中有龍井。又二里。曰石門山。有石如門。一名石門冲。有瀑布懸垂。

左光斗墓

左光斗墓在桐城縣北四十里白沙嶺。光斗字共之。明桐城人。萬曆進士。擢御史。光宗崩。李選侍據乾清宮。欲專大柄。光斗上疏極言。選侍遂移宮。熹宗立。晉僉都御史。與楊漣正色立朝。中外倚重。漣劾魏忠賢二十四罪。光斗疏欲繼上。忠賢誦知。與漣俱削籍被逮。下獄酷訊。與漣同日爲獄卒所斃。崇禎初贈都御史。諡忠毅。

白厓山

白厓山在宿松縣北五十里。陡峭幽奇。與太湖英霍諸山相接。由止鳳河入十餘里。至山麓緣磴而上。有靈湫飛瀑。明史可法依巉岩結堡。有東峰西峰。

北嶺。遂各以其方爲營。間列市肆。惟中峯最爲峻險。相近爲洞坑山。山高而銳。亦有靈湫。

鑿山

鑿山在宿松縣東十五里。周三十里。中有仙洞。洞口石磴陡隘。入後豁敞。可容千餘人。底有大河。竅通江海。

西源山

西源山在宿松縣西北五十里。水織如環。入山祇河一道。過徑三十六渡。有九井三龍王祠。山後有石扶梯。望周四遠。下爲銅鼓岩。泉滴岩中。如金奏響。相近曰獨山。孤尖逾秀。產茶多竹木。明史可法嘗置天城僅于此。

南臺山

南臺山在宿松縣南三里。舊有對酌亭。乃唐李白舉杯邀月處。又南一里曰長安山。下有清官潭。官清則潭水清。否則污濁。甚驗。潭側爲桃花岩。岩左半

里。有嶺曰錢客嶺。

司空山

司空山在太湖縣北。相傳爲釋氏二祖傳衣三祖之地。山極高峻。周四十里。山半有洗馬池。雷洞。幽冥深邃。山上平坦。可數畝地。謂之司空原。唐李白嘗避地於此。詩云：「卜居司空原。北將天柱隣。」卽此。元薩天錫遊此山。愛之。嘗結廬居焉。

香茗山

香茗山在太湖縣南四十里。望江縣西北七十里。中一峯曰蓮花峯。左曰小茗山。右曰大茗山。尤爲高峻。上有丹砂。山半有洞。可容百人。有泉甘冽可飲。志云：大茗山嶺有巨石屹立。頂平如砥。雲常覆之。有水沿流入馬頭河。五代羅隱偶遊至皖。愛小茗山蓮花峯。築室隱焉。興至則泛小舟載酒肴。酣飲終日而後返。

三祖山

三祖山在潛山縣西北二十里。梁高僧隱居處。山有唐僧三祖禪師塔。峭壁間刻有唐杜牧金陵懷古詩。

白水源

白水源在潛山縣北二十五里。俗名白水灣。衆山圍繞。西南飛瀑懸垂。宛如白練。景物絕佳。

白鶴道人鶴止處

潛山縣北二十里有真源萬壽宮。乃梁白鶴道人鶴止之所。初白鶴道人愛舒州潛山奇絕。僧寶誌亦欲之。武帝命二人各以物識其地。得者居之。道人以鶴止處爲記。寶誌以卓錫處爲記。已而鶴先飛去。忽聞空中飛錫聲。遂卓於山麓。而鶴止他所。卽此處是也。宮中舊有鶴鳴泉。四時不竭。又有應夢井。唐玄宗嘗夢遊於此。因賜名焉。

魏信陵墓

魏信陵墓在望江縣治北。信陵唐吳縣人。貞元初爲望江令。有仁政。及代。民遮道留。得再任。卒於官。因葬此。白居易作秦中吟哀之。

王喬山

王喬山在合肥縣東一百二十里。接巢縣。含山界。周百餘里。其峯三百又六十道。書以爲第十八福地。屬巢縣者曰紫微山。有王仙君洞。昔王子喬。洪崖先生並於此得道。晉初會稽道人游先生撥開洞門。亦得仙去。洞東北有大力泉。水味爲境第一。山本名翠微山。游先生時有紫雲在其上。故名。稍東爲金庭山。上有金庭洞。外有曲水。曰杏花泉。

大蜀山

大蜀山在合肥縣西二十里。爾雅釋山。蜀者獨也。屹然孤峙。遠見二百里。一郡之鎮。舊上有開福寺。唐貞觀中慧滿禪師道場。相傳慧滿嘗於寺誦法華。

經。一日有白衣者。稱東海王少子來聽。時苦旱。慧滿令其降雨。答曰。盜布天澤。當殛死。慧滿曰。汝捨身救民。我誦經度汝。白衣者去。大雨隨至。越三日。有龍死於此。取而葬之。民爲立祠。而慧滿誦經益力。

洽父山

洽父山在廬江縣東北二十里。峯岩峻峭。林鬱森密。盤互數十里。自麓至巔。計五里餘。上有龍湫。亦曰鑄劍池。又有百丈伏虎。白佛三巖。諸葛。白兔二嶺。凡有三百六十四子山。羅列其下。清冽之泉甚夥。峯林泉壑。均饒佳妙。爲縣名山。

毛公山

毛公山在廬江縣東北七十里。與巢縣接界。相傳漢毛義隱此。上有毛公洞。爲毛義讀書處。明嘉靖中嘗建毛公書院於此。又北半里爲蓮花洞。石蓮下垂。巧侔雕琢。至堪觀賞。

春秋山

春秋山在舒城縣南二十五里。其上爲宋李公麟讀書堂。有洗硯池。望湖尖。鳳凰臺。仙人峯。絕頂有洞。可容數千人。

五畝尖山

五畝尖山在無爲縣北五十里。頂平五畝許。面臨巢湖。羣山背峙。登巖望之。萬頃皆碧。回顧則崇峯疊嶂。隱見爭奇。乃州中極高處。抑亦登眺勝地也。

蕊珠宮

蕊珠宮在無爲縣北巢縣南。舊名崔仙洞。唐崔自然所居。後易名蕊珠。有石牀。石梁。藥臼等遺跡。按崔自然巢縣人。少好道。得服松脂法。隱洞中。避穀修煉。相傳冬雪積滿溪中。竟能澡浴。每入山。虎豹皆馴服。一日告逝。後有人見之。豫章道上。

陋室

陋室在和縣治。唐劉禹錫知和州時築。有文曰。山不在高。有仙則名。水不在深。有龍則靈。斯是陋室。惟吾德馨。苔痕上階綠。草色入簾青。談笑有鴻儒。往來無白丁。可以調素琴。閱金經。無絲竹之亂耳。無案牘之勞形。南陽諸葛廬。西蜀子雲亭。孔子云。何陋之有。

平疴湯

平疴湯在和縣北三十里。一名香淋泉。又名平疴泉。水温潔。有患疥瘡者。浴之輒愈。舊有石碑。宋治平中名其地曰平疴鎮。

褒禪山

褒禪山在含山縣北十五里。王安石褒禪山記。褒禪山亦謂之華山。唐浮圖慧褒始舍於其址。而卒葬之。以故其後名之曰褒禪。有起雲峯。龍洞。龍女泉。白龜泉諸勝。相近有華陽山。一名蘭陵山。山前後有二洞。巖又有天梯洞。

龍洞山

龍洞山在和縣西南四十里。有石洞。中深杳邃。泉流不竭。下流爲魯橋澗。宋秦觀云。龍洞山形陡起。其上巖從不可窮。門則大穴也。漸下十數丈。窅然深黑。揭炬然後可入。腹中空豁。可儲粟數萬斛。屏以青壁。而泉嚙其趾。

彭祖石室

含山縣西南六十里有白石山。周七十里。道家以爲第二十一洞天。名瓊秀。長貞之天。白石水發源於此。山下有洞。洞口初俯僂而入。約數十步。乃漸高。廣。莫知遠近。有二石龍。鱗甲皆成。卽彭祖所居石室也。

昭關

昭關在含山縣北昭關山小峴山西。史記范雎傳。伍子胥橐載而出昭關。宋史王德傳。紹興十一年。德夜拔和州。敵退保昭關。又擊敗之。卽此。又宋紹興中。張浚嘗因山築城。置水櫃以遏金兵。

英布墓

英布墓在英山縣東英山尖下。石碑尙存。布臯陶後。漢六安人。少時有客相之曰。當刑而王。及壯坐黥。因改姓黥。秦末以兵屬項梁。項羽封爲九江王。後因酈食其之說。歸漢。佐高祖定天下。封淮南王。後以韓信彭越見誅。懼禍及己。發兵拒命。高祖討平之。

挂龍尖山

挂龍尖山在霍山縣西五十里。山有龍泉瀑布。遙望如白龍懸挂。歎珠濺玉。景物頗佳。

二 蕪湖

浮邱山

浮邱山在繁昌縣東十五里。亦名隱玉山。周四十里。產茶甚佳。有二峯。第二峯有石壇。仙洞。丹井。龍池諸勝。至堪游觀。

三 山

三山在繁昌縣東北三十五里。三峯秀起。曰老子。曰方文。曰秦望。上有九蓮洞。山東即三山磯。宋陳堯佐舟泊磯下。見江神。告以明日當避風。即此。

凌家山

凌家山在當塗縣東三里。明萬曆末造凌雲塔於其上。因稱凌雲山。南瀕姑溪。有巨石屹立。名釣魚臺。相傳李之儀垂釣於此。山西有石洞。幽深窈曲。莫窮其境。稍東爲月盤山。一名雷峯。下有全真岩。

博望山

博望山在當塗縣西南三十里。亦曰東梁山。與對岸之西梁山相對。相望如門。因曰天門山。或曰宋孝武闕水師。有雙雀集。蓋立雙闕於山。因曰天門山。吳魏宋皆置戍於此。前清建有礮臺。派兵駐守。蓋自古爲長江關要地也。

李白墓

李白墓在當塗縣東南青山之北。白肅宗寶應元年卒。初葬采石。後遷龍山。

憲宗元和十二年觀察使范傳正祭白冢。禁樵采。訪後裔。得其二孫女。進見。因泣曰。先祖志在青山。頃葬東麓。非本意。傳正乃委當塗。令諸葛縱改葬於此。去舊塋六里。今有祠在山麓。又有一祠在采石山。明萬曆初御史蔡夢說建。清屈大均采石題李白祠詩云。一才人自古蛟龍得。太白三閩兩水仙。辭賦已同雙日月。精靈還作一山川。江間絕壁丹青出。木末飛樓俎豆懸。千載人稱詩聖好。風流長在少陵前。」（自注。朱紫陽嘗謂太白聖於詩。祠上有亭。當翠螺山頂。予因題曰詩聖亭。）「英雄有命在文章。豈惜飄零蜀道長。談笑不須同太傅。功名自可與汾陽。青蓮一去無仙客。金粟重來只醉鄉。白玉盤中雙鬢影。輸君華髮似秋霜。」「牛渚西江月色新。清光長見謫仙人。詩多諷諫因天寶。道在佯狂得季真。金鉞已銷飛燕口。錦袍空映鳳凰身。垂輝不用多刪述。天與英雄只老春。」「樂府篇篇是楚辭。湘纍之後汝爲師。烏栖豈寫亡吳怨。猿嘯唯傳幸蜀悲。烟水蒼茫投賦地。霜林寂歷禮魂時。重

華一別無消息。終古龍魚恨在茲。」

尖山

尖山在廣德縣南七十五里。衆山環繞。一峯高秀如筆。最稱清勝。山皆巉岩怪石。石上有水一泓。初無泉脈。旱不涸。雨不溢。山下多飛泉。景物最佳。

荆山洞

荆山洞在廣德縣北六十里。一名長樂洞。亦曰馮家洞。洞口如厦屋四五間。可容千人。一徑斜入。有石燕羣飛。乳泉滴瀝。神人佛像。碁盤鐘磬之屬。皆白石天成。岸下有潭。深不可測。相傳與太湖通云。

城陽山

城陽山在歙縣南二里。環迴孔高。爲城郭之襟帶。居郡之南。故號城陽。爲邑人許宣平得道之所。李白覘其題壁詩。訪之不獲。卽此。今山有穿雲亭。禮斗壇。仙母谷。丹地。浴仙池諸勝。

黃山

黃山在歙縣西北。與太平縣接界。原名北黟山。唐天寶六年改今名。世傳黃帝嘗與容成子、浮邱公合丹於此。其後又有仙人曹阮之屬栖焉。山有峯三十六。水源亦三十六。溪二十四。洞十二。岩八。海五。峯之最高者曰天都峯。雄秀峻峭。聳峙雲中。水曰香水溪。峯下兩厓間曰天門坎。次曰蓮花峯。水曰蓮花源。洞曰蓮花洞。峯頂有香砂池。下有蓮花溝。峭壁曰大小闔王壁。狀其峻險也。峯旁有蓮蕊峯。頂有石如船。曰采蓮船。北又爲鰲魚峯。有鰲魚洞。西北爲九龍峯。次曰疊障峯。巖曰石乳岩。水曰白雲溪。滙爲白龍潭。又流爲硃砂溪。次曰硃砂峯。水曰香林源。下有硃砂庵。亦曰慈光寺。明萬曆時建。中有木蓮花如蓮而九瓣。果能愈氣鬱。自慈光寺經天門坎。可至文殊院。途間怪石磊砢。形狀萬殊。歷雲巢洞、臥龍洞、度仙橋、文殊洞。一線天諸勝而達院前。有松曰迎客。臺曰文殊。登臨放眼。乃觀雲海最佳處也。山志云。山時有鋪海之

奇。白雲四合。彌望如海。形態萬千。忽迸散。山高出雲外。天宇曠然。即此。然以八九月爲最佳。院側遙望一峯曰耕雲。頂有石如鼠。作跳躍狀。曰仙鼠跳天。次曰紫雲峯。水曰榆花溪。峯下有溫泉。深三尺。廣七八尺。長丈四尺。又有紫雲庵。額曰黃山第一茅篷。凡自歛往遊黃山者。由東南湯口以進。必經此。可以餐宿。庵臨青龍潭。潭之上流。即白龍潭。庵後有二瀑布。來自天都。長數百尺。蜿蜒而下。望如白練。次曰獅子峯。狀肖後貌。前有石如球。球有古剝曰獅子林。林前有松。鵬萬松森立。陰翳蔽日。有奇松曰破石。一品。連理等。林後有望仙臺。遊黃山者。自太平而往。由北海門入。可於此餐宿。次曰鉢盂峯。水曰丞相源。有洞曰仙僧。舊時遇陰夕。洞內發光如星。名曰聖燈。峯之前有擲鉢禪院。亦曰雲谷寺。距獅子林二十里。遊黃山者。東從苦竹溪進。往往餐宿於寺。寺旁有蘿松。次曰浮邱峯。水曰浮邱溪。次曰容成峯。有丹井。丹爐遺跡。水曰容溪。次曰軒轅峯。上有軒轅石像。洞曰仙人。水曰紫雲溪。次曰煉丹峯。下

有丹泉煉母臺。水曰洗藥溪。次曰紫石峯。水曰滑泉源。次曰青鸞峯。水曰采藥源。次曰桃花峯。水曰桃花溪。次曰石人峯。有駕鶴洞。水曰白鹿源。次曰雲際峯。有藏雲洞。水曰乳水。次曰上昇峯。有阮公岩。水曰阮公溪。次曰清潭峯。水曰錦魚溪。次曰翠微峯。有洞。水曰青牛溪。次曰仙都峯。水曰仙都源。次曰望仙峯。水曰絃歌溪。次曰九龍峯。有岩。有洞。水曰九龍溪。次曰聖泉峯。上有湯池。其水入甘泉溪。次曰石門峯。水曰石門溪。次曰石柱峯。水曰石壁源。次曰雲門峯。水曰雲門溪。次曰布水峯。水曰紅泉溪。次曰石牀峯。水曰石室源。次曰丹霞峯。水曰丹霞溪。次曰雲外峯。水曰紅杏源。次曰松林峯。水曰松林溪。次曰芙蓉峯。隔溪有馬跡石。次曰采石峯。水曰白龍源。次曰仙人峯。有洞。曰仙人。又次曰飛龍峯。碁石峯。除此三十六峯之外。曰始信峯。有石梁。曰脫凡橋。梁首一松。曰接引松。峯頂有江麗田琴臺。風景絕佳。峯下爲散花陂。中有擾龍松。聳然挺秀。黃山號稱三十六峯。顧此指卓卓大者耳。若其他小

峯細密。殆難屈數。而泉澗之屬。亦隨處有之。然最奇者。惟西北部之九龍瀑。凡九疊。每疊數十尺。終乃注於丞相源。他山之瀑。類多直下。少曲致。此獨驚川聒谷。濺至跳珠。屈折變化。演成巨觀。正如世之高人。崎土岸。然自異。不與流俗同。庸非奇哉。黃山高度。至今鮮正確之測計。第居于上。溫度迥異。尋常則高寒可知。故遊山者。宜多帶衣服。且雲峯層出。歧路紛紜。尤宜人攜磁鉢。隨時定向。庶免迷途之虞焉。

棧閣

黟縣東南三十里。有石門山。鑿石爲門。下瞰溪潭。壁立千仞。沿岩鑿路。僅可通步。斷處以木濟之。名曰棧閣。勢絕峻險。

萬安山

萬安山在休寧縣東七里。舊名萬歲山。宣和中改爲萬安。今亦曰古城。岩下

有巨石高丈餘。宋知縣事鄒補之隸書兌卦作磨厓碑。爲縣東鎮。

千秋潭

千秋潭在休寧縣東十七里。廣十丈餘。深不可測。每天旱禱之。往往得雨。潭之東曰仙掌。上有古松五株。

落星臺

落星臺在休寧縣西南三里。懸厓絕壁。巨石墜下如臺狀。宋治平中。知縣事呂大防書斷石二字於上。

石老山

石老山在婺源縣西六十里。三峯聳秀。頂上平廣數百畝。中有龍潭。其東爲古城山。亦名獅成山。其形如城。外峻中平。口僅丈許。宋岳武穆嘗駐軍於中。

嚙嶠山

嚙嶠山在婺源縣西南一百里。周數十里。漕溪水出此。宋張敦頤許月卿元

程文相繼讀書於此。附近有仙女巖。峯最翠。有金鏡岩。水清皎若鏡。

率山

率山在婺源縣西北一百二十里。一名天障山。亦名張公山。山脈由五嶺而北。重岡複嶺。周百餘里。東北界休寧。西北界祁門。西界江西之浮梁。上有清風嶺。瀑布泉。那伽井。龍井。張公洞。西行二十里。有擂鼓峯。仰天臺諸勝。

祁山

祁山在祁門縣東北一里。高四十仞。東十五里。三面石壁。有石室高五丈。闊二十丈。號青蘿巖。旁有湧泉。號乳泉。

龍鬚山

龍鬚山在績溪縣東二十里。周三十里。頂有一池。四時不竭。右爲飛龍臺。有石門。天梯。飛泉。瀑布。石鼓。石筍。諸迹。皆堪游觀。

大槩山

大槩山在績溪縣北六十里。周百里。前踞潭水。蹲形矯首。有犬之象。山半有巖名仙人巖。中產異菜。俗呼曰劉隱菜。下有洞。曰白龍。

石照山

石照山在績溪縣東南二里。有石壁。明瑩鑑人毛髮。石罅中有泉湧出。曰白水泉。多產菖蒲之屬。

祥雲洞

祥雲洞在績溪縣西十里。上下二洞。盤曲相通。其上洞與曠如廈。可坐百人。頂有牖。螺旋而上。又去四十餘里。有聖泉洞。洞右兩山對峙。下臨絕壑。其上有石相接如橋。

蒼龍洞

績溪縣北二十里蒼龍山。有蒼龍洞。瀑布從洞上飛落。大壑上有石城環繞。中匯爲石潭。淵深莫測。

陵陽山

陵陽山在宣城縣。郡垣據山之岡麓。有三峯矗立。嶂巒盤曲。爲郡之鎮。漢丹陽竇子明。獲白魚。剖得丹書。論服餌之術。因修道於此山。而仙去。曰陵陽子明。山有黃鶴池。相傳卽子明飛昇處。

華陽山

華陽在宣城縣南七十里。跨宣涇寧旌四邑。周數十里。高數百仞。其高峯迤出雲表。山僧依麓構屋。覆以鏡瓦。人多雜猿。援以居。山之支隴爲洞山。山有洞。可容數百人。附近爲稽亭山。景極幽曠。有仙人巖。三天洞諸勝。

梅堯臣墓

梅堯臣墓在宣城縣南柏山。堯臣字聖俞。詢從子。以蔭爲河南主簿。仁宗時。召賜進士出身。爲國子監直講。累遷都官員外郎。預修唐書。成未奏。卒。堯臣家貧。喜飲酒。與物無忤。當時賢士大夫多喜與遊。工詩。名重一時。歐陽修與

爲詩友。自以爲不及。所著有孫子注十三篇。唐載記二十卷。毛詩小傳二十卷。宛陵集四十卷。

奎潭

奎潭在南陵縣東北六十五里。凡九十九曲。三關三鎖。中有六墩類奎星。故名。饒蓮藕菱芡。水鄉稱陸海焉。

黃峴山

黃峴山在涇縣東南六十里。亙十餘里。羣巒疊嶂。雄鎮一方。縣治祖山也。西南有太乙華。蓋天乙三峯。下有三池。又有漱花陽。雙石陽。蘚坑石馬諸勝。

寶峯山

寶峯山在涇縣西八十里。石岩高數十尋。有人物鳥獸狀。雕繪不能及。山背一竇甚紆折。出竇又平遠空曠。飛流千尺。鏗訇趾下。境地巧奇。

硃砂山

硤砂山在涇縣東南五十里。廣袤二千餘丈。俯瞰長流。巉岩峻險。相對者曰石鼓山。有飛泉迸湍。其聲如鼓。又南爲皇托山。山有陽和洞。洗刀池。相傳晉桓彝磨劍於此。

水西山

水西山在涇縣西南五里。林壑邃密。下臨賞溪。循溪而入。有隴曰水西坑。最爲幽勝。相傳唐宣宗嘗遊此。有詩云：「長安若問江南事。報道風光在水西。」後人因爲建風光閣焉。

岩籬洞

岩籬洞在涇縣北二十五里。與琴高山隔溪相對。廣袤數丈。高二丈。如螺旋。不柱而屋。洞後有一洞。高丈餘。深數十丈。東西可往來。

桃花潭

桃花潭在涇縣西南。唐李白與汪倫萬鉅遊於此。潭上舊有釣隱臺。彩虹岡。

壘玉墩。皆當時遊詠之所。李白詩云：「桃花潭水深千尺。」即此潭也。

古塘山

古塘山在旌德縣南十五里。高三十五仞。周十五里。東與績溪縣接界。其西爲黃高峯。兩峯對峙。有登仙橋。硃砂石壁。師子厓。龍棲池。旁有岩洞。溜下成潭。

石鏡山

石鏡山在寧國縣西一百十里。有石如鏡。照之形多變異。有龍岩瀑布。

文脊山

文脊山在寧國縣西北三十里。一名曷山。西接涇縣旌德諸山。北接宣城柏硯山。峯巒攢秀。岩洞盤旋。爲郡之雄鎮。東南有石壁峭立。劃然中開。儼若城闕。謂之山門。中有山洞五。水洞一。岩石最爲幽勝。

石橋山

石橋山在貴池縣南九十里。山之東兩峯對峙。一石橫其上。廣數丈。袤十丈。天然成橋。橋下有泉水奔流入穿山洞而出。

齊山

齊山在貴池縣南三里。有峯十餘。其高齊等。故名。周二十里。山有九頂山洞。多亭臺。有大小流泉數十。風景絕佳。唐杜牧之。宋魏了翁等。皆遊憩於此。山西有湖。曰齊山湖。中有小山。曰珠兒山。一名石洲。

桃花隴

桃花隴在貴池縣西。唐李白竄夜郎時。有憶秋浦（貴池漢曰石城。隋改秋浦。五代楊吳順義六年改今名）花隴舊遊詩。卽此。同遊者高霽也。石刻大小十六字。今尙存在。高霽隱處在縣南九十里石門山。上有春臺岩。

邏人石

貴池縣南二十里有萬羅山。圓峯孤突。羣山羅列。上有石曰邏人石。唐李白

詩云、「邏人橫鳥道。江祖出魚梁。」卽此。

江祖石

貴池縣西南二十五里。有一石突然出水際。其高數丈。上有仙人蹟。名曰江祖石。其下有江祖潭。

兩臺山

兩臺山在石埭縣西十五里。仰對黃山。俯臨清溪。有七十二折。奇峰四列。風物最佳。有石蓮花峯。頂平如掌。

卸甲嶺

卸甲嶺在石埭縣西四十里。昔刺史查畚禦黃巢。於此卸甲。有仙人洞。洞口甚小。僅容一人。石壁玲瓏。直通嶺巔。約有里許。

太白岩

太白岩在石埭縣西七十里。亦曰龍王洞。中空可容數十人。有石門石臺之

屬。

舒姑泉

舒姑泉在石舒縣南。一名舒溪。搜神後記云：臨城縣南四十里有蓋山，百許步有舒姑泉。俗傳有舒氏女，與父析薪於此，女坐泉處，忽牽挽不動。父遽告家，及再至，惟見清泉湛然。其母曰：「吾女好音樂，乃作絃歌。」泉涌回流，有朱鯉一雙，今人作樂，嬉泉輒涌出。劉孝標曰：「蓋山之泉，聞絃歌而赴節。」顧野王詩云：「寧知蓋山水，逐節赴危絃。」皆指此。

梅山

梅山在秋浦縣西南十里。宋時僧志南居之。朱子訪至山中，與之倡和，爲書普門二字刻於石壁。宋時嘗建四亭，曰期雲，曰漱碧，曰空翠，曰熟梅。

印石

秋浦縣西北八里石印山，有石印嶺。嶺下有洞，厓壁有印文。相傳許遜逐蛟

至此印石而去。此其遺蹟也。下有池曰石印池。

白雲洞

白雲洞在青陽縣東二十里。奇峯怪石。莫可名狀。秉燭入遊。竟日莫測其底。

三 淮泗

彭祖廟

彭祖廟在鳳陽縣東南四十里雲母山。相傳彭祖服雲母石修煉於此。後人因立祠祀之。云蘇軾詩云：「跨歷商周看盛衰。欲將齒髮問蛇龜。空餐雲母連山盡。不見蟠桃著子時。」

禹廟

禹廟在鳳陽懷遠兩縣交界處。殿前有古柏兩株。石蘭迴護。枝幹蒼老。大數十圍。相傳爲禹王手植物。

觀魚臺

觀魚臺在鳳陽縣東二十里。亦曰莊周臺。相傳莊子與惠子觀魚之所。宋蘇軾詩云：「欲將同異較錨銖。肝膽猶能楚越如。若信萬殊歸一理。子今知我我知魚。」

遙臺道

遙臺在鳳陽城內。唐刺史梁延嗣築。置祠刻像於其上。宋蘇軾有逍遙臺詩。自注云：莊子祠堂在開元寺。卽墓爲堂也。詩云：「常怪劉伶死便埋。豈伊忘死末忘骸。烏鳶奪得與螻蟻。誰信先生無此懷。」附近舊有南華堂。明嘉靖時楊榮建。中藏南華經。旣而燬於火。萬曆時知縣賈應龍重建。清康熙時孫償祖重修。並將樓之形式繪圖刻石。今樓已傾圮。祇存碑石而已。

皇覺寺

皇覺寺在鳳陽城北里許。洪武初敕建。改名龍興寺。明太祖微時。嘗爲寺僧。今寺已傾壞。然尙有明太祖像、龍興寺碑及銅鐘鼓、銅鑊等物在。

明英陵

明英陵。明太祖父母陵也。亦曰皇陵。在鳳陽城南十八里太平鄉。綱鑑云。太祖之先。故沛人。徙江東句容。爲朱家巷。宋季。大父再徒淮。家泗洲。父世珍。又徙鐘離（即鳳陽）。太平鄉。母陳。生四子。太祖其季也。太祖少時。常苦病。父欲度爲僧。歲甲申。泗大疫。父母兄及幼弟俱死。貧不能殮。藁葬之。仲與太祖昇至山麓。綆絕。仲還取綆。留太祖守之。忽雷雨大作。太祖避村寺中。比曉往視。土墳起成高壟。地故屬鄉人劉繼祖。繼祖異之。歸焉。按陵有城三。內曰皇城。周七十餘步。中爲縛城。周六里八十一步。外爲土城。周二十八里。舊有享殿松栢。崇禎八年。張獻忠破鳳陽。盡被焚毀。今惟碑碣石人石馬存耳。石碑甚高大。文係御製。相傳文光由詞臣擬作。都不稱旨。因自撰。文曰。「孝子皇帝元璋謹述。洪武十一年夏四月。命江陰侯吳良督工新建皇堂。予時秉鑑鏡形。但見蒼顏皓首。忽思往日之艱辛。况皇陵碑記。皆儒臣粉飾之文。恐不

足爲後世子孫戒。特述艱難。明昌運。俾世代見之。其辭曰。昔我父皇。寓居是方。農業艱辛。朝夕徬徨。俄而天災流行。眷屬罹殃。皇考終於六十有四。妣五十有九而亡。孟兄先死。合家守喪。田主德不我顧。呼叱昂昂。既不與地。鄰里惆悵。忽伊兄之慷慨。惠此黃壤。殯無棺槨。被體惡裳。浮掩三尺。奠何有漿。既葬之後。家道惶惶。仲兄少弱。生計不張。孟孫携幼。東歸故鄉。值天無雨。遺蝗騰翔。里人缺食。草木爲糧。予亦何有心。驚若狂。乃與兄計。爲何是常。兄云。去此各度凶荒。兄爲我哭。我爲兄傷。皇天白日。泣斷心腸。兄弟異路。哀痛遙蒼。汪氏老母。爲我籌量。遣子相送。備醴馨香。空門禮佛。出入僧房。居未兩月。寺主封倉。衆皆爲計。雲水飄颺。我何作爲。百無所長。依親自辱。仰天茫茫。既不可依。侶影相將。突朝烟而急進。暮投古寺。以趨躑。仰窮厓崔嵬。而倚碧。聽猿啼。夜月而淒涼。魂悠悠而覓父母。無有志落魄。而徜徉。西風鶴唳。俄浙瀝以飛霜。身如蓬逐而不止。心滾滾乎湯湯。口浮雲乎三載。年方二十而強。時乃

長淮盜起。民生攘攘。於是思親之心昭著。日遙盼乎家邦。已而既歸。仍復業於口皇。住方三載。而又雄者跳梁。初起汝穎。次及鳳陽之南鄉。未幾陷城。深高城隍。據守不去。號令彰彰。友人寄書云。及去降。既憂且懼。無可籌詳。傍有覺者。將欲聲揚。當此之際。逼迫而無已。試與智者相商。乃告之曰。果束手以待罪。亦奮臂以相戕。智者爲我畫計。且禱神以默相。如其言以往。卜問去守之何祥。神乃陰陰乎有警。其氣郁郁乎洋洋。卜逃卜守皆不吉。將就凶而不妨。即起趨降而附賊。幾被無知而創。小頃獲釋。身體安康。從役朝暮。日日戎行。元兵討罪。將士湯湯。一攫不得。再攫再攘。移營易壘。旌旗相望。已而解去。棄戈與鎗。予脫旅隊。馭士控轡。出遊南土。氣舒而光。倡農夫以入伍。事業是匡。不逾月而衆集。赤幟蔽野而盈岡。率渡清流。戍守滌陽。思親詢舊。終日慨慷。知仲姊之已逝。獨存駙馬與甥雙。駙馬引兒來我樓。外甥見舅如見娘。此時孟嫂亦有知。攜兒挈女皆從傍。次兄已沒又數戰。獨遺寡婦野持筐。因兵

南北生計忙忙。一時會聚如再生。牽衣訴昔以難當。於是家有眷屬。外口兵
鋼。羣雄併驅。飲食不遑。暫戍和州。東渡大江。首撫姑熟。禮儀是尙。遂定建業。
四守關防。礪兵秣馬。靜看頡頏。羣雄自爲乎。聲教戈矛。天下鏗鏘。元綱不振
乎。彼世祖之法豪傑。何有乎仁良。予有張皇六師。飛旗角亢。勇者效力。智者
贊襄。親征荆楚。將平湖湘。三苗盡服。廣海入疆。命大將軍東平乎吳越。齊魯
耀乎旌幢。西平乎伊洛。崑幽。地險河湟。入胡都而市不易肆。虎臣露鋒。刀而
燦若星鉞。是以長驅乎井陘。河山之內。外民庶咸仰。關中旣定。市巷笙簧。元
菟樂浪以歸版籍。南藩十有三國而來。王依金陵而定鼎。託虎踞而儀鳳。風
天塹星高而月輝。海滄。鍾山鎮嶽。而巒接乎銀潢。欲厚陵之微葬。卜者乃曰
不可而地且臧。於是祀事之禮已定。每精潔乎蒸嘗。唯劬勞罔極之恩。難報。
勒石銘於皇堂。爲世世承運而務德。必彷彿於殷商。淚筆以述難。論嗣以撫
昌。稽首再拜。願時時而來饗。洪武十一年歲次戊午七月吉日建。

十四王妃墓

十四王妃墓在鳳陽縣西北二十五里粉團洲。乃明太祖先代之墳塋也。

湯和墓

湯和墓在鳳陽縣西北三十里。和字鼎臣。明濠人。從太祖定天下。戰功甚偉。以功封信國公。年七十卒。贈東甌王。諡襄武。配享太廟。列祀功臣廟。位皆第五。

橫澗山

橫澗山在定遠縣西北七十四里。上有澗泉。宋史高祖紀。紹興元年。王才遣將丁順圍濠州。劉光世遣兵攻橫澗山。順解圍去。又明太祖初起義兵。取橫澗山。遂入滁州。皆卽此。

三峯山

三峯山在定遠縣西北三十里。上聳三尖。山半有禪窟洞。石窟泉。修篁古木。

參映前後爲一邑之勝。山腰有禪窟寺。唐元和間建。舊名虎窟寺。有泉穿屋壁而出。前有紫虎石。旁有茂林修竹。森映寺宇。寺後有洞口。殊窄狹。蛇行可入。中有石床石燕石桌之屬。

判虎臺

判虎臺在定遠縣治後。有繫虎石。判虎臺石刻並碑記。相傳宋包拯爲令時。有虎傷人。拯移檄於神。虎自赴縣。判虎於此。

銅鐘

銅鐘在定遠縣舊署前古樓。寬五六尺。高十餘尺。朝暮有人擊之。每次百零八下。定遠全境百零八保。攷鐘聲亦以此爲率。不得增減。增減之必出事故云。

董槐墓

董槐墓在定遠城內西隅。墓前有豐碑。槐字廷植。宋定遠人。登進士淳祐中。

爲給事中羣臣奏事。少與法違。憚槐不敢上。寶祐初。參知政事。累封許國公。卒諡文清。

沐英墓

沐英墓在定遠縣西門外清澄灣。墓前有石獸。分列兩旁。英字文英。明定遠人。初爲太祖養子。積功至大都督。同知。以破番寇功。封西平侯。尋從傅友德征雲南。鎮滇中。務開墾。得田百餘萬畝。卒贈黔寧王。諡昭靖。配享太廟。肖像功臣祠。位皆第六。

大澤鄉

大澤鄉在宿縣西南。故蘄縣西。史記陳涉世家。行至蘄西大澤鄉。遇雨失期。乃同謀起兵。即此。

扶疏亭

扶疏亭在宿縣北城上。宋蘇軾守徐日。嘗遺墨竹於宿州刺史。刺史鑄諸石。

構亭貯之名曰扶疏亭。經歷代修葺。至今尙存。

相讓臺

相讓臺在阜陽縣東二里。楚史拾遺云。楚莊王立層臺於寢邸。諫而死者七十二人。最後納寢人諸御之言。解層臺。罷民役。名其臺曰相讓。

玻璃泉

玻璃泉在盱眙縣東第一山下。水自石龍口中噴注池中。泉上有屋。中有石刻甚夥。

支祈井

支祈井在盱眙縣東北三十里下龜山。寰宇記。禹治水。三至桐柏山。獲淮渦水神。曰無支祈。鎖之龜山之足。淮水乃安流注海。今井上蓋以巨石。相傳禹鎖無支祈於中。其處有廟。曰無支祈廟。殿前有碑。爲淮瀆碑。

豐山

豐山在滁縣西南五里。昔豐沛人常居之。故名。上有漢高祖廟。天欲雨。常有雲氣發山椒。若巾幘然。諺曰。豐山着帽。豐年之兆。山北爲幽谷。地汙下。邃密。四周皆山。昏旭異態。東下百餘步。爲柏子龍坑。一名龍潭。西北頂上有雙燕洞。深四五丈。能出雲雨。

豐樂亭

豐樂亭在滁縣西南琅琊山腰。幽泉谷上。宋歐陽修建。自爲記。蘇軾書刻於石。文曰。一修旣治滁之明年。夏始飲滁水而甘。問諸滁人。得於州南百步之近。其上則豐山聳然而特立。下則幽谷窈然而深藏。中有清泉滂然而仰出。俯仰左右。顧而樂之。於是疏泉鑿石。闢地以爲亭。而與滁人往遊其間。滁於五代干戈之際。用武之地也。昔太祖皇帝嘗以周師破李景兵十五萬於清流山下。生擒其將皇甫暉。眺鳳於滁東門之外。遂以平滁。修嘗考其山川。按其圖記。升高以望清流之關。欲求暉風就擒之所。而故老皆無在者。蓋天下

之平久矣。修之來此。樂其地僻而事簡。又愛其俗之安閒。既得斯泉於山谷之間。乃日與滁人仰而望山。俯而聽泉。掇幽芳而蔭喬木。風霜冰雪。刻露清秀。四時之景。無不可愛。又幸其民樂其歲。物之豐成。而喜與予遊也。因爲本其山川道其風俗之美。使民之所以安此豐年之樂者。幸生無事之時也。夫宣上恩德。以與民共樂。刺史之事也。遂書以名其亭焉。」又豐樂亭遊春詩云。「綠樹交加山鳥啼。晴風蕩漾落花飛。鳥歌花舞太守醉。明日酒醒春已歸。」「春雲澹澹日輝輝。草惹行襟絮拂衣。行到亭西逢太守。籃輿酩酊插花歸。」「紅樹青山日欲斜。長郊草色綠無涯。遊人不管春將老。來往亭前躡落花。」清王士禛晚至豐樂亭詩云。「豐山高不極。到寺已昏鴉。一隴含桃樹。滿山烏柏花。僧雛汲幽谷。活火試新茶。歸去松蘿暝。嚴誠報暮笳。」亭經清全椒薛慰農重修。有重修碑記。

瑯琊寺

瑯琊寺亦在瑯琊山。寺以山名。清王士禛望瑯琊寺詩云：「瑯琊遺古寺。南望隔層巔。苔蝕陽冰篆。溪流庶子泉。羊牛下山徑。鐘磬發孤烟。未許行勝去。僧房借榻眠。」

庶子泉

庶子泉亦在瑯琊山。以唐庶子李幼卿守此鑿泉。故名。水清冽異常。宋王禹偁有詩咏之。

紫微泉

紫微泉卽幽谷。在豐樂亭下。宋歐陽修守滁。既得釀泉於醉翁亭東南隅。一日會僚屬於州廡。有以新茶獻者。公敕吏汲泉。未至。而汲者仆出水。遽酌他泉以進。公知其非釀泉也。窮問之。乃得此泉。公寄謝絳詩云：「滁陽幽谷抱山斜。我鑿清泉子種花。」卽指此。

六一泉

六一泉

六一泉在鄆琊山醉翁亭側。傍有石泓泉。清甘如醍醐。瑩如玻璃。故又名玻璃泉。

西澗

西澗在滁縣西。宋太祖入滁。以兵浮西澗卽此。澗上有野渡庵。唐韋物西澗詩云。「獨憐憐幽草澗邊生。上有黃鸝深樹鳴。春潮帶雨晚來急。野渡無人舟自橫。」清王士禛詩云。「西澗蕭蕭散騎過。章公詩句柰愁何。黃鸝喚客且須住。野渡庵前風雨多。」

石樓乳

石樓乳在全椒縣西北四十里。與桑根山相連。雙石高聳。狀如樓閣。背山面溪。萬物幽邃。風物至佳。

仙人洞

仙人洞在全椒縣西北五十里馬鞍山上。有石門緣磴而下。客百餘人。後一竇口僅容一人。後此又復廣寬。石壁中有泉乳細滴。歲久結爲石盤。瑩潔可愛。

吉祥庵

吉祥庵在來安縣北舜歌山。元至正二年建。殿宇在厓壁間。自上而下。其地多古樹修竹。濃蔽蔭日。泉流涓涓。風景絕佳。

孔雀寺

孔雀寺在來安縣西北二十五里練寺山。唐開元時建。寺前有鐵鑄孔雀。故名。內多古物。如明正統時之鐘。成化時之瓶。殿宇修整。竹木交蔭。風物幽靜。最堪遊賞。

琉璃井

琉璃井在來安縣治後。泉極甘潔。雖旱不竭。以琉璃甃砌。水光奪目。投以瓦

中華名勝古蹟 第九編 安徽

樂聲若笙簧久而乃止。

四六

中華名勝古蹟終

中華名勝古蹟續編目錄

第十編 江西

一 豫章……………一一一六

- 逍遙山 翔鸞洞 天寶洞 施肩吾石室 都陽湖 三徐墓 紫極宮 桓伊墓
- 始豐山 劍池 從姑山 王臧巖 晒禾石 紅泉 日山 溫泉 龍鳳岩
- 王安石故里 明水寺 雲山 寶蓋山 鄒極別墅 馬祖岩 滴乳岩 仙岩
- 西岩 洞岩 搗藥山 寶峯山 石泉洞 謝枋得墓 象山 徐岩 僊岩 鐘
- 石 章山 月岩 雲岩 藥雲洞 石城洞 燕洞 排山 鶴山 疊山 岑山
- 岩

二 廬陵……………一六一—二八

- 鐵十字 石乳洞 溫泉 落廬橋 三絕碑 仰山 傅巒山 清水岩 楊士奇

墓 石蓮洞 楊萬里故宅 龜山 石城洞 石鐘 石鼓 盤窩山 黃塘巖
 梅田山 石廊洞 鐘鼓山 壺山 周公嶺 清風觀 閣阜山 王守仁誓師處
 練子寧故里 玉笥山 袁嶺 靈仙洞 桃源洞 羅洞山 曹源洞 龍洞
 石壁洞 橫溪寺 安源公園 水晶岩 竹山洞 碧落山 仙聖洞 蒙山洞
 洞山寺

三 贛南……………二八一—三六

黃唐山 通天岩 廉泉 塵外亭 王文成祠 大龍山 東龕岩 石龜 大乘
 寺銅鐘 統制石 紫雲山 獅子岩 漢仙岩 欣山 玉石岩 羅漢洞 巾子
 石 金精山 雲石 陳石山 黃安岩 通天岩 洪石岩

四 潯陽……………二六一—五五

石谷洞 陶靖節墓 周濂溪墓 東佳泉 義門 玉華洞 仙真岩 垂魚洞
 漢樹峯 紫霄峯 含鄱嶺 金竹坪 女兒城 玉川門 石門澗 天池 文殊

臺 讀書臺 錦繡谷 東林寺 西林寺 海會寺 簡寂觀 慧遠塔 慧永塔
雲居山 桃花峯 馬跡山 餘干山 樂嶠山 梅花岩 洪膳故里 佛指泉
浮碧亭 少華山 歲寒山 膽泉 舒嘯亭 登高山 華林山 藥玉山 林
源山 魯溪山 攝仙山 龍門山 南山 黃庭堅墓

中華名勝古蹟 第十編 目錄

中華名勝古蹟續編

第十編 江西

一 豫章

逍遙山

逍遙山在新建縣西南八十里。道家以爲第四十福地。山之陽舊有玉隆萬壽宮。乃許遜故宅也。相傳遜飛昇時所御錦帷。自雲中墮。故宅。鄉人因置遊帷觀。宋祥符中。改曰玉隆萬壽宮。

翔鸞洞

翔鸞洞在新建縣西山。敞豁有容。景物清曠。相傳唐明皇公主隱於洞之南。洞側舊有歐陽拾遺書堂。

天寶洞

天寶洞在新建縣西八十里西山最勝處。洞口有石泉。狀如水簾。注山下金鐘湖。宋時嘗遣使投金龍玉簡於此。

施肩吾石室

施肩吾石室在新建縣西。去天寶洞十里。肩吾唐分水人。有詩名。元和中舉進士。後退隱洪州西山。終身不仕。所著有西山集。

鄱陽湖

鄱陽湖在新建縣東北。跨舊南昌、饒州、南康、九江四府之境。長三百里。闊四十里。卽古彭蠡也。一名宮亭湖。隋時以接鄱陽山。始名鄱陽。形如葫蘆。中爲細腰。湖中有山曰康郎。擔石、凡山、驤山等。庚嶺以北。仙霞、黟山二山脈以南之水。皆滂焉。山翠湖光。風物頗佳。誦劉刪詩「：滉漾疑無際。飄揚似度空。檣鳥排鳥路。船影沒河宮。孤石滄波裏。匡山苦霧中」之句。可約略見湖之景況矣。又清趙執信彭蠡湖詩云「：顯氣中流轉。煙光四週遭。層波碧離

離秋色寒滔。冷然乘風遊。託身任毫毛。仰觀天垂象。旁見林露梢。山移舟向背。目蕩心飄搖。北望千帆走。燦若組紉交。五老雲外笑。人世心魂勞。明當接匡君。舉手爲我招。一在湖中可望見。匡廬故兩詩皆及之。

三徐墓

三徐墓在新建縣西山鸞岡。三徐者。南唐徐鉉。徐鍇及其父延休也。鉉字鼎臣。廣陵人。仕南唐累官吏部尙書。後歸宋爲太子率更令。精小學。著說文解字篆韻譜。弟鍇。南唐進士。累官集賢殿學士。兄弟並有名江左。號二徐。鉉稱大徐。鍇稱小徐。

紫極宮

紫極宮舊在南昌縣惠民門外。晉建。面西山之勝。中有吳彩鸞寫韻軒。彩鸞吳猛女。唐文宗太和末。書生文蕭寓紫極宮。一日遊西山與彩鸞遇。因約俱歸。蕭貧不自給。彩鸞寫孫愔唐韻日得一部。鬻之得錢五緡。如是十載。稍爲

人知。乃往越王山。各跨一虎。陟峯巒而去。

桓伊墓

桓伊墓在南昌南門外石馬街。伊字叔夏。晉譙國鉅人。有武幹。爲王濛劉惔所知。嘗督豫揚二州軍事。後與謝玄共破苻堅於淝水。以功進號右將軍。封永修縣侯。伊謙素不伐。善音樂。盡一時之妙。爲江左第一。得蔡伯喈柯亭笛。嘗自吹之。王徽之赴召京師。泊舟清溪側。伊素不與徽之相識。時岸上過船。中客有識伊者。稱伊小字曰。此桓野王也。徽之便令人謂伊曰。聞君善吹笛。試爲我一奏。伊是時已貴顯。聞徽之之名。便下船踞胡床。爲作三調。弄畢。便上車而去。客主不交一言。

始豐山

始豐山在豐城縣南七十里。周十里。高三百丈。爲神仙三十七福地之一。上有藥臼。洗藥池。石壁上有白玉蟾影及手書。山西又有仙人掌。石碁局諸勝。

劍池

劍池在豐城縣西南三十里。相傳晉雷煥得龍泉太阿二劍處。池前有石函。長踰六尺。廣半之。俗呼爲石門。舊於此有龍津廟。祀張華。以雷煥配食。相近有寶氣亭。北瞰大江。有唐李德裕劍池賦石碑。

從姑山

從姑山在南城縣東南五里。以次於麻姑而名。緣石磴而上。數百級。有雙石對峙如門。名鐵關。又數十級乃至。上有伏虎洞。亦名玉洞。又有秋澤巖。巖側有定應泉。

五藏岩

五藏岩在南城縣東五十里。俗稱孛子岩。岩前流水縈帶。其東一石如函。高數百仞。絕頂平曠。有田數十頃。極旱而常稔。名曰天湖。相近又有仙人岩。臨溪峭壁數百仞。有五岩連屬。深廣各數十丈。

晒禾石

晒禾石在南城縣東四十里。昔時每屆秋穫。鄉人晒禾其上。宋紹興間雷震石裂成四大字。縱橫交錯不可曉。鏤板傳世。有道人視之曰。此介我黍稷字也。衆熟視之。率以爲然。自是境屢豐。

紅泉

紅泉在南城縣西南麻源第三谷。泉自砂中流出。其色紅。宋謝靈運山居賦。訊丹砂於紅泉。卽此。

日山

日山在黎川縣西隔溪百步。一名天峯。周六七里。全山皆石。形勢峭拔。日初出必先見。故名。巔有石洞古仙壇。山腰舊有井。深不可測。相傳通海眼云。

溫泉

溫泉在南豐縣東南七十里甘露寺前。有泉三支。土人以石鑿爲三池。冷池

雖伏如冰。熱池雖臘亦沸。惟溫泉可浴。黎川縣東四十里周湖。亦有溫泉。溫煖清滑。帶硫黃氣。浴之愈疥。

龍鳳岩

龍鳳岩在廣昌縣南岩外半里許。小溪沿洄。蒼厓疊峙。山腰架木始通。巖周數丈。中有樓亭。嘉木森陰。東北石厓迴蟠。形勢壯固。

王安石故里

王安石故里在臨川縣治東。安石字介甫。號半山。擢進士上第。議論高奇。有矯世變俗之志。神宗時爲相。封荆國公。謀改政治。號稱新法。以無效求補外。而卒。安石博覽強記。文章拗折。自成一家。著有臨川集。行於世。

明水寺

明水寺在臨川縣西三十里。唐建。有石雙立。號石門關。夾道多古松。開池種蓮。號十里松風。九曲蓮池。遊覽之勝地也。

雲山

雲山在金谿縣東四里。岡巒環合。林木蔥蒨。上有瀑布水。並躍馬試茗。鳴玉三泉及月石諸勝。風景清佳。最堪游觀。

寶蓋山

寶蓋山在崇仁縣西南。形如寶蓋。一名華蓋山。高二十里。跨崇仁、樂安、宜黃三縣境。巖洞幽勝。下有布水谷。元吳澄嘗隱於此。山麓有黃茅岡。虞集嘗置精舍。上有浮邱先生壇。王郭二真人上昇之地。又有紫元洞。王郭二真人隱處。中有石屏、石座、石棋枰之屬。

鄒極別墅

鄒極別墅在宜黃縣南塗黃嶺下。宋提刑隱居於此。傍有玉井。嘗有道士呂姓來。輒索飲。醉假枕。極以珊瑚枕與之。戲擲地而碎。袖往井中浣濯。復完。隨於井上書玉斧泉三字。

馬祖岩

馬祖岩在餘江縣南六十里。四面壁立。仰觀有隙如綫。上有瀑泉飛下十餘丈。巖間禪舍極幽邃。相傳馬祖道一於此卓錫。

滴乳巖

滴乳巖在餘江縣北五十里。宋尚書湯漢讀書其側。每晨巖下滴乳香一撮。以供爐炷。後漢末乳乃絕。

仙巖

仙巖在餘江縣東南七十里。接貴溪縣界。巖半有穴二十四。大小相對。下有溪流。舟人仰視穴中有杵臼織機紡車牀具水桶倉板之類。每占其倉板開則歲豐。閉則歲歉。此外又有燕巖。鎮巖白雲。鹽蒼鉤藤。馬嘴。揚子。金仙諸巖。相去不過十里。亦足游觀。

西巖

西巖在上饒縣南六十里。巖石拔起。中空如洞。內有懸石如螺。滴水垂下。味甘而冷。又有雲巖。亦在縣南六十里。巖削拔。中空如室。相近有柱石巖。屹然聳立如柱。

洞巖

洞巖在玉山縣北三十五里。林壑奇秀。中寬平可坐數十人。溪水流出。其聲清壯。遊憩於中。令人興出世之想。

搗藥山

搗藥山在弋陽縣東。昔葛元修道於此。有石橋長二十步。有搗藥石臼。旁有石井。水甚甘美。對面爲仙人城山。峯壁峭立。高五十丈。形如層城。上有池水。異常清冷。

寶峯山

寶峯山在弋陽縣南三十里。廣袤數十里。白雲吞吐。瀑泉清激。與靈山、龜峯

山並峙。中有石亭。高七十餘丈。又有石橋。長五十餘丈。相近有金鳳山。有石如鳳。

石泉洞

石泉洞在弋陽縣北五十里。洞之東四十餘步。有穴。泉滴乳凝爲石。狀如列屏。南北廣六十餘步。中有石室。可坐臥。

謝枋得墓

謝枋得墓在弋陽縣南二十五里玉亭鄉。先葬京師。其子定奉柩歸葬於此。枋得字君直。宋末弋陽人。寶祐進士。德祐初元兵寇江東。枋得知信州。逆戰。矢盡兵敗。變姓名入山中。元初求人。才集賢學士程文海首荐。不起。尙書劉夢炎又荐。終不行。福建行省參政魏天祐強之而北。卽日絕粒。至燕京問太后瀛國公所在。慟哭而卒。世稱疊山先生。

象山

象山在貴溪縣西南七十里。連岡疊阜。自閩而來。爲諸山之祖。舊名應天山。宋陸九淵讀書於此。以山形似象。更今名。東厓有繙經石。西厓有歇石。其下壁立萬仞。山之陰有鏡湖。山天成一池。泓然如鑑。其餘岩壑泉石。俱稱絕勝。

徐巖

徐巖在貴溪縣南三里。三峯山下。宋徐紹景讀書於此。林深水遠。洞穴幽邃。有巨石平坦突出山側如月。捫藤可登而望遠。

僊岩

僊岩在貴溪縣西南。去龍虎山二里。峯巒削立。高出雲表。岩石嵌空。多爲洞穴。房屋窗牖床榻倉廩之狀。共二十有四。巖總名之曰仙巖。

鐘石

鐘石在貴溪縣北。亦名仙人石。面瞰溪水。背負斷山。屹若鐘形。其腹有巨洞。俗稱神仙窟宅。

章山

章山在鉛山縣北四十里。溪旁緣溪深入。土地平衍。上有章巖。竇如半規。內甚宏敞。岩心一石鏡。色白如玉。又有方塘可十畝許。周迴四面皆石。不假雕斲。

月岩

月岩在鉛山縣東二十里。其山高一百六十七丈。周十餘里。岩高丈餘。狀如圓龕。前有天然石梁。有雙柱。

雲岩

雲岩在鉛山縣西十八里。直嵩山之前。松徑數百步。始至其巔。兩厓怪石巖。增有一穴。可容百人。雲出則雨降。

藥雲洞

藥雲洞在鉛山縣東三十里。山形如乳。名女城山。洞在其巔。循洞六七里始

至有飛瀑臨其前。洞口如門者三。中倚一石。狀如屏。可旋轉。最後懸一龍首。水出不竭。

石城洞

石城洞在鉛山縣西二十五里。石門如城。偃僕而入。石室甚朗。其石音類磬。左一洞可容百許人。又西五里有石龍洞。深半里許。

燕洞

燕洞在鉛山縣西六十里。前臨澗水。深十餘丈。內有石座。石蓮之屬。

排山

排山在廣豐縣東稍北十餘里。羣峯巒峴如劍戟。山前有天柱岩。中深窈。岩左有恠石如虬龍。中開一竇。名石龍洞。

鶴山

鶴山在廣豐縣西二十里。相傳山有龍穴。石壁間豁然開峽。上橫石梁。矯如

鶴頸。可四五尋。有飛泉歎激而出。溉田甚廣。上有蘇岩。深窅不可入。西南接七峯岩。入上饒界矣。

疊山

疊山在橫峰縣北八十里。其脉由上饒縣靈山來。重巒疊嶂。岩燒峻絕。宋謝枋得築室讀書其下。因自號疊山。

岑山岩

岑山岩在橫峰縣北二里許。石洞空濶。中舊有觀音閣。金剛樓。鐵瓦觀。諸勝。其後則有馬岩。懸崖百尺。岩中有泉。泠泠不絕。

一一 廬陵

鐵十字

鐵十字在吉安南門外江涯。題云保大（南唐帝李璟年號）二年五月日。置重一千三百觔。世傳南唐時造戰艦以此繫纜。

石乳洞

石乳洞在宜春縣東三十里。濶數丈。深一里許。高十餘丈。亦名玉室山。青壁若虛。萬象森羅於其前。頗堪遊觀。

溫泉

溫泉在宜春縣西南。通志在西南三十里定光院前。泉凡三出。一在東岸之上。僧鑿以爲池。一湧出江心巨石中。其石類釜。上寬五六尺許。平坦可坐。一在西岸之下。

落驢橋

落驢橋在宜春縣東二里。舊名赤板橋。唐貞觀初。宜春人彭伉登第。其妻與郡吏賁之妻。姊妹也。妻族賀伉。坐上皆名士。獨飯賁于後閣。賁自是力學。一舉擢上第。伉方過此橋。聞之失聲墮驢。故名。又名馮郎橋。

三絕碑

三絕碑在宣春舊府學內。潘光祖輿地備考云。宋州守祖無擇建學。盱江李觀記。京兆章友直篆額。河南柳淇書。世號三絕。

仰山

仰山在宣春縣南八十里。山勢峻嶒。府之鎮也。其最勝處曰集雲峯。山中石徑縈迴。飛瀑湍駛。夙異人境。山下有唐鄭谷讀書處。又有小仰山。在縣南三十里。晉鄧表修煉於此。上有星壇。石臼。藥竈遺跡。

傅擔山

傅擔山在泰和縣西北五十里。峻險陁仄。攀援轉實。而後可度。西南有石笋峯。尤峭拔。下有九龍潭。及玉溪泉。泉凡四十八竅。至岩前復合爲一。

清水岩

清水岩在泰和縣北五十里。廣可容數百人。深不可極。下有石穴。亦可容百許人。有泉自岩下入石穴中。舊傳有人持糗糧而入。度行十餘里。聞撒網聲。

懼而還。

楊士奇墓

楊士奇墓在泰和縣北五里楮原。士奇名寓。以字行。明泰和人。少孤貧。力學。建文初。用薦入翰林。與編纂事。成祖時。官大學士。仁宗朝。進少保兵部尙書。英宗時。進少師。卒諡文貞。士奇歷相四朝。文章德業。爲一時輔臣之冠。

石蓮洞

石蓮洞在吉水縣西北九十里。盤石屹立。濶三四丈。中空如屋。洞口有羅漢松。甚奇古。明羅洪先題曰梅關。

楊萬里故宅

楊萬里故宅在吉水縣西北五十里南溪上。鶴林玉露云。誠齋年未七十。退居南溪之上。老屋一區。僅蔽風雨。卽此。清王士禛吉水道中望楊誠齋故居詩云。江行盡日愛清暉。峽遠江平碧四圍。幾處峰青臨水照。一羣魚翠拂

船飛。雲陰澹澹將成雨。嵐氣濛濛欲溼衣。髣髴南溪楊監宅。蒼苔白石繞岩扉。

龜山

龜山在安福縣西六十里。多奇石。其下一山。狀如斧劈。兩崖垂下如帷幄。惟亭午見日。一名九日巖。一名壁峽。後有洞。虛曠可容數十人。

石城洞

石城洞在安福縣西一百二十里。石勢環把如城。洞門廣丈餘。中可容千人者數處。前後之地。相去五里許。有澗水從巔後流出。溉田數百畝。舊名石廊洞。里人劉元卿改今名。

石鐘

石鐘在安福縣西羅漢寺旁。有巔曰陽岡。下瞰碧潭。巨石倒垂崖中。形狀若鐘。

石鼓

石鼓在安福縣西資福寺旁。有溪曰灣潭。巨石錯立。中有一石如鼓。或曰宋熙寧時鼓嘗自鳴云。

盤窩山

盤窩山在遂川縣西南。盤鬱秀麗。有龍洞。懸崖百尺。松竹森列。溪水環抱。爲一邑之勝境。

黃塘岩

黃塘岩在萬安縣東南一百八十里。巖中嵌空玲瓏。若樓閣狀。有石鼓。石鐘。又有蛟穴。出泉。四時不竭。

梅田山

梅田山在永新縣東二十五里。平田特起。三峯峭立如筆架。下如寶仙聖洞。深數百步。其陽爲玉虛洞。寬敞可容千人。巨石壁立十數仞。上開天門。深可

一二里。右爲合璧洞。洞門雙闕如合扉。

石廊洞

石廊洞在永新縣西北一百里。洞深一二里。中有石幢、石鼓等。巖竇通後嶺。

鐘鼓山

鐘鼓山在蓮花縣東五里。疊嶂崇岡。險砭礪砭。中有石形如鐘鼓。扣之發金革音。

壺山

壺山在蓮花縣東南五里。高侵碧落。翠點晴空。一名元陽洞。洞中四隅碧色。黯黯。頂有石環偉瑩圓。精光奪目。如玉壺狀。故名。

周公嶺

周公嶺在蓮花縣東北二十五里。上有羅家仙岩。高聳如屋。及伏虎岩、鶴石、獅石、蜈蚣峯、蛟峯、秀溪、澄潭諸勝。

清風觀

清風觀舊在蓮花縣北三十里。明水樂劉髻微時。過其地假寐觀外。是夕道士夢龍繞觀門。明日款以優禮。髻遂下帷觀中。後髻顯。請勅賜讀書臺額以表之。題一聯於柱云。「玉筍派分修道所。朝廷勅賜讀書臺。」

閻皂山

閻皂山在清江縣東四十里。連亘二百餘里。跨樂安、新淦、豐城三縣地。其形如閻。色如皂。有峯六、嶺四、岩二、原五。其餘泉石池塘之勝。參差不一。道書以爲三十三福地。

王守仁誓師處

清江縣東北三十里清江鎮。亦名樟樹鎮。卽故新淦縣址。東北去豐城縣七十里。爲南北要津。明王守仁討宸濠。自吉安會軍清江鎮。誓師於此。清王士禛詩世「豹房虎圍氣如雲。行在從容露布聞。誰識書生離講席。絕勝二十

六將軍。

練子寧故里

練子寧故里在新淦縣東山。祖墓及母夫人墓俱在焉。子寧名安。以字行。明新淦人。洪武十八年廷試第二。授修撰。累遷工部侍郎。建文初與方孝孺特見信用。改吏部左侍郎。尋拜御史大夫。燕師起。李景隆北征。屢敗。召還。子寧數其衆。請誅之。不聽。因大哭。曰：壞陛下事者。此賊也。願卽死。帝爲罷朝。燕王卽位。執子寧。至。語不遜。遂磔死。族其家。姍戚俱逮戍邊。福王時贈太保。諡忠貞。子寧善文章。其遺文曰：金川玉屑集。李夢陽嘗立金川書院以祀之。

玉笥山

玉笥山在峽江縣東南四十里。舊名羣玉峯。相傳漢武帝元封元年巡行南部。受上清籙於羣玉之山。見有玉箱如笥委壇中。忽失去。因改今名。道書以爲第三十七洞天。有三十二峯、二十四壇、十二臺、六洞、七源、二塢、四谷、三十

二澗。其餘潭石宅井坡嶺名迹不可悉數。元揭傒斯萬壽承天宮碑云。天下稱名山。在大江之西者有二。曰匡廬。曰閻皂。曰玉笥。而玉笥尤爲天下絕境。

袁嶺

袁嶺在分宜縣西北十餘里。相傳後漢袁閔避匪於此。下有洪陽洞。仙人葛洪。婁陽樓真處。洞門東向。高數十丈。初入平夷明爽。益西則盤迴峻阻。石室深邃。中有流泉。春溢冬涸。又有小洪陽洞。在洞之頂。廓大可容。

靈仙洞

靈仙洞在分宜縣北三十里。去地三十丈。峻險崎嶇。仰視石室。如雲霞往來狀。中有石磨。丹爐諸勝。

桃源洞

桃源洞在分宜縣北一百三十里。洞口空濶。東北行半里許。有石室。折而北。泉石益勝。不可窮詰。距洞二里有風洞。居山之陽。隘不可入。旁有流泉。水石

參錯清風出焉。

羅霄洞

羅霄洞在萍鄉縣東一百里。延袤百餘里。上有羅霄洞。旁有葛仙壇。壇生二竹。風動如掃。人謂之掃壇竹。壇側有黃龍壇。山下又有石潭。深不可測。袁江之水出焉。

曹源洞

曹源洞在萍鄉縣西北二十里。洞極深濶。中有石狀如觀音象。另一小石如人伏於下而禮拜者。

龍洞

龍洞在萍鄉縣北五十里。門如半月形。有龍溪二字刻於上。中多巨石。玲瓏剔透。又有清泉。涓涓外流。

石壁洞

石壁洞距株萍鐵道安源站二十餘里。列井而入。石狀萬殊。皆肖人物。有井幽深莫測。

橫溪寺

橫溪寺在縣西五里。有泉。有池。有避塵軒。濯纓亭。諸勝。景物清幽。最適遊觀。

安源公園

安源公園在株萍鐵道安源站南山窩。中有環翠軒。倚雲軒。月波亭。聽濤館。船廳。諸勝。林木翳翳。峯巒峻秀。禽魚幽適。烟水清明。風景絕佳。最宜遊覽。

水晶岩

水晶岩在萬載縣西五十里。峯頂山之西。岩中飛瀑流瀉。如撒珠玉。

竹山洞

竹山洞在萬載縣南二十里。水經其中。卽石洞水之上源也。前後兩門。深五里許。內虛敞高丈餘。有石平廣如田。又有石穴。俯仰若屋。

碧落山

碧落山在高安縣治。一名鳳凰山。相傳唐高祖時。應智瑱刺郡。鳳凰集此。故名。山右有五龍岡。前臨蜀水。有李八百洞。一名速仙洞。又有春洞。每立春日。則陽氣吹灰出外。

仙聖洞

仙聖洞在上高縣西五十里。中有石佛、石鐘等類。九峯踞其巔。奇秀峻拔。莫可名狀。

蒙山洞

蒙山洞在上高縣南蒙山。有上下兩洞。上洞不可遊。下洞廣函丈。深不可究。中有石佛、石僧、獅子座、羅漢座等類。又有石立岩間。上下無所附麗。謂之無根石。

洞山寺

洞山寺在宜豐縣東北五十里太平鄉。卽普利寺。唐宣宗時良价禪師建。舊有宋太宗仁宗御書飛白草字及經傳等六十卷。并鍾傳鐵釜文。楊行密銅鐘。

三 贛南

黃唐山

黃唐山在贛縣南。輿地志云。山右行六里有石室。口方八尺。如數十間屋。上通天窗。下有方榻。二石人巾櫛而坐。旁有小石室七所相通。悉有石人。室前時有車馬跡。春夏草不生。無諸毒蟲。林木繁茂。水石幽絕。蓋靈仙窟宅也。

通天岩

通天岩在贛縣西二十里。空洞如屋。有穴透其巔。怪石環列。林木葱蘢。有寺藉石窟架木爲廬。曰通天。繡流居之。幽靜清絕。如在塵外。修竹成陰。陽光不到。有蘇子瞻王守仁詩詞石刻。院落兩院。懸岩斜聳。刻石佛甚多。大小殊別。

附近有岩。境地幽勝。游者忘歸。名曰忘歸。有忘歸岩三字石刻。

泉廉

廉泉在贛縣東南四里。劉宋文帝時。一夕霹靂。忽泉湧出。時郡守以廉名。故曰廉泉。宋蘇軾詩云。「水性故自清。不清或撓之。君看此廉泉。五色爛摩尼。廉者爲我廉。何以此名爲。有廉則有貪。有慧則有癡。誰爲柳宋元。孰是吳隱之。漁父足豈潔。許由耳何淄。紛然立名字。此水了不知。毀譽有時盡。不知無盡時。竭來廉泉上。捋鬚看鬚眉。好在水中人到處相娛嬉。」

塵外亭

塵外亭在贛縣龔公山頂。形勢最高。城郭山川。一覽無餘。宋蘇軾詩云。「楚水澹無塵。贛水清可厲。散策塵外游。揮手謝此世。山高惜人力。十步輒一憩。卻立浮雲端。俯視萬井麗。幽人宴坐處。龍虎爲斬薙。馮駒獨何疑。豈墮山鬼計。夜垣非助我。謬敬欲其逝。戲留一轉語。千載豈攘袂。」

王文成祠

王文成祠在贛縣舊府學右。祀明新建伯王守仁。清王士禛有贛州謁王文成公祠詩云：「新建當年此誓師。森然松柏見靈祠。軍聲不藉條侯壁。籌策唯應漢相知。萬古許孫同廟食。一時張桂太傾危。後來論定煩青史。峴首猶存墮淚碑。」

大龍山

大龍山在信豐縣南一百二十里。一名壺山。山有岩洞數十。又有龍井。多產紫草異物。有異如白蓮。附近有柏山。上有龍湫。

東龕岩

東龕岩在興國縣東北。唐鍾紹京讀書處。前後有讀書岩。試劍石。靈湖。石舫。石筍。筆架山。線洞。環鯉。瀑布。泉。僧寺。共號十景。

石龜

石龜在興國縣儒林鄉。石圓如龜。項背俱備。彷彿八卦形象。逐月隨斗杓旋轉。土人疑其怪。移置他所。翌日復歸其處。果驗皆然。因時祀之。

大乘寺銅鐘

銅鐘在興國縣治大乘寺。唐末鑄。宋紹興初。一夕忽失去。未幾。有客言比者。文潭漁者得一鐘。繫於天寶寺。扣之無聲。僧詣天寶寺。物色得之。贖之不許。乃相約日扣之。不鳴。卽非寺中物。扣之鳴。卽寺中物也。天寶僧屬擊無聲。大乘僧一擊卽鳴。遂載以歸。

統制石

統制石在興國縣太平鄉。宋末統制鞏信。從文天祥勤王。元帥李恆追至方石嶺。將及。信以短兵接戰。元兵疑有伏。不敢進。信坐巨石。箭雨集被體。屹不動。至死不僵。後人因呼爲統制石。行旅遇此必式。

紫雲山

紫雲山在會昌縣南一百里。高數百仞。鑿石爲磴。計四百數十級。有奇名雲梯石。紆迴蜿蜒。西折數步。爲趙公岩。又有仄徑。捫蘿躡跡。始達其巔。有沃衍數十畝。及流泉松竹之勝。

獅子岩

獅子岩在會昌縣西北九十里。洞壑幽深。嘗有人燃炬以入。中有石室數間。石笋峭刻。溪流清冽。不知其源。

漢仙岩

漢仙岩在會昌縣東南一百二十里。去羊角水鎮二里。舊名漢山。峭峻聳拔。下臨漢溪。深廣數丈。有石竇僅容一人。匍匐而入。其中奇勝森列。殊堪游觀。

欣山

欣山在安遠縣南十五里。高峻插天。盤根數百里。有清池靈岩。橘樹異竹。石室石牀之屬。景物極佳。游者欣然。故名欣山。

玉石岩

玉石岩在龍南縣北五里。有上下二岩。上岩石瑩如白玉。山半有洞。中廣數十丈。宋太宗賜書一百二十卷。里人依岩建閣藏之。後爲兵燬。此爲上岩。岩左又一竇。重重深入。進登高臺。有大竇。通明。亦名通天岩。空濶可容百人。明正德十六年。王守仁征瀘川三洞。旌師。作平南記。刻於壁。題曰陽明小洞天。此爲下岩。岩後又有六七洞。視二岩尤勝。皆堪遊觀。土人稱曰新岩。

羅漢洞

羅漢洞在大庾縣舊鬱林鎮西八里。厓石如門。中有石十八。若羅漢狀。有清泉涓涓下流。有石梁長丈餘。危峻人不敢渡。

申子石

申子石在南康縣北二百餘里。石形遠望如巾。故名。高峻聳起。橫互數十里。巔有岩。廓大可容。中有瀑布泉。歎瀉而下。

金精山

金精山在寧都縣西北十五里。相傳漢金華人張芑女麗英入山修道。吳芮聞而聘焉。麗英勿許。曰：吾爲金星之精。降治此山。言訖。紫雲鬱起。失女所在。故名山曰金精山。或曰吳芮所鑿。山多奇峯。不可枚數。最著名者凡十二。曰蓮花、合掌、仙桃、凌霄、黃竹、披髮、望仙、三巘、伏虎、翠微、瑞竹、石鼓。峯頂皆石。望之如雲。其中石洞幽邃寬大。可容萬人。道家以爲第三十五福地。

雲石

雲石在寧都縣東南二十里。狀如陣雲。岩谷幽勝。林木奇異。其巔廣百餘丈。有巨湖。其對峙者爲螺江。

陳石山

陳石山在瑞金縣東北。山岩深廣十丈餘。上有將台、點兵寨。內有劍門、九曲洞、龍湫、龍池。外有峯巒、泉石之勝。皆適遊覽。

黃安岩

黃安岩在瑞金縣西四十里。一名月圓岩。一名皇恩岩。深廣容百人。橫濶十餘丈。前有二潭。曰小龍。曰龜池。輿地紀勝云。皇恩岩有龍穴。水中有二珠。每秋霽月澄。珠時出游。水際熒然。亦神異也。

通天岩

通天岩在石城縣南十五里。石壁嶙峋。深若巨室。洞中惟一竅。上通鳥道。盤旋而上。其巔乃方平若原。前後石數十丈。皆似龍鱗。雖雕繪不及。有泉味極清濃。

洪石岩

洪石岩在石城縣南四十里。攀磴而入。石門寬衍如屋。絕頂有石泉。其北爲出米岩。南爲師子岩。四面峭壁。路止一線。附近有梅子龍頭。牛蹄。三仙金雞等岩。境地幽峭。亦足遊觀。

四 潯陽

石谷洞

石谷洞在九江縣南六十里。上有大石覆之。人偃僕而入。內高數丈。杳冥窈遠。其深莫測。

陶靖節墓

陶靖節墓在九江縣西南楚城鄉面陽山麓。靖節名潛。一名淵明。字元亮。晉柴桑人。侃曾縣。少有高趣。博學善屬文。家貧起爲州祭酒。不堪吏職。乃解去。旋召爲主簿。不就。後爲彭澤令。郡遺督郵至。縣吏白應束帶見之。潛嘆曰。吾不能爲五斗米折腰。向鄉里小兒。即日解印綬去職。賦歸去來辭。義熙未徵著作郎。不就。自以曾祖晉世宰輔。不肯屈事後代。所著文章。皆題年月。義熙以前。明書晉代年號。自永初以來。唯云甲子而已。宋元嘉中卒。年六十三。世稱靖節先生。

周濂溪墓

周濂溪墓在九江縣西栗樹嶺南母墓之左。墓前有坊。濂溪名惇頤，字茂叔，宋道州人。累官廣東轉運判官，提點刑獄。尋知南康軍。因家廬山蓮花峯下。胸懷灑落，如光風霽月。所著有通書、太極圖說，爲宋理學之祖。二程皆其弟子。卒，追封道國公。諡曰元。從祀孔子廟庭。其所居名濂溪，世因稱爲濂溪先生。

東佳泉

東佳泉在德安縣西東佳山紫岩下。一名紫岩泉。泉有上下二竅。上竅流則下竅乾絕。下竅流則上竅乾絕。三日一周。或云：泉水天晴則西流，雨則東流。若雨晴未定，則西有小水。泉西有石洞，深不可極。旱則于此禱雨，乘炬入進四十里有湖。

義門

義門在德安縣西北六十里。南唐陳氏特立之門望也。陳宜都王叔明之後伯宣。卜居德安。子崇爲江州長史。置園田爲家法。戒子孫擇羣從學其事。建書堂於東佳山下。教誨子弟。僖宗時嘗詔旌其門。南唐時乃爲立義門。免其徭役。崇子袞。袞子昉。十三世同居。長幼七百日。不蓄僕妾。上下敦睦。人無間言。每食必羣坐廣堂。未成人者別有一席。有犬百餘。亦置一槽共食。一犬不至。羣犬亦皆不食。宋開寶初。知州張齊請仍免徭役。淳化初。常苦食不足。詔本州每歲貸粟二千石。見宋史孝義傳。

玉華洞

玉華洞在瑞昌縣東二十五里。洞內多奇形異跡。千態萬狀。不可殫述。

仙真岩

仙真岩在彭澤縣南。石門裂峙。高五丈許。中有清流。其旁爲玉壺洞。深七八里。有水繞洞而出。可引以溉田。

垂魚洞

垂魚洞在彭澤縣西南五十里。內有小溪。有石如魚形。垂在洞中。又有石橋。棋局石乳。洞們高數丈。深廣可遊。

漢陽峯

漢陽峯在星子縣北廬山絕頂。望數百里。極目江漢。故名。東至桃林。西訖康王谷。其巔平曠。鮮喬木。下視濛濛。窈不見底。雖六月亦寒慄。有峭壁曰禹王厓。峯南與黃岩瀑布源相接。

紫霄峯

紫霄峯亦在廬山縣。去星子縣二十五里。一名上霄峯。下有上霄源。高壁綉然。與霄漢接。相傳有大禹刻石。誌其丈尺里數。在石室中。內極幽深。明時有好事者。絕而下。摹得百餘字。皆不可辨。僅有鴻荒濛余。乃攢六字可識。

含鄱嶺

含鄱嶺在廬山大月山西南。面鄱陽湖。若有吞吸之狀。故名。嶺之南中豁。爲含鄱口。又西南爲歡喜嶺。乃五老之大路。明桑喬云。含鄱嶺者。九奇峯東第一峯也。以含鄱口故別出。山橫互。燁燁如火。又如猛士乘馬而馳。勢甚壯偉。附近爲太乙峯。可攀援而登。清方文有含鄱嶺至太乙峯詩云。一侵晨獨出含鄱口。千里鄱湖一嶺函。但使短籐窮碧巖。何妨細雨濕青衫。林中黯澹高低樹。霧裏微忙來去帆。不是探奇索隱者。誰能踏雪上巉岩。」

金竹坪

金竹坪在廬山黃龍山南。清吳闡思匡廬紀游云。金竹坪基址平廣。鐵鉛上霄。諸峯列於前。天池香爐諸嶠環於後。釋今覲詩云。一情與廬山冥。幽思無動定。適爾前峯游。渺然絕意境。洞壑寂無聲。松杉微有徑。疏籬綠椽齊。密竹朱門映。古殿拂長松。虛堂閒落景。山川理本奇。緣會趣自永。久坐發微吟。明月粲東嶺。」坪北有蓮花庵。在蓮花峯下。舊葺奉館亦在於此。明桑喬引九

江新志云。董杏館在蓮花峯下。今有杏林遺跡。

女兒城

女兒城在廬山租界上。乃一壑也。非真有城隍。相傳明太祖嘗練兵於此。城東北爲大月山。登臨可以眺遠。清程頌萬過女兒城詩云。一金風獵獵犯霄行。短褐輕輿眼倍明。誰識東南天子障。更分中外女兒城。蜿蜒十里神媧鑄。合脊諸峯走馬平。足底秋原正敷淺。那堪容易亂雲生。

玉川門

玉川門在廬山。桑喬云。玉川門當三疊水口。其兩崖壁立萬仞。澗從中關路。行處兩石相磕。中穿一竇。遊者低首而進。其石色白如玉。故名。清施閏章詩云。昨夜厓前龍象吼。百泉迸出雷震走。玉川雨後白雲多。片片從風飛戶牖。攀蘿倚石轉崔嵬。鐵壁千尋掌上開。因岩結屋誰能住。好跨青牛歸去來。

石門澗

石門澗在天池山文殊寺南。水經注。廬山之北。有石門水。水出嶺端。有雙石高峙。其狀若門。水導雙石之間。懸厓飛瀑。近三百步許。下散漫數千尺。望之若曳。飛練于霄中矣。宋謝靈運登石門最高頂詩云。一晨策尋絕壁。夕宿在山樓。疏峯枕高館。對嶺臨迴溪。長林羅戶庭。積石擁階基。連岩覺路塞。密竹使徑迷。來人忘新術。去子惑故蹊。活活夕流駛。嗷嗷夜猿啼。沈冥豈別理。守道自不攜。心契九秋幹。目翫三春萋。惜無同懷客。共登青雲梯。唐白居易石門澗詩云。石門無舊逕。披榛訪遺跡。時逢山水秋。清輝如古昔。常聞慧遠輩。題詩此岩壁。雲覆莓苔封。蒼然無處覓。蕭疏野生竹。崩剝多年石。自從東晉後。無復人遊歷。獨有秋澗聲。潺潺空且夕。

天池

天池在廬山天池山頂。廣二十尺。長四十餘尺。宋范仲淹詩云。一岳頂見仙

池。神異安可度。初謂無波濤。雲雷有時惡。乘此澄清間。晉纓可以濯。」

文殊臺

文殊臺在天池山舊天池寺旁。昔上有文殊閣。今惟臺基存耳。臺西有蓮谷。曩時每夜分有火光出。錨流呼爲佛燈。明王守仁文殊臺夜觀佛燈詩云：「老夫高臥文殊臺。拄杖夜撞青天開。撒落星辰滿平野。山僧盡道佛燈來。」

讀書臺

讀書臺在秀峯寺後。南唐李後主嘗讀書於此。臺下有宋黃庭堅書七佛偈石刻。及明王守仁平宸濠紀功碑。清王士禛有王文成紀功碑詩云：「文成摩厓碑。其字大如手。萬古一浯溪。光芒同不朽。」

錦繡谷

錦繡谷在佛手岩之西。中多奇花異草。紅紫匝地。如被錦繡。或云昔慧遠時藥處也。有黃谷洞。爲黃谷禪師宴坐之所。附近摩厓有宋歐陽修贈劉凝之

廬山高詩。詩云。一廬山高哉。幾千仞。兮根盤幾百里。峨然屹立乎長江。長江西來走其下。是爲揚瀾左蠡兮。洪濤巨浪。日夕相衝撞。雲消風止。冰鏡淨。泊舟登岸而望遠兮。上摩青蒼以晻靄。下壓后土之鴻龐。試往遊乎其間兮。攀緣石磴。窺空磴。千厓萬壑。響松檜。懸崖巨石飛流淙。水聲聒聒亂人耳。六月飛霜灑石砭。仙翁釋子亦往往而逢兮。吾嘗惡其學幻而言嘯。但見丹霞翠壁。遠近映樓閣。晨鐘暮鼓。香靄羅幡幢。幽花野草不知其名兮。風吹霧溼香澗谷。時有白鶴飛來雙。幽尋遠去不可極。便欲絕世遺紛靡。羨君買田築室老其下。插秧成疇兮。釀酒盈缸。欲今浮嵐暖翠千萬狀。坐臥常對乎軒窗。君懷磊砢有至寶。世俗不辨珉與砭。策名爲吏二十載。青衫白首困一邦。寵榮聲利不可以苟屈兮。自非清泉白石有深趣。其意砢砭何由降。丈夫壯節似君少。嗟我欲說安得巨筆如長杠。」

東林寺

東林寺在廬山麓舍利塔南。晉孝武帝太元九年建。晉僧慧遠道場也。舊有白蓮社。十八高賢影堂。蘇白堂。銅塔。及名人石刻。寺前有虎溪橋。曰虎溪橋。唐李白東林寺夜懷詩云。『我尋東林寺。獨往謝城闕。霜清東林鐘。水白虎溪月。天香生虛空。天樂鳴不歇。冥坐寂不動。大千入毫髮。謔然冥真心。曠劫斷出沒。』

西林寺

西林寺在廬山香谷南。與東林寺相對。晉僧慧永嘗居之。寺後有塔。舊時之石刻須菩提像。張僧繇昆廬像。唐棲釋迦像。歐陽詢碑等。今已無存。

海會寺

海會寺在五老峯下。僧至善建。爲廬山五大叢林之一。寺前有荷池。石欄圍之。欄悉鑄佛像。寺內有藏經閣。貯僧普超血書經八十一卷。另又有元趙孟頫金繪佛像冊。及僧心月鑄五百羅漢揚本。皆屬珍品。

簡寂觀

簡寂觀在金雞嶺下。劉宋時吳興陸修靜居之。舊名太虛觀。後修靜卒。謚曰簡靜。因以名觀。宋陳堯佐詩云「清泉澤吾土。秀氣惟廬山。中有簡寂觀。祕邃非人間。潮陽陳希元。駐駕來躋攀。坐久塵慮息。直恐眞風還。昂昂鶴骨人。儼儼霓裳斑。自顧塵態甚。苦語增羞顏。松枝鳴蕭蕭。瀑布聲潺潺。終當脫塵纓。來此逍遙間。」

慧遠塔

慧遠塔在東林寺西下方塔院內。慧遠姓賈氏。雁門樓煩人。年十三通六經。莊老。二十一聞沙門道安講般若經。豁然開悟。遂與弟慧持俱出家。太元中。至廬山立精舍。江州刺史桓伊建寺居之。曰東林。與衆百二十三。結白蓮社。同修淨土之業。其間譽望最著者。有劉程之。雷次宗等十八人。居山三十年。跡不入俗。義熙十二年終。年八十三。

慧永塔

慧永塔在西林寺西二百步。慧永河南繁氏子。年十二出家。事曇竺。太元初至潯陽。刺史陶範爲之立寺。曰西林。而永又立庵於寺後山上。至其處。嘗聞異香。因號曰香谷。有一虎同居。人至輒驅去。陸游以慧永爲慧遠之弟。誤。

雲居山

雲居山在永修縣西南三十里。紆迴峻極。頂常出雲。一名歐山。世傳歐岌先生得道於此。故云。山有湫澤。湧洩垂流。三十餘丈。形如曳布。謂之布水。山陽有鵝公嶺。走馬嶺。山陰有陽均。有大小馬頸。馬頸者以兩山斷絕。中止一線。相屬。從二百餘步。衡尺有咫。兩旁皆深谷。無影。行者股慄。山上羣峯環抱。凡十有一。俱削如城郭。而上復開豁。有田有湖。

桃花峯

桃花峯在永修縣西南七十里。聳入雲際。陟其巔。目極千里。下爲黃荆洞。險

峻不可登。行者鑿孔。歷級而上。洞中有古墓。生鐵鎔固。峯上有馬尾泉。曲折湍激。至巖陡處。直下如水簾。嘗有桃花流出。峯之東三里。爲下城洞。亦有鐵封墓。

馬跡山

馬跡山在鄱陽縣東北二十里。山勢縈旋。衆峯環拱。道書以爲五十二福地。王遙煉丹其上。有煉丹井。藥孟斗壇遺跡。遙字伯遠。晉鄱陽人。得仙術。能治病。不用符水。鍼藥。但用八尺布帕敷地。令瞑目坐上。即愈。若有邪魅。晝地作獄。叩石呼之。其物自斃。常令弟子以九節杖負一竹篋隨之。冒風雨行。衣皆不溼。一日見兩炬。導入石室中。遇二人。遂同去。越三十餘年。人又見遙在馬跡山煉丹焉。

餘干山

餘干山在餘干縣東門外。一名羊角山。山有兩峯。曲轉相向。狀如羊角。因名。

唐天寶六年。敕改曰餘干。又以平地崛起。巍然如冠。名曰冠山。山上多奇樹。怪石。前瞰琵琶洲。唐陸羽於此煎茶。舊有龍泉池。雲風堂。乘風亭。今以荒圯。山前有二嶺。下瞰市湖。左曰烟波。右曰白雲。

樂嶠山

樂嶠山在樂平縣東北八十里。其東爲葛山。兩山間有洪巖。風岩。氣岩。天井。桐木。冷水諸岩。而洪岩特著。山腰有石室。南北相通。方四十丈。雲氣泉聲不絕。山中多奇石。洪氏世居其麓。曰洪源。

梅花岩

梅花岩在樂平縣東北六十餘里。岩深三十丈。南北相通。有井。有田。有竈。有澗。有池。皆石也。池深莫測。一山之水歸焉。上舊有梅樹數十株。每屆花時。冷蕊疎枝。風景特佳。

洪皓故里

洪皓故里在樂平縣東洪岩下。其墓則在鄱陽縣東故縣鎮。其長子适墓在縣北仁義鄉。次子遵墓在縣北芝山。季子邁墓在縣西北三十里龍吼山。皓字光弼。宋樂平人。博學強記。負奇節。政和間舉進士。嘗出爲州守。有德政。百姓呼爲洪佛子。建炎中。充大金通問使。金人拘之。迫使仕。執不可。流遼冷山。踞金十三年。抱印符臥起。紹興十三年乃還。時人比之蘇屬國。以論事忤秦檜。出知饒州。又徙袁州。至南雄卒。諡忠宣。所著有文集五十卷。及帝王通要。姓氏指南。松漠紀聞等書。适字景伯。號盤洲。紹興中與弟邁同中博學鴻詞科。官至尙書右僕射兼樞密使。卒。諡文惠。邁字景嚴。孝宗時拜同知樞密院事。後以資政殿學士。提舉洞霄宮。卒。諡文安。邁字景盧。號容齋。亦中博學鴻詞科。紹興末使金。書用敵國禮。金人怒。鎖使館。後還。孝宗拜爲中書舍人。以端明殿學士致仕。卒。諡文敏。所著有容齋五筆。夷堅志等書。

佛指泉

佛指泉在浮梁縣西能仁寺前。井底有石如指。其泉從上湧出。味甚甘冽。冬夏不竭。亦曰市佛泉。

浮碧亭

浮碧亭。舊在浮碧縣南門外。昌江南。宋縣令張景修詩云。一泓秋水不見底。十里曉山無盡頭。

少華山

少華山在德興縣東三十里。一名三清山。高五百丈。盤互數百里。跨越數縣。諸峯羅立。岩洞幽奇。最高者爲玉京峯。值天氣晴朗。匡廬彭蠡。明滅可見。

歲寒山

歲寒山在德興縣西南五里。又名師子山。屹然臨溪。素崖壁立。白波奮流。自成潭渚。水石搏擊。噌吰鏗鞳。宋至和間。周冕隱居於此。鐫歲寒二字於上。汪學士藻亦嘗居於山。

膽泉

膽泉在德興縣。有二。一在縣東十五里。亦曰銅泉。相傳以泉浸鐵數日。輒類朽木。刮取其屑。鍛鍊成銅。元史至正十一年。中書省臣張理獻言。德興三處膽水浸鐵。即可以成銅。宜各立銅冶場。即此一在縣東三十里。

舒嘯亭

舒嘯亭舊在德興縣治東雷山巔。旁有岩曰香石岩。有洞曰黃龍。右有天池。闊僅尋尺。盛夏隆冬。其水不竭。左有涸池。深數尋。雖久雨不注。勺水。宋蘇軾詩云。一勝覽雷山舒嘯亭。一即此。

登高山

登高山在奉新縣治北百步。又名龍山。又名獅山。其巔平坦。舊爲射圃。每九月九日。士女登高於此。山北有井曰馮井。舊有牆延袤數百尺。俗呼倉城。相傳漢時馮氏倉場故址。

華林山

華林山在奉新縣西南五十里。三峯聳峻。高險危秀。周迴百里。山腰有李八百石洞。洞南舊有浮雲宮。宮前有劍池。丹井。相傳浮邱公嘗隱居於山。

藥王山

藥王山在奉新縣西北五十里。登山必盤險而上。及頂平濶。可二十里。中有湖水。澄深無底。湖岸舊多花木。風景頗佳。西南有琵琶峯。雷公岩。鄒公洞。龍鬚洞。鳳凰池。諸勝。

桃源山

桃源山在靖安縣西北四十里。勝概宛若武陵。上有仙姑壇。及龍鬚藥臼。車廟等九洞。其水注下。南與毛竹礫水合。唐校書郎劉育虛嘗居此。號爲孝弟鄉。或曰是宋支離翁劉子虛居址。相近爲石門山。山舊有寶峯院。唐權德輿有碑記。又有名山。洪芻祐聖院記云。右鶴嶺而左名山。長溪出焉。

魯溪山

魯溪山在武寧縣東北七十里。枕魯溪上。有石佛洞。幽邃嵌空。有樓閣宮闕之狀。峭壁環奇。龕象交列。有真仙古佛之容儀。雖絕世工巧。追琢不能及。

攝仙山

攝仙山在修水縣西七十里。中有二巖。巖各有穴。下有龍潭。相近爲巉巖。山中有四十餘穴。每天晴穴內風出。子午卯酉時尤盛。

龍門山

龍門山在修水縣東北三十里。洞穴玲瓏。寬廣可通行人。下有清水巖。多產蕙蘭。黃庭堅以爲天下絕勝處。

南山

南山在修水縣南二里。上圓下方。懸崖峭壁。下瞰修江。崖口有藏龍洞。下有釣磯及玉溜積雪石。

黃庭堅墓

黃庭堅墓在修水縣西二十五里雙井。庭堅字魯直，號山谷道人。宋分寧（即修水）人。幼警悟，舉進士，官葉縣尉。紹聖初，出知鄂州。章敦、蔡卞惡之，貶涪州別駕。徽宗初，知太平州，復謫宜州卒。庭堅性篤孝，與張來、晁補之、秦觀俱遊蘇軾門，天下稱爲四學士。而庭堅尤長於詩，稱大家。世以之配軾，號爲蘇黃。其行草亦有名於世。

中華名勝古蹟終



中華名勝古蹟 第十編 江西



Ensemble espagnol





上海
大陸圖書公司印行

MG
k928.7
1
204



3 1764 4683 3

中華名勝古蹟續編目錄

第十一編 浙江

一 錢塘

..... 一一一九

玉皇山 雲泉山 水樂洞 呼猿洞 子謙墓 三烈士墓 臨平山 臨平湖

西山 東山 占鰲塔 九鐵牛 惠力寺 淨妙寺 覺王寺 西巖山 申屠山

孫鍾墓 天柱山 徑山 天目山 玲瓏山 九仙山 衣錦山 玉仙洞 吳

越王墓 石柱山 西菩山 仙坑山 千頃山 幻居庵 古銅如來像 曝書亭

東園 魏忠節祠 石帆山 金粟寺 千瑩墓 道場山 何口山 西塞山

窪橋亭 趙孟頫故里 顧渚山 石壁山 塔山 蔭山 碧隴 六洞橋 天池

廟

二 會稽

..... 一九一四一

中華名勝古蹟 第十一編 目錄

一

大梅山 阿育王山 天封塔 密雲塔 慈湖 姜西溟故里 隱潭 靈巖山
龍洞 靈石 會稽山 法華山 雷門 雲門山 夏禹陵 陸游故里 王守仁
墓 大山 石巖山 覺苑寺 五觀山 鐵厓山 祭忠臺 靈緒山 明塘湖
鳳鳴山 蘭芎山 東山 白馬湖 剡山 金庭湖 三懸潭 沃洲山 天姥山
石城山 括蒼山 玉峴山 龍公嶼 芙蓉洞 二徐墓 三誓山 赤城山
瀑布山 銅壺滴漏 國清寺 真覺寺 高明寺 大佛字 拜經臺 銅殿 合
掌巖 萬年寺 善興寺 萬安院 閩風臺 方孝孺故里

三

金華

四一—四八

洞巖山 紫霞山 方巖山 陳亮讀書處 石龍潭 劉巖 寶掌山 福民山
王質遇仙處 趙抃宅 龍邱山 白巖 目蓮洞 孤高亭 羨山 金紫峯 瑤
林洞 一指石 方干故里 謝翱墓 靈巖山 大悲巖 慶雲山

四

甌海

四八—五八

赤水山 東山堂 讀書堂 南明山 溪雨亭 石門山 方山 浣紗溪 劉基墓
仙都山 玉蓮山 湖山 靈泉洞 新嶺鳳凰山 疏華山 大滌 福全山
鰲山閣 西滌山 天冠峯 鐵城嶂 靈雲寺 淨名寺 燕尾瀑 石門潭
聽詩叟巖 老僧巖 龍鼻洞 羅漢洞 石梁洞 龍湫 王十朋墓 南雁蕩山
白雲山

中華名勝古蹟 第十一編 目錄

四

中華名勝古蹟續編

第十一編 浙江

一 錢塘

玉皇山

玉皇山在杭縣。與鳳凰山相近。巔有玉皇宮。山腰有七星缸。鐵質。外鑄符籙。排列如北斗星狀。以杭垣多回祿。清雍正時。總督李衛從形家之言。特置之。以鎮壓火警者也。

雲泉山

雲泉山在杭縣南二十里。定山之西。楊村。一名壘山。有二洞。上洞曰風水洞。以炎暑時。颼颼有風。故名。中多石子。紅點如硃。持出即隱。置於內如故。

水樂洞



水樂洞在杭縣南高峯西煙嶺霞下。虛圻空曠。泉水清甘。左發右瀉。聲如金石。宋熙寧二年。守鄭辦名曰水樂。今洞口有隸書清響二字。不知何人所鐫。洞旁有寺曰水樂。又名點石庵。中有缸曰萬年。相傳初以尋常之缸嵌於石。歲月深遠。乃與石合。因名。

呼猿洞

呼猿洞在杭縣靈隱山下。廣丈許。高二尺。宋僧智一善嘯。嘗養猿於山間。臨澗長嘯。衆猿畢至。好事者每來施食云。

于謙墓

于謙墓在杭縣西三臺山麓。明成化二年於墓側建祠。曰旌功。每秋月杭人蠲潔於祠中。祈夢最驗。祠有王陽明聯云。一赤手挽銀河。君自大名垂宇宙。青山埋白骨。我從何處哭英雄。一按謙字廷益。明錢塘人。永樂進士。宣德初授御史。累官兵部左侍郎。瓦剌入寇。英宗北狩。郕王監國。遷兵部尚書。徐理

倡議南遷。謙厲聲折之。守議遂定。時中外洶洶。獨倚重謙。景帝遂敕謙提督各營軍馬。五刺兵逼京師。謙身督諸軍力戰却之。論功加少保銜。五刺因遣使議和。卒還上皇。謙之力也。後英宗復位。謙爲石亨輩所誣。論棄市。籍沒。成代初復官。宏治初。加太傅。諡忠愍。萬曆中。改諡忠肅。清王景彝嘗作詩云。「人將忠肅方忠武。我道明宗似宋宗。留下西湖雙憾事。老僧憤打夕陽鐘。」蓋慨乎言之也。

三烈士墓

三烈士墓在杭縣孤山東。墓毘連起三頂。中爲徐烈士錫麟。兩旁一爲陳烈士伯平。一爲馬烈士子畦。咸有石碑。三烈士皆紹興人。倡革命而死者也。相近有竺烈士紹康墓。及南京陣亡將士墓。

臨平山

臨平山在杭縣東北臨平鎮。一名梁王山。亦稱邱山。唐嘗置臨平監於山下。

山平曠逶迤。無崇岡。修阜。上有龍洞。世傳古時龍見於洞。宋高宗南渡。嘗避難於此。山下有淬石。俗稱錢王磨劍石。

臨平湖

臨平湖在臨平山下。本名東湖。吳赤烏二年。寶鼎現於湖。因名鼎湖。宋謝翱沈文天祥綠端蟬腹硯於鼎湖。卽此。

西山

西山在海寧縣東北六十里。一名硤石山。下有硤石鎮。唐白居易嘗登此。名之曰紫微山。(居易曾官中書舍人。中書省唐嘗改爲紫微省。故名)有紫微洞。登眺臺。白水泉。百步石。盤陀石諸勝。並有唐章孝標留題上方山詩。暨宋右班殿直監澈浦鎮稅兼煙火局樊世卿書紫微山兩石刻。山有四景。曰紫微春曉。西寺煙鐘。丹井流霞。鶴亭仙洞。

東山

東山在海寧縣東北六十里。硤石鎮。東接海鹽縣界。以宋臨海南陽二郡太守沈景葬此。又名沈山。有試箭嶺。觀海峯。唱石岩。冷雲窩。萬石窩。石屋洞。智標塔。顧况讀書臺。天眼泉。眠雲石。眠牛石。諸勝。山有六景。曰。碧雲夕照。智塔穿霄。書巖疊翠。劍池寒潭。東岳霽雪。北亞晴巒。齊海鹽令周顥嘗登山。謂其林境清麗。亞於鍾山。故山北一名北亞山。北亞晴巒卽在於此。舊曾有周顥宅。上說六景與西山四景並。南山之桃源著雨。南湖之南湖夜月。號爲硤石十二景。

占鰲塔

占鰲塔在海寧縣大東門外。高十五丈。廣九丈六尺。明萬曆四十年建。登頂遠眺城市。歷歷全收眼底。

九鐵牛

九鐵牛在海寧縣。清雍正八年。總督李衛鑄五頭。乾隆六年。巡撫張若震鑄

四頭。

惠力寺

惠力寺在海寧縣硤石鎮。山門外幢石有唐白居易題名。寺內有迴文壁。砌紋如織。歷年久遠而不損壞。相傳爲公輸神迹。

淨妙寺

淨妙寺在海寧縣周王廟地方。寺殿側有北齊武帝永明時海魚肋骨一事。長十餘尺。歷年一千四百數十歲。固亦一古物矣。又有大銀杏二株。乃宋理宗嘉熙時所栽。

覺王寺

覺王寺在海寧縣長安鎮。距滬杭甬鐵道長安站可半里。舊名正覺。有三國吳帝孫權第三女魯育墓。墓甃相傳可作硯。

西巖山

西巖山在富陽縣北三十里。山壁峻峭。瀑布飛流其間。自左而下。地平如掌。風環水繞。奇秀插天。當篠嶺大路之西。岩下有洞。洞口有池。早晚與潮應。有葛洪煉丹鼎。山下有石扣之。鏘然。人號石鼓。

申屠山

申屠山在富陽縣西南五十餘里。高三百丈。峯巒重疊。端若拱揖。湍水怪石。千巧萬狀。中有平田。如設萬席。漢申屠剛。申屠璠皆結廬於此。後其子孫家焉。

孫鍾墓

孫鍾墓在富陽縣陽平山。鍾富春人。性至孝。種瓜爲業。嘗有三少年詣鍾乞瓜。謂鍾曰。此山下作冢。當出天子。君下山百步許。顧見我去。即可葬也。鍾去三十步。便反顧。見三人並成白鶴飛去。鍾志之。及卒。葬焉。墳上嘗有紫雲。蔓延數里。人謂孫氏其興矣。後其孫堅爲吳郡別駕。堅之子權稱吳帝。與蜀魏

成鼎足之業。

天柱山

天柱山在餘杭縣西二十里。與大滌山相峙。道書謂爲五十七福地。四面陡絕。中突一峯。聳翠參天。山後有仙人洞。冬溫而夏涼。中有石鐘石桌石凳之屬。壁間刻有佛像。山之前則青壇山。不甚高而泉石奇秀。其連麓者爲九鎖山。紆迴曲折。舊有洞霄宮。今已毀圮。僅存基石。

徑山

徑山在餘杭縣西北五十里。南去臨安縣三十里。高三千餘丈。周五十里。乃天目山之東北峯。以山徑通天目而名。有東西二徑。盤折而上。各高十里許。七峯羅列。最爲幽勝。其地最高。浙西諸山皆在其下。宋高宗孝宗皆嘗遊於此。七峯者。左曰晏坐。曰朝陽。右曰鵬搏。曰凌香。曰御愛。北曰天顯。前曰堆珠。而凌霄最高。秀爲山之主峯。又有暘石岩。玉芝岩。冷凡。隴石。壁隴。千丈坊。積

雪坑、明月池、洗硯池、甘露泉、龍鼻泉諸勝。其風嘯嶺則在山南。塔下爲臨安大道。東有直嶺通邑成。

天目山

天目山在臨安縣西北五十里。與於潛縣接界。卽古浮玉山也。有兩峯。峯頂各有一池。左右相對。因名天目。道書爲三十四洞天。名太微元蓋洞天。屬於臨安者。曰東天目。高三十九百丈。有大仙將軍寶珠等峯。洗眼、浮玉、白龍、煉丹等池。瀑布、玉劍等泉。有八景。曰仙峯遠眺、雲海奇觀、經臺秋風、平溪夜月、蓮花石座、玉劍飛橋、懸厓瀑布、古殿棲雲。山下有許邁修真處。有古剎曰昭明寺。梁建。歷代重修。至今尙存。相傳梁昭明太子修禪處。清雍正中。世宗題匾曰普昭大千。又有紫陽宮。亦梁時建。本名太清宮。宋宣和間改。相傳張紫陽修煉處。西天目屬於潛。在縣北四十五里。高二千五百丈。有十二龍潭、三十六洞。其峯有翔鳳、天柱、玉柱、香爐、象鼻。巖有獅子、響水、紫微、芝草。石有石

城石門石室石鼓石版等。山南有張道陵隱室。獅子巖石有禪源寺。元建本名獅子正宗寺。清雍正十年改。

玲瓏山

玲瓏山在臨安縣西七里。兩山屹立。盤屈凡九折。山有蘇軾手筆刻石厓。並有蘇軾黃山谷佛印像碑。左折有石佛三尊。右上有禪院。院旁有泉。泉蓄金魚。

九仙山

九仙山在臨安縣西南十二里。山有碁盤石。相傳有樵夫入山采薪。觀八人碁於石上。久之歸去。抵家已闕八十年矣。於是意八人或卽所謂八仙乎。重入山覓之。至原處。果仍在。遂不復下山。後人因名山曰九仙。宋蘇軾嘗遊此。有宿九仙山詩。詩注云。九仙左元放許邁王謝之流也。

衣錦山

衣錦山在臨安縣南一里。木名石鏡山。山有石鏡。徑有二尺二寸。其光如鏡。鑿物分毫不差。相傳錢鏐少時遊此。顧其形服冕旒如王者狀。其後唐昭宗升衣錦營爲衣錦城。並改石鏡山曰衣錦山。錢鏐遊衣錦城。宴故老山林。皆覆以錦。號其功所戲大木曰衣錦將軍。

玉仙洞

玉仙洞在臨安縣南四十里。洞深二十餘丈。峻壁擁石高十餘丈。左青右蒼。有玉芝寶座及仙人跡二柱。屹立。色甚潔白。因名玉山。

吳越王墓

吳越王墓在臨安縣治東北之安國山下。墓高聳如阜。正對功臣山之功臣塔。墓前有石碑暨石人石虎之屬。或云此係僞冢。其真墳實在縣署二門左首之地下。安國山一名太廟山。舊有吳越王太廟。今關岳廟。其故址也。內有石室。傳係唐時遺物。吳越王故里。卽在縣南二里之石鏡鎮。唐昭宗名其鄉。

曰廣義。里曰勳貴。

石柱山

石柱山在於潛縣東北五里。爲縣主山。上有石天然成柱。高二丈。闊一丈。有古篆十數字。

西菩山

西菩山在於潛縣西十三里。九嶺交陳。雙峯對峙。中有飛泉三疊。怪石萬狀。其西有煉丹岩。石色赭赤。屹立萬仞。岩下有石室。

仙坑山

仙坑山在新登縣西二十里。產茶。下有蛻龍洞。洞門九重。其深莫測。中有躍龍池。相傳昔人得龍蛻骨於此。相近有濠山。一名嶠山。周七十里。有岩洞泉池之勝。

千頃山

千頃山在昌化縣西北六十里。高一千六百尺。綿亙六十里。嶺有龍潭。廣數百畝。中有金銀魚。左有藥利峯。壁立孤峭。其連屬者曰大鶴山。勢凌霄漢。上有龍池。濶三百畝。與千頃皆接安徽寧國縣界。

幻居庵

幻居庵在嘉興縣東門外。剎搭坊內。舊藏有明季八十三人合書華嚴經全部。後缺第四十九卷。曹三才補寫之。

古銅如來像

古銅如來像在嘉興縣城內楞嚴寺中。又有石刻玉皇像。在城內玄妙觀中。皆古代物。

曝書亭

曝書亭在嘉興縣。距澉杭甬鐵道嘉興站北一里半。乃清朱彝尊讀書處。亭側有祠。祠有絹本石刻泥塑三遺像。其墓今在百花莊。按彝尊字錫鬯。清秀

水人。少穎悟。書過目輒成誦。肆力古學。康熙十八年召試博學鴻詞。授檢討。入直內庭。未幾罷歸。彝尊博極羣書。尤長於攷據。爲詩清新瞻麗。與新城王士正齊名。所著有經義考。曝書亭集。日下舊聞。明詩綜。凡數百卷。

東園

東園在嘉善縣。距滬杭甬鐵道嘉善站西南三里。本息園故址。中多花木庭院之勝。遊客綦衆。

魏忠節祠

魏忠節祠在嘉興縣。距滬杭甬鐵道嘉善站西南三里。祠有所遺大書案。上有被逮時所斫刀劍痕。其墓今在雲字圩。按忠節名大中。字孔時。明嘉善人。自爲諸生。讀書砥行。從高攀龍受業。家酷貧。意豁如也。登萬曆四十四年進士。官行人。數奉使。秋毫無所擾。天祐初。屢遷吏部科都給事中。居官不以家自隨。二蒼頭給爨。入朝則鍵其戶。寂無一人。有外吏以苞苴至。舉發之。自是

無敢及其門者。未幾，楊漣疏劾魏忠賢。大中亦率同官上章極論忠賢不法。遂坐受賄被逮。與楊漣、左光斗同夕爲獄卒所斃。人共冤之。毅宗卽位，贈太常卿，諡忠節。

石帆山

石帆山在海鹽縣西南三十二里，澉浦鎮南三里。屹立海中，如張帆然。山之東爲鷹窠頂山，一名南陽山，絕頂可望日出。

金粟寺

金粟寺在海鹽海西南金粟山下。吳大帝赤烏中，因康僧建。明宋濂有記。清康熙五年重修。寺舊有藏經，其頁內襯紙甚佳。書畫家皆珍之。

干瑩墓

干瑩墓在海鹽縣西南四十里。瑩，干室父也。志怪錄云：吳散騎常侍干室父瑩死，以婢殉葬。經十年而母喪，開墓，其婢伏棺上，不死。舁還家，經日而甦。室

嘗著無鬼論。至是撰搜神記焉。此事殊怪誕不可信。錄之燕供遊歷其地者。以資談助云耳。

道場山

道場山在吳興縣西。舊名雲峯。後建僧舍。因改名。山頂有塔。下有伏虎岩。一掬泉。虎跑泉。瑤席池。其山峯巒秀鬱。水石森爽。殊爲佳絕。

何口山

何口山在吳興縣南。又名何山。昔名金蓋山。晉何楷居此。修孺業。後爲吳興太守。改金蓋爲何山。王象之云。山與道場山相接。最爲吳興勝遊。然道場之勝在山巔。何山之勝在山下。故蘇軾詩有道場山頂。何山麓之句。

西塞山

西塞山在吳興縣西南二十五里。有桃花隔。下有凡常湖。唐張志和遊釣於此。嘗作漁父詞。有一西塞山前白鷺飛。桃花流水鱖魚肥。青箬笠。綠簑衣。斜

風細雨不須歸」之句。

窪樽亭

窪樽亭舊在吳興縣峴山。山有石樽。可容斗酒。唐李適之爲湖州別駕。嘗飲於此。後顏真卿爲刺史。與門生弟姪來遊。作李相石樽聯句。大厯中。建亭其上。

趙孟頫故里

趙孟頫故里在吳興縣甘棠橋南。其別業曰蓮花莊。舊在月河西。四面陂水環繞。中多植蓮。按孟頫字子昂。號松雪道人。湖州人。本宋宗室。舉進士爲潤州錄事參軍。宋亡。降元。累官翰林學士承旨。卒諡文敏。追封魏國公。孟頫博通經史。工詩能文。善書法。褚米。又善山水。爲畫家南宗。夫人管氏。亦能書畫。

顧渚山

顧渚山在長興縣西北四十七里。山周十二里。有峽曰明月峽。石壁峭立。澗

水中流。茶生其間。稱爲異品。茶譜陸龜蒙嗜茶。置園於顧渚山下。卽此。

石壁山

石壁山在德清縣東北三里。巨石直下如峭壁然。故名。山有靈泉。亦名半月泉。宋蘇軾嘗遊於此。賦詩。手書刻石。

塔山

塔山在武康縣莫干山。實莫干山之主峯也。晉嘗建塔於此。故名。上山之路。殊平坦可行。徑如螺形。其巔可遙望錢塘江。太湖。相近有公園在焉。按莫干山去武康縣北二十七里。相傳吳王鑄劍於此。劍號莫邪。干將。因名。

蔭山

蔭山亦在莫干山。有盤磴四百二十八級。因又名百步嶺。大輿塔山略等。惟差低耳。山麓有瀑布奔湍而下。入於溪澗。

碧隴

此。碧陽在莫千山揚陽坑之西。亦有瀑布。相近有龍潭。潭水清潔。西人恒浴於

六洞橋

六洞橋在莫千山。橋有六洞。因名。又稱大堰橋。橋上有窗牖。憑之四望。風景清幽。橋前有指月庵。一古刹也。

天池廟

天池廟在莫千山。廟旁有三池。廟前有唐代銀古樹。蝙蝠洞。仙人洞。即與廟相近。

一一 會稽

大梅山

大梅山在鄞縣東南七十里。相傳漢梅子真隱於此。有石洞。仙井。藥爐。丹竈遺跡。

阿育王山

阿育王山在鄞縣東四十里。晉太康中并州人劉薩訶得阿育王舍利。建塔於此。塔下有寺。曰阿育王寺。又有宸奎閣。藏有宋仁宗御書蘇軾撰碑記。

天封塔

天封塔在鄞縣治東南天封寺。唐建。高十八丈。登塔遠眺全城。一覽無餘。

密雲塔

密雲塔乃密雲祖師瘞骨處。在鄞縣天童山天童寺相近之南山。另有禪院陳列祖師所遺之錫杖雲履等。其履之長度達一尺以上。

慈湖

慈湖在慈谿縣東北十里。唐開元間縣令房瑄鑿以溉田。廣一百五十畝。因縣名慈。又以吳太子太傅闕澤德潤舊居。故一名闕湖。亦曰德潤湖。舊有慈湖書院。建於上。倚山面水。景色清佳。

姜西溟故里

姜西溟故里在慈谿縣治南福聚橋東。西溟名宸英。一字澹園。清慈谿人。少工詩古文。精書法。爲諸生時。已名徹九重。聖祖嘗謂侍者曰。江南三布衣。尙未仕耶。三布衣者。秀水朱錫鬯。無錫嚴繩孫。及先生也。先生性高介。爲當道所梗。偃蹇不得志。康熙丁丑成進士。授編修。年已七十矣。其文雅健。有宋人意。詩宗浣花。而參以玉局。以盡其變。書法鍾王。精妙入神。著有江防海防總論詩文等集。

隱潭

隱潭在奉化縣西北六十里。潭有三。兩厓相抗。壁立數百仞。瀑下如雷。上有巨岩隆起。半覆潭上。旁有石筍。高聳天空。號石筆峯。

靈岩山

靈岩山在象山縣西南四十五里。岩石奇怪。極具天巧。有瀑布倒流百餘丈。

龍洞

龍洞在象山縣東南二十五里。洞中有石室。廣可數丈。天將雨。水如雷鳴。聲聞十數里。

靈石

靈石在定海縣普陀山靈石禪院。登石遙瞻。前山風景。盡收眼底。相近又有大士說法石。五十三參石。點頭石。皆突兀玲瓏。形態詭怪。

會稽山

會稽山在紹興縣東南。水經注。會稽山古防山也。又曰棟山。越絕書。棟猶鎮也。隋書。開皇十四年。詔以會稽山爲南鎮。史記。秦始皇二十七年。出遊上會稽。祭大禹。望于南海。而立石刻。頌秦德。其文曰。一皇帝休烈。平一宇內。德惠修長。三十有七年。親巡天下。周覽遠方。遂登會稽。宣省習俗。黔首齊莊。羣臣誦功。本原事跡。追首高明。秦聖臨國。始定刑名。顯陳舊章。初平法式。審別職

任。以立恆常。六王專倍。貪戾愾猛。率衆自彊。暴虐恣行。負力而驕。數動甲兵。陰通間使。以事合從。行爲辟方。內飾詐謀。外來侵邊。遂啟禍殃。義威誅之。殄熄暴悖。亂賊滅亡。聖德廣密。六合之中。澤被無疆。皇帝并宇。兼聽萬事。遠近畢清。運理羣物。考驗事實。各載其名。貴賤並通。善否陳前。靡有隱情。節省宣義。有子而嫁。倍死不貞。防隔內外。禁止淫泆。男女絜誠。夫爲寄緹。殺之無罪。男秉義程。妻爲逃嫁。子不得母。咸化廉清。大治濯俗。天下承風。蒙被休經。皆遵度軌。和安敦勉。莫不順令。黔首修潔。人樂同則。嘉保太平。後敬奉法。常治無極。輿舟不傾。從臣誦烈。請刻此石。光垂休銘。一其石刻。舊在刻石山。卽鵝鼻山。晉王彪之嘗登刻石山。有詩曰。一隆山嵯峨。崇巒岩嶮。傍觀滄洲。仰拂元霄。文命遠會。風淳道遠。秦皇遐巡。邁茲英豪。宅靈基阿。銘跡峻嶠。青陽曜景。時和氣淳。修嶺增鮮。長松挺新。飛鴻振羽。騰龍躍鱗。一

法華山

法華山在紹興縣西南二十五里。十峯聳峙。下有雙澗。唐李紳詩：「十峯挂碧落。雙澗縈清漣。」即謂此。

雷門

雷門卽紹興縣之五雲門。會稽記：雷門上有大鼓。圍二丈八尺。聲聞洛陽。孫恩之亂。爲軍人破。有雙白鶴飛出。後不鳴。漢書所謂毋持布鼓遇雷門。卽此。

雲門山

雲門山在紹興縣南。亦名東山。晉王獻之嘗居之。義熙三年。有五色祥雲見。安帝詔建寺。號雲門。明天啟中重建。相傳昔智永僧居寺。臨書。凡三十年。所退筆頭五大瓮。葬之。號退筆冢。人來乞書如市。戶限爲之穿。用鐵裹之。時人謂之鐵門限。宋陸游常作雲門寺記。言寺之沿革。山之泉石。綦詳。茲特錄之於下。不特可資考鏡。抑亦可知今昔之盛衰。與山永之勝概。文曰：「雲門寺自晉唐以來。名天下。父老言昔盛時。繚山並溪。樓塔重複。依岩跨壑。金碧飛

躡居之者忘老。寓之者忘歸。遊觀者累日乃徧。往往迷不得出。雖寺中人或旬日不想觀也。入寺稍西。石壁峰爲看經院。又西爲藥師院。又西繚而北。爲上方。已而少衰。于是看經別爲寺。曰顯聖。藥師別爲寺。曰雍熙。最後上方亦別曰壽聖。而古雲門寺。更曰淳化。一山凡四寺。壽聖最小。不得與三寺班。然山尤勝絕。遊山者自淳代。歷顯聖。雍熙。酌鍊丹泉。闕筆倉。追想葛稚川。王子敬之遺風。行聽灘聲而坐。蔭木影。徘徊好泉亭上。山水之樂。饜飫極矣。而亭之旁。始得支徑。逶迤如線。修竹老木。怪藤醜石。交覆而角立。破崖絕澗。奔泉迅流。噉呀而噴薄。方暑凜然以寒。正晝仰視。不見日景。如此行百餘步。始至壽聖。巖然孤絕。老僧四五人。引水種蔬。見客不知拱揖。客無所主而去。僧亦竟不知辭謝。好奇者。或更以此喜之。今年予來南。而四五人者。相與送予。至新谿。且曰。吾寺舊無記。願得君之文。磨刻崖石。予異其朴野而能知此也。遂與爲記。

夏禹陵

夏禹陵在紹興縣會稽山。越絕書禹巡狩大越。死葬會稽。葦榔桐棺。穿壙七尺。壇高三尺。土階三等。延袤一畝。宋太祖乾德四年。詔吳越立禹廟于會稽。置守陵五戶。明太祖洪武九年。禁人樵採。設陵戶二人。清康熙二十八年。聖祖南巡。親詣祭告。御書地平天成四大字。勒石陵前。

陸游故里

陸游故里在紹興縣西九里三山。地名西邨。其墓在盧家壩。游字務觀。宋山陰人。佃之孫。年十二能詩文。廕補登仕郎。試禮部置前列。爲秦檜所嫉。檜死。始以薦除敕令所刪定官。孝宗初。遷編修官。召見。賜進士出身。以忤和議。出爲通判。范成大帥蜀。游爲參議官。以文字交。不拘禮。人譏其放。因號放翁。累陞寶章閣待制。致仕。游才氣超逸。尤長於詩。所著有劍南渭南等集。行於世。

王守仁墓

王守仁墓在紹興縣南花街洪溪。守仁字伯安。明餘姚人。登宏治進士。授刑部主事。改兵部。後巡撫南贛。甯王宸反。起兵勸王擊破之。以功拜南京兵部尙書。封新建伯。繼又平思恩田州土酋蘇受之亂。後卒於南安。隆慶初。追諡文成。守仁天姿異敏。其學以良知良能爲主。稱姚江派。嘗築室陽明洞。世稱陽明先生。

大山

大山在蕭山縣西南九十里。盤互深遠。一名長山。其南最高者曰鏡臺山。一名白石山。又名筆架山。許詢隱居之所。有元度岩。仙人洞。草木可療疾。因又名百藥山。

石岩山

石岩山在蕭山縣西南十二里。其形如獅。自湘湖中望之。狀態畢肖。因又名獅子峯。獅頭之下。有圓石在河中。四面環水。俗名獅子球。明劉基嘗登山賦。

詩。

覺苑寺

覺苑寺在蕭山縣治東北。香火甚盛。有遠自數百里而來者。寺有大悲閣。宋沈遼爲記。又有胡舜臣畫水壁。相近有祇園寺。亦大叢林也。晉成帝咸和六年許詢捨宅建。號崇代寺。舊有閣藏宋仁宗御書。莫宗治平二年改今額。

五洩山

五洩山在諸暨縣西五十里。西接浦江。富陽兩縣界。有泉沿厯五級。下注溪壑。故名五洩。山勢深遠。巖石峻峭。有十六峯。二十五岩。洞谷溪澗之屬。不可勝紀。俗名小雁宕。有寺曰五洩。明宋濂爲碑記。寺有水龍畫。卷而深藏。世傳展舒則大雨。相近有龍潭。晦冥不見底。俗傳龍潛於此。

鐵厓山

鐵厓山在諸暨縣東六十里。岡巒澗壑。盤紆數里。上有二峯。一峯名柯公尖。

有龍湫。一峯岩石峻立。色如鐵。元末楊維禎居此。因以爲號。按維禎字廉夫。諸暨人。初號梅花道人。繼號鐵笛道人。泰定進士。署天台尹。明洪武初。召修禮樂書。作老客婦謠。以見意。詣闕留百餘日。所纂敘例略定。卽乞歸。維禎以詩名。擅一時。當時詩格纖靡。維禎以雄桀之才。挽救之。自成一體。號鐵厓派。所著有鐵厓古樂府等書。

祭忠臺

祭忠臺在餘姚縣龍泉山絕頂。明英宗正統間。王振用事。翰林侍講安福劉球上疏死。餘姚成器與劉素不識面。率同志祭之。因名陳俎豆之石曰祭忠臺。旁刻三大字。王守仁書。

靈緒山

靈緒山在餘姚縣治西。一名嶼山。以上有龍泉。又名龍泉山。爲姚江四靈之一。三峯挺秀如畫。南俯姚江。上有龍泉禪寺。晉成帝咸康二年建。舊有唐虞

世南碑。寺後有更好亭。宋高宗嘗遊此。曰風景更好。因建亭名更好焉。

明塘湖

明塘湖在餘姚縣東北十八里。一名淡水湖。又稱燭溪湖。亦曰獨溪湖。東西南三面距山。惟東北一面爲湖塘。周二十餘里。湖西南一曲。又名梅塢。湖有八景。曰漾塘煙柳、孤山雪梅、顯沙聚鷺、梅澳歸龍、夾溪仙燭、航渡漁舟、白雪、霽月、翠屏晴嵐。

鳳鳴山

鳳鳴山在上虞縣東南十餘里。下有鳳鳴洞。高闊丈餘。深數十丈。雙崖峭聳。懸石若墜。飛泉噴瀑。若冰柱水簾。

蘭芎山

蘭芎山在上虞縣西北二十八里。一名蘭風山。山有三嶺。枕帶長江。相傳葛洪遜世居之。琅琊王方平性好山水。亦嘗垂釣於此。山下有倪子巖。乃明倪

文正公元璐讀書處。

東山

東山在上虞縣西南四十五里。巍然特出。衆峯拱抱。登陟幽阻。至其巔。則軒豁呈露。萬峯林立。煙海渺然。晉謝安所居。旁有薔薇洞。洗屐池。相傳安攜妓遊宴之所。孫盛晉陽秋云。安家于會稽上虞縣。優游山林六七年。聞徵召不至。卽指此山。其故居卽舊國慶寺址。

白馬湖

白馬湖在上虞縣西北。覆蓋湖南。湖築隄屢圯。民以白馬祭之。故名。一名漁浦湖。相傳創自東漢。周四十五里。三面皆山。三十六澗之水。悉匯於湖。中有三山。曰癸巳山。羊山。月山。風景殊清勝。

剡山

剡山在嵊縣治後。北峯名星子。四山迤邐。孤岑獨出。稍下名白塔。支隴延袤。

十數里。俗傳秦始皇東游使人剷此山。以洩王氣。今山南剡坑是也。其南二里曰鹿胎山。縣治跨其麓。宋朱子登眺其上。題曰溪山第一。

金庭洞

金庭洞在嵯縣東七十里之金庭山。道書以爲第二十七洞天。金庭洞舊名桐柏山。周四十里。天台華頂之東門也。岩谷深幽。林泉清勝。

三懸潭

三懸潭在嵯縣西南貴門山中。四山石壁如劔。丹翠萬狀。山半泉湧如噴。瀧爲三潭。最幽勝。貴門山本名鹿門山。宋朱子改。

沃洲山

沃洲山在新昌縣東二十五里。高百餘丈。北通四明山。與天姥山對峙。道書以爲第十二福地。有放鶴峯。養馬坡。相傳支遁放鶴養馬處。唐懿宗咸通初。裘甫作亂。嘗據此爲寨。唐白居易沃洲山禪院記云。沃洲山在剡縣南三十

里禪院在沃洲山之陽。天姥岑之陰。南對天台。而華頂赤城列焉。北對四明。而金庭石鼓介焉。西北有支遁嶺。而養馬坡放鶴峯次焉。東南有石橋溪。溪出天台石橋。因名焉。其餘卑岩小泉。如子孫之從父母者。不可勝數。東南山水。越爲首。剡爲面。沃洲天姥爲眉目。夫有非常之境。然後有非常之人。棲焉。晉宋以來。因山洞開。厥初有羅漢僧西天竺人白道猷居焉。次有高僧竺潛。支道林居焉。次又有乾興。凡十八僧居焉。高士名人。有戴逵。王洽。劉恢。許元度。殷融。鄒超。孫綽。桓彥表。王敬仁。何次道。王文度。謝長霞。袁彥伯。王蒙。衛玠。謝萬石。蔡叔子。王羲之。凡十八人。或游焉。或止焉。故道猷詩云。連峯數千里。修林帶平津。茅茨隱不見。雞鳴知有人。謝靈運詩云。暝投剡中宿。明登天姥岑。高高入雲霓。還期安可尋。蓋人與山相得于一時也。自齊至唐。茲山變荒。靈境寂寥。罕有人游。故詞人朱放詩云。月在沃洲山上。人歸剡縣江邊。劉長卿詩云。何人住沃洲。此皆愛而不到者也。觀此。則沃洲山爲高僧隱士。

游棲之所。而林泉勝景。概可知矣。（按陳縣五代以前曰剡縣。新昌秦爲剡縣地。吳越始置縣。）

天姥山

天姥山在新昌縣東五十里。高三千五百丈。周六十里。自括蒼山盤互數百里。至關嶺入縣界。東接天台華頂峯。西連沃洲山。寰宇記云。登此山者。或聞天姥歌謠之聲。道書以爲第十六福地。其最高峯曰撥雲尖。西五里爲蓮花峯。高二千五百丈。周三十里。

石城山

石城山在新昌縣南四里。一名南明山。吳越時改前名爲石城。危巖攢簇。石壁千仞。天台之西門也。自石牛鎮而入。有紫芝天井月峽諸勝。又有夾溪塘。白岩陽隱岳洞。宋朱子嘗建濯纓亭其上。

括蒼山

括蒼山在臨海縣西南四十里。接仙居縣界。周二百里。巖石聳天。林壑幽邃。一名真隱山。又名天鼻山。亦名蒼嶺。神仙傳。王方平居崑崙。往來羅浮。括蒼山。宋元嘉中。嘗遣名畫寫狀于團扇。

玉峴山

玉峴山在臨海縣東一百七里。舊名黃石。一名黃礁。中有石澗。可容數百人。四圍多林木。陰翳蔽天。山中洩水九層。沿崖注落如白練。東南有鍾乳穴。極幽邃。

龍公嶼

龍公嶼在臨海縣西北七里。壁下有竇。相傳神龍於此出入。天霽常有雲霧。細雨。下有大湫。巖上鑿有石龍竇二字。

芙蓉洞

芙蓉洞在臨海縣東一百四十里。洞有二。形如石鼓。大小相連。近西三四里。

有巨石。高十餘丈。屹立其巔。下有石室。方二丈。玲瓏上通。俗呼穿巖。

二徐墓

二徐墓在臨海縣東南六十九里白巖山。朱子過此。弔以詩。大書有宋高士。二徐先生墓。按二徐卽徐中行及子庭筠也。二徐並有孝行。篤學好善。隱居不仕。范純仁嘗薦中行於司馬光。光謂神清氣和。可與進道。

三疊山

三疊山在黃巖縣西六十里。周二十餘里。分上中下三疊。初至下疊。則兩山夾水而入。其勝處名雲莊風磴。又二里許。卽中疊。兩山躡蹻。名石門。前有巨溪洶激。溪中石柱屹立數十尋。又四里許。卽上疊。石洞空濶。最爲奇勝。

赤城山

赤城山在天台縣北六里。土色皆赤。狀似雲霞。望之如雉堞。孫綽天台賦。所謂赤城霞起而建標也。一名燒山。山有紫雲洞。殊寬廓可容。又有玉京洞。道

書以爲第六洞天。名上玉清平之天。有赤城霞。赤城山記諸石刻。又有餐霞洞。洞有齊一峯。明經孫天祚茂才墓。其頂又有高二十餘丈之梁岳陽王妃塔焉。

瀑布山

瀑布山一名紫凝山。在天台縣西四十里。有瀑布垂流百丈。遙望瑩白如練。冬夏不竭。唐陸羽品此水爲天下第十七。瀑布兩旁多摩崖石刻。

銅壺滴漏

銅壺滴漏在天台縣天台山。以石岩中空如壺。水自上入。復迸罅而出之。故名。距此里許有瀑布曰水珠簾。

國清寺

國清寺在天台縣北十里。隋開皇十八年僧智顛（即智者大師）建。清雍正十一年重建。唐一行嘗於此學算。寺左右有五峯雙澗。寺前有塔。高五十

餘丈。山門前有七小塔及豐干橋。寺內有鵝碑、卓錫泉、藏經樓、選佛場、三賢殿、諸勝。三賢殿奉寒山、拾得、豐干像。按寒山拾得、豐干皆唐之高僧。時豐干居天台國清寺，出雲遊，適閩丘胤出守台州，問彼有賢達否，曰：寒山、文殊、拾得、普賢，狀如貧子，又似風狂，及閩丘至任，入寺見二人拜之，二人曰：豐干饒舌，遂連臂遁去。閩丘尋其遺物，僅得偈詞焉。

眞覺寺

眞覺寺在天台山。隋開皇時建。寺前竹木茂密，陰翳蔽日。寺中有唐元和間梁肅撰徐放書禪修道場碑銘。智者大師示寂於此，故殿內瘞塔在焉。塔有聯云：「悟戒定慧於三言，是謂智者。合儒釋道而一貫，必有師焉。」

高明寺

高明寺在天台高明山，距國清寺十五里。智者大師建。寺旁有圓通洞，寺內藏有繡龍衣、紫金鉢，皆隋帝賜智者大師之遺物也。又有貝葉經，來自西域。

字皆梵文長約六寸許。濶約三寸許。共五十餘頁。貫以繩。

大佛字

大佛字在高明山下。徑二丈餘。下有小字石梁比丘興慈書。此外更有其他石刻。而此間巖石。多狀貌奇巧。令人觀之。嚙連不忍去。

拜經臺

拜經臺在天台華頂。智者大師拜經處。相近有石。鑄天台第一峯五大字。銅殿

銅殿在天台石梁盡處。明天啟年間。太監徐貴。天台山沙門如璧募造。殿高可五尺。中有銅羅漢五百。

合掌岩

合掌岩在天台明岩。相傳爲寒山拾得隱身處。與明岩相連者曰寒巖。巖坳有鵲橋。頂有寒山坐石。二巖皆巖石奇古。景色清幽。

萬年寺

萬年寺在天台山。寺門外有萬工池。古杉。寺內多明清碑石。並有清阮元杜鵑陸潤庠等之匾額。及慶親王「志託慈良。萬福所會。心懷利濟。衆善之門」之聯。

善興寺

善興寺在天台華頂峯。晉天福僧德韶建。寺有玉羲之墨池。某有聯云「風聲水聲蟲聲鳥聲梵唄聲。合之一百八擊鐘聲。無聲不寂。天色月色草色樹色煙霞色。加以四萬千丈峯巒色。有色皆空。」讀此可想見寺之幽勝矣。此外山之寺院。尚有蓮峯庵。天封寺。方廣寺。護國寺。藥師庵。桐柏宮（內有伯夷叔齊石像）等。亦多可遊覽。

萬安院

萬安院在仙居縣西南五十五里。其池深窈。與塵境絕。山環水抱。有茂林修

竹之勝。宋建炎中。薛昂避地居此。

閩風臺

閩風臺在寧海縣北五十里。天門山西麓。拔起數千仞。傍有香岩、石井、釣臺、白竹岡諸勝。

方孝孺故里

方孝孺故里在寧海縣東南躍龍山下。

三 金華

洞巖山

洞巖山在蘭谿縣東二十里。山有洞。洞凡六。著名者三。曰白雲、曰紫霞、曰湧雪。東麓有白坑。西有紅坑。長皆五六里。其東北二峯。怪石屹立。名小飛來峯。下有天池。泉流而爲溪。又有天井岩。高可百餘丈。

紫霞山

紫霞山在蘭谿縣東二十五里。山上有巖。色紫形如覆釜。穹窿深廣。可容百人。旁有玲瓏巖。其下爲鷓鴣巖。深廣皆數丈。容二三百人。八石溪出焉。

方巖山

方巖山在永康縣東四十五里。平地拔起。四面如削。南通一道。架石梯。飛橋而登。絕頂有二巖對峙。曰透關。俗呼爲峯門。入關地皆平衍。約數百畝。中有池。池側有井。巖石泉洞。爭奇競勝。山北爲壽山。山有五峯。曰固厚。瀑布桃花。覆釜。雞鳴。固厚峯下。有大石洞。高敞軒露。可容千人。瀑布峯上有龍湫。直下數十丈如練。及霽久水弱。飄風颺之。濺灑四出。若霧雨然。

陳亮讀書處

陳亮讀書處在小空洞。洞在永康縣東五里龍窟山下。

石鼈潭

石鼈潭在永康縣南五里。昔有人入山經此。遇一大龜。束之歸。龜便能言。曰。

遊不良時。爲君所得。人甚怪之。載上吳王。王命糞之。焚柴萬車。語猶如故。諸葛恪命燃老桑糞之。立爛。見異苑。

劉巖

劉巖在武康縣西三十五里。一名金石巖。亦名玲瓏巖。上有峻巖。側立百丈。轉左曰平水洞。高倚斷崖。下瞰天井。前一山陡削若屏。嵬然曰招聖峯。後一山曰仙都壇。崖石巉削。高百餘丈。鑿石梯而上。絕頂少平。明正統十四年。鄉人避寇於此者。以萬計。皆得免。

寶掌山

寶掌山在浦江縣北八里。雙峯列峙。沿澗奇石。若虎豹狻猊。鐘鼎刀劍。上下錯列。有懸巖湧出。類鸞騰飛舞之狀。

福民山

福民山在湯溪縣東南四十里。高數百丈。峯巒秀拔。林木翳鬱。上有層樓。登

之眺望。遠見數百里。

王質遇仙處

王質遇仙處在衢縣南二十里爛柯山。卽石橋山。道書謂之青霞第八洞天。梁任昉述異記。晉王質入山採樵。見二童子對奕。質置斧坐觀。童子與質一物如棗核。食之不飢。局終。童子指示曰。汝柯爛矣。質歸鄉里。已及百歲。無復舊時人。

趙抃宅

趙抃宅在衢縣北五里。抃喪繼母。與弟拊廬墓。縣令過。照榜其居曰孝弟居。卽此。其墓今在縣東四十里。按抃宋西安人。景祐進士。爲殿中侍御史。彈劾不避權倖。京師目爲鐵面御史。神宗立。召知諫院。尋擢參知政事。抃感顧知遇。朝政有未協者。多所匡正。以太子少保致仕。卒。贈太子少師。謚清獻。抃長厚清修。人不見其喜慍。不治貲業。不畜聲伎。其爲政。因俗施設。猛寬不同。爲

世稱道。

龍邱山

龍邱山在龍游縣東三十五里。一名九峯巖。亦名芙蓉山。後漢龍邱萇隱居處也。山西南五里爲三疊巖。有石室如層樓。旁有雪巖、獅巖、牛巖、破巖。巖有泉。林木蓊森。風景清秀。

白巖

白巖在江山縣東南四十五里。廣一丈。深倍之。中平曠。可容數百人。瀑布從巖下流。若輕綃高挂。名水簾泉。

目蓮洞

目蓮洞在江山縣西二里。明靜幽曠。如覆石室。瀑布聲響不絕。舊傳目健蓮修行於此。宋徽宗政和間。掘得青提夫人碑。乃目健蓮母也。

孤高亭

孤高亭在建德縣東八十里。宋高宗紹興間。知州吳寅建。趙抃詩有「寺亭高絕面靈山。迤邐羣峯不可攀」之句。

羨山

羨山在淳安縣東三十五里。形極峭拔。其麓有仙居洞。數洞相接。可通往來。最外一洞。有石如龍蟠。水自龍口下注石盆中。常滿不溢。

金紫峯

金紫峯在淳安縣東北八十里。中峯有圓石。突起數十丈。光瑩無草木。其旁兩峯若俯。每旭日照灼。金紫晃耀。上有九龍瀑布泉。

瑤林洞

瑤林洞在桐廬縣西北四十五里。洞口濶二丈許。梯級而下。五丈餘。有厓。有池。有潭。有穴。壁有五采。

一指石

一指石在桐廬縣西北四十里。長一丈。高五尺。綴巖谷間。以手抵之則搖動。人多則不能動。元楊維禎有詩。

方干故里

方干故里在桐廬縣西南四十五里白雲源。范仲淹謁方干故里詩。有一幽蘭在深處。終日自清芬。一旬後人因建清芬閣。按干字雄飛。爲人質野。喜凌侮。每見設三拜。識者呼爲方三拜。貌寢。又鬼闕。故有司不與科名。隱於鑑湖。終身不出。晚遇醫補其脣。因號補脣先生。工詩。歿後。以宰臣張文蔚奏。文人不第者十五人。干與其數。追賜及第。後進私諡爲玄英先生。

謝翱墓

謝翱墓在桐廬縣西巖光釣臺南岸。翱字皋羽。宋長溪人。令蒲城。倜儻有大志。卓厲憤激。不混流俗。雅慕屈平。託興遠游。號唏髮子。嘗爲文天祥參軍。宋亡。天祥死。翱悲不能禁。挾酒登子陵臺。設天祥主。跪酌號泣。以竹如意擊石。

作楚歌招之歌闕。竹石俱碎。後卒。遂瘞於臺南。所著有詩八卷。文二十卷。

靈巖山

靈巖山在遂安縣西北十五里。下有百丈潭。山半有靈巖洞。有龍躋泉。流出爲小澗。循石壁爲瀑布。

大悲巖

大悲巖在壽昌縣南二十里。有石竅僅可容人。曲身以入。爲梯三級而下。有石室曰觀音洞。巖西北一里許。又有一石洞。元大德間臨安人莫子淵棄家學道於此。作石磴曲折數百丈以登。半山有泉飛下。爲縣勝境。

慶雲山

慶雲山在分水縣東南里許。一名五雲山。唐長慶中有五色雲見。因名。施肩吾讀書於此。其巔有洗硯池。

四 甌海

赤水山

赤水山在永嘉縣西北一百二十里。時有赤水出岩下。一名石室山。上有石室。可坐千人。道書以爲第十二福地。亦曰大若巖。相近又有小若巖。東西兩溪。合流其下。匯爲龍潭。

東山堂

東山堂舊在永嘉縣東南積穀山上。宋周行已建。翁卷寄題東山詩。有「惟見烟霞起。全無市井喧。鶴來巢木杪。龜出戲蒲根」之句。

讀書堂

讀書堂舊在永嘉縣治後。宋謝歸連建。有詩云。「虛館絕爭訟。空庭來鳥雀。：既笑沮溺津。又晒子雲閣。」

南明山

南明山在麗水縣北七里。上有印月池。旁有獻花巖。高陽洞。洞口有石梁。爲

邑之勝地。

溪雨亭

溪雨亭舊在麗水縣東二十里靈山寺旁。宋紹聖中郡守劉涇建。作詩有「鷓鴣山脚溪聲好。流入人間雨意長」之句。

石門山

石門山在青田縣西七十里。兩峯壁立對峙如門。石洞幽深。飛瀑噴瀉。上有軒轅邱。道書以爲第三洞天。宋永嘉太守謝康樂始開。其西南相接者曰石樓山。山高聳雲霧擁之。望若樓臺。

方山

方山在青田縣南二十里。山勢崔巍。石宜鐫刻。世所稱青田石。卽出於此。

浣紗溪

浣紗溪在青田縣長壽峯下。相傳謝康樂入此溪。見二女浣紗。嘲之曰。我是

謝康樂一箭射雙鶴。試問浣紗女。箭從何處落。二女答曰。我是溪中鱖。暫出溪頭食。食罷又還潭。雲從何處覓。遂不見。見輿地志。

劉基墓

劉基墓在青田縣西北夏山。基字伯溫。元進士。爲江浙儒學提舉。棄官隱青田山。明太祖下金華。徵之。出。建禮賢館。以處之。輔太祖定天下。封誠意伯。太祖呼爲老先生。而不名。曰。吾子房也。所作文章。爲一代冠。著有覆瓿集。犁眉公集。行世。正德中。加贈太師。諡文成。嘉靖中。配享太廟。

仙都山

仙都山在縉雲縣東二十三里。高六百丈。周三百里。本名縉雲山。唐天寶七年。有彩雲仙樂之異。敕改今名。道書以爲第二十九洞。奇峯凡百有六。世傳黃帝亦嘗煉丹於此。山有玉虛宮。

玉蓮山

玉蓮山在松陽縣東十五里。下有潭。潭上有巨石如覆鐘。可容百餘人。前有石檻。爲一邑遊觀之勝。

湖山

湖山在遂昌縣西北七十里。越王峯下。溪流縈繞。分夾復合。爲邑之勝境。

靈泉洞

靈泉洞在遂昌縣東十里。形如船屋。可坐十人。泉出其間。爲邑人遊晏之所。

新嶺鳳凰山

新嶺鳳凰山在龍泉縣西十五里。山峯秀麗。中有白雲厓、桃花洞。稱名勝焉。

琉華山

琉華山在龍泉縣南七十里。亦名仙山。頂寬平。有長湖。深不可測。下有琉田。居民以陶爲業。昔有張氏兄弟。主琉田窰。其兄所造者佳。世號哥窰。王世貞委宛餘編。宋時處州張生兄弟皆作窰。而兄所作者。視弟稍白。而斷紋多。號

曰坡碎。卽指此。

大滌

大滌在景寧縣南五十里。高五十餘丈。懸厓直下。飛瀑濺珠。細若輕霧。

福全山

福全山在瑞安縣西四十五里。陶宏景隱居處。道書以爲第三十三福地。有花巖潭、龍潭諸勝。

鰲山閣

鰲山閣舊在瑞安縣西西峴山上。宋建。郡守蘇起嘗有詩云：「賴有此軒相暎帶。盡收佳景在人寰。」

西滌山

西滌山在樂清縣西五里。三面蒼厓峭立。環若翠屏。惟東南軒豁如門。大海橫其前。可望日出。山北有瀑布。從懸厓而下。飛流濺沫。雖盛暑涼氣逼人。

天冠峯

天冠峯在樂清縣雁蕩山謝公嶺右。高五十餘丈。下有雲板洞。前有鳴玉溪。遙遙相對者曰連雲嶂。嶂有挺然特起之峯。曰犀牛望月峯。

鐵城嶂

鐵城嶂在淨名寺西。以巖石深黑壁立如城垣。故名。高可六七十丈。長可二里許。中有水簾谷。維摩洞諸勝。

靈巖寺

靈巖寺在霞障洞之西南。展旗峯在其右。天柱峯（卽一帆峯又名剪刀峯）在其左。錦屏峯在其後。羣嶂如幃。層巒聳翠。遊人到此。如履仙境焉。

淨名寺

淨名寺在雁蕩之靈峯南。壯麗可觀。有王文治方苞諸人之聯額。出寺遙望。有峯如睡猴者。曰睡猴峯。頭目肢幹。莫勿畢肖。反面卽老猿披衣峯。寺後乃

金鼎峯與伏牛峯下爲散花龕與蓼花嶂

燕尾瀑

燕尾瀑在雁蕩龍仁寺左。以瀑水下流如燕尾。故名。其下水匯成潭。曰霞映潭。

石門潭

石門潭在雁蕩東外谷。厓石壁立如門。門下潭水一泓。深杳不可測計。宋人嘗作詩咏之。有「壯哉龍伯宮。幽據雁山脅。巖如峙城壁。南北本相接。衆流欲朝宗。天爲開巖業」之句。

聽詩叟岩

聽詩叟巖在霞蕩雁嶂。巖石狀如老叟。側耳傾聽者。故名。李燮宣嘗有詩云：「萬笏名山刺眼青。泉聲不斷韻冷冷。我無謝眺驚人句。孤負先生側耳聽。」巖南爲「一仙談詩峯」。巖下爲雪花天霞障洞。

老僧岩

老僧岩在石門潭南。石狀如僧衣袈裟。合掌而立。形態逼肖。高五十丈。亦名石佛峯。峯下有石佛。相近又有小童巖。

龍鼻洞

龍鼻洞在雁蕩山獨秀峯相近。石形蜿蜒如龍。有頭有尾。有爪有鼻。鼻有兩孔。遙望如真。洞內有觀泉亭。多題刻。洞外有一線天。洞下有天開圖畫摩崖。字大逾二尺。

羅漢洞

羅漢洞在靈峯。亦名觀音洞。中有樓八層。又有珠簾水。洗心泉諸勝。右有伏虎洞。一名北斗洞。亦有層樓。洞北里許有碧霄峯。下有碧霄洞。

石梁洞

石梁洞在老僧岩西。有石梁跨其間。故名。洞寬十餘丈。可容千人。夏時避暑。

絕宜上爲禮佛壇。有石佛三。

龍湫

龍湫有二。在捲圖峯下者曰小龍湫。在一帆峯北者曰大龍湫。龍湫之水。皆自崖下瀉。小者高二百尺。大者高六百尺。飄灑噴激。景狀怪異。遊人到此。嘆觀止焉。石壁有杜審言及宋元人摩厓。湫頂有蕩湖。卽雁宕湫之前。有宴坐亭。觀不足亭。

王十朋墓

王十朋墓在樂清縣東北左源山之梅畧。十朋字龜齡。宋樂清人。幼穎悟。日誦數千言。及長有文行。秦檜死。高宗親策士。擢十朋第一。學者誦其策。以擬古晁董。除祕書郎。孝宗受禪。累遷侍御史。後出守饒州。湖州諸郡。以龍圖閣學士致仕。卒諡忠文。十朋在朝不阿權勢。忠貞敢言。出守則思恤民隱。所至人繪而祀之。

南雁蕩山

南雁蕩山在平陽縣西南百里。北自穹嶺。南至施谷。四五十里。皆雁蕩也。中有明玉峯。峯頂有池。五代時僧願齊尋訪名山於此。曰。此山水盡處。龍雁所居。豈非西域書所謂諾矩羅震思雁蕩龍湫者耶。因結茅其間。山有十三峯。三洞。二巖。澗石類皆奇勝。

白雲山

白雲山在平陽縣西南百里。與雁蕩相接。高出雲表。中有澗。澗數十步。遊者援藤而進。名曰藤道。上有玉簾瀑。泉寒瀑飛。淙濺沫。最爲奇勝。

中華名勝古蹟續編目錄

第十二編 湖北

一 江漢

夜泊山 卓刀泉 石照亭 仙果亭 含山樓 樊山 郎山 寒溪 西山寺
菩薩泉 靈溪觀 龍穴洲 凌岩 荆泉洞 潛山 馮京墓 壘頭山 昌國寺
九宮山 觀音岩 大泉洞 鳳樓岩 滄浪亭 銀山鐵壁 月湖 晴川閣
石榴花塔 琴臺 吳正治墓 天一閣 木蘭山 禪定寺 九嶷山 雙峯山
西湖 董永故里 天慶觀 大崎山 竹樓 快哉亭 四望亭 安國寺 定惠
院 五名山 天臺山 破額山 東禪寺 鮑照墓 兩湖 蘭溪 泗淵亭 龜
峯山 陳慥隱處 萬松亭 太平山 龍興寺 寶林寺 厲山

二 襄陽

中華名勝古蹟 第十二編 目錄

一七二—一七四

鹿門山 習家池 義犬冢 關門山 孤樓岩 顯陵 觀音岩 空山洞 穿洞

隍城洞 雁橋 宋玉故里 楚昭王廟 武當山 很子潭 學古洞

三 荆宜 三四—四七

龍王洞 蝦蟆碓 黃金藏 黃陵廟 甘泉寺 東山寺 渚宮 江亭 天鵝池

天皇寺 劉鱗之故里 仙女洞 紅匡子洞 蓮臺山 白雲亭 秋風亭 玉

虛洞 左伯桃墓 玉泉山 麥城 百家洞 高家洞 羅漢谷

四 施鶴 四七—四八

月台 蝦蟆池 通天岩

中華名勝古蹟續編

第十二編 湖北

一 江漢

夜泊山

夜泊山在武昌縣南四十里。以賂禪師泊舟於此。得名。明太祖兵圍武昌。張必先以岳潭兵來援。至夜婆山。常遇春擊敗之。卽夜泊也。

卓刀泉

卓刀泉在武昌縣賓陽門外十餘里。世傳關公卓刀於此。水色淡碧。味極清甘。其上舊有漢昭烈帝郊壇。今有漢壽亭侯廟。週圍多古柏老松。冬夏青青。森然蔭塗。境地清幽。風物佳勝。

石照亭

石照亭在黃鶴樓下。亦曰石鏡亭。臨厓舊有石如鏡。每夕陽翻照則發光明。末石失。今亭乃清時重建。

仙棗亭

仙棗亭在黃鶴樓後。明代宗景泰四年重建。改名呂仙亭。明統志舊傳亭前棗木未嘗實。一歲忽有實如瓜。太守命小吏采而進。小吏輒私啖之。遂仙去。縣志又傳太守與卒奕。有一異人吹笛來。忽不見。隨即聲至樓上。惟見石鏡題詩。末書呂字而去。故改今名。

含山樓

含山樓在武昌縣東南靈泉山。宋張芸叟避亂構此。元燬。明初重修。有春風秋風二亭。列置左右。

樊山

樊山在鄂城縣西五里。一名袁山。一名來山。一名西山。一名壽昌山。一名燔

山一名樊岡。山有九曲嶺。亦曰萬松嶺。舊時松陰夾路。特爲幽邃。蘇子瞻與弟子由嘗遊憩於此。建炎後。呂人伐爲棟宇。遂荒。舊有九曲亭。卽位壇。乃孫氏遺跡。又有廣晏亭。唐廣德中建。山下有吳王試劍石。宋蘇子瞻有與弟子由同遊寒溪西山詩。曰：「散人出入無町畦。朝遊湖北暮淮西。高安酒官雖未上。兩脚垂欲穿塵泥。與君聚散若雲雨。共惜此日相提攜。千搖萬兀到樊口。一箭放溜先鳧鷖。層層草木暗西嶺。瀏瀏霜雪鳴寒溪。空山古寺亦何有。歸路萬頃青玻璃。我今漂泊等鴻雁。江南江北無常栖。幅巾不擬過城市。欲踏徑路開新蹊。」（自注：路有直入寒溪。不過武昌者。）卻憂別後不忍到。見子行迹空餘懷。吾儕流落豈天意。自坐迂濶非人擠。行逢山水輒羞歎。此去未免勸鹽齏。何當一遇李八百。」（自注：李八百宅在筠州。）相哀白髮分刀圭。」又有武昌西山詩。曰：「春江漾漲蒲萄醅。武昌官柳知誰栽。憶從樊口戰春酒。步上西山尋梅嶺。西山一上十五里。風駕兩腋飛雀鬼。同遊困臥九

曲嶺。褰衣獨到吳王臺。中原北望在何許。但見落日低黃埃。歸來解劍亭前路。蒼厓半入雲濤堆。浪翁醉處今尙在。石臼杯飲無樽疊。爾來古意誰復嗣。公有妙語留山隅。至今好事除草棘。常恐野火燒蒼苔。當時相望不可見。玉堂正對金鑾開。按此詩在玉堂夜直作。豈知白馬同夜直。臥看椽燭高花擢。江邊曉夢忽驚斷。銅環玉鎖鳴春雷。山人帳空猿鶴怨。江湖水生鴻雁來。請公作詩寄父老。往和萬壑松風哀。

郎山

郎山在樊山西。一名郎亭山。兩山相接而中斷。江上望如八字。唐元結與孟士源嘗隱此。山下有窪樽石。結有銘序。宋鄧聖求亦嘗作窪樽銘刻之。石二山之間有退谷。士源所命名。結有退谷銘。又有杯湖方約一二里。結有杯湖銘。

寒溪

寒溪在樊山下。昔傳盛暑之月。常有寒氣逼人。舊有陶侃讀書臺及吳王讀書臺。吳王井。溪上有寺曰寒溪。亦名資聖寺。初有金佛像。後歸廬山。宋蘇軾菩薩泉銘序。陶侃爲黃州刺史。有漁人得金像。視其款識。阿育王所鑄。文殊師利像也。初送寒溪寺。及侃遷荊州。欲以像行。又力不能動。益以牛車三十乘。乃能至船。船復沒。遂以還寺。其後惠遠法師迎像歸廬山。

西山寺

西山寺在樊山。晉建。宋黃庭堅曾題勝。宋蘇軾遊武昌寒溪西山寺詩云。一連山蟠武昌。翠本蔚樊口。我來已百日。欲濟空搔首。坐看鷗鳥沒。夢逐麝麋走。今朝橫江來。一葦寄衰朽。高設破巨浪。飛屨輕重阜。去人曾幾何。絕壁寒溪吼。風泉兩部樂。松竹三益友。徐州欣有得。芝朮在蓬莠。西上九曲亭。衆山皆培塿。卻看江北路。雲水渺何有。離離見吳宮。莽莽眞楚藪。空傳孫郎石。無復陶公柳。爾來風流人。惟有漫浪叟。買田吾已決。乳水况宜酒。所須修竹林。

深處安井白。相將踏勝絕。更裏三日線。」

菩薩泉

菩薩泉在樊山。蘇軾菩薩泉銘序。寒溪少西數百步。別爲西山寺。有泉出於嵌竇間。色白而甘。號菩薩泉。

靈溪觀

靈溪觀在鄂城縣南一百五十里靈溪山。吳可象昇仙之地。有鶴籠橋。仙人冶煉井。飛泉石。後橋爲雷震。有篆文曰。昇仙廣濟之橋。

龍穴洲

龍穴洲在嘉魚縣西北。水經注。龍穴洲沙陽洲之下尾也。洲裏有駕部口。宋景平二年迎文帝於江陵。法駕頓此。因以爲名。文帝車駕發江陵至此。黑龍躍出。負帝所乘舟。左右失色。上謂長史王曇首曰。乃夏禹所以受天命矣。我何德以堪之。故有龍穴之名焉。

凌岩

凌岩在蒲圻縣西三里。鳳凰山西麓。骨立嶄削。中有平地數十畝。旁皆峯巒。拱秀最爲幽勝。有白龍池。朝冠石。普陀岩諸景。

荆泉洞

荆泉洞在蒲圻縣西南十二里。中有石臺。又有石田。溝塍悉具。居民歲視其燥溼。以占凶穰。自洞門入行可百步。別有門甚狹。父老云。嘗有好事者裹糴而入。信步趨出。則在崇陽之葛藤坪。相距百餘里。

潛山

潛山在咸寧縣南二十里。形如展旗。上有壇。舊傳葛洪煉丹於此。宋馮京未第時。築室山間讀書。有潛山碑及李唐侯記。

馮京墓

馮京墓在咸寧縣西鳳凰山下。京字當世。宋江夏人。舉進士。自鄉舉禮部。以

至廷試皆第一。嘗知開封府。數月不詣丞相府。韓琦以爲傲。京曰：公爲宰相。從官不往造請。乃以爲公重。非傲也。神宗時。王安石爲政。京論其更張失當。被謫。哲宗卽位。拜太子少師致仕。卒謚文簡。

壺頭山

壺頭山在崇陽縣北二十五里。寰宇記：幽谷深邃。下有溪名桃花洞。水石壺頭灘。三里皆石。石擁流水。纔通小舟。水泛漲方可濟。行旅憚之。如費湖之口。故名。

昌國寺

昌國寺在崇陽縣西四十里。一名岩頭寺。唐乾符中建。宋治平元年賜額。有李綱撰碑。舊寺中有頻伽鳥。一名太平雀。和鳴如鳳。雙飛不出數里。

九宮山

九宮山在通山縣南八十里。登山路由太平山萬竹山盤折而上。至壺天亭。

前有三峯山。撥雲峯。東有赤松洞。龍鬪岩。西有白龍潭。上有龍井。水可療疾。西南有水口亭。是爲噴雪岩。瀑布數百丈。觸石飛散如雪。旁有雷公洞。伏虎岩。天尊岩。寶陀山。眠雲石。試劍石。後有駱駝嶺。怪松坡。青猿洞。明末李自成兵敗遇此。爲縣人擊死於此。

觀音岩

觀音岩在通山縣南四十里。宋紹興時居民萬俊見雲氣盤鬱異常。尋其源。見一洞窈然。廣十餘丈。有石榻。石盞。石果之屬。又有一石如觀音像。旁有人物森列奇怪。邑宰朱朝嘗爲作記。

大泉洞

大泉洞在大冶縣東四十里。輿地紀勝。洞東西有二。東洞有仙人臥石。石田三十六畝。有石畝。西洞有樵人常見龍鱗於石間。

鳳樓岩

鳳樓岩在陽新縣西百里。岩穴深半里。有石室。蓋石鐘鼓。石龍之屬。

滄浪亭

滄浪亭在陽新縣放生池上。舊時蓮花彌望。夾隄皆垂柳。羣山環列。有浮屠突兀。在雲煙紫翠間。記稱江山之勝。頗似武林西湖。

銀山鐵壁

陽新縣北十五里有銀山寺。後有石壁。宋蘇軾與季仲覽此。書石壁二字。世傳爲銀山鐵壁。

月湖

月湖在漢陽縣北大別山之陰。東以長隄限江。西通漢水。一泓清淺。四圍山色如黛。嵐翠湖光。頗饒風景。

晴川閣

晴川閣在漢陽大別山東麓。明知府范之箴建。取唐崔灑詩「晴川歷歷漢

陽樹」之句以名登閣可望見隔江之黃鶴樓清吳光有詩云「萬古山樓對黃鶴。一身楚塞吟清秋。羲娥平向窓中過。江漢交迴檻外流。深窻鼯鼯時隱見。盤渦鷗鷺靜沈浮。爾衡李白今何處。日暮空悲芳草洲。」

石榴花塔

石榴花塔在漢陽城西一里。明統志。宋時有婦事姑至孝。一日殺雞爲饌。姑食而死。姑女訴於官。婦坐罪。無以自明。臨刑乃折石榴花一枝。插地而祝曰。妾果毒姑。花卽枯瘁。若屬誣枉。花可復生。其後花果生。人謂天彰其寃。遂立塔花側。以表其事。塔西南馬家湖有歸元寺。寺內有五百羅漢殿。

琴臺

琴臺在月湖旁。俗傳爲俞伯牙鼓琴處。廣約十畝。左界漢水。東對大別。上有層樓清館。足以登眺。而林木翳翳。風景頗佳。及至夏日。湖中美藻盛開。尤爲納涼勝地。

吳正治墓

吳正治墓在漢陽縣小麥山。有清康熙三十三年御製碑文。正治字庶菴。清漢陽人。順治進士。官陝西按察使。鋤銖豪強。釋放無辜二百餘人。執法務寬厚。得可矜宥。必爲末減。有折獄才。以太子太傅致仕。卒諡文僖。

天一閣

天一閣在漢口大智門西南。後爲自來塔。前爲東嶽宮。高閣傑出。俯視一切。殊堪遊憩。

木蘭山

木蘭山在黃陂縣北。山勢嵯峨。羣峯攢簇。上有白雲洞。下有黃石洞。左挹蓮湖。右倚玉屏山。流泉怪石。風景頗佳。上有木蘭廟。廟後有墓。並宋時建造。

禪定寺

禪定寺在黃陂縣澗口附近。內有石彌勒佛。高十餘尺。廣八九尺。雕琢極精。

疑出鬼工。又有一鐘。四周鑄般年經。乃明天順時鑄。叩之聲洪遠聞數里。

九嶷山

九嶷山在孝感縣東北八十五里。一名九宗山。環阜疊嶂。林壑深杳。下有大溪。上有寶陀岩。羅漢岩。又舊有堯夫亭。宋范純仁倅安州。賞錢客於此。有題名石刻。全山景物幽勝。不減長安之九嶷。故名九嶷。

雙峯山

雙峯山在孝感縣東北九十里。九嶷山之北。兩峯並峙。高三百餘丈。飛瀑懸流。登之可盡江漢之勝。與雙峯對峙者。爲黃草山。險峻孤峭。氣喉寒冷。春夏多霧。咫尺勿辨。

西湖

西湖在孝感縣西北。廣數十頃。隄上有明月臺。神鼎閣。登臨其間。俯視湖光。遙瞻山翠。風物殊勝。

董永故里

董永故里在孝感縣城外半里。有石碑。鐫漢孝子董永故里字。並泐述其葬父償債事。按永東漢千乘人。少失母。獨養父。流寓孝感。父亡。無以葬。乃從里人裴氏貸錢一萬。約後無還。當以身作奴。葬畢。忽道遇一婦人。求爲永妻。永與俱詣裴氏。令織縑三百疋以償。一月而畢。永辭去。婦人乃曰。我天之織女。緣君至孝。天帝令我助君償債。言訖騰空而去。

天慶觀

天慶觀在沔陽縣北。一名紫陽觀。舊有三色柏及宋徽宗賜金字碑。

大崎山

大崎山在黃岡縣東北一百六十里。接麻城縣界。峯巒迴合。飛瀑百道。下匯爲澗。澗旁多石木藤蘿。西南有留雲洞。山上有龍井。旱則往往禱雨於此。

竹樓

竹樓在黃岡縣治西北。宋王禹偁建。有記。文曰：「黃岡之地多竹。大者如椽。竹工破之。剝去其節。用代陶瓦。比屋皆然。以其價廉而工省也。予城西北隅。雉堞圯毀。藁莽荒穢。因作小樓二間。與月波樓通。遠吞山光。平挹江瀨。幽閨遠。不可具狀。夏宜急雨。有瀑布聲。冬宜密雪。有碎玉聲。宜鼓琴。琴調和暢。宜咏詩。詩韻清絕。宜圍棋。子聲丁丁然。宜投壺。矢聲錚錚然。皆竹樓之所助也。公退之暇。被鶴氅衣。戴華陽巾。手執周易一卷。焚香默坐。消遣世慮。江山之外。第見風帆沙鳥。煙雲竹樹而已。待其酒力醒。茶煙歇。送夕陽。迎素月。亦適居之勝概也。彼齊雲落星。高則高矣。并幹麗譙。華則華矣。止於貯妓女。藏歌舞。非騷人之事。吾所不取。吾聞竹工云。竹之爲瓦。僅十稔。若重覆之。得二十稔。噫。吾以至道乙未歲。自翰林出滁上。丙申移廣陵。丁酉又入西掖。戊戌歲除日。有齊安之命。己亥三月到郡。四年之間。奔走不暇。未知明年又在何處。豈懼竹樓之易朽乎。後之人與我同志。嗣而葺之。庶斯樓之不朽也。」

快哉亭

快哉亭在黃岡縣南。宋蘇轍有記。文曰。一江出西陵。始得平地。其流奔放肆大。南合湘沅。北合漢沔。其勢益張。至於赤壁之下。波流浸灌。與海相若。清河張君夢得。謫居齊安。卽其廬之西南爲亭。以覽觀江流之勝。而余兄子瞻名之曰快哉。蓋亭之所見。南北百里。東西一舍。濤瀾洶湧。風雲開闔。晝則舟楫出沒於其前。夜則魚龍悲嘯於其下。變化倏忽。動心駭目。不可久視。今乃得玩之几席之上。舉目而足。西望武昌諸山。岡陵起伏。草木行列。煙消日出。漁夫樵父之舍。皆可指數。此其所以爲快哉者也。至於長洲之濱。故城之墟。曹孟德孫仲謀之所睥睨。周瑜陸遜之所馳騫。其流風遺跡。亦足以稱快世俗。昔楚襄王從宋玉。景差于蘭臺之宮。有風颯然至者。王披襟當之。曰快哉。此風寡人所與庶人共者耶。宋玉曰。此獨大王之雄風耳。庶人安得共之。玉之言。蓋有諷焉。夫風無雄雌之異。而人有遇不遇之變。楚王之所以爲樂。與庶

人之所以爲憂。此則人之變也。而風何與焉。士生於世。使其中不自得。將何往而非病。使其申坦然。不以物傷性。將何適而非快。今張君不以謫爲患。收會稽之餘。而自放於山水之間。此其中宜有以過人者。將蓬戶甕牖。無所不快。而況乎灌長江之清流。挹西山之白雲。窮耳目之勝。以自適也哉。不然。連山絕壑。長林古木。振之以清風。照之以明月。此皆騷人思士之所以悲傷憔悴而不能勝者。烏睹其爲快也。」

四望亭

四望亭舊在黃岡縣治東。唐太和中刺史劉嗣之築。下有魚池。陸游云。亭與雪堂相對。宋蘇軾有雨晴後步至四望亭下魚池上。遂自乾明寺前東岡上歸詩二首。其一云。「雨過浮萍合。蛙聲滿四隣。海棠真一夢。梅子欲嘗新。掛杖閒挑菜。鞦韆不見人。殷勤木芍藥。獨自殿餘春。」高亭廢已久。下有種魚塘。暮色千山入。春風百草香。市橋人寂寂。古寺竹蒼蒼。鶴鶴來何處。號鳴

滿夕陽。」

安國寺

安國寺在黃岡縣東南二里。宋韓琦曾寓寺讀書。蘇軾嘗遊憩其中。有安國寺尋春詩云。「臥聞百舌呼春風。起尋花柳村村同。城南古寺修竹合。小房曲檻敲深紅。看花歎老憶年少。對酒思家愁老翁。病眼不羞雲母亂。鬢絲強理茶煙中。遙知二月王城外。玉仙洪福花如海。薄羅勻霧蓋新妝。快馬爭風鳴雜珮。玉川先生真可憐。一生耽酒終無錢。病過春風九十日。獨抱添丁看花發。」

定惠院

定惠院在黃岡縣東南。蘇軾嘗寓於此。有定惠院寓居月夜偶出詩曰。「幽人無事不出門。偶逐東風轉良夜。參差玉宇飛木末。繚繞香烟來月下。江雲有態清自媚。柳露無聲浩如瀉。已驚弱柳萬絲垂。尙有殘梅一枝亞。清詩獨

吟還自和。白酒已盡誰能借。不惜青春忽忽過。但恐歡意年年謝。自知醉耳
愛松風。會揀霜林結茅舍。浮浮大甑長炊玉。溜溜小罪如壓蔗。飲中真味老
更濃。醉裏狂言醒可怕。閉門謝客對妻子。倒冠落珮從嘲罵。又曰。一去年花
落在徐州。對月酣歌美清夜。今年黃州見花發。小院閉門風露下。萬事如花
不可期。餘年似酒那禁瀉。憶昔扁舟泝巴峽。落帆樊口高桅亞。長江袞袞空
自流。白髮紛紛寧少借。竟無五畝繼沮溺。空有千篇凌鮑謝。至今歸計負雲
山。未免孤衾眠客舍。少年辛苦眞食蓼。老境安閒如啖蔗。饑寒未至且安居。
憂患已空猶夢怕。穿花踏月飲村酒。免使醉歸官長罵。一又一詩。題曰寓居
定惠院之東。雜花滿山。有海棠一株。土人不知貴也。詩曰。一江城地瘴蕃草
木。只有名花苦幽獨。嫣然一笑竹籬間。桃李漫山總麤俗。也知造物有深意。
故遣佳人在空谷。自然富貴出天姿。不待金盤薦華屋。朱唇得酒暈生臉。翠
袖揜紗紅暎肉。林深霧暗曉光遲。日曉風輕春睡足。雨中有淚更悽愴。月下

無人更清淑。先生食飽無一事。散步逍遙自捫腹。不問人家與僧舍。拄杖敲門看修竹。忽逢絕豔照衰朽。歎息無言措病目。陋邦何處得此花。無乃好事移西蜀。寸根千里不易致。銜子飛來定鴻鵠。天涯流落俱可念。爲飲一樽歌此曲。明朝酒醒還獨來。雪落紛紛那忍觸。寺中舊有嘯軒。軾有定惠院顛師爲予竹下開嘯軒詩曰。一啼鳩催天明。喧喧相詆譏。暗蛩泣夜永。唧唧自相弔。飲風蟬至潔。長吟不改調。食土蚓無腸。亦自終夕叫。鳶貪聲最鄙。鵲喜意可料。皆緣不平鳴。慟哭等嬉笑。阮生已蠱率。孫子亦未妙。道人開此軒。清坐默自照。衝風振河海。不能號無竅。累盡吾何言。風來竹自嘯。

五名山

五名山在黃安縣東南二十里。其陰列山如屏。其陽凹嵌如屋。迤而西。有峯如蓋。羣然合沓。狀如窩然。俗因名曰天窩。林泉木石。最爲幽勝。中有腴田十餘畝。窩內隆冬不寒。盛夏不暑。明嘉靖中知府周恩九改曰五雲山。

天臺山

天臺山在黃安縣西北一百里。嶺有天臺高百餘仞。四面皆石壁。惟石磴一徑可上。約廣數畝。山有湧泉。冬夏不竭。舊有石刻二。一宋理宗端平年鑄。一嘉熙年鑄。

破額山

破額山在黃梅縣西北三十里。一名西山。山有四祖寺。亦名正覺寺。唐高祖時建。爲四祖道信禪場。寺前有靈澗橋。上鑄碧玉流三字。柳公權書。又有卓錫泉。洗筆池。石魚磯。爲四祖遺跡。附近一山曰東山。一名馮茂山。山有五祖寺。亦名真慧寺。唐高宗咸亨時五祖宏忍禪師建。按道信姓司馬氏。其先世居河內。後徙蘄州。武德中。居于雙峯山。太宗三詔不起。永徽初。坐逝。代宗廣德時。賜號太醫禪師。是爲四祖。宏忍姓周氏。黃梅人。貞觀間居東禪寺。咸亨中。入馮茂山結庵。高宗上元中卒。廣德間。賜號大蒲禪師。是爲五祖。

東禪寺

東禪寺在黃梅縣西南。名勝志。東禪寺號蓮花寺。乃五祖傳衣鉢於六祖處。有六祖簸糠池。墜腰石。及吳道子傳衣圖。按六祖曰能惠。姓盧氏。新州人。事宏忍禪師。就春米之役。一日師會衆傳法。大弟子神秀爲偈書壁云。身似菩提樹。心如明鏡臺。時時勤拂拭。勿令惹塵埃。能不識字。請人書曰。菩提本無樹。明鏡亦非臺。本來無一物。何處惹塵埃。師見之。遂傳法。後度嶺。居韶州。爲禪家南京之祖。神秀姓李氏。尉氏人。五祖器異之。謂其懸解。圓照。後居荊州當陽山。爲禪家北京之祖。亦稱六祖。

鮑照墓

鮑照墓在黃梅縣北半里。墓前舊有俊逸亭。取杜甫詩俊逸鮑參軍句意。照字明遠。北朝時東海鄒人。仕宋。爲臨海王參軍。工詩。華瞻清新。嘗流寓黃州。廣濟縣東北東衝山。上有讀書臺。相傳照曾讀書其上。

兩湖

兩湖在蘄春縣東一里。亦名諸家湖。東通廣濟縣馬口湖。入大江。民多業漁。於此曲折周迴。凡二三十里。春多桃李。夏盛芙蕖。舊爲州之名勝地。

蘭溪

蘭溪在蘄水縣東。源出箬竹山。舊時其側多蘭。故名。輿地紀勝。蘭溪泉。陸羽茶經以爲天下第三泉。余章三泉記。鳳山之陰。蘭溪之陽。有泉出石罅。爲蘭溪。其在寺庭之陰。爲陸羽烹茶之泉。其在鳳山之陰。爲逸少澤筆之井。王陸二水。皆蘭溪一源耳。

洄瀾亭

洄瀾亭在蘄水縣南蘭溪岸。蘇軾遊此。見水盤旋。書二字于石壁。後人因爲立亭。又嘗月夜泛舟於此。

龜峯山

龜峯山在麻城縣東六十里。一名龜頭山。舉水所出。春秋吳楚戰于柏舉。卽此山。多怪石虬松。上有崖刻唐人詩。又有白龍、黑龍兩井。及觀音岩、噴雪崖諸勝。

陳慥隱處

麻城縣西南七十里岐亭鎮杏花村。乃宋陳慥隱處。舊有杏林、杏泉遺蹟。其墓亦在村。慥太常卿青神陳希亮季子。嘗與蘇軾同學於道士張易簡。以溪山自娛。隱居黃州號龍邱子。又號方山子。蘇軾爲作方山子傳。文曰。一方山子光黃閬隱人也。少時慕朱家郭解爲人。閬里之俠皆宗之。稍壯折節讀書。欲以此馳聘當世。然終不遇。晚乃遷於光黃間曰岐亭。庵居蔬食。不與世相聞。棄車馬。毀冠服。徒步往來。山中人莫識也。見其所著帽方笠而高。曰。此豈古方山冠之遺像乎。因謂之方山子。余謫居於黃。過岐亭。適見焉。曰。嗚呼。此吾故人陳慥季常也。何爲而在此。方山子亦豐然。問予所以至此者。余告之。

故俯而不答。仰而笑。呼余宿其家。環堵蕭然。而妻子奴婢。皆有自得之意。余既聳然異之。獨念方山子少時。使酒好劍。用財如糞土。前十九年。余在岐山。見方山子從兩騎。挾二矢。遊西山。鵠起於前。使騎逐而射之。不獲。方山子怒。馬獨出一發得之。因與余馬工論用兵。及古今成敗。自謂一時豪士。今幾日耳。精悍之色。猶見於眉間。而豈山中之人哉。然方山子世有勳閥。當得官。使從事於其間。今已顯聞。而其家在洛陽。園宅壯麗。與公侯等。河北有田。歲得帛千匹。亦足以富樂。皆棄而不取。獨來窮山中。此豈无得而然哉。余聞光黃間多異人。往往佯狂垢汙。不可得而見。方山子儻見之歟。

萬松亭

萬松亭舊在麻城縣西七里岡。蘇軾有詩。序曰。麻城縣令張毅。植萬松於道。周以並行者。且以名其亭。去未十年而松之存者。十不及三四。傷采者之不同其意也。故作是詩。詩云。十年栽種百年規。好德無人助我儀。縣令若同

倉庾氏。亭松應長子孫枝。天公不救斧斤厄。野火解憐冰雪姿。爲問幾株能合抱。殷勤記取角弓詩。」

太平山

太平山在安陸縣西九十里。道由石門山馬鬃嶺而上。甚險峭。爲郡名勝。有飛泉迎陽。水簾羅漢。金庭五湖。明張三丰嘗隱居於此。三丰遼東人。有道術。一食盡數斗。或數月辟穀。一童子嘗從之遊。語人曰。張出遊。必偕我。但令我閉目。一日竊視。乃空中也。三丰聞之。遂遣去。乃邀父老登山爲別。揖衆使坐。旋下山取食物。往返二百里。頃刻而至。後不知所終。

龍興寺

龍興寺在應山縣東二十里天井澗。幽窗迂曲。自澗口入。凡九曲。五里許。至山門石梁。正殿後毘盧殿。平揖諸峯。風景殊佳。

寶林寺

寶林寺在應山縣北二十里前臨大河。基周數里。後有松栗二坪。木皆參天。宋元皆有碑碣。明洪武間賜名正覺寺。應山之大叢林也。

厲山

厲山在隨縣北四十里。一名烈山。亦名重山。又名麗山。禮記注。厲山氏炎帝也。起於厲山。卽此山下有一穴。云是神農生處。又有大廣地。外有兩重壑。中有九井。相傳神農旣育。九井自穿。汲一井則衆井皆動。

一一 襄陽

鹿門山

鹿門山在襄陽縣東南三十里。襄陽記。鹿門山舊名蘇嶺山。建武中。襄陽侯習郁立神祠於山。刻二石鹿夾神道口。俗因謂之鹿門廟。遂以廟名山也。後漢逸民傳。龐公者襄陽人也。荊州刺史劉表數延請不能屈。後攜妻子登鹿門山采藥不返。卽此。清王士禛漢江望鹿門山詩云。一。大堤一長望。窈窕紆。

林壑。聞有龐公居。攜家因采藥。僧歸鹿門寺。帆轉襄陽郭。者舊復何人。煙霞今寂寞。唐孟浩然嘗隱居此山。夜歸鹿門歌云。一山寺鳴鐘晝已昏。漁梁渡頭爭渡喧。人隨沙岸向江村。余亦乘舟歸鹿門。鹿門月照開烟樹。忽到龐公樓隱處。岩扉松逕長寂寥。唯有幽人自來去。按浩然唐襄陽人。少好氣節。喜拯人患難。年四十遊京師。嘗於大學賦詩。一座曠服。無敢抗。一夕王維私邀入署。俄而玄宗至。維以實告。帝曰。朕聞其人而未見也。召問其詩。浩然再拜誦所爲詩。至不才明主棄之句。帝曰。朕未嘗棄卿。奈何誣我。因放還。張九齡辟爲荊州從事。後采訪使韓朝宗約同至京師。欲薦諸朝。會故人至。劇飲不赴。開元二十八年卒。其墓在今縣東南鳳林山。所著有詩集四卷。行於世。

習家池

習家池在襄陽縣南十餘里白馬山下。水徑注習郁依范蠡養魚法作大陂。

陂長六十步。廣四十步。池中起釣臺。池北亭郁墓所在也。其水下入沔。晉山濤子簡。鎮襄陽。每出遊。至習家池。上置酒。輒醉而歸。名曰高陽池。清王士禛有習家池詩曰。一山公酩酊處。遺跡峴山頭。院靜寒山落。川明宿霧收。依然池水上。遙接漢江流。谷口微鐘發。蒼茫起白鷗。

義犬冢

義犬冢在襄陽城南。干寶搜神記云。昔吳王孫權時。有李信純。襄陽紀南人。家養一犬。字曰黑龍。一日信純城外飲酒大醉。歸家不及。臥草中。遇太守鄧遐出獵。見田草深。遣人縱火。斃之。臥處有一溪。相去三五十步。犬即奔往。入水溼身。臥處周迴。以身溼之。火至溼處即滅。犬運水困乏。致斃於側。信純聞於太守。太守憫之。命具棺衾葬之。今紀南有義犬冢。高十餘丈。

關門山

關門山在鍾祥縣西北一百里。有石如屏障塞山口。儼若關門。其上有石鳳

洞。列石攢峙。如鳳昂首。中容數十人。

孤樓岩

孤樓岩在鍾祥縣東八十里。厓懸數十丈。樓構其巔。厓下有龍潭。厓間乳水滴成石佛立像。鬚眉宛然。

顯陵

顯陵在鍾祥縣東十里。純德山陽。明世宗本生父興獻王也。世宗卽位。追尊爲興獻皇帝。名其墓曰顯陵。陵前繞以水。水上跨橋。工甚精。橋之北有石獸石人。再進有一池。作長方形。池底爲銅。擲石於中。鏗然作響。更進則墓在焉。墓前舊有之子殿。早經傾圮。今惟石礎石卓存耳。

觀音岩

觀音岩在京山縣東二十里。頂有瀑布。分流四派。灌田數百頃。其下石壁峭立。形態詭異。有洞數處。高敞如屋。明嘉靖中。同知陳良謨引泉爲池。池北舊

有橋亭曰爽心亭。

空山洞

空山洞在京山縣南二十五里。一名空陵洞。洞口有石鼓。擊之有聲。中有仙女石鏡石臺等。相傳昔人秉燭入遊。約二里許。見大河奔湍甚急。乃還。

穿洞

穿洞在京山縣東北六十里。去五寶岩里許。一山蜿蜒東行。屈曲相對。劃分兩洞。中有陂。諸谷水所會。皆稻田。欲灌溉則決陂北流。足則導流南出。上爲孔道。中空而外不見。亦一勝概。

隍城洞

隍城洞在京山縣西北二十五里。有小穴。石塞其穴。去石得一大洞。虛明宏敞。中多奇勝。

雁橋

雁橋在天門縣西門外。一名西橋。一名雁叫橋。相傳陸羽爲嬰兒時棄此。羣雁以翼覆之。因名。按羽字鴻漸。有僧得諸水濱。初不知所生。既長。以易自筮。得蹇之漸。曰。鴻漸於陸。其羽可用爲儀。乃以陸爲氏。名而字之。幼時其師教以行書。答曰。終鮮兄弟。而絕後嗣。得爲孝乎。師怒。使糞除汚。以苦之。又使牧牛。潛以竹畫牛背爲字。得張衡兩都賦。不能讀。嘆曰。歲月往矣。奈何不知書。嗚咽不自勝。因亡去。爲優人作詼諧數千言。太守李齊物異之。授以書。遂廬縣西之天門山。上元初。又隱居茗溪。號桑苧翁。又號竟陵子。詔拜太常寺太祝。不就。杜門著書。梁豁漫志備載其目。然今所傳者。止茶經三卷耳。

宋玉故里

宋玉故里在宜城縣南三十里。其墓亦在於此。明嘉靖中。嘗建祠於其旁。又秭歸縣東二里相公嶺上。亦有宋玉宅。乃玉從屈原遊學時所居也。江陵縣城西三里。又有宋玉宅。乃服官郢都時所居也。北周庾信嘗居之。

楚昭王廟

楚昭王廟在宜城縣南十餘里。宜城故城內。唐韓愈有題楚昭王廟詩。其宜城驛記云。此驛置在古宜城內。驛東北有井。樽是昭王井。有靈異。井東北數十步。有楚昭王廟。有舊時高木萬株。歷代莫敢翦伐。尤多古松大竹。舊廟屋極宏盛。今惟草屋一區而已。然向左側人。尙云每歲十月。民相率聚祭其前。廟後小城。蓋王居也。其內處偏高。廣員八九十畝。號殿城。當是王朝內之所也。元和十四年二月二十日題詩云。一邱墳滿目。衣冠盡城闕。連雲草樹荒。猶有國人懷舊德。一間茅屋祭昭王。

武當山

武當山在均縣南一百里。一曰太和山。亦曰籒上山。又曰仙寶山。一曰謝羅山。高二千五百丈。周廻五百里。有二十七峯。三十六岩。二十四澗。五臺。五井。三泉。三潭。山形特秀。異於衆岳。歷代修道之士。幽居之徒。如陰長生。尹喜。陳

希夷等皆曾棲遲於此。至今有石室。經臺諸遺蹟。山之最高峯曰天柱。亦曰紫霄。岩曰紫霄岩。明永樂中嘗營建宮館。其他僧寺道院棟宇相望。

很子潭

很子潭在均縣北。水經注潭有石磧。州長六十丈。廣十八丈。世以此州爲很子。葬父於斯。故潭得厥目焉。陰縣（卽穀城）很子家貨萬金。而自小不從父語。父臨亡。意欲葬於山上。恐兒不從。故命言葬我著渚下石磧上。很子曰。我由來不奉教。今從語。遂盡散家財。作石冢。積土繞之。成一洲。很子是前漢人。

學古洞

學古洞在竹山縣北五十里。一名學堂洞。洞極幽邃。其規制像學舍。深潤容衆。檯檉硯俱石。相傳孔子適楚講學於此。

三 荆宜

龍王洞

龍王洞在宜昌縣北十五里。洞出絕壁間。離地二丈餘。中平敞約二畝。石室空際。可容萬餘人。上有石懸出洞外十餘丈。

蝦蟇碛

蝦蟇碛在宜昌縣西北三十里石鼻山下。宋黃庭堅曰。舟中望之。願領口吻。甚類蝦蟇。洞中石氣清寒。流泉激激。泉味亦不甚甘。但冷熨人齒。陸游曰。水品所載第四泉是也。清王士禛登蝦蟇碛詩云。一黃牛打鼓朝發船。碧波白鳥爭清妍。迴首名山大川闊。鳥尾已捩西陵煙。三峽欲盡尙迤邐。云十二碛紛鉤連。頗聞中有第四泉。唐王谷水差隨肩。峽窮碛轉詫奇事。忽見飛瀑流琤潺。爬沙終古此岩側。青冥無路誰資緣。江風吹笠冷毛髮。峽雲挾雨鳴船舷。大索瓶盞貯飛雪。旋去履齒窮危巔。橫斜拾級一徑上。藤梢橘刺相糾纏。皴皴槎牙澀苔鮮。清泉百道爭涓涓。陰洞終古闕白日。神漢噴薄鍾乳堅。石

壁。蟲惡艱礪錯。題名豈辨唐宋年。永叔涪翁詩不滅。誰爲好事重鎚鑄。名山蒙頂壓顧渚。自注蒙山茶出蜀名山縣。春芽開裏勞烹煎。下岩轉舵未忍去。下半關外斜陽懸。」

黃金藏

黃金藏在蝦蟇碛側。昔人于石竇中得金簡易傳。故名。方輿勝覽夷陵（卽宜昌）縣有寶軸祕函。藏岩竇中。自宋紹興間陳膺訪故老。謂其書皆金版。悉古易傳。但曰易無周字。經與今之卦辭略同。傳與今之彖象絕異。

黃陵廟

黃陵廟在宜昌縣西黃牛峽。一名黃牛廟。三國蜀漢建祀禹。舊有神龜。金蓮花及宋歐陽修詩石刻。清玉士禛黃陵廟詩云。一峽裏黃陵廟。千秋俎豆新。禹功思癸甲。靈筭佐庚辰。灘石冬逾壯。風帆捷有神。旌旗臨絕壁。長照大江濱。一稊歸來百里。突兀見黃牛。（自注廟後峯頂有人牛像宛然如畫）

下水纔朝暮。行人已白頭。山川夔路險。疏鑿禹功留。尙憶平成日。茫茫辦九州。

甘泉寺

甘泉寺在宜昌縣西南十里。宋蘇軾留題有峽州甘泉寺詩。題下自注姜詩故居。詩云。輕舟橫江來。弔古悲純孝。婉孌見遺貌。清泉不可挹。涸盡空石窖。古人飄何之。惟有鳳竹開。行行甌邾落。戶戶懸網罩。民風坦和平。開戶夜無鈔。叢林富荀茹。平野絕虎豹。嗟哉此樂鄉。毋乃姜子教。陸游入蜀記甘泉寺竹橋石磴。甚爲幽趣。有淨煉洗心二齋。下臨江山。頗疏豁。法堂之右。水徑數十步。至孝婦泉。謂姜詩妻龐氏也。泉上有龐氏祠。

東山寺

東山寺在宜昌縣東北五里。寺之前殿爲攬勝樓。高數十餘丈。登樓西望。見山水環抱。江城如圖。層巒起伏。或隱或見。宋歐陽修有詩。其後院有東山草

堂乃近人所新建。

渚宮

渚宮舊在江陵縣城內西北隅。名勝志：渚宮楚之別宮。梁元帝於渚宮故地。修造臺榭。卽此。宋蘇軾渚宮詩云：「渚宮寂寞依古郢。楚地荒茫非故基。二王臺閣已鹵莽。」（自注：湘東王高氏）何況遠問縱橫時。楚王獵罷擊靈鼓。猛士操舟張水嬉。釣魚不復數魚鱉。大鼎千石烹蛟螭。當時郢人架宮殿。意思絕妙。般與倕。飛樓百尺照湖水。上有燕趙千娥眉。臨風揚揚意自得。長使宋玉作楚辭。秦兵西來取鐘簷。故宮禾黍秋離離。千年壯觀不可復。今之存者蓋已卑。池空野迥樓閣小。惟有深竹藏狐狸。臺中絳帳誰復見。臺下野水浮清漪。綠窗朱戶春晝閉。想見深屋彈朱絲。腐儒亦能愛聲色。何用白首談孔姬。沙泉半涸草堂在。破窗無紙風颺颺。陳公蹤蹟最未遠。七瑞寥落今何之。百年人事知幾變。直恐荒廢成空陂。誰能爲我訪遺蹟。草間應有湘東碑。

江亭

江亭在江陵縣城南大江北岸。宋黃庭堅得吳城龍女詞處。其詞曰：「簾捲曲闌獨倚。江展暮雲無際。淚雨不曾晴。家在吳頭楚尾。數點雪花亂委。撲漉沙鷗驚起。詩句欲成時。沒入蒼煙叢裏。」

天鵝池

天鵝池在江陵縣西四十里。明宋登春隱於此。登春亦號鵝池生。某爲之傳曰：「鵝池生者，姓宋氏，名登春，字應元，趙郡新河人。生壯歲，鬚髮即衰白。因自號海翁人。業以海翁稱之。晚居江陵之天鵝池，更號鵝池生。宋氏故新河農家。其先嘗累高賞。生少失父母，以亡嘗省家益貧。然性嗜酒。家貧不能長得酒，則時時發憤讀古人書。見前世結纓擊筑，棄印諸賢豪，急難奇節，未嘗不慷慨悲歌泣數行下也。生始慕俠，能挽強馳騎，間出其餘智爲小詩，輒自

喜不欲以示人。又稍稍通繪事。師江夏吳偉鄰之父。有頤而鬚者。生戲爲之貌。絕肖。父因勸生益習。此可作生業。何乃日沈醮落魄里中也。生不應。以是里中盡目爲狂生。亡所知名。年三十。會一歲間。妻子女五人俱相繼死。生仰天歎曰。咄嗟天乎。將驅我於埃壒之外乎。遂屏家於其兄。而自囊書遠遊。至博陵。博陵有故所善客憐之。餼之塾舍。二年。生默默不自得。竟謝去。去之京師。日跨一蹇驢。行長安道中。往來覓詩。方是時。臨淄布衣謝榛。以詩遊公卿間。聲籍甚。生間得其詩。唾之曰。作詩何爲者。而令七尺軀。津津諛貴人。丐活耶。居京師月餘。亡所遇。又去之渤海。入兗州。登嶧山。觀秦皇帝遺碑。還居長白山。一蕭寺。出囊中故所貯漢魏盛唐名家詩。閉關揣摩。如是者三年。頗窺作者之戶。遂大放厥詞。而於五言尤工。眼駸駸白。亡今人矣。又去而浮淮海。渡揚子江。登北固山。以望金陵鍾山。紫氣過雲陽。匍伏延陵季子祠下。涉吳會。訪錢塘天竺靈隱諸峯。已復走徐青。歸新河。數日又去。出居庸。循太行山。

而西。窮關陝澤潞諸邊塞。其在井陘。嘗居龍窩寺。餅粟罄矣。寺僧厭苦之。生曰。僧無窘我。我試繪一小圖。持至市中。當得粟。已而果鬻粟五升。何粟不盡。不更繪。而市人爭欲得生繪。則日擔粟詣門相聒。生不能堪。乃避至城外。一山樓。已由棧道入西川。遊峨眉山。遡巫巴。下荆鄂。將達於潯陽。返於黃迂雲。夢而北走大梁。偶憩鈞州酒肆。而鈞州有黨中丞者。得其所題酒肆中絕句。詩強致之家。留數月。復自宛涉襄。過京山。生所跨驢蹶於唐氏之淖。傾其囊。中書曝之。衢唐氏異生所爲。要與之飲食。歡相得也。遂主唐氏。一歲而行。唐氏爲刻其詩。傳荆郢間。更贈生二童子。卽生所呼爲丹砂白石者。生挾二童子。轉江陵。登王粲樓。讀其賦。感昔賢流寓地。有終焉之志。始生數年前。嘗至江陵。居城西開元觀。故遼王奇其詩。召謁便殿。生久在遼王所。絕不與用事者比。遼王嘗召生遊別宮。聲伎滿前。他客或故爲調笑。以悅遼王。生第端座。竟日夜。卽飲至大醉。目不流睨。遼王益敬憚生。每見生輒爲斂容。生之不及。

於難以此。遼王廢。生不樂居江陵。乃自携少贖。逍遙七澤間。最後又還江陵。遍謝其故所往來人。而斥二童子姑去。乃自童髮爲頭陀。不知其所之。」

天皇寺

天皇寺在江陵縣東。梁建。後改名乾明寺。舊有晉王羲之書張僧繇圖孔子暨顏子十哲形像。唐時僧道悟居此寺。道悟婺州人。有道行。名重當時。

劉麟之故里

劉麟之故里在石首縣西陽岐山下。麟之字遺民。一字子驥。晉南陽人。嘗作柴桑令。因又號柴桑翁。與陶淵明周續之。稱潯陽三隱。時桓車騎在荊州。張元爲侍中。使至江陵。路經陽岐。俄有一人持半小籠生魚。徑來造船。云有魚欲寄作膾。張乃維舟納之。問其姓氏。云是劉遺民。張素聞其名。大相忻待。麟之了無停意。既進膾。便去。其居在陽岐官道之側。人物往來。莫不投之。桓沖嘗過其家。麟之方條桑。謂沖旣枉駕。宜先詣家君。沖遂詣其父。父使麟之自

持濁酒蘊菜供賓。冲敕人代之。父曰。若使官人。則非野人意也。冲請麟之爲長史。固辭不可。去家百餘里。有孤姥。疾將死。歎息謂人曰。誰爲埋我。惟有劉長史耳。麟之先聞其患病。往候之。值其命終。乃身爲營棺殯送焉。

仙女洞

仙女洞在松滋縣南九十里。高山怪石。洞出其下。洞門可達者四五重。每轉愈曲。極冥邃幽妙之致。

紅崖子洞

紅崖子洞在松滋縣南一百里。山勢巖窠。絕壁有洞。洞門有流水。入數里。復有重門。內有石壁二層。可容數百人。深四十里許。

蓮臺山

蓮臺山在巴東縣南四十里。其山皆怪石林立。中有一石最大。豐上銳下。如蓮花蕊。撼之則動搖欲倒。稍加力則屹然如鐵柱。下有溪。頗深。俯眎不見底。

投以石不應。以聲呼則相響答。旱歲。土人輒禱於此。

白雲亭

白雲亭在巴東縣治西。宋寇準建。陸遊曰。巴東白雲亭。天下之幽奇絕境也。羣山環擁。層出叠見。古木森然。往往爲二三百年物。欄外雙瀑瀉石澗中。跳珠濺玉。冷人肌骨。其下爲慈谿。奔流與江會。

秋風亭

秋風亭與白雲亭相近。亦寇準建。陸遊曰。登秋風白雲二亭。觀萊公手植檜。未嘗不悵然流涕。恨古人之不可作也。清玉士禪有巴東秋風亭謁寇萊公詞詩曰。一秋風亭上望。搖落值秋風。巫峽千帆上。荆門一水通。清猿吟楚塞。客淚落巴東。故相還祠廟。淒其伏臘同。

玉虛洞

玉虛洞在秭歸縣東十里。寰宇記。唐天寶五年。其洞忽開。可容千人。宋陸遊

嘗遊之。入蜀記曰。過白狗峽。肩輿至玉虛洞。洞門纔丈尺。既入宏敞壯麗。如入大宮殿。中有石成幡蓋。幢旗鳥獸之屬。東石正圓如日。西石半規如月。其下卽香溪。

左伯桃墓

左伯桃墓在荆門縣西南九十里。春秋時羊角哀與伯桃爲友。聞楚平王賢而歸之。道遇雪。度不能俱生。乃并衣糧與角哀。入樹死。角哀至楚。爲上大夫。王以伯桃賢。備禮葬之。角哀不忍已榮。自盡。因附葬焉。

玉泉山

玉泉山在當陽縣西三十里。本名覆舟山。亦名堆藍山。上有玉泉寺。隋開皇中建。浮屠智覬自天台飛錫來。寺居之。殿前有金龜池。相近有清溪。寺東有巖烈山。又里許。有智者洞。縣志。山中有獸。狀如鹿。上下陵谷如飛。每鳴於澗谷。則雨。鳴於岡阜。則高軒。過險之不爽。

麥城

麥城在當陽東南十五里。水經注。沮水東南逕麥城西。寰宇記。相傳楚昭王所築。漢建安二十四年。關公聞南郡破。西保麥城。卽此。

百家洞

百家洞在當陽縣西北二十里。洞懸沮水之澗。怪石臨溪。遊者攀蘿而上。下爲深潭。潭旁陡逼無徑。由山嶺委折而入。最幽邃。

高家洞

高家洞在當陽縣北五十里。手板巖。巖左有南臺北臺二洞。相近有臥龍洞。山頂有穴。高廣十餘丈。中有清泉。境地絕幽。

羅漢谷

羅漢谷在遠安縣西北五十里。有石如羅漢。內有水源。土人引以灌田。傍有洞多芝蘭。因名芝蘭洞。洞西瀑布懸流如練。有泉曰魚泉。挹飲甘冽。

四 施鶴

月臺

月臺在恩施縣北。舊高三十丈。其頂平方。父老相傳謂李白謫夜郎時。嘗玩月於此。

蝦蟆池

蝦蟆池在恩施縣一百二十里。舊時池多蝦蟆。方春水生。輒跳擲出岸間。及前趾變爲羽。隨衆禽飛去。土人常得之雀網中云。

通天巖

通天巖在恩施縣東十五里。岩上有竅。可以窺天。雲霞煥彩。仰而見之。下有深潭。俯視不見底。



中華名勝古蹟續編目錄

第十三編 湖南

一 湘江

昭山 栖霞谷 金牛岡 道鄉臺 仙境嶺 濟陽山 王仙山 章仙山 醴泉
三刀石 近思書院 大佛寺 紅拂墓 觀音岩 懷杜匡 青龍岩 轟嚴臺
石門山 十洲 石魚屏 雲陽山 十房洞 桃山洞 彩山岩 吐秀岩 桃
花洞 白水洞 紫極宮 兩壁岩 金城山 雷劈嶺 穿岩 羅洪岩 龍宮崖
牌樓石 普和寺 崔婆井 紫荊臺 仙梅亭 乾明寺 道岩山 幕阜山
道人磯 西湖 魚梁亭 雲母泉 李羣玉故里 車公山

二 衡陽

沖退醉石 合江亭 祝融峰 芙蓉峯 天柱峯 鄒鉢峯 安上峯 獅子岩
中華名勝古蹟 第十三編 目錄

中華名勝古蹟 第十三編 目錄

二

水簾洞 絡絲潭 南岳廟 方廣寺 銅柱 侯公岩 天寶石柱 古炎帝陵

西山 小石城山 翠玉山 澹岩 四仙岩 小邱 鈷鈿潭 黃溪 小石潭

袁家溝 南池 萬石亭 三亭 雷洞 高山 九龍岩 月岩 中郎岩 石魚

湖 九巖山 玉瑄岩 紫虛洞 虞舜陵 層岩 同岩 姥岩 陽華岩 劍卓

觀音岩 羊角山 兜率岩 仰龜龍潭 良岩 貞女峽 金雞洞 焦源岩

垣明岩 神女岩 秀岩

三 辰沅

..... 四〇—五〇

羅山 明山 岩坡 靈岩山 倒水岩 高靈洞 蒙泉 燕子岩 龍門洞 天

門山 檳榔洞 將軍洞 黃蠟洞 憑虛樓 普安寺 馬希範銅柱 風雷洞

玉田洞 楠木洞 赤寶山 沙子坪 西晃山 林祿洞 雨珠洞 蓮柱 觀音

洞 馬王城 掃劍泉 太虛洞

中華名勝古蹟續編

第十三編 湖南

一 湘江

昭山

昭山在長沙縣南六十里。接湘潭縣界。以周昭王至此故名。截江而起。仄立萬仞。怪石磅礴。異木層陰。微露岩罅。舟過其下。隱隱見石窗岩牖。窺攀莫及。洵異境也。山側有譜煥之墓。下有昭潭。深不見底。湘水最深之處。或謂昭王南征不返。沒於此。故潭以爲名云。

栖霞谷

栖霞谷在長沙縣西。述異志。昔有橋順二子。於此得仙。服飛龍丸。十年不饑。魏文帝詩曰。「西山有仙童。不飲亦不食。」卽此。

金牛岡

金牛岡在長沙西十里。湘中記。漢武時有田父牽朱牛求渡。漁人曰。船小豈能勝牛。曰。但相容不重。於是登舟。半渡。牛糞於船。曰。以此相贈。漁人怒其污。以撓撥棄水。將盡。方覺是金。訝其異而躡之。見人牛俱入嶺。掘之不得。因名金牛岡。唐裴休鎮長沙。嘗讀書於此。舊有裴休書堂。

道鄉臺

道鄉臺在嶽麓山上。舊嶽麓寺旁。宋鄒浩號道鄉。謫衡過潭。爲州守。溫益所逐。山僧留宿於此。後張栻築臺以表之。朱子刻石曰道鄉。因以名臺。又以朱子嘗改嶽麓山頂曰赫曦。亦名赫曦臺。

仙壇嶺

仙壇嶺在湘陰縣南三十里。其峯青秀。一名青山。上有霞峯臺。湖鼻巖。及龍潭諸勝。頗堪遊觀。

洞陽山

洞陽山在瀏陽縣西北六十里。以山洞向南而名。周廻一百十里。相傳孫思邈煉丹於此。上有潭湫。水流入洞中半里許。石竇引光。沙石朗然。內有龍跡。道書以爲第二十四洞天。

王仙山

王仙山在醴陵縣三十里。一名大山。又名王喬山。山有三石室。曰三獅洞。內有石牀。石臼。石卓。石棋之屬。宏敞如堂。頂上石色皆白。間有作藍色者。乘炬而進。有清溪不可渡。中多魚蝦。山上舊有登春觀。唐開元間建。玄宗賜書六大字。宋太宗嘗取入京閱覽。已而還之。並賜書飛白字。後觀遭回祿。玄宗書被燬。獨飛白書僅存。道士彭知一乃建御書閣。歐陽修爲作記。

章仙山

章仙山在醴陵縣北五十五里。一名章龍山。道書以爲七十二福地之一。相傳

臧真人得道處。後訛臧爲章。層巒疊嶂。山勢雄秀。多亭臺寺觀。景物殊佳。前人題咏至夥。

醴泉

醴泉在醴陵縣北三里。名勝志。縣北有陵。陵上有井。涌泉如醴。因以名縣。今邑人建坊於其地。醴泉浸月。爲縣八景之一。

三刀石

三刀石在醴陵縣東二里。相傳許遜自洪都來醴。斬蛟除患。曾試劍於石者三。今痕跡宛然。劍石含霜。亦爲縣八景之一。

近思書院

近思書院在醴陵縣治東院內。舊祀朱晦庵。呂東萊。清乾隆時重修。知縣事許凝道題額曰近思。蓋昔時朱呂曾講學於此。又嘗同編近思錄也。今則專祀朱而不及呂。門額亦改矣。其左有博文約禮齋舊址。中有朱子石像。

大佛寺

大佛寺在醴陵長田衝獅子山。內有飛來鐘一具。寺後有七星池。清冽不竭。相傳寺僧雪庵禪師嘗於山獲七雉。已而化爲龍。穿池中七孔而去。故名七星。

紅拂墓

紅拂墓在醴陵縣西二里西山上。山一名堵興。相傳唐李靖南平嶺桂。駐兵於此。紅拂隨行搆疾而卒。因葬是山。當時曾建堵興寺。居僧以守護之。今山有李衛公祠。

觀音巖

觀音岩在湘潭縣北六十里空靈灘北。湘水上游。巖石峭出。勢如張蓋。有大洞廣二十餘尺。高六七尺。深六七尺。巖右鳥道縈紆。護以石闌。春秋佳日。憑眺於此。寒溜鳴玉。溼翠欲流。波光山色。風物至佳。巖左有杜公亭。崖壁刻

有唐杜甫空靈岸詩。

懷杜厓

懷杜厓在湘潭縣北鑿石浦。杜甫有宿鑿石浦詩。宋米黻於其地題刻曰懷杜厓。

青龍岩

青龍岩在寧鄉縣西大瀉山北。萬山壁立。溯深澗而入。攀援石磴。始至其巔。俯瞰神龍潭。深暗不測。岩中幽花怪石。殊堪遊觀。

慕嚴臺

慕嚴臺在寧鄉縣東南九十里。宋隱士謝楚華慕嚴子陵高風。因鑄慕嚴臺三字於石。

石門山

石門山在益陽縣西一百里。上有九疊泉。從山西下。有棧木洞。仄逕穿入。幽

深絕異。非復人間境界。

十洲

十洲曰劉公、千家、黃花、清水、華林、文星、烟波、龜茗、羅溪、孟家也。在益陽縣東南二里。資水中。布列江心。宛若河圖之數。水漲時分畫尤著。

石魚屏

石魚屏在湘鄉縣西十里。亦曰石魚山。其北有飯籬山。水經注。漣水在石魚山下。多元石。石色黑而理若雲母。開發一里。輒有魚形。鱗鱗首尾。宛若刻畫。長數寸。燒之作魚膏腥。因以名之。

雲陽山

雲陽山在茶陵縣西。山周七十里。從平地至嶺。曲折四十五里。有偃霞、紫薇、石柱、白蓮、隱形、正陽、石耳等七峯。上有百靈關、真仙洞、玉華洞、赤松壇。般若岩、諸勝、樟樹、青翠。岩岫幽深。景物至堪觀覽。

十房洞

十房洞在安化縣北十五里。寬坦若廳事。自廳入穴。中有竅。俗呼天窗。左右列十房。各有門。有鐘鼓。擊之能作聲。後有石田石池之類。洞府之佳境也。

桃山洞

桃山洞在安化縣北一百三十里。洞中有千丈坑和尚石。注水池。風洞。雷洞。龍洞。又有石床石枕等。景物幽奇。

彩山岩

彩山岩在寶慶縣東三十里。一名石鼓書洞。洞口宏敞。其中寬平。有石書石鼓。石牀石几。旁有圓孔。偃僕而入。後有一洞。幽邃杳窈。莫測其終。

吐秀巖

吐秀巖在寶慶縣北五里。巖石陡峻。俯瞰洞穴。深窈不可測。昔人鑿石爲棧道。題吐秀岩三字。其下有石如鹿形。

桃花洞

桃花洞在寶慶縣南七里官道左。洞扉高丈餘。石室宏敞。頂有一竇。通明。中有石牀石竈。右有石磴。盤旋可出。峯頂洞前多桃樹。花落水中。從山後小溪中流出。紅英點水。景物宜人。

白水洞

白水洞在寶慶縣北四十里。兩山對峙如門。旁有一小洞。望之幽邃。近復明爽。有溪從山峽出。湓流而入。半里許。大山環列如壁。泉水洞下爲唐溪。入於茱萸灘。境地清幽。若非塵寰。

紫極宮

紫極宮舊在寶慶縣西。宋端平中建。女仙道圓羽化處。道圓楊氏女。有道術。郡守子兩手拳合。醫不能療。道圓以果食卽開。後自寫遺像。留詩於宮。尸解去。僅存隻履。埋葬於縣北開元觀左。

兩壁岩

兩壁岩在武岡縣北九十里。澗水出洞口。兩山峭削。爲小橋以通行人。中開石洞。無徑可躋。從後石竇而入。舊有龍王閣。下有深潭。舟過其處。望之如島。

金城山

金城山在新寧縣南十五里。道書以爲第六十八福地。鳥道縈迴。度三天門。直至其巔。可二十里。岩洞高敞。石菴幽邃。有泉二。鍊丹池一。上有七里橋。又有一石橫互絕頂。有石棋盤。平如砥石。碁子八。石凳二。旁有古樹。屋曲上如偃蓋。有一石竇。名曰鈴子。舊構乾坤一覽亭於其上。

雷劈嶺

雷劈嶺在新寧縣東南五十里。接東安縣界。奇峯崢嶸。阻絕行人。明時忽雷劈成衢。可通商賈。石壁有庚申二字。筆力遒勁。不知何人所作。

穿岩

穿岩在新寧縣東一百里。兩岩相對。東曰天岩。外築石城。由小竇登岩上。一洞如樓窗然。西曰地岩。深入土窟。石坡廣數十丈。相隔二里。中通一溪。深澗其間。深不可涉。

羅洪岩

羅洪岩在新寧縣北三十里。洞門高迥。水從岩底流出。中一小竇。拳曲可入。內如樓閣三層。可容數十人。其源幽邃。莫能窮也。

龍宮厓

龍宮厓在新寧縣東九十里。由江口溯流而登。達象王峯。石磴嶽嶽。約三十里許。得騎虎石。上有層樓疊閣。一泉從空中瀑下。如簾飛。殊散霧。景色最佳。

牌樓石

牌樓石在新寧縣東十五里。大白村江滌。石壁高數丈。五色相兼。如牌樓然。中有門廣數丈。

普和寺

普和寺在城步縣城南。山門一柱。木屑合成。無斧斤迹。上覆鐵瓦。留墨斗曲尺於中。盛夏無蛛絲。相傳爲宋代物。門外又有二石鼓。光明若鏡。下臨巫水。

崔婆井

崔婆井在常德縣西三十里平山下。宋時仙客張虛白嘗館於酒姥崔氏。氏嘗飲以醇酒。經年不責償。詢姥以所欲。姥以江水遠。不便汲爲言。張指舍傍隙地爲井。掘不數尺。得泉甘冽。入爭市焉。名曰崔婆井。

紫荆臺

紫荆臺在岳陽縣南瀟湖上。一名紫溪臺。岳陽風土記。紫溪臺亦名紫荆臺。在瀟湖上。下有石高四丈。曰紫溪石。岳陽紀勝。昔有江叟者。遇樵夫遺以鐵笛。吹之無聲。一日登白鶴山。吹於紫荆臺。響振林谷。忽有二女子出。授神藥。曰。服此當爲水仙。女子蓋龍女也。

仙梅亭

仙梅亭在岳陽縣西南岳陽樓側。明崇禎間岳陽樓毀。土人於湖濱沙磧中得石一方。石上枯梅一幹。別無枝葉。共二十四尊。皆自成文理。不假人爲。因構亭覆之。

乾明寺

乾明寺在岳陽縣南。五代時建。一名乾元寺。亦曰新開寺。岳陽風土記。乾明寺舊永慶寺也。內有古柏。相傳是大禹手植。岳陽古蹟志。乾元寺基。晉參軍蔡勳捨園宅爲之。後唐瀨鑑道人爲道場。是山及宋太平興國間。賜藏經及旃檀像一軀。今唯藏經存焉。內有瀨鑑道人塔銘。

道岩山

道岩山在平江縣東九十重。一名香爐山。巖岫幽聳。風景頗佳。上有七星石。龍影洞。艾仙壇。龍湫。丹竈諸勝。

幕阜山

幕阜山在平江縣東。爲岳郡鎮山。一名昌江山。道書以爲第二十五洞天。石崖峭立。飛鳥莫息。壁有篆文。夏禹治水嘗至此。有巨石曰繫舟峯。又有丹井。藥臼諸遺跡。相傳葛仙翁、艾仙君嘗居山煉丹。絕頂有石田。塍渠隱然。非人力所能爲。但地極高險。上登不易。山產藥材甚夥。又多異草怪木。人不盡識。

道人磯

道人磯在臨湘縣西南十五里江濱。一名微落山。亦名落暉磯。有石高聳峙起。如道人北面而立。形勢極佳。

西湖

西湖在臨湘縣西北一里。碧波潏潏。湖水漣漪。中植荷蕖。每屆夏時。則翠蓋翻風。紅英照日。風物之佳。一時無兩。

魚梁亭

魚梁亭舊在臨湘縣南一里。魚梁山下。舊時旁多垂柳。水盡兼葭。每當新晴。雨霽時。漁歌款乃。牧笛村煙。爲一邑之勝遊。

雲母泉

雲母泉在華容縣東南墨山下。唐李華雲母泉詩序云。元石山南有佛寺。倚山巔。巔下有雲母泉。出石罅。發源如乳。撞末派如醇漿。大浸不盈。大旱不耗。自墨山西北至石門。東南至廣陵。廣輪二十里。盡生雲母。牆階道路。炯炯如列星。然井泉溪澗。色皆純白。鄉人多壽考。

李羣玉故里

李羣玉故里在澧縣東一里仙眠洲。羣玉字文山。唐澧洲人。文采藻麗。長於詩賦。不樂任進。裴休愛其才。觀察湖南。厚延致之。及爲相。薦之。曰。羣玉放懷邱壑。吟咏性情。吐妍詞於麗則。動清律於風騷。冥鴻不歸。羽翰自逸。霧豹遠迹。文采愈奇。詔授宏文閣校書郎。所著有詩集行於世。

車公山

車公山在安鄉縣西北四十里。相傳車武子遊憩於此。後人嘗建亭於山。曰車公亭以表之。武子名胤。晉南平（卽安鄉）人。父育爲郡主簿。武子幼勤學。家貧不常得油。夏月則練囊盛螢以照讀書。及長。以博學知名於世。每有盛會。必邀參與。不然。皆云無車公不樂。官至吏部尙書。

一一 衡陽

冲退醉石

冲退醉石在衡陽縣北水簾洞前石浪中。刻有冲退醉石四大字。不知何人手筆。又有試心石在縣西北會仙橋青玉壇下。突出聳起。下臨萬仞。形勢怪異。

合江亭

合江亭在衡陽縣蒸湘二水合流處。唐韓愈詩云。一紅亭枕湘江。蒸水會其

左瞰臨眇空濶。綠淨不可唾。維昔經營初。邦君實王佐。翦林遷神祠。買地費家貨。梁棟宏可愛。紹構麗匪過。伊人去軒騰。茲宇遵類挫。老郎來何暮。高唱久乃和。樹蘭盈九畹。栽竹盈萬箇。長綆汲滄浪。幽蹊下坎坳。波濤夜俯聽。雲樹朝對臥。初爲遺宦情。屯乃最郡課。人生誠無幾。事往悲豈奈。蕭條綿歲時。契濶繼庸懦。勝事誰復論。醜事日已播。中丞黜兇邪。天子閔窮餓。君侯至之初。閭里自相賀。淹滯樂閑曠。勤苦勸慵惰。爲余拂塵塔。命樂醉衆座。窮秋感平分。新月憐半破。願書巖上石。勿使泥塵澆。

祝融峯

祝融峯在衡山縣西北三十里。高三百十五丈。乃衡山七十二峯之最高者。上多濃雲。往往咫尺不見人。忽隱忽見。變幻無窮。有上封寺。卽舊光天觀。隋大業中始易爲寺。寺瓦皆鐵。防爲風吹也。寺東有觀日臺。有碑題曰觀日出處。相近有舍利塔。寺西有望月臺。峯巔又有聖帝廟。疊石爲之。廟之南有同

源碑焉。

芙蓉峯

芙蓉峯在衡山縣西北十里。祝融峯之東。古稱容峯。上有講經臺。水經注。衡山容峯最爲竦桀。自遠望之。蒼蒼隱天。故羅含云。望若陣雲。非晴不見。

天柱峯

天柱峯在衡山縣西北十五里。祝融峯之西。亦名雙柱峯。形如雙柱。聳拔。西北有香岡。產香白芷。

擲鉢峯

擲鉢峯在衡山。距嶽廟十七里。相傳陳時思大和尚擲鉢於此。故名。下有隱身岩。卓錫泉。舊又有船石。其狀如船。人經其下。造講經臺。因呼爲飛來船。清順治七年。兵備副使彭而述過之。因題其上曰。此物飛來。會當飛去。次年忽失此石所在。時人傳爲異焉。

安上峯

安上峯在衡山嶽廟西。有舜祠、舜洞、舜溪等。世傳虞舜南巡時駐此。林壑潛深。境地幽靜。衡山之最清秀處也。

獅子岩

獅子岩在衡山軫宿峯西。巨石儼然。狀肖狻猊。成昂首蹲踞勢。岩前刻有天然大師四字。下有泉曰獅子泉。泉旁更有一穴焉。

水簾洞

水簾洞在衡山紫蓋峯側。距嶽廟東北八里許。飛泉歎濺。折疊而下。形如珠簾。響振林壑。對之塵襟爽然。前面有雪浪亭。翼然聳峙。而洞則在山之高處。

絡絲潭

絡絲潭在衡山駕鶴青岑二峯間。嶽廟後。水源自芙蓉香爐諸峯而來。潭水從高下瀉。如曳匹練。衝坳擊石。聲動林谷。而洪大曲折。過於水簾。

南岳廟

南岳廟在衡山縣西北三十里。大門內爲樞星門。再進爲正南門。重簷二層。更進爲嘉應門。爲大殿。大殿後爲寢宮。翼房數十間。黃瓦重簷。柱用巨石。外圍朱垣。古木繁茂。志云。廟坐壬向丙。前後直深百二十五丈。左右橫廣分兩截。後截五十七丈八尺。前截四十六丈三尺。大殿重簷七間。內外柱準七十二峯之數。規制崇閎。蓋可想見。歷代祭岳都在於此。

方廣寺

方廣寺在衡山蓮花峯下。距嶽廟六十里。寺居其中。其地泉石清幽。叢林秀寂。風物之佳。衡山所不易得者。宋朱晦庵張南軒嘗遊於此。寺旁因有二賢祠。距寺二三里。有石澗潭寺。其前森林叢密。陰翳不見陽影。下臨絕澗。水聲潺湲。境地之佳勝。殆又過於方廣焉。

銅柱

銅柱在衡山縣西北。名勝志。吳黃武二年都督程普與蜀關公分界。共立銅柱爲誓。卽此。

侯公岩

侯公岩在耒陽縣西三十里。宋仁宗嘉祐中道人穿石竅得之。一夕雷雨。竅大開。明見四壁。第二岩有石乳滴成獅子狀。高五尺。因名獅子岩。後以有侯彭老者隱此。乃曰侯公岩。

天寶石柱

天寶在耒陽縣西五十里。高五六尺。上有字多磨滅。可識者惟天寶十一年五字耳。

古炎帝陵

古炎帝陵在酃縣西二十里。林木茂盛。蒼蒼青翠。宋太祖乾德五年始訪得。開寶四年詔置守陵七戶。清時亦嘗迭此遣官致祭。

西山

西山在零陵縣西。唐柳宗元有始得西山宴遊記。文曰：「自余爲僇人居是州。恒惴惴。其隙也。則施施而行。漫漫而游。日與其徒上高山。入深林。窮迴溪。幽泉怪石。無遠不到。到披草而坐。傾壺而醉。醉更相枕以臥。意有所極。夢亦同趣。覺而起。起而歸。以爲凡是州之山有異態者。皆我有也。而未始知西山之怪特。今年九月二十八日。因坐法華寺。望西山。遂命僕過湘江。緣染溪。斫榛莽。焚茅筏。窮山之高而止。攀援而登。箕踞而遨。則凡數州之土壤。皆在衽席之下。其高下之勢。呀然洼然。若垤若穴。尺寸千里。攢蹙累積。莫得遯隱。縈青繚白。外與天際。四望如一。然後知是山之特出。不與培塿爲類。悠悠乎與灑氣俱。而莫得其涯。洋洋乎與造物者游。而不知其所窮。引觴滿酌。頽然就醉。不知日之入。蒼然暮色。自遠而至。至無所見。而猶不欲歸。心凝形釋。與萬化冥合。然後知吾嚮之未始游。游於是乎始。故爲之文以志。是歲元和四

年也。」

小石城山

小石城山在零陵縣西。柳宗元有小石城山記。文曰：「自西山道口徑北。踰黃茅嶺而下。有二道。其一西出。尋之無所得。其一少北而東。不過四十丈。土斷而川分。有積石橫當其垠。其上爲睥睨梁欂之形。其旁出堡隴。窺之正黑。投以小石。洞然有水聲。其響之激越。良久乃已。環之可上。望甚遠。無土壤而生嘉樹美箭。益奇而堅。其疏數偃仰。類智者所施設也。」

羣玉山

羣玉山在零陵縣西南。山石皆白。故名。有岩曰德星。洞曰修竹。幽篁清修。古木樛曲。怪石萬狀。爲一郡之奇觀。

澹巖

澹巖在零陵縣南二十五里。盤伏在兩江之間。周里許。有巖竇可容萬夫。昔

有澹姓者居此。因名。舊有澹山寺。樓殿屋室。隱隙罅中。雖風雨不能及。或云澹巖。宋黃庭堅始題識之。洞中有石。載山谷詩與書。去澹巖二里。有暗岩。粟燭而入。其中廣袤。亦可容萬人。

四仙巖

四仙巖在零陵縣西南。由梅溪西行四十里。突起一峯。半壁皆石。嵌空玲瓏。下有二潭。一潭澄靜。一潭瀑布直下。潭北爲洞。洞中有石井。水甘冽可飲。傍有石門。上至懸厓間爲石樓。几案榻檯。皆天然石物。

小邱

小邱在零陵縣西。銛鐸潭西。柳宗元文曰。一得西山後八日。尋山口西北道二百步。又得銛鐸潭。西二十五步。當湍而峻者爲魚梁。梁之上有邱焉。生竹樹。其石之突怒偃蹇。負土而出。爭爲奇狀者。殆不可數。其嶽然相累而下者。若牛馬之飲於溪。其衝然角力而上者。若熊羆之登於山。邱之小不能一畝。

可以籠而有之。問其主曰：唐氏之棄地，貸而不售，問其價曰：止四百。余憐而售之。李深源元克已時同遊，皆大喜，出自意外。卽更取器用，剷刈穢草，伐去惡木，烈火而焚之。嘉木立，美竹露，奇石顯。由其中以望，則山之高雲之浮，溪之流，鳥獸魚之遊，遊。舉熙熙然，迴巧獻技，以效茲邱之下。枕席而臥，則清冷之狀與目謀。潏潏之聲與耳謀。悠然而虛者與神謀。淵然而靜者與心謀。不匝旬而得異地者二。雖古好事之士，或未能至焉。」

鉅鑄潭

鉅鑄潭在零陵縣西三里。中有小泉，經愚溪入瀟水。柳宗元文曰：「鉅鑄潭在山西。其始蓋冉水，自南奔注，抵山石，屈折東流。其顛委勢峻，盪擊益暴，齧其涯，故旁廣而中深。畢至石乃止，流沫成輪，然後徐行。其清而平者且十畝，有樹環焉。有泉懸焉，其上有居者，以予之亟游也。一旦款門來告曰：不勝官租私券之委積，旣芟山而更居，願以潭上田贖財，以緩禍，予樂而如其言。」

則崇其臺。延其檻。行其泉。於高者墜之。潭有聲凜然。尤與中秋觀月爲宜。於以見天之高地之迴。孰使予樂居夷而忘故土者。非茲潭也歟。

黃溪

黃溪在零陵縣東七十里。柳宗元文曰：「黃溪距州治七十里。由東屯南行六百步。至黃神祠。祠之上。兩山牆立。如丹碧之華葉。駢植。與山升降。其缺者爲厓。峭巖窟水之中。皆小石平布。黃神之上。揭水八十步。至初潭。最奇麗。殆不可狀。其略若剖大瓿。側立千尺。溪水卽焉。黛蓄膏淳。來若白虹。沈沈無聲。有魚數百尾。方來會石下。南去又行百步。至第二潭。石皆巍然。臨峻流。若頽頽斷齧。其下大石難列。可坐飲食。有鳥赤眉烏翼。大如鵝。方東嚮立。自是又南數里。地皆一狀。樹益壯。石益瘦。水鳴皆鏘然。又南一里。至大冥之川。山舒水緩。有土田。」

小石潭

小石潭在零陵縣西小邱之西。柳宗元文曰：「從小邱西行百二十步，隔篁竹，聞水聲如鳴佩環，心樂之。伐竹取道，下見小潭，水尤清冽。全石以爲底，近岸卷石底以出，爲坻爲嶼，爲嵚爲巖，青樹翠蔓，蒙絡搖綴，參差披拂。潭中魚可百許頭，皆若空遊無所依。日光下徹，影布石上，怡然不動，俶爾遠逝，往來翕忽，似與遊者相樂。潭西南面望，斗折蛇行，明滅可見。其岸勢火牙差互，不可知其源。坐潭上，四面竹樹環合，寂寥無人，淒神寒骨，悄愴幽邃。以其境過清，不可久居，乃記之而去。同遊者吳武陵、龔古、余弟宗玄、隸而從者崔氏二小生。曰怒已、曰奉壹。」

袁家渴

袁家渴在零陵縣南。柳宗元文曰：「由冉溪西南水行十里，山水之可取者五，莫若鉅澗潭。由溪口而西陸行可取者八九，莫若西山。由朝陽巖東南水行至蕪江，可取者三，莫若袁家渴。皆永中幽麗奇處也。楚越之間方言謂水

之反流者爲渴。音若衣褐之褐。渴上與南館高嶂合。下與百家瀨合。其中重洲小溪。澄潭淺渚。間厠曲折。平者深黑。峻者沸白。舟行若窮。忽又無際。有小山出水中。山皆美石。上生青蠶。冬夏常蔚然。其旁多巖洞。其下多白礫。其樹多楓。檣石。楠。榿。檣。樟。柚。草則蘭芷。又有異卉。類合歡而蔓生。鞞轉水石。每風自四山而下。拔動大木。掩苒衆草。紛紅駭綠。翳勃香氣。衝濤旋瀨。退貯谿谷。搖颺葳蕤。與時推移。其大都如此。余無以窮其狀。永之人未嘗遊焉。余得之不敢專也。出而傳於世。其地世主袁氏。故以名焉。一渴相近。又有石渠石澗之勝。柳宗元亦有文。曰。一自渴西南行不能百步。得石渠。民橋其上。有泉幽幽然。其鳴乍大乍細。渠之廣或咫尺。或倍尺。其長可十許步。其流抵大石。伏出其下。踰石而往。有石泓。昌蒲披之。青鮮環周。又折西行。旁陷巖石。下北墜小潭。潭輻減百尺。清深多鱖魚。又北曲行紆徐。睨若無窮。然卒入于渴。其側皆詭石怪木。奇卉美箭。可列坐而旆焉。聲搖其巔。韻動厓谷。視之既靜。其聽

始遠。予從州牧得之。攬去翳朽。決疏土石。旣崇而焚。旣釀而盈。惜其未始有傳焉者。故累記其所屬。遺之其人。書之其陽。俾後好事者求之。得以易。元和七年正月八日。蠲渠至大石。十月十九日。踰石得石泓小潭。渠之美。於是始窮也。一又曰。一石渠之事旣窮。上由橋西北下。土山之陰。民又橋焉。其水之大。倍石渠三之。巨石爲底。達於兩涯。若牀若堂。若陳筵席。若限閭奧。水平布其上。流若織文。響若操琴。揭跳而往。折竹掃陳葉。排腐木。可羅胡牀十八九居之。交絡之流。觸激之音。皆在牀下。翠羽之木。龍鱗之石。均蔭其上。古之人。其有樂乎此耶。後之來者。有能追予之踐履耶。得意之日。與石渠同。由渴而來者。先石渠。後石澗。由百家瀨上而來者。先石澗。後石渠。澗之可窮者。皆出石城村東南。其間可樂者數焉。其上深山幽林。逾峭險。道狹。不可窮也。一

南池

南池在零陵縣東南。唐柳宗元有陪永州崔使君遊譙南池序。有曰零陵城

南環以羣山。延以林麓。其厓谷之委會。則泓然爲池。灣池爲溪。其上多楓楠。竹箭哀鳴之禽。其下多茨芰蒲渠。騰波之魚。韜涵太虛。澹澹里閭。誠遊觀之佳麗者也。名勝志地當南山之缺。設自神功。無容工鑿。隨山周旋。可容巨艦。

萬石亭

萬石亭在零陵縣北萬石山上。柳宗元有文曰。一御史中丞清和男崔公來蒞永州。間日登城北牖。臨於荒野藂翳之隙。見怪石特出。度其下必有殊勝。步自西門。以求其墟。伐竹披輿。欬仄以入。纒谷跨谿。皆大石林立。渙若奔雲。錯若置碁。怒者虎門。企者鳥厲。抉其穴。則鼻口相呀。搜其根。則蹄股交峙。環行卒愕。疑若搏噬。於是剗闢朽壤。煎焚榛蕪。決滄溝。導伏流。散爲疏林。洄爲清池。寥廓泓渟。若造物者。始判清濁。效奇於茲地。非人力也。乃立游亭。以宅厥中。直亭之西。石若掖分。可以眺望。其上青壁斗絕。沈於淵源。莫究其極。自下而望。卽合乎攢巒。與山無窮。——

三亭

三亭在零陵縣東山之麓。一曰讀書林亭。二曰湘秀亭。三曰俯清亭。唐零陵令薛存義建。柳宗元有記。

雷洞

雷洞在祁陽縣西七里。厓高數十丈。洞容數百人。南有石門。又南數十步。石厓通竅。泉出其下。曰雷澤洞。舊建道觀於上。曰雷壇。

高山

高山在東安縣西北一里。五峯突出。石上有宋人題刻。有幽巖。自外達內。凡九門。門隔一洞。極深。遠可觀。

九龍岩

九龍巖在東安縣北一百里。山形陡起。奇石錯立。巖前有池。巖門高敞。循磴而下。隙僅可容身。其中方廣闊靜。頓別塵境。

月岩

月岩在道縣西營山西南二里。一名太極岩。東去濂溪十五里。岩形如圓廡。中可容數萬斛。東西有兩門。望之如城闕。而虛其頂。自東望之如月上弦。自西望之如月下弦。就中望之如月之望。故名月岩。向以其東西相通。亦名穿岩。

中郎岩

中郎岩在道縣西北四十里。一名進賢岩。石洞幽邃。內有泉從石罅出。泠泠不竭。石厓層磴。若躑削所成。沿磴而上。如升樓閣。境地奇詭。

石魚湖

石魚湖在道縣東瀘泉南。有獨石在水中。狀如遊魚。唐元結嘗遊憩於此。作文賦詩。詩有「吾愛石魚湖。石魚在湖裏。魚背有酒樽。繞魚是湖水」之句。又有醉歌曰。「石魚湖似洞庭。夏水欲滿君山青。山爲樽。水爲沼。酒徒歷歷

坐洲島。長風連日作。大浪不能廢人運酒舫。我特長瓢坐巴邱。酌飲四座以散愁。

九疑山

九疑山在寧遠縣南六十里。亦名蒼梧山。郡國志。九疑山有九峯。一曰朱明。二曰石城。三曰石樓。其形如樓。四曰娥皇。下有舜池。池旁春日百鳥生卵。人取之則迷路。卵不可得。五曰舜源。比衆峯最高。其上多紫蘭。六曰女英。七曰簫韶。峯下卽象耕種之處。八曰桂林。馬明生遇安期授金液神丹之處。九曰梓林。周義山開石函得經讀之升仙之處。又有九水。七流嶺北。二則翻注廣南。水經注。九疑山盤基蒼梧之野。峯秀數郡之間。羅峯九舉。各導一溪。岫壑負阻。異嶺同勢。遊者疑焉。故曰九疑。元結九疑圖記。九疑山方二千餘里。四州各近一隅。世稱九峯相似。望而疑之。謂之九疑。亦云舜登九峯。疑禹而悲。從臣有作九悲之歌。因謂之九疑。九峯極高大。遠望皆可見也。彼如嵩華之

峻時。衡岱之方巖。在九峯之下。磊磊然如布碁石。可以百數。中峯之下。水無魚鱉。林無鳥獸。如蟬蠅之類。聽之亦無。往往見大谷長川。平田深淵。松杉百圍。榕檜並之。青莎白沙。洞穴丹厓。寒泉飛流。異竹雜花。回映之處。似藏人家。山故多修隱之士。潛確類書云。簾韶峯東北有三麓牀。乃古高道之士所作。第一麓牀。有石長一尺六寸。人跡髣髴。第二麓牀。有二石鑑。寒光清圓。第三麓牀。有巨石在路旁。又有修真四壇。第一壇有茜草長丈餘。如虎鬚。古人鍊丹鑑釜尚存。第二壇有清池東流。有齊永明所鑄鐵磬十二枚。第三壇有石牀。筌竹圍大者幾二尺。第四壇有石盆。水出不竭云。

玉瑄巖

玉瑄巖在甯遠縣東南。巖下有洞。元結名曰無爲洞。篆刻存焉。洞在舊永福寺東十步。上有至元間李嶠篆刻。行五里有南北二徑。一徑通舜峯。一徑通紫廬洞。行二十里。有石穴。存元結永泰年題名。

紫虛洞

紫虛洞在寧遠縣東南。本曰斜巖。唐刺史薛伯高所命名。紫虛洞乃宋至道初太守張觀所更。明嘉靖中又改曰重巖洞。亦曰紫霞巖。巖有石田。茶布。巖竇可二丈。執炬而入。見竇。壓峭壁。寒泉冷風。滴乳如佛像。如車蓋。如花果。如器皿。如飛走。有石室。可坐百人。其東有洞。中又有風洞雷洞焉。

磨舜陵

磨舜陵在寧遠縣九疑山女英峰下。一名磨陵。亦名永陵。自古禁樵采。置守陵戶。歷代遣官致祭。舊有祠在山南。前有石碑。文字缺失。不可辨識。明洪武遷於簾韶峰下。

層巖

層巖在永明縣西南三里。層山之陰。洞穴空廣。高數十丈。廣數百步。有澗自巖中出。橫紆如帶。

同巖

同巖在永明縣北三里。水石之奇與層巖同。故名。洞口石門。有泉自崖湧。澄泓數畝。從門流出。中空廣可容千人。有明有晦。晦者需炬而行。此巖中虛外固。前堂後寢。內外有辨。邑人常保聚於此。

姦巖

姦巖在江華縣西十里。巉巖奇巧。中有石柱如蓮花。俗名蓮花巖。景物怪異。堪資游覽。

陽華巖

陽華巖在江華縣東南。唐元結銘云。九疑萬峯。不如陽華。陽華巉巖。其下可家。洞開爲巖。巖當陽端。巖高氣清。洞聲泉寒。陽華旋回。巖巔如關。溝塍松竹。輝映水石。讀此蓋可知巖之佳勝焉。

劍泉

劍泉在郴縣西。泉從石罅間出。世傳英布卓劍處。因成泉。宋張舜民嘗刻銘於上。

觀音巖

觀音巖在永興縣西五里。壁立瞰江。巖下有如石象。江心有石如獅。稱邑之奇觀。

羊角山

羊角山在資興縣北六里。山脊稍凹。有石門。從石門入。幽溪盤紆。林木翳鬱。側瞰危石。蒼翠欲滴。景物絕佳。上有平田數畝。山麓又有石洞一穴。

兜率巖

兜率巖在資興縣南二十里。一名靈巖。有泉水湧出。纍纍如楊梅然。因又名楊梅堂。巖內空闊迂迴。秉燭入遊。有石觀音羅漢像。又有石幢、石鐘、石鼓等。巖前有金箭灘。

仰窳龍潭

仰窳龍潭在資興縣東十里。幽溪深箐。澄潭千尺。旁有天然石橋。高數十丈。勢極峻危。

良巖

良巖在宜章縣南二里。有水自巖湧出。其深莫測。舊嘗鑄大士渡海像於中。爲一邑之勝境。

貞女峽

貞女峽在汝城縣南。水經注。匯水出桂陽（即汝城）南至四會溪水。下流歷峽南出。是峽謂之貞女峽。峽西岸高巖。名貞女山。山下際有石如人形。高七尺。狀如女子。故名貞女峽。古來相傳。有數女取螺於此。遇風雨晝晦。忽化爲石。唐韓愈有貞女峽詩。曰「江盤峽束春湍豪。雷風戰鬥魚龍逃。懸流轟轟射水府。一瀉百里翻雲濤。漂船擣石萬瓦裂。咫尺性命輕鴻毛。」

金雞洞

金雞洞在桂東縣東北十五里。一名龍巖石。一名仙人掌。洞中石壁上隱隱有仙人掌。跡下有金雞石。相傳昔有金雞現於石上。

焦源巖

焦源巖在桂陽縣南三十里。高敞如堂。中有佛龕丈室。巧逾人工。旁一石頂背如僧狀。名面壁石。

坦明巖

坦明巖在桂陽縣北六十里。週塘。巖下有洞。深廣可容百十人。一溪潏洄。有天生石橋跨之。昔人嘗建庵其上。其石乳如雲磬狀。扣之聲清而有韻。

神女巖

神女巖在桂陽縣北。勢甚軒敞。周市前後如堂奧。下有石柱。高可丈許。大數圍。隻手撼之。往往似動。衆力擠之。屹立如定。

秀巖

秀巖在臨武縣南十五里。巖石天成。門奧俱備。中平曠可坐數百人。四壁璀璨如五彩。壁上鐫米芾書秀巖二字。巖東北有穴。通明。石乳結聚。下有兩穴。水出其左。爲大溪流。二百餘步。復入石穴。相近又有紅石巖。中可容百人。石乳結成花木鳥獸之狀。

三 辰沅

羅山

羅山在芷江縣西三十里。一名巖羅坡。岫壁磷岫。峯巒特異。石壁下流泉三道。匯而成井。岩刻靈派流芳四字。迤東有洞曰岩羅洞。穴隘。舒淙淙曲水。達爲溪流。凡二里。東流四十里。會楊溪。入漣水。

明山

明山在芷江縣北二十里。郡之鎮山也。岡巒重複。朝挹郡治。飛雲濃黛。如列

畫屏。東爲五土坡。舊傳唐五高士結廬於此。稍西爲百子峯。峯西爲黎溪。膏液所凝。厥產色石。頂舊有假武殿。爲郡人報賽之所。

巖坡

巖坡在芷江縣東七十里。山勢橫互如蔓。石質堅韌。研之成粉。可以墾壁。上有風洞。稍下爲林家洞。有石室。巖半曰巖坡。洞皆有泉。滙於上趾。爲洞水溪。

靈岩山

靈巖山在桃源縣北七十里。蘇溪村。山有五洞相連。洞中有小河。并龍潭。水清可鑿。石壁上有天然大土像。昔人評桃源勝景。首推靈岩。

倒水巖

倒水巖在桃源縣西南六十里。欽山之東。甕子灘上。龍家溪自北出流。其下。其上有十二峯。列馬石。溪左巖石參差。鼎立稱尊。適可三足。中皆有澗。隔之。

其地饒竹。幽篁便娟。至可玩賞。

高靈洞

高靈洞在桃源縣一百五十里。三面皆白。俯仰五十尺。橫廣有加。洞右有小門。僅二尺許。初入沈黑。燃炬入數十折。得若堂若房者數間。朗然有光。後有長灘四五折。爲十曲巖。又數步爲仙界城。坡右有瓊田十二。溝塍儼然。洞中風景幽秀可觀。又十里通赤霞洞。相傳人不能至云。

蒙泉

蒙泉在石門縣西花山下。有宋黃魯直書蒙泉二字。五雷諸山至此。忽然開朗。兩水潏流。山川窈窕。爲石門最勝處。

燕子巖

燕子巖在慈利縣東南二里。亦名燕子洞。宋端平間有人題額燕子岩三字。岩內深廣可容數千人。岩後有石穴。乘炬而入。中有明處。四圍石乳融結成

種種形。有石如燕子狀。

龍門洞

龍門洞在慈利縣九溪城東。修長如徑。旁多坎珂。如蜂房蟻穴。入洞一里許。具幽妙之致。有石獅蹲踞。因又名獅洞。後以旁近鯉魚灘。改名龍門。

天門山

天門山在大庸縣南三十里。卽古松梁山。一名嵩梁山。有十六峯。最高者爲天門。空朗透徹。明貫山頂。其上有泉。宇文周建德中。祀爲南岳。又有天漕堰。白練千仞。懸流而下。每夏旱。山麓之田利賴焉。山經注。高聳孤聳。素壁千尋。望之若亭。又似香爐。吳永安六年。其山洞開如門。高三百丈。廣二百丈。孫休以爲嘉祥。分武陵置天門郡。

檳榔洞

檳榔洞在大庸縣西。接永順縣界。從穴而入。有大門。鑄石像。十里許。四山壁

立無路徑。中有小溪。自東南來。入石竅中。伏流復出。爲大溪。景最幽勝。

將軍洞

將軍洞在大庸縣東南。門廣一丈。高數丈。有石柱倒懸。遊人秉炬而入。中有石田。區畫井然。有水伏流。出洞外。名白馬泉。春時。往往有魚鱗。頗肥美。

黃蠟洞

黃蠟洞在鳳凰縣南七里。洞高三丈。深四里許。內有溪流。可釣。相傳釣者不語。即得魚。皆黑色。否則一魚不獲。

憑虛樓

憑虛樓舊在沅陵縣西二里。明王守仁謫龍場。過此寓焉。庭中有古松一株。因榜其旁曰松雲軒。

普安寺

普安寺舊在沅陵縣治東。元大德中。妙鑠和尚建。三年乃成。妙鑠來自沅州。

有度世禁氣之術。寺功始畢。乃著袈裟。躡芒屨。遠寺行三日。人莫測其故。投寺前井中。其徒宗寶急率衆往井覓之。不可得。後怡溪人報妙鑠尸在清浪灘。往視之。果然。解其袈裟。得一頌曰。三十三年。無道無禪。空空盡在水底生蓮。乃歸葬之。越數月。有人見其在巴東。行走如飛。追之不及而止。

馬希範銅柱

沅陵縣西北一百十里會溪城對江。有五代時馬希範置銅柱。宋史太平興國七年。詔辰州不得移馬氏銅柱。卽此。胡三省通鑑注在會溪城西南一里。演繁露柱高丈二尺。入地六尺。以銅五千斤爲之。

風雷洞

風雷洞在瀘溪縣西。懸厓千仞。二洞並立。左風右雷。更有一洞。介乎其間。水泉翻浪而出。俗傳天每欲雨。則風雷發於二洞。故云。

玉田洞

玉田洞在瀘溪洞東十五里。洞中幽邃冥妙。左畔石坂上如田狀者千餘。俗呼爲千坵田。

楠木洞

楠木洞在溆浦縣西二十里。盧峯山西。石壁峭立。梯竹以登。有水曰龍池。其深莫測。洞門舊多楠木。羅蔽中深。五里許有楠木泉。下流爲無盡溪。

赤寶山

赤寶山在黔陽縣南里許。沅水無水合流於此。本名七寶山。山勢插空。日出霞映如錦。中有二十四勝。最著者。峯曰白雲。香藤蘿月嵐峯迴峯觀瀾芙蓉。待月。先月。乳峯。翠雲。小山曰螺山。谷曰盤谷。坪曰翠雲。澗曰琴澗。嶺曰楓香。亭曰翠微。又有梅花。迳梅花。鳴花。時如雪。遊人集焉。

沙子坪

沙子坪在黔陽縣北七十里。亦曰涵虛洞。一名飛雲洞。在山中。漸進高廣如

屋。其地浮沙軟滑。因名沙子坪。躡磴上通。見頂穴如屋。雷隙光所照。鬚眉畢現。

西晃山

西晃山在麻陽縣南三十里。出丹砂。自麓至頂可二十里。中有一澗橫斷之。互以石梁。曰仙人橋。長五丈。頂上有洞。曰雷公洞。聲殷殷出其間。過者怖之。半山有洞。曰三鬚洞。曰鑊鉞洞。曰沈家洞。洞水歛薄。匯爲溪流。曰石橋溪。

林祿洞

林祿洞在麻陽縣西十五里。俗名乾洞。明時士人避兵藏書於此。亦名亞西洞。上有宋大觀二年題名四十六字。

雨珠洞

雨珠洞在麻陽縣北二十里。俗名巖洞。高百丈。深如之。有四門。其中最著奇蹟。有石鐘。仙田。石屋。仙池。石屏。石佛。石龍。石馬。石筍。石水晶。石鐘乳。石佛手。

石城石柱等洞。後一門。宛如中雷。

蓮柱

麻陽縣西三十里有天擎洞。崇崖嵒嶂。石湍飛溜。有石柱高數百尺。上鏤菌
蒼曰蓮柱。偉觀。

觀音洞

觀音洞在桑植縣南三里。洞有三重。透迤而入。澄潭石髓。幽勝莫可名狀。歷
第三潭數里許。通縣城東門。聞城中男女雞犬聲。

馬王城

馬王城在靖縣西北十里飛山上。一名馬王坪。五代馬氏兵討飛仙洞蠻。會
潘全盛遣其黨楊承磊畧武岡。馬氏遣呂師周討之。掇蘿躡石。直抵飛山。分
軍布柵。全盛大駭。承來戰。師周破其軍。縛降者爲鄉導。襲擒全盛。斬之。盡平
東穴。今環飛山濠塹遺址尙存。

插劍泉

插劍泉在會同縣西一百步。舊有隱真觀。相傳呂洞賓曾到觀。見道童苦汲。以劍插此。泉水涌出。明成化九年縣令劉永嘗建亭。並立碑其上。呂劍留泉。爲縣八景之一。

太虛祠

太虛祠在乾城縣東二里。深里許。洞口如螺。中有八仙臺。可敷數席。上懸石乳。下有溪流。可以垂釣。



中華名勝古蹟續編目錄

第十四編 四川

一 西川……………一一一四

公園 驢馬橋 石經 青羊宮 昭覺寺 五代蜀王建墓 薛濤井 萬里橋
張飛墓 東岩 尙友閣 桂湖 王漁墓 荀居士寫經臺 東湖 仙人井 青
城山 天師洞 白雲溪 長生宮 上清宮 普照寺 離堆 繩橋 玉佛 瀑
布泉 超然亭 誓水柱 石聲山 金雁橋 月波井 文昌勝境 盤陀仙境
佛爺岩 九子龍窩

二 東川……………一四一三

塗山 洪厓洞 長安洞 佛閣關 聖廟古碑 羅漢寺 丹岩 松石 葛仙山
金佛山 四十八渡 九蓮山 建文帝幽潛處 鐵櫃山 龍多山 西山 下

三 建昌

岩 雷洞 風山 二仙山 瀟溪洞 虹飲岩 丙穴 鳴玉溪 望夫臺 月岩
 蒙山 總崗山 大佛岩 避瘴山 瀘沽峽 白岩 石岩洞 四峰山 九頂山
 高標山 方響洞 龍門山 魏了翁讀書處 千佛岩 大石佛 石倉米洞
 范鎮讀書臺 火井 霧山 趙雲墓

一一一—一二〇

四 永寧

思峨洞 天倉山 仙侶山 五子池 武侯征蠻故道 竹岩洞 西湖 龍橋
 虞公峽 玉壺井 雙洞 金鵝洞 安樂山 偶住亭 古佛洞 資州四岩 佛
 岩山 虞允文墓 雷番山

三〇—三六

五 嘉陵

盤龍山 文城山 將相堂 房瑄墓 北津樓 畫卦石 大蓬山 孔雀洞 佛
 龍洞 避塵山 雲臺山 思依山 靈雲洞 天台山 龍門山 富水洞 藥臺

三六一—四八

得漢山 十二峰 壁園 霄漢閣 牛頭山 劉蛻瘡文處 天柱山 韭菜岩

中華名勝古蹟 第十四編 目錄

三

中華名勝古蹟 第十四編 目錄

中華名勝古蹟續編

第十四編 四川

一 西川

公園

公園在成都少城內。綠樹青蒼。紅花綽約。構亭設座。引水成池。並有茶肆操場等。地雖不廣。殊堪遊憩。附近又有展覽會。辛亥爭路紀念碑等。亦足觀賞。

駟馬橋

駟馬橋在成都縣北。本石昇仙橋。漢司馬相如初入長安。題曰。非高車駟馬。不過汝下。後人因易今名。

石經

石經在成都舊府學。孟蜀時相母昭裔刻孝經、論語、爾雅、周易、尚書、周禮、毛

詩禮記儀禮左傳凡十經。盡依太和舊本。歷八年乃成。後宋田元均又補刻公穀。晁公武補刻古文尙書。胡元質嘗爲作堂以貯之。曰石經堂。

青羊宮

青羊宮在成都縣西南。一名青羊觀。亦曰青羊肆。寰宇記。老子與關尹堯別約曰。千日後尋我於成都青羊肆。卽此。其地林木翳蔚。樓觀壯偉。內有三清殿。玉皇樓。古銅羊。古鼎等。外則清水一灣。有望仙橋。迎仙橋等。境地幽靜。風光清佳。允足繫遊人之跡。停客路之驂也。

昭覺寺

昭覺寺在成都縣北。宋建。卽孟蜀宣華苑故址。清時重修。地多林木。亭亭矗立。濃陰蔽日。景物幽勝。炎夏道暑。允爲佳地。

五代蜀王建墓

五代蜀王建墓在成都大西門外。頗爲高廣。有二石幢。

薛濤井

薛濤井在華陽縣錦江南岸百花潭上。有碑刻曰薛濤井。唐薛濤嘗家於此。舊名玉女津。明蜀王每歲春三月三日。汲此水造糜二十四幅。以十六幅入貢。附近有望江樓。風景絕佳。

萬里橋

萬里橋在華陽縣南。蜀使費禕聘吳。諸葛亮祖之歎曰。萬里之行。始於今日。因以名橋。唐明皇幸蜀過此。問橋名。左右有對。明皇歎曰。開元末僧一行謂更二十年。朕當遠遊萬里外。此其驗也。寶字記亦名篤泉橋。以橋南有篤泉也。

張飛墓

張飛墓在萬里橋南。墓道多竹木。地絕幽寂。相近有桓侯祠。境亦幽靜。又橋側有關公墓。乃昭烈帝以衣冠招魂葬此。

東巖

東巖在簡陽縣東五里。巖後有石洞二。洞有龍泉。左右刻八卦圖及隸書西銘。又有西巖在縣西五里。南巖在縣南二里。北巖在縣北二里。皆堪遊玩。

尙友閣

尙友閣舊在崇慶縣治西湖上。宋紹興間計敏夫領郡事。以高適爲此州時。與杜甫詩詞酬唱。乃索高杜二詩刻石。目其閣曰尙友。

桂湖

桂湖在新都縣南。本名衛湖。明楊慎歸田後植桂樹百枝。因易今名。今樹猶多存在。湖廣可十畝。中多荷花。每值夏令。碧紅映日。風景絕勝。且其地有樓閣亭榭。卽平時遊憩於是。亦足開懷豁目也。請曾國藩嘗飲於湖上。有桂湖詩五首。詩前綴以小序曰。新都桂湖。明楊升庵修撰故宅也。使旋過此。縣令張君宜亭招飲湖上。爲賦此詩。詩云。一遂別華陽國。歸程始此賒。翻然名境

訪來及夕陽斜。翠竹偃寒蝶。丹楓噪暮鴉。詞人云異代。臨水一咨嗟。一短
城三面繞。淺水半篙寒。鳥過穿殘日。魚行起寸瀾。秋來樓閣靜。幽處地天寬。
平昔江湖性。眞思老釣竿。一十里荷花海。我來吁已遲。小橋通野港。壞艇
臥西陂。曲岸能藏鷺。盤渦尙戲龜。傾城遊女盛。好是采蓮時。一矮桂枝釣
裏。叢篁葉打頭。隄行皆仄徑。路斷得高樓。欄檻千迴錦。玻璃五色秋。落霞沈
水底。綺散不能收。一頗憶家山好。去鄉茲六年。此間行樂地。小有洞庭天。
點綴須人力。招尋信妙緣。使君殊不俗。把酒意茫然。」

王渙墓

王渙墓在新都縣北十五里。舊有二石闕。各高三丈。一題曰漢故兗州刺史
雒陽令王君稚子之闕。一曰漢故侍御史河內縣令王君稚子之闕。兩角有
斗。又作重屋。四壁刻人物馬牛之類。

荀居士寫經臺

苟居士寫經臺在新繁縣北三十里。隋時有苟居士嘗於臺上寫經。雨降獨不霑溼。人以爲異。臺側有石硯。

東湖

東湖在新繁縣。中植荷花。夏景絕佳。又有假山亭榭之屬。儘堪遊憩。清同治時重修。立有石碑。又有柏樹三株。勢若虬龍。相傳係唐李德裕手植。蓋其地爲衛國公故址云。

仙人井

仙人井在金堂縣東北十五里。仙人李八百女弟妙應真人於此取水煉丹。故名。

青城山

青城山在灌縣西北三十里。杜光庭青城山記。岷山連峯接岫。千里不絕。青城乃第一峯也。巔號青城。後曰大面。其實一耳。有七十二小洞。應七十二候。

八大洞。應八節。仙經。此是第五洞天。上有流泉懸澗。一日三時灑落。謂之湖泉。玉匱經。此五大洞。寶仙九室之天。黃帝封爲五岳丈人。刻五篆書。猶存。輿地紀勝。大面山在三溪之北。前臨成都山。衆峯攢聚。高七十二里。又八大洞。一太。二九仙寶室。三沙羅。四高臺玉室。五麻姑。六寶園。七聖母。八都督。方輿勝覽。諸峯屹然。三十有六。前十八謂之陽峯。後十八謂之陰峯。今峯巒洞壑。雖若如舊。而按籍訪求。不能盡合。前代隱逸方士。如古甯封。李阿。李珪。趙昱。孫思邈等之古蹟。仙蹤。亦多湮沒。惟林木青蔥。雲煙變幻。鳴泉鼓響。瀑布練飛。風物之佳。舍娥眉外。無與京匹。蠟屐往遊者。時有其人。

天師洞

天師洞在青城山。張道陵修煉於此。故有天師洞之名。巖壑高崇。叢林陰翳。境地清涼。風景尤佳。夏時常有人來此避暑。洞前有澗。澗上有橋。洞之前後多道觀。有二皇殿。靈祖殿。天師殿等。又有唐明皇碑石。張道陵降魔石。及漢

代櫻樹。銀杏各一株。咸有蒼老之致。

白雲溪

白雲溪在天師洞附近。厓刻有白雲溪三字。乃五代杜光庭隱處。卽於此注廣成儀。宋郟人張愈亦嘗居是。文彥博治蜀爲置白雲谿居於此。

長生宮

長生宮在灌縣西南二十里。一名長生觀。亦曰范賢觀。蜀漢昭烈時有范寂字無爲。修煉於此。有長生久視之術。昭烈帝徵之不起。封爲逍遙公。名其宅曰長生觀。晉李雄入蜀欲迎爲君。力辭。乃封爲天地太師西山侯。號曰賢。故又名其處曰范賢觀。今殿宇三重。頗形壯偉。道士居焉。有清黃雲鶴等碑記。

上清宮

上清宮在灌縣高台山。晉建。吳船錄。宮在峯頂。岷山數百峰。悉在闌檻下。如翠浪起伏。勢皆東傾。今宮內除殿宇迴廊外。有李西漚書木刻亳州老子廟

碑。及黃鸞鶴譚石門詩石刻。宮外遠眺。風物至佳。門有聯曰：「境至上清。半點紅塵飛不到。壇開無垢。滿天花雨散來香。」宮附近岩上有黃鸞鶴青城第一峯。五字摩崖。字絕大。五代趙宋時。地爲遊觀勝境。今則歲月悠久。古跡荒蕪。而堪遊者止此。亦可慨矣。

普照寺

普照寺在青城山上。唐建。清時重修。石柱飛檐。極宏大壯偉之致。殿可容千人。寺右有雪山寺。兩寺相距雖近。而路中山光樹翠。幽閒闐靜。遊跡至此。油然而興清曠之思。

離堆

離堆在灌縣西南。漢書溝洫志。蜀守李冰鑿離堆。避沫水之害。宋史河渠志。離堆之址。舊鑿石爲水則。則盈一尺。至十而止。水及六則。流始足用。過則從侍郟堰。減水河泄而歸於江。歲作侍郟堰。必以竹爲繩。自北引而南。準水則

第四。以爲高下之度。元史河渠志。北江少東爲虎頭山。爲門雞臺。臺有水。則以尺畫之。凡十有一水。及其九。則民喜。過則憂。沒其則則困。又書深海灘。低作堰六字。其旁爲治水之法。皆冰所爲也。又東爲離堆。今觀冰當日鑿石處。江口甚狹。號曰寶餅口。口旁有二石碑。泐尺寸。土人指示所謂水則也。至深洶灘。低作堰六字。則鑄在石厓上。土人至今遵奉之。離堆前有伏龍觀。祀冰及其子二郎。相近又有二王廟。亦祀冰父子。倚山臨江。規模宏壯。風物亦佳。

繩橋

繩橋在灌縣。有二。一新一舊。新者在東門外。舊者在西門外。其構造之法。以巨竹。綆紐結二方。上敷木板。於以度人。兩橋各長里餘。新者落成未久。庀工鳩材。五年而成。是處江流湍急。橋下水勢洶湧。激擊衝射。驚濤層瀾。極可觀覽。然膽怯者往往不敢逼視。

玉佛

玉佛在彭縣北門外龍興寺。高二尺餘。雕鏤極精。眉目宛然。色質瑩淨。傳爲緬甸所製。又寺藏有銅鳳頭一具。銅鏡一面。乃寺外破塔上舊物。今塔巍然猶在高數十尺。

瀑布泉

瀑布泉在平武縣南一百七十里。其泉自層巒疊嶂。飛流千尺。爲龍陽十景之一。

超然亭

超然亭舊在江油縣北寶圖山。乃寶真人古蹟。明萬歷間。推官朱仲廉建。清康熙時。邑人楊廷傑重修。有碑記。

誓水柱

誓水柱在北川縣西四十五里河岸。柱高丈許。圍五尺。相傳昔人恐水衝縣。立此誓之。

石磬山

石磬山在彭明縣北。李膺記：西有石室，方一丈三尺，下有流泉，味甘。內有懸磬，聲聞數里。四面石牀高一丈。

金雁橋

金雁橋在羅江縣。卽蜀漢諸葛亮兵擒張任處。橋計九孔，有石刻曰古金雁橋字。

月波井

月波井在錦竹縣治東一里。漢嚴君平鑿，每朝霞霽，月井中波紋盪漾，掩映交輝。

文昌勝境

文昌勝境在梓潼縣北七曲山。山以路盤曲七折，故名。寰宇記：郡國志云：張惡子昔至長安，見姚萇謂曰：却後九年，君當入蜀。若至梓潼七曲山，幸見尋。

至建元十二年。萇隨楊安南伐。未至七曲山。迷道游騎。忽見一鹿。逐至廟門。鹿自死。追騎共剝之。有頌。萇至悟曰。此是張君爲吾設主客之禮。烹食而去。卽此。今山有石坊曰七曲山。九曲水文昌勝境。過坊上東山。有文昌宮。顏曰帝鄉。入內殿。宇神像。莊嚴宏壯。後有一洞曰第一洞天。相傳爲帝君誕生地。更上有家慶堂。天尊殿焉。按寰宇記。神姓張。名惡子。晉人。戰死。唐廣德二年。僖宗幸蜀。神見於利川。桔柏津。封爲廣濟王。視幸其廟。解劍贈之。明統志按圖志云。神姓張。諱亞子。其先越嶲人。因母報仇。徙居是山。自秦以來。世著靈異。宋建炎以來。累封神文聖武孝德忠仁王。明史。神姓張。名亞子。居蜀七曲山。仕晉。戰沒。人爲立廟。道家謂帝命梓潼掌文昌府事。及人間祿籍。故元加號爲帝君。而天下學校。亦有祠祀者。據此。則神之姓氏生世。大概可知。惟與地紀勝則云神姓張。名育。於苻秦陷蜀時戰死。此不但與諸書之名諱不同。卽時代亦與前書殊別。而圖志又與寰宇記。明史殊別焉。

盤陀仙境

盤陀仙境亦在七曲山。過石坊上西山。有石高十餘尺。曰盤陀石。更上有屋三楹。曰應夢臺。內有石牀。堂右有一枯柏。高可二十尺。相傳此晉代物也。

佛爺巖

佛爺岩亦在七曲山。有一石屋。梁柱垣壁。莫非是石。中有如來佛石像。高可五尺。壁間又有小石佛百餘尊。此石佛石屋。不知何代好事者之所作爲。至于今日。而今後人臨覽撫摩也。

九子龍窩

九子龍窩在理番縣西。一名筆架山。亦曰玉山。相傳夜靜恆有霞光橫山前。東北半壁。天皆丹色。照林木如畫。至旦方滅。

一一 東川

塗山

塗山在巴縣東一里。山厓湧有塗山二字。字方數丈。山麓又刻有字水二字。山上有禹廟。顏曰塗山古剎。又有老君洞。風景最佳。又有禹娶塗山啓呱呱泣處碑。其他碑記詩刻亦頗夥。全山峯巒峻秀。下臨江水。亦巴縣遊覽勝地也。清王士禛嘗登臨其上。有絕頂眺望詩曰。一飛瀑落長虹。登臨見禹功。山圍巴子國。苔沒夏王宮。峒俗烏巒近。畚耕白帝同。渝州天塹地。感慨大江東。

洪厓洞

洪厓洞在巴縣西二里。一名滴水岩。蒼厓翠壁。中懸巨石。其下嵌空。上有瀑布。瀉出岩前。舊有更隱亭及輕紅亭。

長安洞

長安洞在巴縣西八十里。深二里。入者必乘獨乃可進。盡處有石墩二。狀若龍。過此則積水泓深。不可復往矣。

佛圖關

佛圖關在巴縣西十里。即蜀漢李嚴欲鑿通汶涪二江處。爲重慶要津。上有石佛像。故名。東門外石壁有明代詩刻。及清同治時姚覲元篆書關銘等。

聖廟古碑

巴縣聖廟內有姚覲元刊北宋拓本石鼓文。邵陽褚千峯縮寫石鼓圖碑。及蘇軾洋州詩。松醪賦。橘頌碑。另又有同治時重刻明劉綬詩石刻。在大成門右廊。

羅漢寺

羅漢寺在巴縣城內。中多石佛。有藏經閣。又有明吳梟楊慎諸人詩石刻。惜破斷剝落。不可卒讀。深可惜耳。

丹巖

丹巖在長壽縣西北一里。高二十丈。相傳馬宋徐神翁煉丹處。有瀑布下注。

於江。又有集仙山。爲神翁飛升處。

松石

永川縣西南六十里來蘇鎮松石坪。舊產松石。石質而松理。或二三尺許。大可合抱。俗呼爲雷燒松。杜詩所謂萬年松化石。卽此。

葛仙山

葛仙山在榮昌縣東。層巒疊嶂。形勢雄峻。以葛仙翁名。舊有煉丹岩、洗藥池、甘露茶、打子石諸跡。相近有桃香嶺。舊有桃樹根出石上。無寸土。相傳仙翁遺核於此而生。

金佛山

金佛山在南川縣。峯巒清秀。泉瀑湍流。林木青蒼。景物幽靜。盛寺觀。又多石洞。有古佛、石牛、觀音、燕子、黃蜂諸名。皆幽冥深邃。景色萬千。而古佛最勝。

四十八渡

四十八渡在南川縣東。兩山壁立。一水灣環。頗饒天然之致。而第六渡之千佛崖。二十四渡之老龍洞。尤爲遊賞勝地。

九遠山

九遠山在南川縣東。絕壁如銀色。人恒視其質之昏明。以候晴雨。上有水瀆爲洞。高廣百尺。左右石臺。有兩泉。溫冷非常。池上各蟠石龍。初非鐫刻。洞以龍名。見輿地紀勝。

建文帝幽潛處

壁山縣南七十里。山形似盤。長十里。橫八里。結爲大坪。秀峯羅列。四面朝拱。相傳明建文帝幽潛於此。

鐵櫃山

鐵櫃山在涪陵縣北五里。屹立如櫃。相傳武侯嘗屯兵山上。馬提幹詩「石魚占歲稔。鐵櫃鎖晴天」。離此其南二里。爲北巖山。宋紹聖間程灝創籍窠。

涪州曾居此注易。

龍多山

龍多山在合川縣西北。與蓮溪縣接界。輿地紀勝。晉時廣漢人馮蓋羅煉丹於龍多山之仙臺。永嘉三年。舉家十七人仙去。唐孫樵有龍多山錄。山東有大池。卽武后時放生池。有東岩廣五十丈。多唐人刻字。泉自岩出。瀦爲方池。大旱不竭。其山高明竊深。變態萬狀。有駕鶴軒。下視涪水如帶。煙雲出沒。山之偉觀也。

西山

西山在萬縣西三里。一名太白岩。其初泉荒草蕪。宋郡守馬元穎。魯有開。元翰相繼修西山池亭。爲峽山絕勝。又有絕塵龕在石壁間。有唐人題記。見輿地紀勝。

下巖

下岩在萬縣東二里。與古練石岩並擅幽勝。唐末有劉道微者。嘗構屋居此。宋黃庭堅詩：「空岩靜發鐘磬響。古木倒掛藤蘿昏。」卽咏此。

雷洞

雷洞在開縣東五里。一名龍洞。一名仙女洞。亦曰東洞。唐貞元九年雷雨震。開洞口有石室。石龕佛像等。又有西洞在縣西北五十里。亦曰龍馬洞。

鳳山

鳳山在巫溪縣東一里。亦曰東山。木石蒼翠。景物幽絕。上有觀音巖。巖中有月窟。雲岩諸勝。

二仙山

二仙山在巫溪縣東北十七里。上下皆峭壁。惟一徑。寬二尺。長四五丈許。步履其間。遊者不敢下視。有二仙洞。一名五子洞。洞極幽邃。洞前有池。

瀟溪洞

漣溪洞在達縣東南。有溪水自洞中出。行溪中亂石間里許。始至洞口。炬而入。極深遠。垂乳纓絡其上。珠聯玉綴。成爲佳觀。

虹飲巖

虹飲巖在渠縣西。巖上有滴水。下有石白。大如盃孟。盛之日出時有虹飲映巖下。故名。舊時嘗構亭其上。名虹飲亭。

丙穴

丙虹在萬源縣東北。方輿紀覽。其穴凡十。產嘉魚。春社之前魚出穴。秋社歸。其出也止於巴縣龍脊灘。首有黑點。點應星象相感而生。長身細鱗。肉如白玉。其味自鹹。蓋食鹽泉也。

鳴玉溪

鳴玉溪在忠縣西。一名西溪。寰宇記。上有懸巖瀑布。高五十餘丈。潭洞幽邃。古木蒼然。前刺史房式嘉其幽絕。特置蘭若。凡置五橋。以渡溪水。今廢。

望夫臺

望夫臺在忠縣南十里。宋蘇軾詩云「山頭孤石遠亭亭。江轉船回石如屏。可憐千古長如昨。船去船來自不停。浩浩長江赴滄海。紛紛過客似浮萍。誰能坐待山月出。照見寒影高伶俜。」

月巖

月巖在彭水縣西壺頭山。巨石也。宋冉永震作月岩銘。有句云「中竇一穴。透明而圓。皎如秋月。翳絕雲烟。旁輔三隙。如星之聯。」

三 建昌

蒙山

蒙山在雅安縣。連名山蘆山二縣界。書禹貢。蔡蒙旅平。即此。元和志。山在嚴道（即雅安）縣南十里。每歲貢茶。爲蜀之最。茶譜。山有五嶺。有茶園。中頂曰上青峯。所謂蒙頂茶也。按蒙頂茶至今爲茶中貴品。前清亦采以入貢。產

於山之蓮花峯。其他各巔。所產者似不及焉。俗傳蒙頂茶種。係後漢時僧自西域携來。此說殊無稽不可信。

總崗山

總崗山在名山縣南四十里。東西綿互數百里。西連雅安。東抵蒲山。南則嘉眉。又有迴龍山。峭壁奇峯。瀑布似飛龍。炎夏山色如秋。爲縣人避暑之所。

大佛巖

大佛巖在名山縣南。巍峨聳秀。峙立空青。唐咸通中魯公輪遊觀。有聖燈夜現。鐫像岩石。亦曰看燈山。

避瘴山

避瘴山在漢源縣南九十里。近大渡河。止側有二洞。一空濶高燥。一有水出。名曰乾溼洞。其中床坐竈突之類。匡石自成。不假人爲。每秋夏嵐瘴動時。飛鳶羣集其中。至立冬前後。瘴已乃出。土人每以鳶爲候。相隨移居此山避之。

瀘沽峽

瀘沽峽在西昌縣北一百里。南北長五里。兩山壁立。峽深百餘丈。濶不盈尋。縣水流其中。琮琤有聲。中有觀音巖。

白巖

白岩在天全縣南一里。高山雄峻。白石矗立如雪。亦名雪山。

石岩洞

石岩洞在越巂縣北。中可容數十人。東北厓畔有石版。扣之有聲。名瓊鐘。

四峯山

四峯山在樂山縣東十里。山如連珠者四。極高。其第三峯之腰。有洞。外石筍三。高數丈。洞下有清泉。歲旱不涸。有馱齊居士者。嘗隱此以自樂焉。

九頂山

九頂山在樂山縣東。方輿勝覽有九峰。曰集鳳。栖鸞。靈寶。就日。丹霞。祝融。擁

翠望雲、兌說。下有凌雲寺。唐開元中僧海通於瀆江沫水濛水三江之會。悍流怒浪之濱。鑿山爲彌勒大像。高三百三十尺。建七層閣以覆之。至韋皋時積十五年而工始備。

高標山

高標山在樂山城內。一名高望。郡之主山也。巍然高峙。萬象在前。清王士禛嘗遊其上。有登高望山絕頂望峨眉三江歌曰。四海復四海。九洲還九洲。河伯海若更相笑。蟪蛄何足知春秋。今年辭帝蓬萊宮。乘風偶作西南遊。中條姑射不作數。失喜太華揚高旒。河潼遠坼巨靈跖。鉤梯百丈臨龍湫。終南太白幻雲物。秦棧詰屈哀猿愁。錦城小住五十日。岷山秀色垂簾鉤。青城玉壘尻首接。灌口屈注雙江流。興極欲踴大峨眉。卻騎瘦馬來龍游。樂山周日平羌隋開皇二年改曰龍游。九年更曰青衣。嘉州羅畫枕江上。孤峯縹緲東南浮。神霄玉清有遺跡。登臨可以消煩憂。踢泥盤盤到絕頂。江山披豁

開雙眸。峯巒八面簇金碧。下瞰江海如浮漚。八十四盤在衣帶。氣凌五岳躡公侯。暮雲早雪互明滅。兜羅綿現無時休。岷江從東來。奔騰迴萬牛。沫水滙青衣。簸蕩千斛舟。三江九峯倏然合。丹崖翠嶂窮雕鏤。江山奇麗冠天下。何意絕景來蠻貊。天風蓬勃日西墜。搔首欲去仍淹留。荆吳萬里自茲始。來朝起柁尋巴丘。」

方響洞

方響洞在樂山縣舊府學東百步許。水從洞出。竇爲大井。聲若環珮。鏘然有韻。舊名丁東水。宋黃庭堅改今名。有詩云：「古人題作丁東水。自古丁東直到今。我爲更名方響洞。信知山水有清音。」清王士禛嘗入嘉州。訪得之作詩云：「廿年夢想了東院。何意丁東院裏來。山水清音空復在。劫灰殘燒自生哀。井欄僧汲稀銅鉢。石磬秋深長綠苔。不遇江南老桑苧。風爐誰遣試茶杯。」（自注放翁丁東院詩我是江南老桑苧諸君小住共茶杯）

龍門山

龍門山在峨眉縣西十里。兩崖峭壁。仰觀青天。僅露一線。上有洞。可容百人。對山瀑布飛泉。直下數十丈。瀦爲深潭。宋范成大嘗遊此。以爲天下峽泉第一。

魏了翁讀書處

夾江縣西二里雲吟山。宋魏了翁讀書其上。有隸書雲吟山三大字石刻。

千佛岩

千佛岩在夾江縣西五里。數峯巖然。岩石峭拔。而唐人以鑄佛像甚衆。因以爲名。西岩瀑布懸流。響振林壑。其下潭中有龍腦石。又有象鼻岩。在縣北五里。與龍腦石相映。玲瓏危聳。而插入江濱也。

大石佛

大石佛在榮縣南一里大佛山。高四十七丈。濶十五丈。架殿宇十層。雄壯宏

偉。洵異觀也。北麓有真如厓。有龍洞。深廣容數百人。

石倉米洞

石倉米洞在彭山縣東北二十五里。有石倉在半山石壁間。岩竇如蜂房。相傳竇中嘗出米。謂之石倉米洞。

范鎮讀書臺

范鎮讀書臺在彭山縣盤石山。上有石刻鎮詩。一窮幽訪盤石。細徑入荒涼。踏葉履履涇。觸花衣袂香。一又縣東北象耳山有李白讀書臺。上有石刻白書。

火井

火井在邛崃縣西南。左思蜀都賦。火井沈熒於清泉。高焰飛燭於天垂。卽此博物志。火井縱廣五尺。深二三丈。在臨邛（卽邛崃）縣百里。昔人以竹木投取火。諸葛丞相往視之。後火轉盛。入以家火。卽滅。今不復然也。華陽國

志。火并夜時光映上昭。民欲其火。先以家火投之。頃許如雷聲。火焰出通燿數十里。以竹筒盛其火。藏之。可拽行終日不滅。

霧山

霧山在大邑縣西十里。一名霧中山。山多雲霧。故名。上有七十二峯。碧玉潭。明月池。諸勝。去山二十里有鶴鳴山。形如覆甕。上有二十四洞。應二十四氣。七十二穴。應七十二候。東西二溪。出其兩腋。東南有石峯。名曰天柱。三面懸絕。其形如城。亦名曰天城。又有牡丹池。青霞嶂。環玉潭。皆擅佳勝。明楊慎碑記云。鶴鳴二十四洞。道家之所開。霧山一百八盤。釋氏之所駐。今鶴鳴爲蒼莽之墟。而霧山擅莊嚴之美。

趙雲墓

趙雲墓在大邑縣東三里。雲字子龍。蜀漢真定人。昭烈帝爲曹操所追。棄妻于南走。時雲爲騎將。保護皆得免難。累遷翊軍將軍。封永昌亭侯。五虎將雲。

居其一。號虎威將軍。先主嘗曰。子龍一身都是膽。年八十餘。卒於蜀。

四 永寧

思峨洞

思峨洞在瀘縣西南。初入稍隘。已乃洪大。石髓凝結。千態萬狀。前望宛若堂亭。舊傳爲故思峨州地。因名。

天倉山

天倉山在宜賓縣西二里。上有前代屯兵墩臺遺跡。崖壁間有唐乾封二年。詹居秀修復古戎州道記。其北有天倉灘。相近大江。

仙侶山

仙侶山在宜賓縣西北二里。峯巒清秀。竹林森翠。山腰有清泉。又有石洞四。其一曰楊仙洞。相傳爲宋楊道人昇仙之地。

五子池

五子池在宜賓縣西三里。廣數十丈。中峙五石。羅列頗勻。遊人每携酒臨池。以爲樂。四旁產五色石。明潤堪供玩賞。

武侯征蠻故道

慶符縣北八十里。漢陽山。蜀漢諸葛亮南征。嘗駐軍於此。崖壁上鑄武侯征蠻故道六字。

竹巖洞

竹岩洞在富順縣東南五十里。有流杯池。宋侍郎鄭瑩嘗居此。著有前後竹岩賦。

西湖

西湖在富順縣西。方廣二頃。水潔魚美。菱芡蒲荷。統滿其中。遠山送翠。近水搖光。亭榭如洲。艇船似葉。湖中打槳。座上品茶。爲邑之勝地。遊人集焉。輿地紀勝。西湖有洞窈窕。昔有入洞者。見二女櫛髮於竇間。遺以名鏡。其人致富。

百倍。卽此。

龍橋

南溪縣東二里龍騰山下。瞰大江。其北有石橫空長四尺。俗呼爲龍橋。山半有洞深四丈。相傳李八百所鑿。鑄曰李公洞。八分體。字畫勁道可觀。

虞公峽

虞公峽在長寧縣東十五里武寧溪上。昔有巨石橫絕中流。宋嘉定間。故相虞允文子梳孫爲守。鑿之以通舟楫。石上大鐫虞公峽三字。

玉壺井

玉壺井在筠連縣。水絕清冽。其壘層樓聳峙。古木扶疏。風景之佳。亦堪遊賞。

雙洞

雙洞在珙縣南廢都寧驛東三里。二洞相通。舊時蠻人所居。明總兵劉顯郭成平蠻旋師過此。洞頂石上鐫天兵紀績四大字。

金鵝洞

金鵝洞在隆昌縣西二里許。孤山峭壁。有溪水東來。遠城曲折。環山之趾。下爲懸厓。壁立千尺。飛流如練。稱爲奇勝。俗傳有藏金鵝其中。或以銅鵝換之。故又名換鵝洞。

安樂山

安樂山在合江縣西。唐天寶六年。勅改合江山。傳即隋開皇時劉珍藏丹經鐘磬之處。方輿勝覽。三峯奇秀。有溪及延真觀。有石櫃爲仙人藏經之所。岐而左。有爛柯跡。後有仙魚影。在石壁中。岐而右。歷木楠臺。仙人屋。十二盤。至翦刀峽。循山有八洞。通南岩。有石曰許由瓢。又有芙蓉城。滴水厓。白猿洞。諸勝。今樓觀非昔。而峯巒峭拔。風景清幽。堪資游玩。卽仙蹤古蹟。固猶有可訪而得者。

偶住亭

偶住亭在江安縣東北。宋黃庭堅有焚道還過。與邑宰石諒同游此亭。書琴操。後致爲渡瀘亭。舊有范百祿平蠻碑。

古佛洞

古佛洞在江安縣東石巖間。崖上鐫面壁二大字。石磴數十級。循之而上。倚岩有層樓。可以眺遠。洞卽在上層。高五尺許。深二十餘尺。中有睡佛一軀。長二尺許。相傳清乾隆時崖崩而出者。

資州四岩

資州四岩並在資中縣。東岩在縣東三里。形若剖。側立千尺。溪壑深杳。風景幽靜。西岩距城六里。石壁夾道。如城如峽。南岩卽重龍山。蒼翠盤曲。隱若龍轉。上有天池。大旱不竭。北岩距城半里。乳泉滴瀝。四時不竭。宋京蜀事補亡。東蜀江山瑰奇。資中爲最。資中勝遊十數。而四岩爲最。

佛岩山

佛岩山在仁壽縣東二十五里。一名佛龕山。有唐歐陽詢書摩崖碑。有三石像。背虛面岩。俗呼爲倒坐寺。

虞允文墓

虞允文墓在仁壽縣西玉山鄉塔山。允文字彬。文。宋仁壽人。博學能文。登紹興進士。累遷禮部侍郎。金人入寇。允文督師江淮。有采石之捷。上嘉嘆曰。虞允文公忠出天性。朕之裴度也。孝宗時。累拜右僕射。同中書門下平章事。封雍國公。允文知人敢薦。及爲相。籍人才爲三等。號村官錄。知名之士。莫不爲其收羅。裴熙元年。薨。贈太傅。諡忠肅。

雷番山

雷番山在雷波縣北。相傳山草爲毒。牲畜經過。必籠其口。行人亦必緘默。若或高聲。離冬月必有雷霆之應。隋史。萬歲征西南夷過此。嘗書雷番山三字。鑄於石壁。卽此。

五 嘉陵

盤龍山

盤龍山在閬中縣東。岡隴起伏。形勢雄壯。益州記。閬州盤龍山南有一石。長四十丈。高五尺。當中有戶及扇。若人之掩閉。古老以爲玉女房。輿地紀勝。蟠龍山以形得名。唐貞觀中。望氣者言西南千里外有王氣。令人入蜀。次閬中。果見山上氣色鬱蔥。因鑿破山脈。唐咸亨中。嘗移縣治于山側。

文城山

文城山在閬中縣東三十里。峰巒聳列。林木蔥蒨。一峯拔出。上有玄都壇。爲漢張道陵授符籙之所。相近有琅琊山。山有九井。泉流澗石。若振琮然。

將相堂

將相堂在閬中城南。乃宋陳堯叟兄弟讀書之所。岩上刻三相堂上。淳熙中。太守吳昭夫重新之。扁爲將相堂。

房瑄墓

房瑄墓在閬中縣城外。瑄字次律。唐洛陽人。宰相房融之子。長才博學。風度修整。隱居陸渾山中。十年召爲盧氏令。玄宗幸蜀。瑄上謁行在。超拜吏部尙書。與韋見素同平章事。乾元元年以事貶邠州刺史。繼遷漢州刺史。後召拜刑部尙書。道卒。閬州僧舍葬此。杜甫有別房太尉墓詩曰：「他鄉復行役。駐馬別孤墳。近淚無乾土。低空有斷雲。對碁陪謝傅。把劍覓徐君。唯見林花落。鶯啼送客聞。」

北津樓

北津樓舊在南充縣北五里。道人張三丰詩云：「誰喚吾來蜀內游。北津樓勝岳陽樓。煙連沙岸漁歌起。水照江城歲月收。萬黑清波朝夕湧。千層白塔古今浮。壯懷無限登臨處。始識南游第一洲。」

畫卦石

畫卦石在南充縣東四十里。石有八卦痕。相傳爲李耳遺跡。

大蓬山

大蓬山在營山縣東北。其山高險。方圓四十里。上起十二峯。厓高數十丈。松木秀茂。下有仙人岩。又有朝隱洞。空闊可容數百人。山上舊又有蓬山館。江山勝概。爲一郡美觀。

孔雀洞

孔雀洞在營山縣東北一百二十里。洞門如圭竇。其中宏敞。左右有石牀。洞盡處有石孔雀。水出喙中。

佛龍洞

佛龍洞在儀隴縣西金城山。明萬曆間傾塌始見。內有生成石佛。上有佛龍洞三字。中可容四五十人。上下懸岩絕壁。各數十丈。景絕峻奇。

避塵山

避塵山在蒼溪縣東十里。峻嶺懸厓。舊有道院。李梁詩有「丹邱千仞上。元圃九霄開。腳底生煙霧。人從天上來」之句。

雲臺山

雲臺山在蒼溪縣東南三十五里。接閬中縣界。一名天柱山。又名鳳凰山。山峯峻峭。插天有洞。曰麻姑芙蓉。平仙。峻仙。池曰玉丹。玉魚。岩曰松根。蟠桃。又有丹竈。其東又有書岩。相傳葛稚川讀書之處。

思依山

思依山在南部縣西北一百四十里。相傳漢羅冲霄張道陵隱居於此。有峻仙洞。搗藥臺。浴丹井。煉丹爐。平仙穴。搗藥臼。卓劍穴。諸遺蹟。

靈雲洞

靈雲洞在南部縣東北。外遂中廣。冬暖夏涼。入三丈許。踏之有聲如鐘。叩之亦然。

天台山

天台山在廣元縣西三里。峭崖蒼鬱。盤道縈紆。獨木危橋。委曲而上。至巔乃卽平陸。若天台然。因名。其北爲九隴山。環拱九十九峯。如劍戟之排列。鮮于侁益昌八景詩。九隴穿天外。卽此。亦謂之九峯山。山有漢王濬。相傳漢高祖嘗駐蹕於此。

龍門山

龍門山在廣元縣東北。亦名葱嶺山。有石穴高數十丈。其狀如門。俗號爲龍門。林壑幽深。頗足遊覽。

富水洞

富水洞在昭化縣西北二十里。然燭而入。踰木橋。路極窄。有石牀石筍之屬。又有大潭。深十丈。天旱取其水禱之。往往得雨。

藥臺

藥臺在昭化縣治西。有竇子明丹竈存焉。其臺與爐皆鑄石鑿成。工極精巧。非時人所能。

得漢山

得漢山在通江縣東一百二十里。厓壁崛起。削絕千仞。惟西南一徑可上。有一夫當關之勢。其上石壁如城。中平可容百人。可以耕藝。出泉冬夏不竭。相傳漢高祖據此。以通鑿饋。有石刻云。宋淳祐中吳玠臨視形勢。命統制張實因險築壘。儲糧建邑。爲恢復舊疆之規。

十二峯

十二峯在南江縣東北。巉岩聳秀。大小十二峯。最爲奇觀。有客題詩曰。一插立翠峯。分十二。爲君喚作小巫山。一因又名小巫山。下有龍洞。相近又有蓮花峯。有石洞。曰蓮花洞。高空百餘丈。外臨深淵。內容千人。邑人嘗避兵於此。一名紅鯉洞。相傳溪中有紅鯉云。

巽園

巽園在劍閣縣城內。亭堂花木。頗饒幽趣。中有喜雨樓。高聳峙立。登臨其上。可以遠眺。萬家煙竈。全收眼底。

霄漢閣

霄漢閣在廣安縣治西。有唐顏真卿書霄漢閣三字石刻。

牛頭山

牛頭山在三台縣西南二里。一名華林山。山高一里。形似牛頭。四面孤絕。俯臨州郭。樓閣煙花。爲一方之勝概。山下有清涼洞。一名靈隱洞。相傳中通眉山中厓。

劉蛻瘞文處

三台縣南二里有兜率寺。建於隋開皇時。前瞰郡城。拱揖如畫。唐劉蛻晚歲嘗瘞其文於寺。日文冢。自爲冢銘刻於石。文曰。一文冢者。長沙劉蛻復愚爲

文不忍棄其草。聚而封之也。蛻愚而不銳於用。百工之伎。天不工蛻也。而獨文蛻焉。故飲食不忘於文。晦冥不忘於文。悲戚怨憤。疾病嬉遊。羣居行役。未嘗不以文爲懷也。適當無事。而天下將以文爲號。文明代。生植明晦。皆效文用。故日月星辰。文乎旗常。魚蟲鳥獸。文乎彝器。徐方之土。文於侯社。夏翟之羽。文於旌旄。登龍之章。升至於藻。百工婦人。雕鑿染練。以供宗廟祭祀之用。豈獨蛻也。生知效用。不及時文哉。然而意常獲助於天。而不獲助於人。故雖窮無憾也。當勤意之時。不敢噫。不敢睡。不敢跛倚。嗜欲躁競。忘之於心。其祇祇畏畏。如臨上帝。故有粲如星光。如貝氣。如蛟宮之水。又有黯如屯雲。如久陰。如枯腐熬燥之色。則有如春陽。如華川。透透迤迤。則有如海運。如震怒。動蕩怪異。夫士爲文。不得十如意。少如意。則豈非天助乎。常欲使天下聞之而必行。觀之而必蹈。散之茫洋。以爲道。演之浸淫。以及物。然後爲農文之。使風雨以時。兵文之。使戎寇以順。文於野。文於市。使得其所。幽隱之士。以出口者。

使之言材者使之用。然而自振者無方。終知者甚稀。豈非不獲於人助乎。嗚呼。十五年矣。實得二千一百八十紙。有塗者。乙者。有注楷者。有覆背者。有硃墨圍者。於是以周易筮之。遇復之同人。筮者曰。鳴於地中。毀毀隆隆。七日而復。復來而天下昭融乎。他日更召龜而合之。將聽夔吉。卜於火。如秦。兆惟曰不告。卜於水。不成乎河洛。兆則亦惟曰不吉。卜於木而悶悶。土協吉。纍纍爲冢。則汲之兆乎。峭峭爲壁。則魯之兆乎。且其占曰。土之文爲山河。爲華莢。將不崩不竭。爲滋味而傳乎。結爲邱陵。爲其設險乎。融爲川瀆。率其朝宗乎。華爲百穀。以潔祭祀之粢盛乎。不然。使其速腐爲墟壤。生芻蕘以食牛羊乎。化塗泥爲陶甄。以作器乎。將塊爲五色。而分封茅社乎。流於樂。爲土鼓。爲賁。桴以洩其和聲乎。夷爲都邑。以興宮廟乎。坎爲洿池。以澤生植乎。祀爲壇。鼈乎。鼈爲井。墓乎。吾皆不得而知也。當世旣不得爲吾用。唯速化爲百工之用。慎無朽爲芝菌。以怪人佳媚。慎無堅爲金鐵。以行貨起爭。慎無滯爲醴泉。以味

乎。護口。慎無擣爲城社。以狐鼠憑妖。慎無聳爲良材。以雕斷傷性。慎無萌爲
蘭茝。以佩服見褻。嗚呼。介而爲石。使之能言。舒而爲蠙。使之飲泉。旣而他年
遊魂之未返者。亦命巫師而弔三招之號。曰。在几闕而來歸兮。掩爲塵垢。在
耳目而來歸兮。奄視汝醜。在口吻而來歸兮。譽不汝久。臆筆絕之年。而鱗見
崇。文其無崇乎。陰非珠玉。斂無裙襦。後世詩禮之儒。無侵吾之幽墟。其家在
莽倉之野。大塊之邱。時有唐大中丁卯而戊辰之季秋。銘曰。文乎文乎。有鬼
神乎。風水惟貞。將利其子孫乎。一按蛻字復愚。唐荊州人。咸通進士。爲左拾
遺。後以與令狐滂同官。奏其無家法。以布衣竊卿相權。坐貶山陽令。蛻博學
善屬文。詭異有奇氣。性尤耿介。初荊州每歲解舉人。多不第。號曰天荒。及蛻
以荆解及第。號爲破天荒。時鎮守以破天荒錢七十萬資蛻。蛻謝辭。略曰。三
十年來。自是人廢。一千里外。豈曰天荒。時論欽嘆。

天柱山

天柱山在中江縣西南。一名覆船山。又名泊山。相傳堯遭洪水。維舟泊此。覆於樹下。因名。又名天霸山。山勢峻險。冠絕羣峯。有風穴。人往視。輒風起。清王士禛嘗游其上。有詩云。「朝出元武門。雲垂雨忽凍。暴雨也登登。天柱山。千盤墮瀕洞。崢嶸逾巴閬。槎牙過秦鳳。陟嶺如累棋。下谷如入護。心俯尻益高。足縮目先送。敢嗟鳥獸羣。稍喜徒旅衆。我有大羽箭。麗龜輒命中。於菟昂其首。飲羽乃不動。道旁松合抱。巨可任樛棟。惜哉野蔓纏。不蒙匠石用。絕頂見岷山。青城亦伯仲。一氣連諸蕃。三州實西控。太平幸無事。左髻時入貢。念彼松姚戍。坐甲苦飢凍。俯臨陸海雄。仰視天宇空。長嘯千仞岡。出險忽如夢。」又絕頂望見岷山詩云。「鞍馬衆峯頭。蒼茫萬里收。岷山橫塞出。灌口接天流。要害二城戍。邊防八月秋。大荒飛鳥外。眼底盡姚州。」

韭菜巖

韭菜巖在蓬溪縣東南一百里。盤旋峙立。高數百尺。巖半一小臺。人跡不能

到。中。產。非。四。時。秀。嫩。相。傳。神。仙。所。種。

中華名勝古蹟 第十四編 四川

四七



7





海 上

行 印 司 公 書 圖 陸 大

MG
K928.7



3 1764 4684 1

中華名勝古蹟續編目錄

第十五編 福建

一 閩海

象山 芙蓉山 昇山 古靈山 鄭俠墓 壺井山 靈峯山 覆釜山 風月堂

金支山 方廣巖 西興巖 瑞岩山 黃巖山 建善寺 白鶴山 顯聖岩

寶生岩 百丈漈

二 廈門

萬石岩 頤園 南普陀 鬼岩 望江岩 鐘潭 天后故鄉 古重山 蔡溪岩

歐陽詹故里 太武十二奇 蓮花峰 五通嶺 五牛山 九仙山 靈惠岩

田一橋墓

三 汀漳

中華名勝古蹟 第十五編 目錄

一三一—二二



東寶山 蒼玉亭 昇仙臺 西岩 東岩 靈隱洞 金山 蓮花石 南安巖
玉華嶺 東華庵 峭石 王城 滴水岩 獅子洞 瑞鶴臺 梁山 太武山
戴帽山 天柱山 大峯山 三平山 羊角山 產孟嶺 龍門洞

四 建安……………二二一四四

蒼峽 演仙山 獅子岩 盤陀石 黃裳墓 羅從彥故里 李侗墓 九仙山
天階山 油雲岩 龍頭岩 楊時故里 淘金山 幼山 蕉皮岩 仙鑿十奇
銅盤巖 彭坑岩 賴岩 靈龜洞 龍岩 耕欄山 貫川山 仙掌岩 黃楊岩
甘乳岩 蘇岩 鳳凰山 鐵獅山 天湖山 魚屋 梅岩 歸宗岩 西峰洞
開元寺 蔡元定墓 蔡沈墓 龍湖山 仰山寺 唐石 龍石 朱子墓 吳
安國故里 七房岩 查錦堂 萬葉寺 徐彩鸞自沈處 真德秀故里 洞宮山
白鶴岩 定漏泉 蒙谷 李綱故里 會仙岩 甘露岩 齊雲岩 金錢山
雲谷 報國寺

中華名勝古蹟續編

第十五編 福建

一 閩海

象山

象山在閩侯縣旗山之西。山形外抱中平。如蹲象然。上有觀音泉。又有洞。深里許。曲折幽冥。多蝙蝠。下之梅溪。盤折十餘里。東爲崎頭山。下橫長江。曰浯江。有磯曰醉魚磯。皆堪遊眺。

芙蓉山

芙蓉山在閩侯縣北六十里。山形秀麗如芙蓉。別麓有洞曰靈洞。洞口可丈許。遊人秉炬以入。迂迴十餘里。莫窮其際。其中舊有五代僧義存所闢開山堂。石牀石鼓石盆之屬。

昇山

昇山在閩侯縣北十里。舊名飛山。後臨海人任敦于此昇仙。唐天寶六年敕改爲昇山。上有洗藥池。任公臺遺址。又有不溢泉。鬼磨石。昇仙岩諸勝。

古靈山

古靈山在閩侯縣西南七十里。瓜山之西。一名大帽山。又名席帽山。山腰有石室。曰太乙厓。有甘泉。曰安德泉。瀑布懸厓千尺。又有碧玉潭。潭底沙石五色。燦若機錦。舊有古靈書院。爲宋儒陳襄讀書處。

鄭俠墓

鄭俠墓在閩清縣西南新豐里水南山。其故里在福清縣洽南。今名鄭公坊。俠字介夫。舉熙寧進士。初從王安石學。後甚反對新法。嘗和荆公詩云。何處難緘口。熙寧政失中。四方三面戰。十室九家空。見佞眸如水。聞忠耳似聾。君門深萬里。焉得此言通。時亢旱。俠以所見流離之民。扶老携幼。饑寒困苦之

狀呼圖工列爲流民圖上獻之。且曰：使陛下觀臣之圖，行臣之言，十日不雨，乞斬臣宣德門外，以正欺君慢天之罪。神宗覽畢，下責躬詔，罷方田保甲，青苗諸新法，凡十八事。越三日大雨。荆公辭位，薦呂惠卿。俠又上言安石本爲呂惠卿所誤，不報。後終以忠勁爲羣小所忌，屏逐終身。

壺井山

壺井山在長樂縣東六十里。濱海。山陲有井，狀如壺。潮至則鹹，潮退則淡。上有厓石聳拔，俯臨滄海，名百丈厓。其旁峯巒岩岫之奇勝不一。迤東則羣山錯峙，又有王母礁在壺井山南，二礁對峙海中。宋末楊妃負廣王益王航海時經此。

靈峯山

靈峯山在長樂縣東南五十里。一名天池山。上多靈勝，有曾公岩、香爐峯、歸雲洞、半月池、品字池諸勝。其麓曰龍龕，絕頂眺遠，可以見海。舊有望海亭。

覆釜山

覆釜山在連江縣東南二十里。巔有巨石。形如覆釜。有玉人峯。玉華洞。清陰祠。半月池。諸勝。南麓有二石對峙。路出其中。曰石門。

月風堂

風月堂舊在羅源縣南華洞。宋林迥隱居處。風物至佳。陳襄詩有「四時花木錦繡客。十里江山水黑屏」之句。

金支山

金支山在永泰縣西南六十里。嘗有紫氣蓋之。又名高蓋山。道書以爲第七福地。王閔時嘗封爲西岳。拾級而上。巨石如牆。道出其中。上有東西二石室對峙。東室有水簾。自千仞崖巔垂空而下。承之以池。曰龍吟池。峯巒泉石。莫勿奇勝。遊跡所及。輒不思鄉。漢有邑人徐登。牧牛山巔。遇異人。得仙術。東陽趙炳訪之。徐喜與共飲。正值霜華。草木彫敝。徐歎餘慙。頃刻林花遍開。今名

花林莊。卽其處也。徐與兄弟姊妹七人同時上昇。其地舊有七仙亭及徐趙二仙詞。

方廣岩

方廣岩在永泰縣東北四十里。巖拔千仞。上有石室。周圍極廣。可容千人。石乳參差。舊有方廣寺。宋黃飛熊讀書其中。有十景詩刻於石。下垂瀑布百丈。有泉曰龍尾泉。又有龍樹岩。聽泉岩。瑞松。陽望仙臺。九天岩。諸勝景物清幽。逾絕人間。

西興岩

西興岩在永泰縣西。極高有瀑布。水西有獅子岩。懸厓出澄潭上。中有石穴。深不可測。舊時鄉人結飛樓於巖。行者憩焉。

瑞岩山

瑞岩山在福清縣東十五里。有佛窟岩。天章厓。香山。天台。玉虛。三洞。通海井。

一滴泉。明嘉靖中戚繼光於山北闢大洞天。有宜睡洞、歸雲洞、振衣臺、望闕臺諸勝。

黃蘗山

黃蘗山在福清縣西南三十里。上多蘗木。故名。有佛座、香爐、吉祥、寶峯、鉢盂、報雨、寶月、羅漢、天樂、屏嶂、天柱、文筆十二峯。中有黃蘗寺。屢廢屢修。近以傾頹。寺僧方募捐修建。並將擴大其規模。寺西有頭陀岩。石罅間出乳香。亦曰乳香岩。有飛瀑循崖懸空而下。瀦爲兩潭。其上復有一潭。人迹罕至。梁江淹詩云「南川饒奇怪。赤縣多靈仙。金峯各虧日。銅石共臨天。陽岫乘鸞采。陰溪噴龍泉。禽鳴丹壁上。猿嘯青崖間。」

建善寺

建善寺在霞浦縣東門外華峯下。唐睿宗景雲中建。有松風繡谷二亭。東皋涅槃臺諸勝。

白鶴山

白鶴山在寧德縣西一里許。俗名西山。秀拔千仞。南連飛鷲。北接蓮花諸峯。旁有石洞。山下懸崖峭壁。空洞幽深。可容數十人。泉水清冽。是爲龍湫。山南有南山澗。飛泉百丈。望之如銀河倒瀉。山西南爲白鶴嶺。道通羅源。石磴峻嶒。紆迴百折。盤曲而上海。上諸山皆入眼睫。嶺北有黯井。味甘美。四時不竭。又西五十里。爲石碑山。山石皆溫潤。有一石突出如碑。相近有寶青山。棋盤山。亦堪登臨。

顯聖岩

顯聖岩在寧德縣北二百十里。石室可容數百人。旁有石爐峯。顯然泉。天然池。靈岩并諸勝。

寶生岩

寶生岩在福安縣西南二十里。有二石岩。石形如笏。面有紅暈一抹。俗以爲

仙書。其文奇古。人莫能識。

百丈深

百丈深在福安縣西北五十里。兩峯屹立。有瀑布懸厓百丈。歎珠濺玉。聲勢壯偉。其聲遠聞。如更漏然。因一名更漏岩。

一一 廈門

萬石岩

萬石岩在思明縣獅山之陽。曲徑紆迴。景物幽靜。泉聲清韻。盤石礪礪。有小寺。頗堪坐憩。高處厓上有萬笏朝天四字。附近有太平岩。亭臺潔爽。山水明爽。亦足遊覽。

頤園

頤園在思明縣虎溪岩麓。藉山水之佳區。建亭臺之名園。花木珍禽。列置其中。亦鷺江名勝地。涉足園林。固一樂也。

南普陀

南普陀在廈門港。其地林木蒼蒼。洞壑幽奇。清涼壇爽。夏不知暑。登高瞻眺。海水茫茫。汽船往來。景物佳勝。山有寺。殿宇宏麗。香火鼎盛。乃島之大阿蘭若也。

鬼岩

鬼岩在莆田縣西北。相傳宋紹興中。山鬼爲厲。有張君以巨石封鎮之。患始得息。削壁可三十丈。上有飛瀑。若垂練然。岩左有石獅。石象。香爐。玉女諸峯。前有將軍石門峯。皆極形似。

望江巖

望江巖在莆田縣西北。層厓千仞。東望滄溟。風檣浪舶。宛在目睫。又有白龍巖。在縣西北。廢興化縣西。有上下二岩。內極寬廣。有石龍。長可丈餘。騰驤其上。有泉自爪牙中出。

鐘潭

鐘潭在莆田縣西南錦亭西二里許。石壁峻峭。下爲潭。相傳古有鐘飛入。故名。水自龜山曆平陽來注。懸崖千仞。流湍激石。最爲奇勝。

天后故鄉

天后故鄉在莆田縣東海中湄洲嶼。其上有天妃廟。天后宋都巡檢莆田林愿第六女。始生時。地變紫。有祥光異香。長能乘席渡海。雲遊島嶼間。兄商海上。遇風。后瞑目出神救之。太宗雍熙四年卒。是後嘗衣朱衣飛翻海上。里人祠之。宋元明時累著靈蹟。加封號。清康熙十九年。封爲護國庇民妙靈昭應宏仁普濟天妃。遣官致祭。二十二年克澎湖。恍有神兵導引。及屯天妃澳。靖海侯施琅謁廟見神衣半溼。始悟實邀神助。奉敕建神祠於湄洲。勒文以紀功德。隨又加封天后。五十九年奉旨春秋致祭。編入祀典。雍正十一年敕令有江海各省一體立祠致祭焉。

古重山

古重山在仙遊縣東少北二十里。紫洋之東。延袤二十里。上有古重岩。深廣各四丈。旁有石室十餘所。隙路相通。髣髴神仙窟宅也。

蔡溪岩

蔡溪岩在仙遊縣東北六十里。岩前有石如雙闕。曰石門。高三十餘丈。廣百餘丈。石門之北。峭壁環立。飛瀑數百丈。直瀉而下。瀑盡處爲龍潭。流爲蔡溪。又有普陀岩。石壁間可坐三五十人。相對有羅漢洞。其石門之下。又有幻游洞。岩水至此會流。如犇雷聲。潏爲一湖。

歐陽詹故里

歐陽詹故里在晉江縣西南二里潘湖。詹字行周。貞元間與韓愈、李觀、李絳、崔羣、王涯、馮宿、庾承宣聯第。時稱龍虎榜。爲國子四門助教。詹事父母孝。與朋友信義。其文章深切。往復明辨。旣卒。愈爲作哀辭。子栢字降之。亦工爲文。

太武十二奇

金門縣太武山。嶼中山之最高者也。狀若兜鍪。舊有太武岩、玉几案、醮月池、眠雲石、偃蓋松、跨鰲石、石門、石室、蟹眼泉、倒影塔、千丈壁、一覽亭等十二奇。又有海印上下二岩。

蓮花峯

蓮花峯在南安縣西北二里。八石從開。若蓮花然。西行數百步。爲奇石室。有石門。狀殊詭異。

五通嶺

五通嶺在同安縣東南七十里。相傳文天祥輔幼主避元兵至縣。越城南下。輦過縣東龍窟村登舟經此。路通新安角嶼。路旁有二巨石。天祥書龍門二字。龍窟村在縣東南十五里。有二巨石連接水中。名御踏石。

石牛山

右牛山在德化縣東北。山上有石如牛。故名。峯巒高巍。上聳霄漢。其色蒼翠。欲滴。綿亙數百里。上有石壺湖。北有飛仙瀑。壁立百仞。懸流甚峻。至半山則雲消霧散。不知所之。全山景物幽奇。殆不可數。與戴雲、九仙諸山並稱勝境。

九仙山

九仙山在德化縣西北六十里。有九峯秀削如攢筍。嵯峨奇怪。絕頂有摩雲齊雲二洞。累石如屋。天梯石門。左右可通。攀石俯視。直下千仞。峯右有彌勒洞。怪石相撐如城。中廣數丈。東爲靈鷲岩。有會照池。東下與路口溪谷爲湧溪之源。西爲仙峯岩。有醜池。流入大田縣界。

靈惠岩

靈惠岩在大田縣東北一百餘里。舊名佛窟岩。又名師姑岩。岩壁峭拔。去地千尺。中有岩竇可入。若廳事者二所。有泉出石罅間。隨飲者多寡爲盈縮。號曰聖泉。土泥極肥。每三大斗。可糞田百畝。農民經百里來市之。其陽有九湖。

岩在大雲峯下。岩前後有湖。凡九。故名。最上一湖。怪石森立。亦名天湖岩。

田一僑墓

田一僑墓在大田縣東門外。有碑亭。一僑字德萬。明大田人。隆慶初。會試第一。選庶吉士。授編修。進侍講。張居正將廷杖吳中行等。一僑偕同官趙志皋等。具疏救。格不入。乃從學士王錫爵。詣居正第求解。數陳大義。詞獨峻切。居正心曠之。請告歸。後曆禮部左侍郎。掌翰林院。持身嚴謹。淡泊自甘。沒無贏賞。贈禮部尙書。

三汀潭

東寶山

東寶山在龍岩縣東五里許。三峯並列。東寶居其右。山麓舊產銀砂。每風雨晦冥。常有寶氣浮動。下有龍井洞。中爲翠屏峯。下有龍岩洞。中虛如室。可坐百人。壁石有雙龍紋。唐人名縣以此。宋文天祥嘗駐兵岩下。左爲涼傘峰。三

山連絡。亦曰三台山。山腰有嶺通漳平。

蒼玉亭

蒼玉亭在長汀縣城東蒼玉洞。宋宣和中建。陳軒詩：「我愛汀州好。山川秀所鍾。閣前橫滴水。亭畔列奇峰。」

昇仙臺

昇仙臺在寧化縣西四十里。相傳昔有劉熊一道士修煉於此。白日飛昇。居人築臺刻二象於石壁。

西巖

西巖在寧化縣東北五十里。登石梯而上。石笋屹立如門。其中空洞可坐千人。有石室數處。

東巖

東巖在西巖之側。石室傍有石蓮數朶。又有石如壺。泉湧壺口。與西巖競秀。

靈隱洞

靈隱洞在寧化縣北五十里。洞前重岡疊嶽。森列左右。小澗橫絕。煙雲縹緲。有聖水桃竹。又有一石。拔地而起。上有窪樽乳泉。滴漉滿而不溢。飲之愈病。

金山

金山在上杭縣北少西三十里。縣之主山也。宋仁宗康定間。嘗產金。因名。一名紫金山。巒嶂巖峒。蒼翠如畫。上有三池。名曰膽水。上下二池。有泉湧出。中一池。則畜上池之流。相傳宋時。縣治密邇。其地水赤味苦。飲則傷人。惟浸生鐵。可煉成銅。後縣治既遷。其水遂變。不異常水。山側有百丈澗。舊名黃金坑。其東爲靈蛇山。峭拔凌空。極爲峻聳。

蓮花石

蓮花石在上杭縣南。屹立大溪中。狀若蓮花。石壁間有形。隱然如婦人。逐一顰。又縣西北有仙榜石。橫立數十丈。光不受蘚。又縣北有觀音石。赤面石。

南安岩

南安岩在武平縣南八十里。形如師子。中有二岩。南岩窈窕虛空。石室天成。東岩差隘。而石竊尤縝密。其中泉石。殊形奇勝。俗呼龍穿洞。十有二峯。列峙岩前。如拱如揖。景物尤佳。

玉華嶺

玉華嶺在清流縣東北五十里。上有玉華洞。石峯拔地。蒼翠橫空。玲瓏穿透。可容百人。洞之東。又有靈龜洞。西有三穴。曰石燕洞。相傳有道士秉炬行一日餘。出洞口。乃寧化縣界矣。

東華菴

東華菴在清流縣東三里。宋哲宗元符時建。絕頂松竹交翠。如立畫屏。前有石臺。登眺則高山皆在目。亦遊覽之佳地也。

峭石

峭石在連城縣東七里蓮峯靈芝菴後。石狀如削。高插雲霄。上鑄壁立千仞四字。又縣南四十里有馬鞍石。縣南一百十里有龍爪石。俱以形似名。

王城

王城在連城縣西南七十里。宋末文天祥奉帝昴起義。駐兵於此。故名。

滴水岩

滴水岩在歸化縣東北五里。上有泉水下滴。亢旱不竭。岩西有洞。曰虛鳴洞。一名玉虛洞。濶數十丈。洞內孔竅相通。凡數十里。泉石奇勝。甲於一邑。下有隱流。即滾滾諸水所出也。

獅子洞

獅子洞在歸化縣西二十里。怪石踞踞。如狀怒貌。中有數石室。虛空深邃。一柱屹立。儼若雕鏤。

瑞鵲臺

瑞鵲臺在龍溪城內東偏。宋熙寧間通判柯述賑活饑民。有二鵲棲其廳事。比去任。鵲送之。遂不復返。故名。宋蘇軾賦詩云：「昔我先君子。仁孝行於家。家有五畝園。么鳳集桐花。是時鳥與鵲。巢穀可俯拏。憶我與諸兒。飼食觀羣呀。里人驚瑞異。野老笑而嗟。云此方乳哺。甚畏鳶與蛇。手足之所及。二物不敢加。主人若可信。衆鳥不我遐。故知中孚化。可及魚與豸。柯侯古循吏。惻軀眞無華。臨漳所全活。數等江干沙。仁心格異族。兩鵲棲其衙。但恨不能言。相對空楂楂。善惡以類應。古語良非夸。君看彼酷吏。所至號鬼車。」

梁山

梁山在漳浦縣南稍西三十里。盤亘百里。有九十九峯。其蓮花、獅子、金剛、力士、雙髻、長劍、七星、八杜、觀日、臨海、晉亭、青閣十二峯爲最著。上有瀑布泉。東南盤石上有穴如井。泉水湧出。大旱不竭。謂之靈泉。南北麓各如有湯泉。

太武山

太武山在漳浦縣東北一百餘里。屹立海中。東望大海。汪洋無際。陟其巔則數邑皆在目中。上多奇跡。好事者列爲十四景。有小石城。相傳越王建德避漢兵保此。亦名建德城。又有石塔。名延壽。高數仞。海中歸船。望以爲標。

戴帽山

戴帽山在漳浦縣東北五十里。亦名大帽山。山大而峻。四面林木蒼翳。獨頂上有黃茅。形如戴帽。故名。山有玉川瀑布。新村石鼓。龍滌潭。寶珠石。諸勝。北麓爲磁窰山。下臨大江。其上產茶。

天柱山

天柱山在長泰縣東五十里。東西南北有四石門。又有石室。石梯。應潮泉。暗水泉。香爐峯。海濤巖等二十奇。宋曾循稱爲臨漳第一勝處。絕頂曰紫玉峯。環眺千里。如襟帶間。

大峯山

大峯山在平和縣東南。一名大枋山。邑之鎮山也。高峻巉巖。罩絡羣岫。漳浦詔安海澄鎮海衛諸山。皆發脈於此。自麓至巔。可五十餘里。登陟一望。遠近城邑。悉在目前。山有石峯十七。山背有靈通巖。劈立半山。泉石奇勝。泉潢四注。畫地成川。高山河上。徐坑港頭諸溪。皆出於此。有別支曰新巖山。中有銅鼓山。兜寶峯。瑞雲。明月等四岩。

三平山

三平山在平和縣東南。岩谷深邃。詰曲崎危。登陟者必歷三險。三平。乃至其巔。故名。有龜蛇峯。九層岩。高柯巔。煎茶陽。虎爬泉諸勝。

羊角山

羊角山在詔安縣南十里。石屏屹立。旁一石雙歧。若羊角然。中有石鼓。石船。鰲頭。研池。風動石。嘯臺諸勝。西曰青雲洞。有三鯉石。鳳尾松等。

產孟嶺

產孟嶺在漳平縣東北。山險而僻。其陽有蝙蝠洞。石壁巉岩。洞穴深邃。寒泉清冽。衍爲長流。俗傳有竅通尤溪。鄉人秉炬深入。卒以不能盡底而止。

龍門洞

龍門洞在漳平縣東洞如石室。冬溫夏涼。中有盤石。可坐百餘人。相近有陽山洞。深邃幽冥。洞口有石門。外峭中窪。有田數畝。嘗有山寇據此爲巢。又有五老洞。四圍高峭而中窪。惟石徑一道可通。容千餘人。

四 建安

蒼峽

蒼峽在南平縣東南一百十里。一作嶺峽。兩峯青山迴合。劍溪經其間。轉折而東南出。宋時嘗置寨於此。有二榕樹甚古。碑記云。朱文公所手植也。

演仙山

演仙山在南平縣東北。故老相傳云。演氏煉丹于此。有丹竈遺址。上有文峯。

巖中一石。端拱如佛。山舊多橘。輿地紀勝云。山中產橘。可以就食。不可携出。全山林木蔥蘢。泉流清韻。宋吳致堯云。延平號山水佳處。衆峯連屬。鳳鶩蒸時。望之蔚然。神剗天畫者。演仙也。

獅子岩

獅子岩在南平縣西北六十里。滌上以形似石。下有洞。可容數十人。半里許。舊有岩。高三十餘丈。中有三十六洞。

盤陀石

盤陀石在南平縣西南六十里。方廣丈餘。四山環峙。清泉湧出。佳木陰森。宋儒李延平朱子嘗游息其上。舊於其旁有天趣園。

黃裳墓

黃裳墓在南平縣西南劍津里。尤坑邱。裳字冕仲。南平人。博學鴻詞。尤遂禮經。元豐五年對策第一。政和間知福州。累遷端明殿學士。禮部侍郎。晉尙書。

方三舍法行。裳謂宜近不宜遠。宜少不宜老。宜富不宜貧。不如遵祖宗科舉之制。人以爲確論。年八十七卒。著有演仙集六十卷。

羅從彥故里

羅從彥故里在南平縣西南南山下。其墓在縣西南劍津里黃潦。從彥字仲素。聞同郡楊時得程氏學。遂往學焉。曰不至是。幾虛過一生矣。嘗與時講易。至乾九四爻。云伊川說甚善。從彥遂鬻田走洛見頤問之。旣而築室山下。絕意仕進。嘗采祖宗故事如遵堯錄。擬獻闕下。會國難不果。朱子謂龜山倡道東南。士之遊其門者甚衆。然潛思力行。任重詣極。仲素一人而已。學者稱爲豫章先生。潛佑間。謚文貞。

李侗墓

李侗墓在南平縣西南六十里崇仁里。侗字愿中。宋劍浦人。聞郡人羅從彥得河洛之學。以書謁之。從之累年。授春秋中庸語孟之說。從彥極稱許焉。旣

而退居山田。謝絕世故。四十年。食飲或不充。而怡然自適。事親孝謹。接後學。雖隨人淺深施教。而必自反身始。朱松雅重之。遣子從學。卒得其傳。朱子嘗稱侗充養完粹。無復圭角。平日恂恂於事。無甚可否。及酬酢事變。斷以義理。截然不可犯。又謂自從侗學。辭去復來。則所聞益超。其上達不已如此。世稱延平先生。卒謚文靖。所著有延平問答及語錄行於世。

九仙山

九仙山在將樂縣東二十里。崇岡疊嶂。如龍翔鳳翥。又如獅伏牛闥。在邑中山爲最高。夏無炎暑。冬常積雪。舊傳有九異人煉丹於此。秀厓絕壁。泉聲如雷。尤溪縣南七十里亦有九仙山。峯巒秀拔。人跡罕到。上有金鯉池。石碁局。黑白二石馬。煉丹竈諸勝。

天階山

天階山在將樂縣東南十五里。石磴劣崩。高若升天。有玉華洞。石門低隘。窺

之竅黑。秉燭以入。泉自石罅流出。潺潺有聲。洞高處滲液凝結。冰雪峻嶒。其巔七層樓者。峻絕僅容一足。迤邐而登。石竅容光如五鼓候。俗呼此爲五更天。洞之陰有室華洞。一室豁飭。相傳即赤松子采藥處。上爲普陀石。陽有南華洞。石室方平。景物尤勝。縣稱三華以此。

油雲岩

油雲岩在將樂縣北八十里。岩石礪礪。瀑泉流瀉。每天欲雨則雲山。其上有油雲洞。

龍頭岩

龍頭岩在將樂縣東南十五里。其形類龍。又有虎頭岩。有石門。自山下通山頂。明爽可居。下舊有定光古佛道場。重樓殿閣。爲一邑之勝。宋楊時有記。

楊時故里

楊時故里在將樂縣北門外。其墓在縣東南里許。烏石山。時字中立。熙寧九

年進士。調官不赴。以禮謁見程灝于穎昌。其歸也。灝目送之曰。吾道南矣。灝卒。又從程頤於洛。時年已四十。事頤愈恭。一日頤偶瞑坐。時與游酢侍立。不去。頤既覺。則門外雪深三尺矣。杜門不仕者十年。久之。歷知瀏陽。餘杭。山陰。三縣。皆有惠政。士不遠千里從之遊。學者稱龜山先生。會有使高麗國者。國主問龜山先生安在。使回以聞。遂召爲秘書郎。遷著作郎。除諫議大夫兼侍講。欽宗時。兼國子祭酒。疏王安石邪說之害。遂奪安石王爵。去從祀之列。高宗立。除工部侍郎。繼以龍圖閣直學士。提舉杭州洞霄宮。致仕。優游林泉。以著書講學爲事。年八十卒。諡文靖。時浮沈州縣四十七年。朱熹張栻得程氏之學。其源委脈絡。皆出於時。所著有龜山文集語錄等。

淘金山

淘金山在沙縣西六里。邑未成時。嘗屯兵於此。亦名屯軍山。上有奇石。頂平曠。可容千人。有洞天巖。石壁峭絕。倚險架閣。景物殊勝。有泉自山巔飛瀑下。

注數十丈。名洞天巖際。

幼山

幼山在沙縣西北。孤峯上聳。三十餘里。周迴二百里。上產松檜竹柏。山之脊曰黃竹崎。有晏坐峯。蕪雲塢。歸雲洞。風洞。下有龍浹。巖壑泉石。種種奇勝。遊覽其中。目不暇給。幼溪即出於此。並峙者曰龍山。

蕉皮勝

蕉皮岩在沙縣東南四十里。下有蕉皮洞。深廣可一里。清泉怪石。樹木陰翳。景物絕勝。

仙靈十奇

仙靈山在尤溪縣西南一百三十里。唐末人以此山爲仙靈窟宅。山嶺有十奇。曰雙鑑池。靈泉井。飛星壇。卓筆峯。宿雲洞。鷹嘴巖。白雲庵。棋盤石。獅子石。仙樂臺等。風景清佳。堪資遊賞。

銅盤岩

銅盤岩在尤溪縣西四十里。懸厓峻峭。竹樹陰翳。鳥道縈紆。飛泉灑沫似雨。厓下有潭。資以灌溉。

彭坑岩

彭坑岩在尤溪縣東北三十里。有巨石數十圍。疊其巔。傍開小洞。內有池。又有井。水深不可量。其下曰梅營坂。舊時植梅廣至十里。花時一望如靈。景最清美。

賴岩

賴岩在尤溪縣西北三十五里。其上怪石萬數。巨者如屋。總互可三里許。宛然一洞府也。洞口賴梯而上。石室聯屬。皆有竇如戶。俯而入中有流泉。石罅如窗牖者數百。形勢幽巧。殆神仙窟宅也。

靈龜洞

靈龜洞在順昌縣東南二十里。內有靈龜石。紫色如金。又有石如鐘磬魚鼓之狀。叩之其聲清越。

龍岩

龍岩在順昌縣南五里。三面環山。中互一岡。蜿蜒綿延。俯仰起伏。宛若龍形。而嶽巖疊疊。正當龍頭。故一名龍頭岩。岩上有亭。聳接霄漢。憑欄眺望。城郭山河。悉收日睫。

栢欄山

栢欄山在永安縣北二十里。山產栢欄。故名。峯之最高者。爲天柱。射堦諸峯。觀音集仙頭陀等岩。降仙步雲諸臺。及天池野雲洞。銅盤澗諸勝。又有修竹灣。無岸路。惟舟可入。灣盡種竹。曲折如蛇。中有紫雲砥。爲山絕頂處。俯睇長江。縈迴如常。又有栢欄寺。五代後晉高祖天福時建。其地厓壑奔放。林木翳然。如龍蟠虎伏。霞鎖雲蒸。探勝者墨跡鱗堵。不何代記。全山草木蒙茸。冬夏

一色。洞壑幽奇。風景絕佳。李忠定目爲小武夷。邑之勝境也。

貢川山

貢川山在永安縣東北四十里。上有桃源洞。闔風臺。一線天。諸勝。山峽峻陡。僅可容趾。陟其巔。田廬井井。故有桃源之目。

仙掌岩

仙掌岩在永安縣北栢欄山下一里許。地迤葛里。逕里曲折。有泉曰九姑泉。其形如釜。或一里半里爲一姑。至九姑則岩之盡處爲仙掌岩。

黃楊岩

黃楊岩在永安縣西北八十里。與歸化縣接界。岩上產黃楊木。一名萬壽岩。又名鱗峰岩。四壁如削。周迴可十里。角出羣山之上。有三洞相聯。曰靈峰。曰碧雲。曰船篷。皆幽深不測。宋鄧肅詩云「苾藜千尺上崔嵬。手摘星辰足下雷。撥破煙雲得洞戶。醉看恐是天門開。」

甘乳岩

甘乳岩在永安縣西南六十里。有洞廣袤約五十餘丈。洞口怪石森列。有泉自石中迸出。旁有風穴極深。洞後又一洞名透天。相傳爲神仙窟宅。

蘇岩

蘇岩在永安縣東九十里。平地拔起千餘丈。中有石龍頭。吐水注石穴中。近岩有池。方廣畝許。鱗屬甚多。

鳳凰山

鳳凰山在建甌縣東。一名茶山。五代晉天福三年。王延政據建州。福州兵來攻。延敗之于茶山。宋紹興二年。韓世忠聞賊帥范汝爲入建州。水陸並進。直抵鳳凰山。大破之。皆卽此。是山峯巒峻。俯瞰城郭。形如翔鳳。當鳳喙處。舊有石蒼黑。堅緻如玉。太原王頤取以爲硯。蘇東坡石之曰鳳喙是也。山上有鳳凰臺。宋太平興國中築。又舊有乘風堂。宋慶曆中柯道記。石碣字大尺許。

鐵獅山

鐵獅山在建甌縣南三里。術家謂舊府治山脈若猛虎出林。溪西諸山若隊羊然。恐爲所傷。因鑄鐵獅於此鎮之。因名。其麓有彌陀岩、定光岩、石龜池、寶月井諸勝。山之左爲紫芝山。石爲雲際山。

天湖山

天湖山在建甌縣西北十里北津下。山舊有二十六景。宋郡守趙研登此。有美景天湖呈六六之句。其尤勝者爲雙虹泉、空翠亭、紫芝庵。

魚屋

建甌縣三峰山之麓有三山潭。潭底有石穴。大小數十深如屋。魚鱉多藏其中。人呼爲魚屋。

梅巖

梅巖在建甌縣西北。岩徑曲折。峯巒聳秀。風物頗佳。宋劉屏山嘗建書院於

此。

歸宗巖

歸宗巖在建甌縣西北二十五里。宜均溪口。一名鬼子岩。中有奇雲峯。落珠崖。石心泉。神仙圍碁處。風洞。雲洞。諸勝。入巖內。林木生石罅間。怪石礪砢。石上鑄有仙靈窟。宅補天遺品等字。由此而上。半山有亭。更上有庵。庵前有望月亭。憑眺最佳。由庵右至一嶺。奇石突兀。如龍虎。如獅象。如牛馬。如鶴鷄。如猿猴。又如偃臥。如聳立。如倚坐。如磬折。形態萬千。不可指數。環覽全岩。非洞壑之異地。乃塵境之桃源也。

西峯洞

西峯洞在建甌縣東北。一名石橋洞。內可坐百人。有鼎爐石。石上五坎如碗形。皆藏石髓。前有巨石如方坐。高三十餘丈。

開元寺

開元寺在建甌縣南三里。晉建。舊名林泉。唐賜今名。寺舊有月青閣、一覽亭、定光岩、觀音岩、彌陀巖、陸羽泉、石龜池、寶月井等八景。

蔡元定墓

蔡元定墓在建甌縣崇泰里翠嵐源視頭。長子淵墓。在縣東南二十里。元定學者曰西山先生。所著有大衍詳說律呂新書、燕樂原辨、皇極經世、太元潛虛指要、洪範解、八陣圖說等。長子淵躬耕不仕。著有周易訓解。

蔡沈墓

蔡沈墓在建甌縣西九峯之東原。嘗構精舍於縣西北蘆峯山下。理宗親書蘆峯書院匾之。沈字仲默。元定次子。從朱熹游。受父師之託。著書傳。年僅三十。屏去舉子業。一以聖賢爲師。隱居九峯。當世名卿物色將薦用之。沈不屑。就人稱九峯先生。子抗字仲節。官至參知政事。

龍湖山

龍湖山在建陽縣西南大同山北。一名湖峯山。羅巖黃連諸峯。左右排列。宋朱熹嘗愛其幽勝。築室以居。

仰山寺

仰山寺在建陽縣西。元泰定間建。山若仰掌。寺居林中。翠嵐鬱鬱。萬竹蕭森。風景至爲幽勝。攀緣石磴。曲折五里許。乃達。

唐石

唐石在建陽縣西北嘉禾里。一名仙架石。石方三四丈。厚五尺。平整如截。下有二小石架之。中虛可容數十人。相傳唐時有異人架爲遊息之所。故名。宋末謝枋得自信州敗走入唐石山。卽此。

龍石

龍石在建陽縣西北石壁上。有龍形。長二百尺。出自天成。又有仁義石。在縣西。二石對立。里人名其左曰仁。右曰義。歲時祀之。

朱子墓

朱子墓建陽縣西北九峯山下大林谷。其祖森墓在政和縣東舊護國寺前有祠曰啟賢。父松墓在崇安縣東寂歷山中峯之北。子在本縣東永安寺後。孫鑑墓在建甌縣秦溪外里。曾孫浚墓在建甌縣西南。玄孫林墓在建甌縣秦溪外里。

吳安國故里

吳安國故里在崇安縣東南。其宅後人稱爲文定書堂。安國淵子字康侯。紹興中進士。擢太常博士。靖康初除太子少卿。起居舍人。皆辭。高宗時以張浚薦除中書舍人兼侍講。先獻時政論二十一篇。尋以疾求去。留兼侍講。王安石廢春秋不列學官。安國歎曰。先聖傳心要典。乃使人主不得聞。學士不得習。亂倫滅理。可乎。乃潛專講春秋。累官至給事中。謝良佐嘗稱其如大冬嚴雪。百草萎死。而松獨存。公風度凝遠。蕭然物表。視天下無一物嬰其心。嘗曰。

浮世利名真蟻蝶之過前也。所著有文集十五卷。資治通鑑舉要補遺百卷。

七房巖

七房巖在浦城縣東北。巖有七層。最上有泉穴。形圓如鏡。名曰鏡泉。相近有白馬巖。舊傳仙人乘白馬至此。故名。旁有傳築巖。宋祖秀實故居也。

畫錦堂

畫錦堂在浦城縣西南峯寺。宋章得象建。內刻仁宗賜詩。凡章氏子孫登第者。俱鐫名於此。

萬葉寺

萬葉寺舊在浦城縣北。本名溪峯。唐賜今名。寺有八景。曰瀑布、石門、菩薩岩、仙人跡、汗尊、水簾、七松、岩、萬石。皆山水勝絕。

徐彩鸞自沈處

浦城縣西北招賢里桂林橋。元徐彩鸞題詩自沈處。彩鸞李景文妻。浦城徐

嗣源之女。通經史。能詩詞。每誦文天祥六歌。必爲感泣。至正十五年。青田賊寇浦城。影鸞從嗣源逃。旁近山谷。賊持刀欲害嗣源。影鸞前曰。此吾父也。甯殺我。賊捨嗣源而止。影鸞語其父曰。兒義不受辱。今必死。父可速去。賊拘至桂林橋。拾炭題詩壁間。有惟有桂林橋下水。千年照見妾心清之句。乃厲聲罵賊投于水。賊競出之。旣而乘間復投水死。

眞德秀故里

眞德秀故里在浦城縣東隅。越王山下。又縣西巖山。舊有西山精舍。乃德秀講學之所。其墓今在縣南桂林山南。德秀字景元。後更景希。慶元進士。累官禮部侍郎。理宗卽位。入見。奏雲川之變。非濟王之志。屢進鯁言。史彌遠嚴憚之。旣歸。修讀書記。召爲戶部尙書。入見。進大學衍義。復陳祈天永命之說。上嘉納。德秀立朝十年。奏疏無慮數十萬言。韓侂胄立僞學之名。以錮善類。德秀慨然以斯文自任。黨禁開而正學明于天下。後世多其力焉。德秀之學以

朱子爲宗。世稱西山先生。從祀孔子廟庭。所著有西山甲乙稿。對越甲乙集。經筵講義。端平廟義。翰林詞草。四六獻忠集。江東救荒錄。清原雜志等。

洞宮山

洞宮山在政和縣東南一百五十里。九峯重壘。狀如蓮花。亦名九蓮峯。道書以爲第三十福地。相傳古有魏虞二真人煉外丹成。飛昇於此。因名魏虞洞天。一名無爲洞天。中曰谷洋。地平衍若水之洋。廣四五里。舊產銀砂。旁則巖岫夾立。若牆壁然。宋置坑冶司舊址。猶可訪而得之。其西曰西門嶺。嶺之西有奇峯石壁。高松鬱然。謂之翠屏峯。折而南。二岩并立。爲東西二寶臺。臺之西山勢開豁。有平田數頃。舊立二真人宮於此。

白鶴巖

白鶴巖在政和縣西二十五里。其側又有白狗巖。皆與松溪縣湛盧山相連。相傳魏虞二真人嘗攜鶴與犬遊此。故名。崖頂萬木蔥蘢。瀑流飛響。盛夏則

風颯然不知炎暑。

定漏泉

定漏泉在政和縣治東南下藥山下。一穴湧出。冬溫夏冽。色清而味甘。舊時陰陽家取以定銅壺刻數。不爽暑刻。

蒙谷

蒙谷在邵武縣東北十五里。泉山之麓。谷口僅容單騎。循澗而入。中深邃平曠。有田數頃。澗水曲折。山勢環抱。宋黃通老築室居此。愛其泉石。名曰蒙谷。

李綱故里

李綱故里在邵武東三十五里渠裏村。綱夔子。字伯紀。宋邵武人。政和進士。遷起居郎。宣和元年京師大水。疏言當以盜賊外患爲憂。坐謫。七年金人日迫。綱刺臂血上疏。內禪之議乃決。靖康初。金兵渡河。宰執守避敵之議。綱力陳不可去。上感悟。命綱爲親征行營使。以便宜從事。綱治戰守之具。身督戰。

殺退其衆。重圍乃解。廷臣爭割地解和之說。綱敷陳出師邀擊之。可以必勝。與其再至。不可不憂。由是再謫。高宗立。首召爲相。慨然以修政事攘夷狄爲己任。誅僭逆。定經制。寬民力。變士風。通下情。改弊法。招兵買馬。經理財賦。分布要害。繕修城壁。敷張所撫。河北。傅亮收河東。宗澤收京城。西顧關陝。南葺樊鄧。且將據形。便以爲守。中原還二帝之計。汪但彥黃潛善等沮之。僅七十餘日。以觀文殿學士罷政事。後除江西安撫。制置大便。兼知洪州。年五十八卒。諡忠定。

會仙巖

會仙巖在光澤縣北四十里。高數百丈。岩口有石穴。中深而方。清泉常滿。俗名石斗。岩後澗泉。出自穴中。高數丈。名曰水滌。相近有岩曰黃茅。有石樓七層。高下相透。後有石壁。水自穴出。泉石之勝。亦殊幽詭。

甘露巖

甘露巖在泰寧縣西南二十五里。石門天成。一徑如線。飛瀑垂巖而下。景物絕勝。

齊雲巖

齊雲巖在泰寧縣西南二十里。俯瞰大溪。登之如在虛空。其右爲獅子巖。其高爲百丈巖。巖趾峭削。鳥道縈紆。人跡罕到。

金饒山

金饒山在建寧縣南三十里。一名大弋山。又名大厯山。山有八十四面。周互數百里。石磴縈迴。盤旋而上。絕頂有仙池不竭。南折而下。爲黃楊坪。坪東有龍潭。廣數尺。深不可測。引爲瀑布百丈。又南爲石燕巖。石劈一徑。深三丈許。僅容一人。盤折而入。到正巖。天啟一門。深可三丈許。中有石屏。屏後有石竇。光漏天日。謂之天窗。泉飛木杪。注於絕壑。循巖右折。曰大寶巖。據高矚遠。一邑如掌。登臨至此。嘆觀止焉。

雲谷

雲谷在建寧縣南五里。仰天之西。核桃峯之左麓。宋待制俞豐讀書於此。嘗建精舍於此。曰雲谷書院。內有怡雲來薰致爽舒嘯浮香諸亭。谷外平疇數頃。綠水環流。爲縣勝地。

報國寺

報國寺在金鏡山之麓。五代梁龍德間建。舊有白蓮池、紅芍圃、虎溪橋、蟾窟井、龍鱗松、鐵線梅、王柱峯、漱石浦八景。

中華名勝古蹟終

中華名勝古蹟續編目錄

第十六編 廣東

一 粵海

亂石山 荔支灣 琵琶洲 朝臺 學士泉 拱北樓 光孝寺 公園 鎮象塔
 水藤山 石馬山 仙石岩 伍隆起臺 羅浮山 白水山 景星岩 燕石
 湛若水墓 神仙井 陳獻章墓 杯渡山 高峽山 頂湖山 神符岩 龍山
 薛公巖 龍岩 三峰山 雲岩 龍巖山 洞青岩 石龍岩 麒麟石 大空岩
 九星岩 虎岩

二 嶺南

靈石 余靖墓 碎珠岩 機山 小武當 泐溪石室 錦石岩 滇陽峽 通天
 岩 觀音岩 碧落洞 何公橋 梅鼎臣讀書處 白石岩 航石泉 靜福山

中華名勝古蹟 第十六編 目錄

桂陽山 秀岩 同官峽 石龍

三 潮循……………二九—三八

厝園 葱隴 白鶴峰 合江樓 松風亭 香積寺 梅花嶺 五雲洞 止水石

霍山 龍歸岩 聖跡岩 水簾亭 瘦牛嶺 華古岩 仙人石 神光山 五

子石山 程政故里 大峰山 石窟洞

四 高雷……………三八—四一

龍湫山 思乾井 羅賓洞 立石 湖山岩 北山 陸嗣岩 雲森岩 石窟岩

潭西岩

五 瓊崖……………四一—四七

西石山 洞酌亭 下田村 海瑞墓 通潮閣 白玉蟾故里 王宏誨故里 洞

邱 乳泉 落筆洞 飛瑁欄 東山 虞山石鼓 峻靈山 趙鼎墓

六 欽廉……………四七—四八

甯梯原讀書處 三澤岩

中華名勝古蹟 第十六編 目錄

目

中華名勝古蹟 第十六編 目錄

四

中華名勝古蹟續編

第十六編 廣東

一 粵海

亂石山

亂石山在番禺縣東北二十里。層巒疊嶂。高險與白雲山相連。一名白雲後洞。唐杜審言詩。一漲海積稽天。羣山高竦地。相傳稱亂石。圖典失其事。懸危悉可驚。大小都不類。上聳忽如飛。下臨仍欲墜。一卽咏此。

荔支灣

荔支灣在番禺縣東。昔劉氏捋昌苑於其上。五代史。南漢乾和二年。遣洪昌祀襄帝。後於海曲至昌華宮。卽此。其地波光木影。風物最佳。上有息航亭。觀渡亭。流觴閣。彭園。陳園諸勝。流觴閣可納涼。啜茗。而兩園花木亭臺。尤爲全

灣之冠。最堪遊憩。灣多荔支。水精透膜。絳縠離苞。風味之美。卓然第一。結果纍纍時。遊者輒購而啗焉。

琵琶洲

琵琶洲在番禺縣東南。以形似石。江水環繞。舟楫如織。其上樹木繁茂。一望蔚然。頂有浮屠。九級矗起。十里外望見之。

朝臺

朝臺在番禺縣東北。水經注。尉佗因岡作臺。北面朝漢。圓基千步。直峭百丈。頂巔三畝。複道回環。逶迤曲折。朔望升拜。名曰朝臺。前後刺史部守。遷除新置。未嘗不乘車振履于焉。逍遙。

學士泉

學士泉在番禺縣北。明天順中。學士黃練謫廣州。品其水爲嶺南第一。因名。

拱北樓

拱北樓在廣州雙門底。巍峩雄壯。足堪登眺。上有南越王造之銅壺滴漏。壺凡四。曰日月星辰。上天下小。滴水以定晷刻。乃二千餘年之古物也。

光孝寺

光孝寺在番禺縣北。寺本南粵王弟建德故宅。三國吳時。騎都尉虞翻謫居南海。構宅於此。多植蘋婆訶子樹。名曰虞苑。晉哀帝隆和中。僧鬪賓始剝爲王園寺。劉宋時。陀羅三藏浮海至此。指訶子樹曰。此西番訶梨勒果之林。宜曰訶林。遂剝戒壇。梁武帝天監元年。智藥三藏自西竺國持菩提樹一株。植於壇前。唐高宗儀鳳元年。六祖慧能祝髮樹下。因論風幡。建風幡堂。宋太祖初改爲乾明禪院。高宗紹興間。改爲報恩廣孝寺。後又易今名。清王士禛嘗集友於此。有詩云。一鳥鳴灌木。招提春雨餘。偶來方外遊。蹤跡似閒居。清池浮水薤。碧藻躍文魚。輕颺散訶林。蔡樹交扶疏。灼灼佛葵花。紅豔驚珊瑚。緬追昔賢迹。俯仰懷赤烏。孝廉自英雄。江左盛文儒。魯周闔外寄。張顧府中

趨如何虞仲翔。獨此悲向隅。青蠅爲弔客。手戴同欷歔。」

公園

公園在東莞縣城內鉢孟山。花木亭臺。爲邑之勝地。附近又有紅棉山莊。風篁館。半山亭。風滿樓。鉞山亭。曼園諸勝。尤堪遊賞。

鎮象塔

鎮象塔在東莞西南。相傳南漢時羣象害稼。官捕殺之。邵廷珪聚象骨建石塔以鎮之。故名。塔上刻有經文字體秀勁。不知何人手筆。旁有資福寺。亦邵廷珪建。有古鍾一具。聲大而洪。又有禪喜堂。東坡閣。無病泉等。宋蘇軾嘗遊於此。有舍利塔碑。至今尙存。

水藤山

水藤山在從化縣東五千里。亦石水亭山。山有石徑可上。其巔有楊溪洞。廣十餘丈。有石長數千丈。竄出如船。下覆洞穴。有藤生焉。

石馬山

石馬山在龍門縣北八十里。縣境諸山。此爲最高。石磴盤旋而上。多林木。有五石名童子讀書石。相近有白牛巖。高數十丈。俱白石。望之如堆雪。其北有上建廟。

仙石巖

仙石巖在龍門縣東十五里。一名神仙巖。怪石嵯峨。有空洞在下。隙光透入。石磴天成。可以坐百人。旁通一孔。可容一人。相近有屏風石。屹立平原。爲一方屏障。

伍隆起墓

伍隆起。在台山縣東文經山。隆起宋新會（即台山）人。三世仕宋。宋末隆起率義兵從帝昺於厓山。與元將張宏範力戰不屈。其麾下謝文子殺之。以首降宏範。宋相陸秀夫悲之。收遺骸以香木刻首葬於此。又募執文子以

祭墓焉。

羅浮山

南越記增城縣東有羅浮山。浮水出焉。是謂浮山。與羅山並體。故曰羅浮。非羽化莫有登其極者。險尖之峯。四百四十有二。同歸於羅山。上則三峯爭聳。各五六十仞。其穴溟然。莫測其極。北通勾曲之山。即茅君內傳所云第七洞。名朱明耀真之天。璿房璇室。七十有二。豈寧穹窿。自然雲構。泉源之府。九百八十有三。飛泉引鏡。懸渡委錄。窮幽極響。百籟虛鳴。元和志羅浮山西北二十八里。羅山之西有浮山。蓋蓬萊之一阜。浮海而至。與羅山並體。故曰羅浮。高三百六十丈。周三百二十七里。峻天之峯。四百三十有二。後漢書郡國志注。傳羅縣有浮山。自會稽浮來。傳于羅山。故置傳羅縣。蓋二漢博皆作傳。晉太康志始作博。今山在增城縣東。縣互接博羅縣界。羅山在東。浮山在西。羅山絕頂曰飛雲峯。飛雲之西曰上界三峯。峭絕鼎立。人莫能至。其下與浮山

相接處。有石如梁曰鐵橋。橋下湍水分流。注於潭曰五龍潭。橋東有天池。水應海潮。曰神湖。湖東曰鳳凰谷。鐵橋之陽有瑤石壇。高六十丈。直上接鐵橋。勢若削成。壇東有華山峯。仙人華子期之所息也。又東南曰聚霞峯。香臺峯。又南曰會眞峯。子期與朱真人會處。又東南有青霞谷。其西南卽朱明洞。山北有玉鵝峯。狀如玉女。又名玉娥峯。葛洪妻鮑姑在此登仙。下有三穴。曰風洞。雲洞。雨洞。又東北曰大獅峯。西近會眞。又東南峯間出曰大旗小旗。又東南曰致雲峯。又南曰仙女峯。其西南一峯如貝而文。曰養寶峯。與浮山之玳瑁峯相對。又東南曰雙髻峯。有劉仙壇。壇下之竹有篆文。曰竹葉符。羅水出焉。又東南爲白鶴峯。又南爲松經口。乃入山之路也。浮山絕頂曰蓬萊峯。在鐵橋之西。又名碧雞峯。其東南曰師子峯。又南曰麻姑峯。下有麻姑臺。麻姑賣酒圖。麻姑池。一名白蓮池。近南麓蓬萊之西。曰大石樓。小石樓。小石樓下有寶積寺。唐中宗時僧懷廸建。本名中閣院。宋改今額。內有卓錫泉。梁景泰

禪師卓錫所出。故名。殿宇潔敞。境地幽爽。乃遊憩之佳所也。清陳恭尹嘗宿於此。有詩云。一躋險力未疲。白日停西峯。將酌石上泉。迤邐投雲松。幽寺肅古蒼。絕壁懸高牕。列席就清陰。開襟面涼風。石牀倚林標。遠眺千里江。原壘漸微沒。井邑方空濛。今古一朝暮。宇宙何終窮。茫茫大夢內。往哲留其蹤。聊爲命觴壺。冥奇開心胸。一寺附近又有寺曰延祥。梁蕭譽建。兩峯相際處曰度仙橋。其西有孤青峯。蓬萊之西曰錦繡峯。俗名百花徑。又西曰鉢盂峯。下有阿耨池。又西曰玳瑁峯。與羅山寰寶峯相對。又西南曰拋球峯。又西南曰雞鳴峯。孤青之西南曰飛來峯。下有梅花村。又西爲鹿角嶺。卽西麓矣。其巖洞之著者。中麓曰朱明洞。卽道書所謂第七洞。朱明耀眞之夫。洞外古木流泉。境界清幽。洵爲福地。洞南有冲虛觀。宋建。昔都虛觀故址。內有朝斗壇。呂祖殿。晉葛洪煉丹於此。有洗藥池。長生井。丹竈諸遺蹟。觀後有飛來石。伏獅石。伏象石。朱明之北有一洞。曰夜樂洞。在上界三峯之下。有青陽巖。仙女巖。

中路有書堂坑。在瑤石臺前。其上曰君子巖。通天巖。其南曰石白洞。葛洪搗藥於此。朱明之東曰明籬觀。觀東曰桃源洞。觀東北曰白雲洞。唐武宗時。東莞軒轅集嘗庵於此。着太霞十二篇。又東曰白角洞。晉敦煌人單道開蟬蛻於此。後南海太守袁宏見之爲之贊。又東曰蓬萊洞。近雙髻峯。東明之南曰觀源洞。乃葛洪洗藥之所。後有野人洞。唐王臈觀所居也。朱明之西曰羅漢岩。其北曰伏虎岩。又西曰雲峯岩。近龍王坑曰大坑洞。又西曰蝴蝶洞。又西南曰水簾洞。中多奇石。有白石生成之仙人米甕。仙人足跡。咸酷肖。又曰金沙洞。在孤青峯東。今名黃龍洞。洞中山水岩石。稱奇境。有六賢祠。南漢劉鋹曾築宮於此。陳恭尹詩云。春草夏更長。洞門藹餘錄。興晨理孤策。衣露溼沾渥。緬邈睇衆峯。逶紆赴長谷。粼粼涉溪影。蕭蕭翳岩竹。風磴炫雜花。雲潭亂雙瀑。沫雨晴驟飛。游鱗清可掬。荒宮久榛莽。石岸多隈曲。方齊昔人蹤。茲焉遂幽築。一洞附近有花首臺。臺之西南有花手古寺。臺之北三里有朝元

洞。卽舊南樓寺址。今構觀舍。道者居焉。境絕幽閒。洞外有雨花橋。有清康熙時吳騫篆。橋側有尊勝閣。麻姑峯下有白鶴洞。乃葛洪東山庵基。中有白鶴觀。飛來峯近有幽居洞。其西曰滴水岩。又西北曰獅子洞。在拋球峯下。又西曰鳳凰洞。又西南曰歐陽洞。此外又有明月岩。半月岩。蝦公岩。羅漢臺。蒲團石。蟾蜍石。流觴池。抱珠樓。半山亭。觀瀑亭。諸勝。然此僅就卓卓者言之耳。至若全山之長松古樹。靈藥奇花。鳴泉懸瀑。急澗洄溪。摩崖詩刻。隨處有之。遊履至此。則有目不暇接之勢。誠仙道之聖境。交廣之名山也。宋蘇軾嘗遊是山。有遊山一首示兒子過詩曰：「人間有此白玉京。羅浮見日雞一鳴。」（自注）劉夢得有詩記羅浮夜半見日事。南樓未必齊日觀。鬱儀自欲朝朱洞。東坡之師抱朴老。眞契久已交前生。玉堂金馬久流落。寸田尺宅今誰耕。道華亦嘗啖一棗。（自注）唐永樂道士候道華竊食鄧天師仙藥去。永樂有無核棗人不可得。道華獨得之。予在岐下亦嘗得食一枚。契虛正欲仇三彭。

（自注唐僧契虛遇人導游稚川仙府真人問曰汝絕三彭之仇乎契虛不能答）鐵橋石柱連空橫。杖藜欲趁飛猿輕。雲溪夜逢瘡虎伏。斗壇畫出銅龍擲。小兒少年有奇志。中宵起坐存黃庭。近者戲作凌雲賦。筆勢彷彿離騷經。負書從我盍歸去。羣仙正草新宮銘。汝應奴隸蔡少霞。我亦季孟山元卿。還須略報老同叔。羸糧萬里尋初平。（自注子由一字同叔）又清屈大均亦嘗遊於山。有雜咏詩曰。一松風無大小。吹得石樓飛。一片水簾影。紛紛落翠微。月爲玉女鏡。花是麻姑衣。寄語大蝴蝶。相迎羽客歸。一。空外日氤氳。茫茫四百君。兩將雙嶽合。晴似一泉分。石柱支青壁。香爐吐白雲。穿林深淺去。驚起碧雞羣。一。玉女老人邊。窺人出紫煙。鏡臺一瑤石。裙帶兩飛泉。明月白如水。梅花香在天。楓林蕭瑟見。夜半尙聞蟬。（自注玉女峯在老人峯側）一。峯路時時斷。翻嫌瀑布多。水浮蒼樹出。山逐白雲過。餉客惟朱草。牽人是綠蘿。踟躕石梁畔。心柰欲歸何。一。山故多產異物。有曰仙蝶者。其

生以繭。繭中有一卵。小於雞子。至春則繭破。子出。文采各別。百无一同。大者徑尺。山人謂之小鳳凰。陳恭尹有羅浮蝴蝶歌。送屈翁山之作。曰：「羅浮大蝴蝶。言是小鳳凰。六足盤胸間。四翅交文章。修眉若楊葉。繡腹如垂囊。仙人愛文采。挾之遊帝旁。雲霞爲友朋。沆瀣爲酒漿。倦息珠闕上。飢采若木英。四海安足飛。來下君子堂。堂中有行子。比德共翱翔。」又出五色雀。相傳有貴人至。則先翔集。清梁佩蘭有歌云：「仙雀乃帝王。宮殿羅浮山。五色辨五服。羽翮不亂班。大紅爲君絳其羽。別色爲臣奉其主。紅何光華芙蓉砂。綠何新綠菖蒲芽。黑爲漆。白爲玉。黃爲黃金并黃玉。繽繽紛紛。百千成羣。雲霞出入同仙人。仙人來遊雀歡喜。飛動翼。止動尾。異人來遊雀逍遙。一日數集如數朝。朝時吐音如吹簫。」

白水山

白水山在增城縣東二十里。接博羅縣界。高一百丈。巖有瀑布如練。故名。一

名曰水岩。泉壑靈奇。風物極佳。山凡八九折。折處輒爲潭。深者紐石四五丈。不能及。旁有巨人跡數十。甚奇異。曰佛跡巖。下有湯泉。東熱而西寒。宋蘇軾遊白水山詩云。一偉哉造物真豪縱。攪土搏沙爲此弄。劈開翠峽走雲雷。截破奔流作潭洞。因隨化人履巨跡。得與仙兄躡飛鞚。曳杖不知岩谷深。穿雲但覺衣裘重。坐着驚鳥救霜葉。知有老蛟蟠石壑。金沙玉礫粲可數。古鏡寶奩寒不動。念兄獨立與世疏。(時與程正輔同遊)絕境難到爲我共。永辭角上兩蠻觸。一洗胸中九雲夢。浮來山高回望失。武陵路絕無人送。筠籃擷翠爪甲香。素纒分碧銀餅凍。歸路霏霏湯谷暗。野堂活活神泉湧。解衣浴此無垢人。身輕可試雲間鳳。一又遊佛跡岩詩云。一何人守蓬萊。夜半失左股。浮山若鷗躡。忽展垂天羽。根株互連絡。厓嶠爭吞吐。神工自虛鑿。融液相綴補。至今餘隙罅。流出千斛乳。方其欲合時。天匠麾月斧。帝觴分餘瀝。山骨醉后土。峯凝尙開闢。澗谷猶呼舞。海風吹未凝。古佛來布武。當時汪罔氏。投足

不蓋拇。青蓮雖不見。千古落花雨。雙溪滙九折。萬馬騰一鼓。奔雷濺玉雪。潭洞開水府。潛鱗有飢蛟。掉尾取渴虎。我來方醉後。濯足聊戲侮。回風捲飛雹。掠面過強弩。山靈莫惡劇。微命安足賭。此山吾欲老。慎勿厭求取。谿流變春酒。與我相賓主。當連青竹竿。下灌黃精圃。又咏湯泉云。積水焚大槐。蓄油災武庫。驚然丞相井。疑浣將軍布。自憐耳目隘。未測陰陰故。鬱攸火山烈。虜沸湯泉注。豈惟渴獸駭。坐使癡兒怖。安能長魚鱉。僅可燻孤鬼。山中惟木客。戶外時芒履。無無傾城浴。幸免亡國污。」

景里岩

景里岩在增城縣北五十里平野中。孤石挺起。峯秀入雲。連石相接。無異棟宇。

燕石

燕石在增城縣西南六十里驛道旁高丈餘。方五百步。其下空洞。可坐數十

人亦名石室。

湛若水墓

湛若水墓在增城縣西南七十里天蠶嶺。若水字元明。少從陳獻章游。宏治進士。以孝聞。嘉靖初官南京吏部右侍郎。進所撰格物通志百卷。後晉兵部尚書。條奏兵民便宜十事。又禁火葬。毀溪祠。躬巡畎畝。勸農桑。與門人講學。四方賢士多出其門。學者稱爲甘泉先生。卒年九十九。贈太子太保。諡文簡。賜葬。

神仙井

神仙井在新會縣西十餘里。兩大山側。澗水流疊石間。滙爲池。大小不一。皆有高下層次。中生天然石椀。岩左隙中一水直注椀內。夏寒冬暖。椀旁有學跡二。積跡二。相傳仙人白玉蟾過此。踞地飲水。頭頰手按入石成痕。此其遺跡也。

陳猷章墓

陳猷章墓在新會縣皂帽峯。猷章字公甫。明新會人。正統間舉人。聞吳與弼倡道臨川。從之遊。歸築楊春臺。靜坐其中。不越閩者數年。其學貴自得。而後傳之。以典籍教人。但令端坐澄心。於靜中養出端倪。布政使彭紹總督都御史朱英。光後論薦。特授翰林檢討。令歸終養。學者稱白沙先生。萬曆中。從祀文廟。追諡文恭。

杯渡山

杯渡山在饒安縣南。世傳有杯渡禪師渡海來居東莞。故名。又名屯門山。枕居大海。遠望黃木灣正相對。唐韓愈詩：「乘潮簸扶胥。近岸拍一髮。屯門雖云高。上暎波浪沒。」卽此。南漢大業十二年封爲瑞應山。今有瑞應岩、虎跑井等。

高峯山

高峽山在高要縣東。交廣春秋步隴合兵二萬。下取南海。蒼梧人衡毅。錢博興軍逆戰於高要峽口。博等軍敗。卽此。相傳山有羊化石。因一名羚羊峽。亦作零羊峽。與爛柯山對峙。夾東江流。爲邑之鎮。鑰。中有亞婆頂。釣魚臺。皆最湍急處。南越志零羊峽一名高要峽山。高百丈。江廣一里。華翠之樹。四時蔥蘢。清王士禎詩云。一逆流入西江。已闢高峽山。何年神羊跡。靈輿開鴻濛。灘江挾牂牁。日夜來向東。怒流會端州。奔湊朝祝融。萬仞束洪濤。大哉造化功。龍從雲雷窟。黯漭蛟鼉宮。更聞溪中石。價與瑤琨同。當年貢天家。千指勞人工。鼈行九地底。下與水府通。微軀一不戒。崩墜誰能窮。尤物古所嘆。念此心忡忡。」

頂湖山

頂湖山在高要縣東北四十里。高矗雲霄。周數百里。爲一方巨鎮。道書以爲第十七福地。山有半山亭。慶雲寺。寺爲嶺南名刹。殿宇壯偉。香火極盛。又有

飛水潭。瀑布飛流如銀河倒瀉。響谷濺珠。聲勢最佳。爲山佳景。離潭稍遠。有亭翼然。可以望觀瀑布。全山叢林怪石。境界清幽。遊驂時集焉。

神符岩

神符岩在高要縣南五十里。一名神湖岩。土山戴石。峭立如壁。有南北二岩。南曰大岩。高廣三丈。深十餘丈。南有穴。深黑。匍匐而入。二丈許。方可行。穴愈深。風愈猛。冷氣襲人。不可久留。北曰小岩。深廣減大岩之半。內有石罅。仰視見天。

龍山

龍山在新興縣南三十里。周五十里。蜿蜒如龍之蟠。舊有龍山寺。後有峯曰三寶頂。兩岡夾峙。左曰左天王嶺。右曰右天王嶺。右嶺大石上有一小石。狀如負子。曰鼻子山。距山里許。曰香燈岡。有瀑布。下注石坪。

薛公岩

薛公岩在開平縣東北二十五里。獅子山後。一名寶光岩。一名寂感岩。石窟天成。有二泉出石罅。境地寂淨。

龍岩

龍岩山在德慶縣東卞里。一名玉乳巖。亦名三洲岩。取蓬萊第三洲之名。岩中有石室。室有石乳。成蒼綠色。類佛像。鐘磬。玉鱗。游魚之屬。宋周敦頤。蘇軾。李岡並遊此。有題識。巖後有穴。可登山頂。上有居家。有天造石門。宛然仙境。

三峯山

三峯山在封川縣少西一百二十里。山多奇石。少南爲螺髻岩。石門暗峽。中乃明敞。容數百人。石乳凝結。瑰奇怪盡。稱佳境焉。

雲巖

雲巖在封川縣北九十里。中可容三百人。石牀磴道。殆若天造。泉自石出。混漚不竭。稍南又有荔枝巖。中有水穿巖而出。白沙晶瑩。如冰雪然。

龍巖山

龍巖山在恩平縣西十里。山形如龍。中有龍潭。號聖水。東面有穴。清泉瀉出。名曰水磔。旁有紫霞洞。一澗懸流。有巨石橫障。澗半水從石頂瀉下。若機絲然。去紫霞里許。有碧雲島。澗從石落。下注成池。折而東。兩山東之。懸厓絕壁。莫可攀躋。循澗而出。十步一池。池石奇磊萬狀。山之絕勝處也。

洞青巖

洞青巖在羅定縣少南五十里。旁有小徑。曲遂通幽。遊者用火引入。每數丈一曲。有一石孔。流光開豁。竟日探尋。無月底止。爲一邑之絕勝。又相去八里有龍清巖。

石龍巖

石龍巖在羅定縣西南。羅鏡所前。內石外土。岩口濶二丈許。岩前有一水。隔水十里。又有一巖。曰龍巖。昔時有人持火窮探。石龍穴徑在水底通過。從龍

巖而出。亦一奇也。

麒麟石

麒麟石在雲浮縣東半里。亦曰錦鯉峯。踞踞平地之上。頭角鱗鬣趾足皆具。上盤危磴。下環清沼。相近又有梅花巖。藕心井。

大空巖

大空巖在雲浮縣西十里。幽深宏敞。左爲羅石。右爲翻石。俱高四十餘丈。

九星巖

九星巖在雲浮縣東北。羣峯森列。獨西南一峯。有石室穹窿。高八九丈。寬可容數十人。一石有竅。吹之聲振山谷。相傳昔時猿蠻吹以號衆。左偏有石門。深窈幽邃。名曰觀音洞。北爲下岩。諸水匯出其下。引流溉田。疏林曲沼。景物絕佳。

虎岩

虎巖在雲浮縣西北七十里。石室高邃。背山面河。如虎蹲踞。爲連灘砥柱。岩西爲龍岩。在隔河對岸。內有清泉。源出粵西萬山中。水道蜿蜒。至龍喉吐出焉。

二 嶺南

靈石

靈石在曲江縣東北。水經注。利水南經靈石。下。一名逃石。高三十丈。廣圓五百丈。耆舊傳言。石本在桂陽臨武縣。因夜迅雷之變。忽然遷此。彼人來見。嘆曰。石乃逃來。因名逃石。以其有靈運徙。又曰靈石。其傑處臨江。壁立霞駁。有若續焉。水石驚激。傳響不絕。

余靖墓

余靖墓在曲江縣北四十里韶石山。歐陽修撰碑。靖字安道。宋曲江人。少以文學稱。天聖初進士。又試書判拔萃。擢集賢校理。後與歐陽修、王素、蔡襄爲

四諫官。時論重之。屢言邊情。三使契丹。後以儂智高反。經制南事。爲帥十年。不載南海一物。廣州有八賢堂。靖其一也。官自工部尙書。卒贈刑部尙書。諡忠義。

碎珠岩

碎珠岩在南雄縣蓮谿一都。一峯尖銳。插入雲表。迤東怪石巉岩。高可百尺。飛瀑如練。山腰則水石相激。如傾萬斛。殊瓊輝映林谷。俗名碎珠水。

機山

機山在始興縣南十里。一名玲瓏岩。石峯平地拔起。山勢盤鬱。岩洞甚多。下三岩曰半月。天光。觀音。上三岩曰御象。玉龍。通天。皆可遊憩。山產草名琉璃。莖如香芹。食可止風。

小武當

小武當在始興縣東七十里。一名甬石巖。巍然峭壁。半嶺有岩洞。廣可一畝。

內有真武銅像。

泐溪石室

泐溪石室在樂昌縣西五里。石高三十餘丈。室外藤蘿交連。登之者攀援而入。有石牀石臼。仙經七十二福地之一。有飛來石。相傳飛自武當。上刻真武贊八句。字古異。不能盡識。宋余靖有泐溪石室記。

錦石巖

錦石巖在仁化縣南十七里。與丹霞山相連。有三巖分上中下。其徑灣環。直上千餘級。夾道松杉。高凌霄漢。宋鄧嘉猷遊錦石記。其巖石紋。四時改易。五色俱備。巖前江水。周迴屈曲。名曰錦江。

瀆陽峽

瀆陽峽在英德縣南十五里。一名皋石山。始興記。梁鮮二水口。下流有瀆陽峽。長二十餘里。山嶺紆鬱。叢流曲勃。水經沮湊。水西南。歷皋口。太尉二山之

閩。是曰瀆陽峽。兩岸傑秀。壁立蔽天。昔嘗鑿石架閣。令兩岸相接。輿地紀勝。又有牯牛石。在縣南十九里。真陽峽中。真水爲峽。山所束。兩石相抄。水勢湍急。名抄子灘。清王士禛有詩云。一峭帆入皋石。絕壁太古色。山川方出雲。白日轉昏黑。浩浩一水逝。蒼蒼兩崖逼。雄雷地中奮。坤軸倏倏仄。十步一盤渦。下視窈難測。云中穴蛟蜃。呀呷擇人食。牯牛尤險絕。艱虞萬夫力。石棧緣秋毫。百丈牽江直。慘慘鷓鴣啼。猿狖不遑息。尙憶符韶州。自注名錫。架閣擬巴焚。事往逾百年。遺跡半湮沒。陵谷一俯仰。感嘆情何極。]

通天岩

通天岩在英德縣西十里。一名九龍岩。橫岡峻嶺。其中石乳聳峙。狀態千百。有大竅通明。濶六七丈。仰望天日煥然。

觀音岩

觀音岩在英德縣東三十五里。石峯峭立。下跨重淵。別有小洞。深入數十步。

沿厓而出。

碧落洞

碧落洞在英德縣南十五里。下通溪流。懸石如霓旌羽蓋狀。旁有小洞曰雲華。深不可測。蘇軾嘗遊此。有詩云：「槎牙亂峯合。晃蕩絕壁橫。遙知紫翠間。古來仙釋并。陽厓射朝日。高處連玉京。陰谷叩白月。夢中遊化城。果然石門開。中有銀河傾。幽竈入窈窕。別戶穿虛明。泉流下珠琲。乳滯交縵纓。我行畏人知。恐爲仙者迎。小語輒嚮答。空山白雲驚。策杖歸去來。治具煩方平。」

何公橋

何公橋在英德縣西壽英坊。跨滑溪。宋郡守何智甫建。一名政和橋。蘇軾有詩云：「天壤之間。水居其多。人之往來。如鷁在河。順水而行。雲馳鳥疾。維水之利。千里咫尺。亂流而涉。過膝則止。維水之害。咫尺千里。沔彼濫觴。蛙跳鯨游。溢而懷山。神禹所憂。豈無一木。支此大壞。舞於盤渦。冰折雷解。坐使此邦。」

畫如兩州。雞犬相聞。胡越莫救。允毅何公。甚勇於仁。始作石梁。其艱其勤。將作復止。更此百難。公心如鐵。非石則堅。公以身先民。以悅使老。壯負石如負其子。疏爲玉虹。隱爲金隄。直欄橫檻。百賈所西。我來與公同載而出。譁呼填道。抱其馬足。我歎而言。視此滔滔。未見剛者。孰爲此橋。願公千歲。與橋壽考。持節復來。以慰父老。如朱仲卿。食於桐鄉。我作銘詩。子孫不忘。」

梅鼎臣讀書處

梅鼎臣讀書處在翁源縣北三十里梅岩。內極深廣。境地幽寂。其故里在今縣西北三十里江鎮。鼎臣宋天聖二年進士。官至殿中丞。直諫有聲。子佐。天聖五年進士。知藤州。操履清白。爲時所稱。

白石岩

白石岩在翁源縣東南七十里。一名白面石。山勢高峻。爲諸山冠。周七十里。石室光朗處。可容千人。乘燭窮入。深逾數里。石上流泉。色味清冽。

耽石泉

耽石泉在翁源縣北三十里華蓋山。高峯絕頂。巨石如屏。有泉自石中湧出。宋余靖有摩崖記。

靜福山

靜福山在連縣北。峯巒環抱。松檜葱鬱。唐杜光庭以爲七十二福地之一。山後有虎跑泉。又北八里有廖仙岩。爲梁廖冲飛昇處。周二里有梯級可上。巔有石穴。軒豁玲瓏。儼如臺閣。前有煉丹池。四時不竭。

桂陽山

桂陽山在連縣西北。本名靈山。唐天寶八年改名。山有石洞。廣三百二十步。狀如堂宇。籐蘿垂蔽。若帷幕。奇石錯列如龜羊。舊內有神廟。禱祠輒應。山下有泉。東流入韶。

秀岩

秀岩在連縣西北五里。平地突兀。形如負龜。周二里。上有懸石。如滴翠乳。境極清秀。一名大雲岩。

同官峽

同官峽在連縣南二十里。接陽山縣界。俗呼爲晾紗峽。轉一曲爲同官口。口有洞曰玲然洞。洞內嘗構木爲屋。唐韓愈有同官峽詩兩首。一云「今日是何朝。天晴物色饒。落英千尺墮。遊絲百丈飄。泄乳交岩脈。懸流揭浪標。無心思嶺北。猿鳥莫相撩。」一云「南方二月半。春物亦已少。維舟山水間。晨坐聽百鳥。宿雲尙含姿。朝日忽升曉。羈旅感和鳴。囚拘念輕矯。溼浹淚久迸。詰曲思增繞。行矣且無然。蓋棺事乃了。」

石龍

石龍在陽山縣南十里。石龍岩。岩以龍名。龍有二。儼然天成。不假雕琢。

三 潮循

厝園

厝園舊在澄海縣南百步外港口。宋陸秀夫與陳宜中議不合。安置潮州居此。又饒平縣南海邊沙岡。亦有其故居。其裔孫大策。嘗至海上訪族人。得其遺址。猶稱爲學士館云。

葱隴

葱隴在澄海縣汕頭北海岸。有山海及紅香圃。談瀛閣。十八間諸勝。乃埤之佳處也。

白鶴峯

白鶴峯在惠陽縣北。亦名鶴鎮。宋紹聖初。蘇軾安置惠州。卜居於此。有故居在焉。軾詩。長江在北戶。雪浪舞吾砌。青山滿牆頭。鬢髻幾雲髻。卽咏此。夷堅志。紹興二年。虔寇謝達陷惠州。居民官舍。焚蕩無遺。獨留東坡白鶴峯故居。致奠而去云。

合江樓

合江樓舊在惠陽城外東西二江合流之處。宋紹聖元年蘇軾至惠州。嘗寓於此。有詩云：「海山蔥蘢氣佳哉。二江合處朱樓開。蓬萊方丈應不遠。肯爲蘇子浮江來。江風初涼睡正美。樓上啼鴉呼我起。我今身世兩相違。西流白日東流水。樓中老人日清新。天上豈有癡仙人。三山咫尺不歸去。一杯付與羅浮春。」（自注予家釀酒名羅浮春）

松風亭

松風亭舊在惠陽縣東後山之巔。始名峻峯。植松二十餘株。清風徐來。因名松風。蘇軾有記。又有松風亭下梅花盛開詩。文不錄。詩云：「春風嶺上淮南村。昔年梅花曾斷魂。」（自注予昔赴黃州嶺上見梅花有兩絕句。明年正月往岐亭道上賦詩云：去年今日關山路。細雨梅花正斷魂。）豈知流落復相見。蠻風颭雨愁黃昏。長條半落荔枝浦。臥樹獨秀桃榔園。豈惟幽光留夜色。

直恐冷豔排冬温。松風亭下荆棘裏。兩株玉蕊明朝嗽。海南仙雲嬌墮砌。月下縞衣來叩門。酒醒夢覺起繞樹。妙意有在終无言。先生獨飲勿歎息。幸有落月窺清尊。」又云。「羅浮山下梅花村。玉雪爲骨冰爲魂。紛紛初疑月挂樹。耿耿獨與參橫昏。先生素居江海上。悄如病鶴棲荒園。天香國豔肯相顧。知我酒熟詩清温。蓬萊宮中花鳥使。綠衣倒挂扶桑暎。（自注嶺南珍禽有倒挂子綠毛紅喙如鸚鵡而小自東海來非塵埃中物也）抱叢窺我方醉。臥故遣啄木先敲門。麻姑過君急掃灑。鳥能歌舞花能言。酒醒人散山寂寂。惟有落蕊黏空尊。」又花落復次前韻詩云。「玉妃謫墮煙雨村。先生作詩與招魂。人間草木非我對。奔月偶桂成幽昏。闔香入戶尋短夢。青子綴枝留小園。披衣連夜喚客飲。雪膚滿地聊相温。松明照坐愁不睡。并華入腹清而嗽。先生來年六十化。道眼已入不二門。多情好事餘習氣。惜花未忍都無言。留連一物吾過矣。笑領百罰空巵尊。」

香積寺

香積寺在博羅縣西。蘇軾嘗遊之。有詩一章。先之以引曰。寺去縣七里。三山大牙夾道。皆美田嘉禾甚茂。寺下溪水可作碓磨。若築塘百步。闡而後之。可轉兩輪。舉四杵也。以屬縣令林抃。使督成之。詩云。「二年流落盡魚鄉。朝來喜見麥吐芒。東風搖波舞淨綠。初日泣露酣嬌黃。汪汪春泥已沒膝。剡剡秋穀初分秧。誰言萬里出無友。見此二美喜欲狂。三山屏擁僧舍小。一谿雷轉松陰涼。要令水力供白磨。與相地脈增隄防。霏霏落雪看收麩。隱隱疊鼓聞春檝。散流一壑雲子白。炊製十字瓊肌香。豈惟半丸荐古味。」自注。東晰餅賦云。饒頭灌持起搜半丸。要使真一流矢漿。詩成捧腹便絕倒。書生說食眞膏旨。」

梅花嶺

嶺花梅在紫金縣西一百里。五嶺攢聚。狀如梅花。有岩高十尋。路甚狹隘。累

足乃入。入則宏邃高曠。遠望無際。岩下峭削。石坪五丈。多古樹怪石。嶺上有
仙女洗頭盆。

五雲洞

五雲洞在海豐縣東北一百四十里。四山環抱。如碧玉環。人處其中。不異盤
谷。紆曲深邃。乃塵外之仙境也。

止水石

止水石在陸豐縣小晴場南數里。俯臨大海。石高而方。面鐫揚威止水四字。
石陰鐫鎮海石三字。左鐫天南砥柱四字。大如斗。筆勢雄健。

霍山

霍山在龍川縣東北。峯巒秀聳。凡三百六十。可居者七十有二。上有天然石
門。遊者由此門入。轟然者爲大獨石峯。高數百丈。絕頂有石室。窈而邃。有大
佛跡峯。石上有神跡十四。旁有黃牛漿。泓澄見髮。去大佛跡峯五里。有小佛

跡峯。與大佛跡相亞者。曰石樓峯。勢如樓臺。有遊仙峯。狀類諸仙。前有白牛塔。俗傳旃檀佛乘白牛至此。化爲石。後有搗藥石。上有石臼。常有搗聲。清響可聞而不可見。又有二岩。曰望月岩。在山之巔。東向。曰太乙岩。在山之中。石竇穹敞。臨瞰風雨。其他更有獅子臺。石形峭峙。狀似狻猊。石甕泉。甕大能容。有泉不竭。仙樂石。可坐數十人。月夜輒聞簫管之聲。書堂石。南漢耿昭謂爲三教聖賢並萃之所。又有煉丹竈。犀牛池。仙臥石等。全山名勝。亞於羅浮。

龍歸岩

龍歸岩在和平縣西北六十里。湫頭曲潭。口闊丈餘。有水流。出可溉田五六頃。岩內昏黑。入者秉燭循水而行。其寬處可容五人。狹處纔二人。約十里有旁孔。曰石舍。又十里許有正孔。曰正管。又二小石孔。水流入不見。出土人曰春湧。岩口流出竹木。皆自石舍中管來。竟不能窮其處也。

聖跡巖

聖跡巖在連平縣東北十里。洞口崎嶇。中深廣。容五百餘人。上竅虛明。可以眺遠。有水不涸。洞後有幽徑。直出藍洲。土人嘗避兵於此。因一名避世岩。四時有燕巢於內。又名燕子巖。

水簾亭

水簾亭在潮陽縣東山。泉流四垂。若張簾於楹。且屈曲繞流於亭下。可浮觴以飲。

瘦牛嶺

瘦牛嶺在揭陽縣西北一百里。蓋田都石磴村。一名東桃嶺。亦曰雲落山。舊傳嶺有銅鐵佛像。寶貝之異。宋楊萬里詩：「行盡天涯意未休。循州過了又梅州。平生不慣乘肥馬。老去還教踏瘦牛。」卽咏此。

華古岩

華古岩在惠來縣東。黃岡西七里。石室臨澗。異常幽絕。又縣東南三十五里。

有聖母岩。亦有石岩。鄉人歲時多遊於此。

仙人石

仙人石在五華縣北十里。高二百餘丈。距石五里。又有馬牙石。高四百丈。皆巒然特立。狀態特異。

神光山

神光山在興寧縣西南十里。形似展旗。宋時邑人羅學士孟郊讀書山下。有洗硯池。一名墨池。

五子石山

五子石山在平遠縣東北三十里。石峯壁立。其最勝者爲寶鼎、寶蓋諸峰。合掌、擊磬、睡佛諸洞。

程咬故里

程咬故里在平遠縣東義化鄉。其墓在梅縣西北八十里。咬性嗜書。不慕榮

達。里人服其行誼。有不平。不之官府而之。或望其廬而悔過。生於南齊。至隋義寧初乃卒。

大峰山

大峰山在蕉嶺縣東二十里。尖峯卓絕。四面懸崖壁立。惟有小徑二道。可造其巔。上則四面寬平。約二十餘里。山峙水流。恍同村落。有洗馬潭。飛泉瀑布。及仙人橋諸勝。

石窟洞

石窟洞在蕉嶺縣東北十五里。擢鋒駐劄寨旁。穴竇深二十丈許。中有石鼓。石柱。石天窗之屬。小溪潺湲。終日不絕。深灣其間。景物清勝。

四 高雷

龍湫山

龍湫山在茂名縣東。下有石穴。泉源不竭。大小二岩聯峙。有石室可容數百。

人曲折窈冥。最爲奇勝。

思乾井

思乾井在茂名縣東一里。相傳爲晉潘真人茂名煉丹之水。味甚香美。煎茶試之。與衆水異。唐高力士嘗取此水入朝。

羅寶洞

羅寶洞在信宜縣南一里。東西川合流處。水中有石筍聳起。形如小舸。明嘉靖中。名爲小瀛洲。新唐書。貞觀五年。高州總管馮盎入朝。羅寶諸洞獠反。敕盎討平之。卽此。

立石

立名在代縣西北一里江中。突起高二丈餘。夏水漲時。猶露數尺。又縣西北二十餘里。有橫石。自西度東。橫江而過。

湖光岩

湖光岩在遂溪縣東南七十里。湖母嶺南一名陷湖。隋開皇中地陷成湖。湖有二岩如屋。舊名淨湖岩。宋建炎中李綱過此。改今名。又有岩曰白雲。宛若城門。其前湖水澄澈。人迹罕至。唐宋之末。避世者多依之。

北山

北山在陽江縣北一里。爲縣治後山。高三十丈。周二十里。山頂有石如掌。可容十餘人。名仙人石。四旁大石。多宋元以來詩刻。

螻峒岩

螻峒岩在陽春縣西南十五里。舊名鄼洞巖。自前巖入。直透巖背。石壁穹窿。深廣十餘丈。分前後洞。透光生明。後洞一穴尤深邃。入者須火。更進則半壁有一犬竇。攀援而上。仍可外眺。天工構造。可謂極奧巧之致矣。

雲森巖

雲森巖在陽春縣北九十里。巖穴深邃。前明後暗。前巖深闊十餘丈。內有石

田石池。清冽可飲。鄉人有警常避于此。後巖深數百丈。入必以炬。可達巖膏。

石窟巖

石窟巖在陽春縣北一百三十里。有上下二巖。上岩軒豁。陸路直抵雷廉。下巖水從中過。可通小舟。石壁奇絕。

潭西岩

潭西岩在陽春縣北三十里。三峯出水。下注成潭。潭西有岩。石乳結爲人物仙釋狀。奇詭甲於他洞。稍北有龍蛻岩。一名南岩。石中多龍蛻。土人鑿石出之。有元至正時碑。稱爲古良上里岩。又有赤豹岩。深處炬而可入。相近有邯虹石。大礫石皆有洞蛻。

三 瓊厓

西石山

西石山在瓊山縣西四十里。亦名馬鞍山。山多石。下有洞。可容數百人。泉出

甚清冽。西南一里有遞蓮洞。自洞出入。曲徑相通。大小五洞。甚深邃。上有一門。可見天日。旁一黑洞。無火不能入。相傳深三十里云。

洞酌亭

洞酌亭舊在瓊山縣東北奴泉上。宋蘇軾有詩。序曰。瓊山郡東衆泉盛發。然皆冽而不食。丁丑歲六月。南遷過瓊。始得奴泉之甘於城之東北隅。以告其人。自是汲者常滿。泉相去咫尺而異味。庚辰歲六月十七日。遷於合浦。復過之。太守承議郎陸公求泉上之亭名與詩名之曰洞酌。其詩曰。『洞酌彼兩泉。挹彼注茲。一瓶之中。有澗有溜。以淪以烹。衆噉莫齊。自江徂海。浩然無私。豈弟君子。江海是儀。既味我泉。亦嘒我詩。』

下田村

下田村在瓊山縣西北一里。明邱濬故里。濬字仲深。明瓊山人。景泰進士。授編修。成化二年。晉侍講。與修英宗實錄。孝宗立。上大學衍義補一百六十卷。

晉禮部尙書。宏治四年。晉文淵閣大學士。預參機務。上疏請革弊政。年七十餘。卒於官。葬邑西五龍池。贈大傅。謚文莊。濬博極羣書。尤熟典故。性剛直。與人論政。必反覆辨難。生平痛抑詭行之士。嘗論朱子家禮。最得崇本敦實之意。作朱子學的二十篇。正德中。賜祠於鄉。

海瑞墓

海瑞墓在瓊山縣西濱涯。瑞字汝賢。明瓊山人。生四歲而孤。嘉靖己酉舉於鄉。授南平教諭。尋擢戶部主事。時世宗專意齋醮。瑞上疏極諫。世宗怒擲其章於地。下獄論死。穆宗立。得釋出。擢僉都御史。撫應天。鋤豪強。開河道。躬乘舟督役。不辭勞瘁。清丈三吳田。悉奪豪右有者還之民。遂被構蜚語。解官里居。萬曆時。又起爲南京右都御史。掌南院。議革諸司冗役冗費。以身矯物。百吏震肅。卒于任。贈太子少保。謚忠介。生平爲學以剛爲主。自號剛峯。天下稱爲剛峯先生。

通潮閣

通潮閣在澄邁縣治西。蘇軾嘗憩其上。有詩二絕云：「倦客愁聞歸路遙。眼明飛閣俯長橋。貪看白鷺橫秋浦。不覺青林沒晚潮。」一餘生欲老海南邨。帝遣巫陽招我魂。杳杳天低鶻沒處。青山一髮是中原。」

白玉蟾故里

白玉蟾故里在澄邁縣東十里香山。玉蟾字如晦。本葛長庚變姓名。世爲閩人。以祖任瓊州而生。自號海瓊子。好飲。不見其醉。博洽羣書。作文未嘗起草。善篆隸。妙寫梅竹。有道術。能入水不溺。嘗居武夷羅浮諸山。寧宗嘉定中。徵赴闕下。館太乙宮。後去不知所終。詔封紫請明道真人。所撰有羅浮山志。並詩集。行於世。

王宏誨故里

王宏誨故里在定安縣東南李家都龍梅村。宏誨寺紹傳。嘉定進士。選庶吉

士誨瑞以直諫被逮。宏誨竭力調護。及張居正用事。宏誨作火樹篇。春雪歌。諷之。累陞至南京禮部尙書。尋以病乞休致仕。卒葬縣西爽吉村。

涓邱

涓邱在文昌縣東北五十里。東崑溪北。邱狹而長。若隄然。延亙六七里。中長一邱。隆然深秀。宋知軍邪夢瑤世居於此。其裔孫宥。自都御史致仕歸。嘗作草亭其上。

乳泉

乳泉在儋縣城南。蘇軾有乳泉賦。略云。吾謫居儋耳。卜築城南。隣於司命之宮。百井皆鹽。而醪醴湮乳。獨發於宮中。給吾飲食酒茗之用。蓋沛然而無窮。

落筆洞

落筆洞在崖縣東一百里官道北。亦曰落筆峯。石壁峭立。高數十丈。上有石門。中有二石。形如懸筆。其尖水滴不斷。東數十步。復有一洞。俯入僅容身。門

內有石如屏。外竅透光。內漸深漸暗。相傳極處有井通海云。

玳瑁欄

玳瑁欄在厓縣東南五十里。海邊有巨石數十丈。如屋。宋陳明甫鑿石爲欄。以養玳瑁。

東山

東山在萬寧縣東二里。山周六里。上有石澗。兩旁壁立。入處僅容一人。山門刻珠厓第一山五字。外有盤石。周數十丈。名補天石。內有大巫峽、小巫峽、渡仙橋諸勝。又石壁下有泉一泓。元御史邱世傑題曰有本泉。

虞山石鼓

虞山石鼓在感恩縣東北七十里河中。鼓圓六尺。以小石擊之。聲如空甕。旁有五大石。有異人跡、馬跡痕。

峻靈山

峻靈山在昌江縣西北。山石形如人帽。其首面南。土人往往祈禱之。有廟曰峻靈王廟。宋蘇軾撰碑。文略曰。昌化（卽昌江）縣西北有山。秀峙海上。有石巉然如巨人冠帽。面南而坐者。里人謂之山落膊。五代時望氣者言。山有寶氣。上達於天。鱗舟其下。斲山求之。夜半大風浪。駕其舟空中。碎之石峯之上。人皆溺死。今礎石猶存。元豐五年詔封山神爲峻靈王云云。

趙鼎墓

趙鼎墓在昌江縣東南舊縣東。俗以爲交趾王墓。鼎字元鎮。宋聞喜人。從高宗南渡。累遷御史中丞。與張浚並相。共圖興復。後與秦檜論和議不合。貶吉陽軍。三年潛居深處。門人故吏不敢通問。惟廣西帥張宗元時餽醪米。秦檜聞之。命本軍月具存亡狀。鼎乃自書墓中石。記鄉里及除拜歲月。又書銘旌云。身騎箕尾歸天上。氣作山河壯本朝。遂不食死。

六 欽廉

寧悌原讀書處

靈山縣西一百二十里狼濟山。上有狼濟石。唐寧悌原嘗讀書於此。悌原欽江人。合州刺史。純從縣。永昌進士。授校書郎。元宗朝。以諫議大夫兼修國史。上見直書隱巢事。諭之以對。忤旨去官。卒葬欽縣東三十里之大墓山。詔發五府兵給葬。

三海岩

三海岩在靈山縣西一里石六峯之西。一曰月岩。一曰龜岩。一曰錢岩。總名曰三海岩。宋陶弼三海岩序云。治平三年春。詔徙欽州靈山。治於石六峯下。余道由茲山。命邑宦除道刊木。得三岩於藁莽間。其一呀然雲際。天光內通。如月半破。一若巨龜殼。側倚岩下。又一中窪上隆。前卑後昂。狀若覆鼎。上有陰壑。刀布藏焉。下有盤石。螺蚌負之。古時海漸於此。因名之曰三海岩。

中華名勝古蹟終

中華名勝古蹟續編目錄

第十七編 廣西

一 南寧

獅子岩 聚樂岩 石龍洲 金榜山 龍牀山 鳳凰岩 空洞岩 六嘉井 古
辣泉 仙槎亭 石壁山 韋厥隱居

一一四

二 蒼梧

金雞岩 同園 吳廷舉墓 南山 光華堂 齊岳山 四門岩 朝岩 大容山
閩石山 白石山 楊岩 東井 龍牀井 洗希儀墓 牢石墩 隱仙岩 紫
泉 陶成墓 洞房山 紫陽岩 將軍洞 勾漏山 玉虛洞 玉田洞 普照岩
鐵城山 太上岩

四一二

三 桂林

一一二五

中華名勝古蹟 第十七編 目錄

一

佛子岩 疊綵岩 琴潭山 南溪山 灘山 鎮南峰 七星岩 虛秀洞 伏波石 伏波廟 草聖巖 乳洞 靈岩 堯廟 畫山 棋盤岩 廣福岩 百壽岩 雙瑞岩 金竹岩 穿岩 玉屏山 覆釜山 柳山 青田岩 龍岩 小桃源 湘山寺 仙源洞 白雲岩 梅公亭 石盆山 太極岩 魚田岩 御史堂 十箴堂 天門岩 官巖 佛子岩 千城岩 官岩洞

四 柳江……………二五—三〇

仙奕山 東亭 白象岩 老人岩 直滿山 中寨岩 停舟曬網臥漁翁 龍門洞 鴛鴦窩 黑洞岩

五 田南……………三〇—三二

瓢房山 霸陵山 倫山 岑天保墓 仙橋

六 鎮南……………三二—三四

弄月石 呼水泉 博威山 馬跑泉

中華名勝古蹟續編

第十七編 廣西

一 南寧

獅子岩

獅子岩在扶南縣北三里。岩半有洞。洞口寬數丈。平坦如砌。稍入則幽邃有隙透天光。冥妙可喜。下有釣魚臺。瀦水一泓。其深莫測。亦名元天洞。

聚樂岩

聚樂岩在扶南縣南五十里。光明平正。中可張筵四五席。土名芭容山。距此十里有鴛鴦岩。上有石筍。聳峙極奇峭之致。一名天仙勝岩。

石龍洲

石龍洲在扶南縣西半里。連亘縣延。橫絕江流。三面皆水。中一白石。長數十

丈。蜿蜒如龍。出地尺許。

金榜山

金榜山在隆安縣東十里。一名挂榜山。又名邕野山。峭壁聳拔。有三層岩。可容千人。頂有天然石池。其南麓一谷。尤擅幽奇。從麓拾級而升。中有玉女井。上有明和洞。洞凡三層。頗爲深邃。再上爲雷壇。雷壇深處爲飛雲谷。白猿。犀。橫煙障。香爐峯。諸名勝。乃遊覽之佳境也。

龍牀岩

龍牀岩在隆安縣東二十五里濱江。直對淥水江口。巖內有石如牀。石壁上。有痕如龍。下有潭。產藍魚。

鳳凰岩

鳳凰岩在橫縣東四十里大江之南。石壁臨江。洞門瞰水。櫂舟始通。攀援而上。軒豁森幽。景物殊異。別一天地。岩半復有一穴。入僅容身。內始寬敞。復一

穴直通岩頂。人稱爲迎仙洞。

空洞岩

空洞岩在橫縣東三十里。俗呼並塘岩。石洞玲瓏。構造奇巧。上下凡五重。明嘉靖中。知州曾儲以其五竅如星。更名五星巖。

六嘉井

六嘉井在橫縣東南。潤二尺。深三尺。瀆出沙泥中。色味清冽。繞村數百家。多汲於此。隨取隨足。曾不涸竭。取以釀酒尤佳。鄉人珍爲酒泉。

古辣泉

古辣泉在橫縣北八十里古辣墟。泉以地名。水味殊常。酌以釀酒。色淺紅而味甘遠。宋守徐安國詩「古辣觴客醉」卽指此。

仙槎亭

仙槎亭舊在橫縣西登高嶺。相傳晉元帝時。隱士董京遇一仙。秋夜橫槎於

浦。宋理宗紹定中，郡守張垓因爲構亭於此。

石壁山

石壁山在賓陽縣東三十里。與其並峙者曰白羊山。旁有廖平岩。四圍堅密如城郭狀。清勝奇絕。殊堪遊覽。

韋厥隱居

韋厥隱居在上林縣東二十里智誠洞。矗立千仞。形勢峻拔。厥唐邑人。武德間持節壓服生蠻。開拓化外。詔領澄州刺史。

一一 蒼梧

金雞岩

金雞岩在蒼梧縣東四里。石壁峭拔。泉水出峽。潺湲不絕。色味清冽。景物清幽。爲遊觀之地。

同園

同園在蒼梧縣治。倚山架屋。引水成池。植花木於圃場。建樓臺以憩賞。乃黃楚翹所築。邑之名勝地也。

吳廷舉墓

吳廷舉墓在蒼梧縣東七里。廷舉字獻臣。明蒼梧人。成化進士。正德初。歷廣東副使。條奏太監潘忠二十事。語侵劉瑾。詔下獄。幾死。成雁門。瑾誅。復官。擢副都御史。時寧王宸濠蓄異志。廷舉陳江西軍政六事。爲預防計。世宗初。累陞南京工部尙書。卒諡清惠。

南山

南山在藤縣南二里。繡江南岸。山勢聳秀。上有杏壇、松崖、竹塢、芹澗。皆具勝概。相接者曰石壁山。厓巒相倚。下瞰繡江。石色皆赤。亦名赤壁。

光華堂

光華堂舊在藤縣北。爲宋秦觀祠堂。有畫像並其文刻於石。

齊嶽山

齊嶽山在懷集縣北一百十里。高出衆山。上有龍潭。久旱不涸。山腰舊有銅鐘一鐵鐘一。劉宋時所鑄。山麓有溫泉。冬日可浴。

四門巖

四門巖在懷集縣西五十里。平地突起。高數百丈。狀如覆鐘。四面有門。高一丈。中容百人。石乳下垂。凝爲石柱者八。蓮花者一。亦名花石寨。巖之東爲沖天巖。又東與望嶽遊仙二巖相連。巖之北爲蓮花。道士雲女。天馬諸巖。皆高插雲漢。宏敞玲瓏。各擅其勝。

朝巖

朝巖在懷集縣西八十里。巖口幽窄。中甚明敞。其西南三里。曰燕巖。多燕巢於內。石峯峭拔。洞口高敞。容數百人。

大容山

大容山在桂平縣南一百九十里。廣濶數百里。通鬱林容縣岑溪博白北流陸川等縣。山形四面相似。入者迷出樹木叢茂。幽靜清閒。澗水屈曲分爲十九派。極紆迴分析之致。

閩石山

閩石山在桂平縣西北七十五里。一名基平山。平疇突起。高峻插天。峯巒競秀。如列旌旗。周圍峭壁。惟一道可達。巔中有石巖石梯。扁若堂奧。

白石山

白石山在桂平縣南。山色潔白。四面懸絕。兩峯並列。下有巖洞。卽道書第二十一洞天。洞之上有會仙巖。攀藤搭梯而上。約十里。方至巖前。有煉丹漱玉二泉。左有元珠池。右有三清巖。旁有鵝頸峯。又有煉丹竈。八仙石等勝。

楊巖

楊巖在平南縣西北三十里。宋郡守姚嗣宗嘗遊此。號曰姚公巖。又傳程珦

守龔州。明道伊川隨父任讀書於此。相接者曰思鵝巖。一曰思鵝石。又謂鵝山。狀若八角樓。

東井

東井在貴縣東一里。水從怪石湧出。流入石底。宋蘇軾書東潮二字。刻石其旁。

龍牀井

龍牀井在貴縣北二十里。水色似濁。汲之則清。旁有石洲。盤旋如龍。一名龍腹井。

沈希儀墓

沈希儀墓在貴縣北一里北山廟前。希儀字唐佐。明貴縣人。嗣世職爲奉儀衛指揮使。機警有膽勇。智計絕人。嘉靖時。田州屢叛。總督姚鏌。王守仁多用其計。遂平之。以參將駐柳州。渠魁宿猾。誅捕殆盡。諸獠威服。不敢爲盜。柳城

四旁數百里無攘敵者。積功至都督同知貴州總兵。希儀爲人坦率居恆談笑。洞見肺腑。及臨敵應變出奇。人莫能測。尤善撫士卒。嘗得危疾。部兵多自牋以禱於神。與四川何卿。貴州石邦憲並稱一時名將。

牢石墩

牢石墩在鬱林縣東南二里。一名信石山。上有牢石。又有夾石。形如鐘。側立。舊時每歲秋日。鄉人共候此石。若雲氣覆之。其歲必稔。

隱仙巖

隱仙巖在鬱林縣西二十里。石室幽邃。壁間有元和十四年來遊七字。餘不可識。

紫泉

紫泉在鬱林縣西南南流江濱。有巨石伏羣石中。旁有二竇。清泉湧出。舊名濯纓泉。宋嘉定中忽湧紫水。因改今名。明洪武間紫水再出。又名瑞泉。

陶成墓

陶成墓在鬱林縣西二十里。有祠在州治西。成字孔思。明鬱林人。永樂中舉鄉試。爲交趾鳳山典史。尙書黃福薦其賢。改涼江府教授。夷人化之。正統中。歷官浙江副使。遇事敢任。處州賊葉宗留等作亂。成屢破之。後與都指揮僉事崔源戰死。時景泰元年五月也。事聞。贈左參政。

洞房山

洞房山在博白縣東十五里。下有石洞高廣玲瓏。綴乳丹碧。麗若雕房。景物佳絕。

紫陽岩

紫陽岩在博白縣南六十里。岩洞清虛。萬象森列。上連碧崖。下瞰清泉。最爲幽勝。

將軍洞

將軍洞在博白縣南三十里。一名飛鼠岩。石門三重。中如堂室。有溫涼二泉。唐龐孝泰守南州。嘗遊此。題名其中。

勾漏山

勾漏山在北流縣東北十五里。其岩穴勾曲穿漏。故名。石峯千百。矗立特起。林木翳翳。景物絕勝。有寶圭洞。道書第二十二洞天也。洞有三石室。相傳葛洪嘗於此修煉。又有白沙洞。深遂幽妙。秉燭從竇入。俯偃扶伏。凡經六七竇。行里餘。乃至。勾漏甲於天下。而此洞尤爲勾漏佳勝處。

玉虛洞

玉虛洞在北流縣勾漏山西北。洞中物象。瑩潔如玉。每雲從洞出。則風雨。從洞入。則晴霽。

玉田洞

玉田洞在北流縣勾漏山東。洞闢三門。明廣可入。內有田數畝。有石花如玉。

色。田後有二石池。中有小嶼。水潛通江。

普照巖

普照巖在勾漏山。形如覆釜。登巖却顧。則黃陂翠巘。與石峯相間。巖西又有岩曰獨秀。平野中鬱然孤峙。石室容數千人。石乳挂壁。宛如佛像。

鐵城山

鐵城山在興業縣南十里。石壁削立。險固若城。中平衍容數百家。上多石竇。泉流不竭。有四門。惟東門可通人行。南有土基。約四丈。相傳爲古敵樓。西北多石。艱阻難行。石皆鐵色。

太上巖

太上巖在興業縣南十五里。內有石筍。石臼之屬。縣西南五十里。有石掩巖。巖口有石如扉。惜闔不可入。

三 桂林

佛子巖

佛子巖在桂林縣西十里。亦曰中隱山。其巖三重。下巖深廣。如積大艘。中巖明爽。有乳石凝結。上巖差小。舊有寺觀。懸厓置屋。恍非人境。

疊綵巖

疊綵巖在桂山。石岩層疊如堆綵然。故名。明瞿式耜張同敞拒清兵殉節於此。有清巡撫梁章鉅建石碑。曰瞿忠宣張忠烈二公成仁處。山上有寺。殿後有風洞。直穿山北。洞口高二丈。濶十許尺。內有石佛。漸進漸狹。寒風颼颼。直透肌骨。已復漸進漸廣。出洞而別有天地矣。

琴潭山

琴潭山在桂林縣西六里。羣山環抱。中有小山。巨石林立。其空洞成潭。水流琤琤如琴筑聲。前有小巖。虛廣明潔。有石榻石琴之屬。又有荔支巖。俯石門而入。深十餘丈。多滴乳。垂綴若荔枝。

南溪山

南溪山在桂林縣南七里。聳拔千尺。煙翠凌空。有溪東注桂江。東南有劉仙巖。旁又有穿雲仙跡兩巖。俱以宋仙人劉景隱此而名。自劉仙巖而入。其最高處曰泗洲巖。山西南半山有白龍洞。五代漢末南漢謀併靜江地。湖南遣兵屯龍洞以拒之。卽此。洞中有泉。名曰新泉。山西北又有一洞。唐李渤遊此。名曰元巖。

灘山

灘山在桂林縣南。一名沈水山。處陽江入灘處。突起水濱。形如象鼻。郡人名爲象鼻山。明初師圍靜江。別將朱亮祖屯於東門象鼻山下。卽此。山高三百餘尺。周迴二里。可容五百家。下有澄潭。北麓有洞。名曰水月洞。門踞江。透徹山背。頂高數十丈。其形正圓。儼如月輪。怪石敲危。藤蘿榮茂。宋范成大有銘記在焉。

鎮南峯

鎮南峯在桂林城北。峯旁有石厓。唐大曆中刻平蠻頌。宋狄青平儂智高勒碑於左。

七星巖

七星巖在桂林縣東二里隔江。亦名七星山。七峯位置如北斗。旁一小峯曰輔星石。山側有棲霞洞。卽唐鄭冠卿遇仙處。遊者須秉炬而入。其內怪石蹲峙如虎如獅如鐘如鼓如榻如筍。形狀萬殊。莫勿畢肖。洞旁又有元風洞。宋柳開有銘。下有冷水巖。宋曾布爲桂帥。因改名曾公巖。西南有龍隱巖。石紋作龍鱗。亦曰龍隱洞。山脚入溪水中。山後又有月牙巖及乳洞諸勝。其接龍隱而起者曰望城岡。外障大江。內護東城。旁連諸土山。縱橫起伏。亘二十餘里。形勝險要。

虛秀洞

虛秀洞在桂林縣西十里。亦名虛秀巖。有大石室。左右有徑隧。各數十百步。穿透兩巖。俯臨曠野。一望平遠。及乎春夏。翠綠盈眸。

伏波石

伏波石在桂林城東北伏波山。大如柱。由山巖下垂。及地不著。懸離分許。土人慕馬援之爲人。故以名之。伏波山亦名伏波巖。與獨秀山相望。巖傍水際。有還珠洞。本名玩珠。宋提刑張維易今名。洞前石脚插入灘江。爲絕勝處。

伏波廟

伏波廟在桂林東門。倚山臨水。廟貌宏崇。嵐翠波光。掩映前後。而左右怪石錯列。如刀如劍。尤極勝概。

草聖巖

草聖巖在興安縣西十五里。以唐時僧雲嶠居此。善草書而名。巖之東有圓穴。一名月山。西行五里。爲白雲峯。獨立渠江之側。粲然如積雪。

乳洞

乳洞在興安縣西南十里。洞凡三。上曰飛霞。中曰駐雲。下曰噴雷。下洞泉流石壁間。田壟溝塍皆如鑿。中洞有三石柱。及石室石麻等。左旋至上洞。行八十步。得平地。有色石橫互於上焉。

靈岩

靈岩在靈川縣西北三十里。一名龍岩。相傳唐龍朔初。山忽晦冥六七日。大雷雨。有龍上升。既霽。山腹遂空三十丈。下臨深淵。水從西江來者匯焉。方輿勝覽。靈川縣有靈岩大洞。其腹濶數十丈。遙望山根橫光如練。迫視乃知岩在山底水上。表裏明徹而然。岩口僅容小舟擊汰而入。深不可施篙。仰掌岩腹而行。

堯廟

堯廟在靈川縣南堯山。清時重修。規模宏大。有宋淳熙間桂州經略使張栻

謁廟文石刻。

畫山

畫山在陽朔縣北五十里江灣。九峯屹立。丹崖蒼壁。望之如繪。怪石森列。宛若牛馬。如起如蹲。如坐如立。如俯如臥。如仰如傾。形態萬狀。奇巧殆難言喻。

棋盤岩

碁盤岩在陽朔縣東半里。有三石洞。舊名豹隱洞。有石似棋盤。有棋子可奕。下洞平坦。有小竅通後洞。景物不同。別爲一境。

廣福巖

廣福巖在陽朔縣南二十里。石門天成。其中虛朗。疊石如龕。有羅漢像。一名羅漢洞。爲陽朔巖洞之冠。唐曹鄴有詩咏之。

百壽巖

百壽巖在古化縣東百步許。一名夫子巖。宋史涓刻百壽字於巖。因名。

雙瑞巖

雙瑞巖在古化縣南八十里。形似後視。岩深數十丈。中有佛像。皆石乳所凝結。唐武后時。惠能說法。講經於此。惠能不知何許人。人有叩其年者。曰。僧修於此。不知花甲。但覺時寒時暑。草木盛而復衰。武后徵之。不赴。其後乃往曹溪。世稱六祖。

金竹岩

金竹岩在古化縣東南六里。深窅寬敞。有水一泓。洞有石乳。奇怪萬狀。相近有鐘鼓巖。有石如鐘鼓。相傳叩之能響。

穿巖

穿巖在古化縣西南三十里。穿成複道。如覆夏屋。坦長數百步。人馬通行其中。旁數步有小巖。梯而下。怪石參差。狀態萬殊。巧不可擬。

玉屏山

玉屏山在全縣西十五里。自八十里山蜿蜒綿互而下。至此蒼碧錦繡環列如屏。其北三里許。有虎潛巖。石壁峭拔。半山上有洞。洞門瀑水奔注。其內紆回曲折。復流爲潭者三。相距各半里許。深不可測。其北爲仙奕山。平地特起。一岡廣袤尋丈。中橫方石。旁簇入小峯。四面拱峙。如對奕之狀。景物至佳。

覆釜山

覆釜山在全縣西八十里。一名朝山。峭險峻絕。凌逼霄漢。有七十二峯。其著者曰大小覆釜峯。頂皆有石如覆釜。其巖曰聖水巖。有水以石盤瀦之。唐僧寂照嘗結庵於山而居之。

柳山

柳山在全縣北二里。縣之主山也。有寸月臺。拔地七十丈。岡巒迴複。二江東流。舊名北山。宋柳開愛其泉石之勝。嘗築室讀書於此。因名柳山。亦曰書堂山。下有達泉。一名應泉。

青田岩

青田岩在全縣南三十里。深數十丈。由小徑而入。中多怪石。均絕奇峭。距此十里有波斯岩。前後有龍潭。深而通井。

礮巖

礮巖在全縣北。虛明深窈。有飛泉數百丈。奔湍下注。遙望似練。一名漱玉岩。宋黃伸嘗建漱玉亭於上。

小桃源

小桃源在全縣北五十里。一名龍岩。中空可容數千人。下臨深潭。寇不可犯。里人昔避兵於此。因曰小桃源。相近有虎岩。岩前高敞。入內數十步。寬平如數間屋。登之宛處堂奧中。

湘山寺

湘山寺在全縣西門外。湘山之陽。唐咸通二年建。本名孝寺。又名景德寺。宋

賜今額。有無量壽佛塔。卽寂照和尚遺蛻也。

仙源洞

仙源洞在灌陽縣西十里。旁有大源堂。距此五里。有龍岩洞。中有石龍并石磬。擊之聲能聞遠。

白雲巖

白雲巖在平樂縣東八里。叢林蓊鬱。洞門中開。其外百餘步。澗水潺湲。兩岸徙絕。景極蕭閒。

梅公亭

梅公亭舊在平樂城東北鳳凰山。宋梅摯建。以昭州所爲詩及五瘴說刻石嵌於壁。

石盆山

石盆山在恭城縣西二十里。石骨峻嶒。約二三里。左有巖如盆。有水澄澈見

底。夏秋不雨或漲。舊產游風魚。味殊甘滑。率以穀雨前後出岩口。

太極巖

太極巖在恭城縣西十五里。一名穿岩。有水從岩中流出。山石峻聳玲瓏。洞口闊二丈餘。高亦如之。旁有石柱圍數尺。高與岩齊。

魚田巖

魚田巖在恭城縣西三十里。從岩口泛舟而入。凡數折。沙平水曲。樹斷雲連。最稱幽勝。

御史堂

御史堂舊在恭城縣東五里。宋周渭讀書處。渭字得臣。建隆初。劉鋹據五嶺。渭脫身北走。上書言時務。太祖召試稱旨。累官至殿中侍御史。改兩浙益州。轉運使。賜金紫。

十箴堂

十箴堂舊在賀縣治內刻宋周必大十箴於石故名。

天門岩

天門岩在荔浦縣東南藍村岩南五里。舊名黃姜岩。其中又有大極拱辰。廣寒諸岩。雲壑深邃。景物幽奇。

官巖

官巖在修仁縣東以弄村後。一名以弄岩。懸崖壁立。岩在山半。岩口高丈許。可容數百人。有水滴下不絕。附近有涼洞岩。石山高聳。岩在其下。口高二丈許。內可容數十人。岩盡處有深潭。避寇者多居焉。

佛子岩

佛子岩在昭平縣東昭平里。岩口高十丈。濶如之。內可容十榻。旁穿一穴。容數十人。積乳下垂。巧輪雕畫。相近有仙岩。僂身而入。中有深潭沙洲。風景殊常。

千城岩

千城岩在蒙山縣西一百六十里杜莫寨旁二里。萬竅玲瓏。特闢洞天。若堂
與然。

官岩洞

官岩洞在蒙山縣北六十里杜莫寨山中。高一丈許。有石室。極光明。風雨不
能侵。舊時常以此作公館。附近又有仙女洞。

四 柳江

仙奕山

仙奕山在馬平縣西南。亦名仙人山。上有石形如仙人。故云。亦名天馬山。高
數百丈。於郡山中獨尊。下有楊文廣洞。相傳儂智高幽楊文廣於此。環馬平
多山。峯巒秀拔。泉石幽奇。皆有殊致而不類同。唐柳宗元有柳州山水近治
可遊者記。言之甚詳。今錄於下。並將諸山之東西里數。注明其間。俾遊者得

按籍探尋。以覘古今之同異焉。文曰：「古之州治在潯水南山石間。今徒在水北。直平四十里。南北東西皆水匯。北有雙山。夾道嶄然。曰背石山。（在縣西北三十里）有支川。東流入于潯水。潯水因是北而東。盡大壁下。其壁曰龍壁。（在縣東北二十五里）其下多秀石可硯。南絕水。有山無麓。廣百尋。高五丈。下上若一。曰甌山。（在縣東南）山之南皆大山。多奇。又南且西曰駕鶴山。（在縣東南。隅隔江。聳立如孤鶴）壯聳環立。古州治負焉。有泉在坎下。常盈而不流。南有山。正方而崇。類屏者曰屏山。（在縣南一里）其西曰四姥山。皆獨立不倚。北流潯水瀨下。又西曰仙奕之山。山之西可上。其上。有穴。穴有屏。有室。有宇。其宇下有流石成形。如肺肝。如茄房。或積於下。如人如禽。如器物。甚衆。東西九十尺。南北少半。東登入小穴。常有四尺。則廓然甚大。無覈正黑。燭之。高僅見其宇。皆流石怪狀。由屏南室中入小穴。倍常而上。始黑。已而大明。爲上室。由上室而上。有穴。北出之。乃臨大野。飛鳥皆視其背。

其始登者得石枰於上。黑肌而赤脉。十有八道可奕。故以云。其山多種。多楮。多篔簹之竹。多豪吾。其鳥多稗歸。石魚之山全石。（在縣西南二里）無大草木。山小而高。其形如立魚。亦多稗歸。西有穴。類仙奕。入其穴東出。其西北靈泉。在東趾下。有麓環之。泉大類轂。雷鳴西奔二十尺。有洄在石澗。因伏無所見。多綠青之魚。及石鱗。多儵。雷山（在縣南十里）兩厓皆東西。雷水出焉。蓄崖中曰雷塘。能出雲氣。作雷雨。變見有光。禱用俎魚豆彘。修刑糶稌酒。陰虔則應。在立魚南。其間多美山。無名而深。峨山（在縣西三里）在野中。無麓。峨水出焉。東流入于潯水。」

東亭

東亭舊在馬平城南。唐元和中。柳宗元建有記。文曰：「出州南譙門左行二十六步。有棄地。在道南。南值江西際。垂楊傳置。東曰東館。其內竹木猥輿。有厓谷。傾亞缺圯。豕得以爲囿。蛇得以爲藪。人莫能居。至是始命披荆蠲蕪。樹

以竹箭松檉。桂檜柏杉。易爲堂亭。峭爲杠梁。上下徊翔。前出兩翼。憑空拒江。江化爲湖。衆山橫環。曠濶瀲灩。當邑居之劇。而忘乎人間。斯亦奇矣。乃取館之北宇右闕。之以爲夕室。取傳置之東宇左闕。之以爲朝室。又北闕。之以爲陰室。作屋于北牖。下以爲陽室。作斯亭于中。以爲中室。朝室以夕居之。夕室以朝居之。中室日中而居之。陰室以違溫風焉。陽室以違淒風焉。若無寒暑也。則朝夕復其號。旣成。作石于中室。書以告後之人。庶勿壞。元和十二年九月某日柳宗元記」

白象岩

白象岩在維容縣西南七里。石洞玲瓏。中有石如象形。懸崖上有二藤。從石頂並垂而下。長十餘丈。其直如柱。

老人岩

老人岩在融縣西南四里。巉巖隆起。度高百仞。山腰削壁。忽開岩竇。軒豁明

爽山後有石徑縈紆。立而俯眺。山原盡在几榻。景色最佳。

直滿山

直滿山在羅城縣東北二里。山峯矗立。聳出羣山。山半有黃坭岩。岩口宏敞。內中深邃。後有瀑布如簾。

中寨巖

中寨巖在羅城縣西南二十里。岩勢高峻。土人修石橋從平地蜿蜒而上。深不可測。中產鴛鴦石。

停舟曬網臥漁翁

柳城縣北十里。有兩山夾河而立。一山似舟而停。一山似網而曬。又一山似漁翁倚舟而臥。世稱爲停舟曬網臥漁翁。

龍門洞

龍門洞在天河縣西五十里。翠壁峭立。洞口軒豁。望之如登天門。杳不可測。

其下有水通流。

鴛鴦窩

鴛鴦窩在遷江縣西。隔紅水江二里之印山。中產鴛鴦石。故名。一名遇仙岩。附近有八仙洞。

黑洞岩

黑洞岩在遷江縣西南四十里。岩不甚高。有路可通往來。岩口有石壁障之。內頗幽暗。燃炬而入。既入內則復光明。旁多竹樹。中有池三道。產金魚。乃邑之勝處也。

五 田南

瓢房山

瓢房山在凌雲縣西北一百五十里。峯巒翠嶺。高插青天。雲霧時掩籠於巔。林木幽深。匡壑杳嚴。人迹稀少。極寂靜蕭灑之致。

霸陵山

霸陵山在東蘭縣東南一里。峯迴路轉。曲折玲瓏。林木蒼蔚。泉壑幽深。爲一邑之勝。

倫山

倫山在天保縣南九十里。峯巒叢翠。上逼天際。又稍南山爲盤石山。四山環拱。中有洞方廣六里。中聳一峯。蔚如玉筍。郡稱奇景。

岑天保墓

岑天保墓在天保縣北三十里天保山（天保山舊名響泉山。山穴清泉。琤琮如玉。故名）麓。天保洪武初授鎮安土知府。世亂保境息民。世治恪恭。奉上築城垣。立法度。勸農桑。卹孤寡。民深德之。旣卒。葬於山。以其名名其山。清康熙年間嘗請立祠祀之。

仙橋

仙橋在向都縣舊都康州西望佛山。與枯囚嶺對峙。山脚相連。中斷一垠。溪流成川。曰仙橋水。上有石板橫覆。天然成橋。濶二丈。長三倍之。相傳古有仙人遊此。因名仙橋。

六 鎮南

弄月石

弄月石在養利縣東南二里田中。一大石高如臺。圓如月。上下相映。人登其上。如在月中。故又名弄月臺。

呼水泉

呼水泉在養利縣西三里山下石砦中。相傳牧童過此呼之。卽涌出。飲訖又不復見。

博威山

博威山在左縣東八里。奇峯對列。一水中流。水隔處架槎以渡。岩洞泉石。極

爲幽勝。

馬跑泉

馬跑泉在思樂縣舊思明府治西。元鎮南王討占城。師還至思明。士卒飲明江水而病。禱于神。忽馬跑泉涌。味極甘美。汲之不竭。遂鑿爲井。明洪武初嘗建樓其上。



中華名勝古蹟續編目錄

第十八編 雲南

一 滇中……………一一一八

- 高隴山 羅漢山 祖暹山 滇池 金線泉 關侯井 龍淙 永明帝父子縊死處 大觀樓 金馬祠 曇花庵 押赤城 吳雲死節處 忽納寨 碧玉泉 禹碑石刻 曹溪寺 王仁求墓 獅子山 壽胚胎洞 懸女石 五龍寺 黑龍潭 朱家民墓 曇寶子碑 桂花洞 清溪洞 石門山 大鑿碑 仙人洞 架空石 青龍洞 縉泉 八仙海石 天馬山 盟石 樊石 華藏寺 段文瑞墓 石林 仙人洞 部椿城 芒部城 九臺山 鳴鳳山 健林倉山 神石 馬蹄痕石

二 蒙自……………一八一—二五

中華名勝古蹟 第十八編 目錄

中華名勝古蹟 第十八編 目錄

二

雲龍山 石岩三洞 仙人坡 董文彥故里 螺髻朝嵐 三元洞 龍馬蹄石

吳龍湖 水泉山 傅壁洞 木角甸山 武石仙踪 鳴磬石洞 石城 漚源洞

紅石岩 烈婦石 夷婦石 楊繩武墓 李璜石

三 普洱……………二五—二六

諸葛營 普濟寺 奇山 蘭津橋

四 騰越……………二六—四〇

干峩山 安樂山 易羅池 金雞泉 諸葛村 玉皇閣 光尊寺 雞額山 鐵

雨厓 石乳厓 赤文島 龍首關 龍尾關 洱海 感蓮寺 崇聖寺 晒經坡

五華樓 青華山洞 九鼎山 蓮花浮屠 漚源洞 鳳山曉月 定西嶺 畢

鉢羅窟 鐵柱 南詔潭 毫豬洞 佛光岩 烏龍山 白石岩 迦葉洞 老君

山 青元洞 月山 方丈山 石寶山 中山 范窩墓 壺山 臥佛寺 九鼎

鐘山 高陀山塔 方山 中阿山 瓊英洞

中華名勝古蹟續編

第十八編 雲南

一 滇中

高嶢山

高嶢山在昆明縣西南碧雞山右。以形似秦嶢關故名。林木幽秀。山水清曠。明嘉靖時。新都才人楊慎以爭大禮議。謫戍永昌。愛高嶢山。築海莊別業。碧嶢精舍於此以居之。

羅漢山

羅漢山在太華山之右。卓立海岸。其南峭壁千仞。常繞白雲。其北迤邐幽奧。景最清幽。相傳爲梁王避暑宮址。山舊有金蟬關碑。明楊慎書。王褒移金馬碧雞神文於其上。

祖遍山

祖遍山在大華山之左。並峙城中。峯巒突兀。岡阜縣延。松柏蒼蒼。柯枝連合。遊蹤至此。胸襟清曠。而雨過晴初。風物尤勝。椒有大德寺。元大德時建。內有兩塔。聳峙干霄。因又名雙塔寺。曩時此寺宮殿莊嚴。桑門衆盛。今則淒涼岑寂。大非昔比矣。

滇池

滇池在昆明城西南。呈貢縣西。晉寧縣西北。昆陽縣北。一名滇南澤。亦曰昆明池。池周三百里。金馬碧鷄二山夾峙。東南水源深廣。而未更深狹。有似倒流。繞池平地肥饒。其吐口在縣西南八十里。曰海口。與昆陽接界。卽螳螂川之口也。滇池溱洄至此。惟此一河洩之。若咽喉然。占水利者。憎視其通塞。歷代常濬治之。池多魚。肥美可食。舟行其中。池水汪洋。而山翠嵐光。遙送入目。風物至可觀也。

金線泉

金線泉在太華山西。一名金魚泉。亦曰龍泉。泉透山腹爲洞。注於滇池。池中細魚溯流而入。曰金線魚。有金線一縷。細鱗狹口。長僅數寸。食之鮮美。爲此中特產。

闡侯井

闡侯井舊在昆明城內。一名闡西井。敗井水灌錦。鮮明異常。又有茜紅井。在東城外。其色殷然。可以染紅。

龍淙

龍淙在昆明縣西二十里。舊名白龍泉。清康熙二十二年。總督范承勳易今名。有龍淙石屋。聽瀑樓。墨雨庵。一草亭。宛轉溪石。香橋。顛丈臥石。小巫峽。小龍湫。諸勝。歲月悠深。類成荒蕪。有不可究詰者焉。

永明帝父子縊死處

五華山後迨死坡。乃清卓羅遣人縊死明永明帝父子於此。原名篋子坡。以永明帝死事改名。當吳三桂虜永明帝由榔還入滇城。欲與其子駢首。愛星阿曰。毋乃太慘乎。曰。上命也。時卓羅在坐。厲聲曰。彼亦人君。全其首領可也。遂遣固山楊坤章京夏國相等。縊帝父子於坡上。帝母大哭呼天曰。吳三桂逆賊。汝立心謀反。而以我家爲汝固籠之計。我張目地下。見汝之碎屍萬段也。時正午晴明。忽陰晦雷雨。有黑雲二股。蜿蜒入空去。滇人見而哀之。有流涕者。吳三桂恨甚。令焚其屍。揚其灰於翠海中。翠海者卽九龍池也。詳見倪蛻滇雲歷年傳。嗚呼。亡國帝王遭遇之慘。未有如永明者矣。時有楊娥者。聞永明遇害。悲憤不自勝。蓄念欲殺吳。乃設酒肆於滇城西。冀得機以遂志。後病死。未償其願。悲哉。滇人陳古儀賦詩咏其事。有序云。楊娥世爲黔府武藝教習。娥藝邁諸兄。年十六適張氏。張亦黔府武衛。沐國公西去。兩家以族隨。會吳三桂執永明王。張道死。娥隨兄歸。恨三桂入骨。永明遇害。娥遂日以殺

吳爲念。而苦其難近。娥固美豔。計爲色蠱行刺。爰賣酒城西市。飾肆六藝。厲下。云便犬出入。時吳藩多紈袴子弟。見少婦靚妝當爐。日飲郡惡謔。娥窺其尤桀。熬者。提投犬竇。沸湯澆之。羣驚起來捉。娥早立街中。羣聚圍。娥復躍出。立圍外。奮其技勇。當之無不披靡。羣復譁擊。娥先金約臂。鐵錮履端。逼近橫掉之。各破身首。負痛去。明日衆惡來報。娥卓立不動。衆亦憚其能。不敢犯。鄉人就飲。娥正色拒之。人悟不忍動。三桂聞之。納有日矣。娥忽中寒病而死。王思訓曾有當爐曲。父老又每爲余言。因之作歌。歌云。一絕世英雄有兒女。事蹟心期足千古。娥眉家世事沐府。得報夫仇卽報主。生小妙習少林技。時作公孫劍器舞。履端錮鐵臂約金。誓入虎穴暗刺虎。城西賣酒身當爐。正色不許鄉人沽。臚嵌六藝作犬竇。靚妝自綴雙明珠。吳藩宿衛半紈袴。春日踏青芳草路。酒筲飄處見紅妝。就飲語觸美人怒。玉手提擲狂且狂。請君入甕澆沸湯。鵬拳怒擊誰能當。鼠子却立重圍張。天街躍出鷹凌霜。敗簪掃盡雌風。

揚。吳藩委幣欲相納。計日報仇天作合。豈意蘭蕙掃空階。秋花霜隕風蕭颯。壯志不遂歸墓門。夕陽桃花空斷魂。至今酒肆肆旁水。嗚咽猶似聲潛吞。百年後過野園址。太息美人胡早死。豫讓欲報智伯仇。漆身吞炭猶男子。君不見女兒俠骨秦女休。紅線紅拂非其儔。

大觀樓

大觀樓在昆明城西五里。臨滇池。門額曰蓬萊別境。樓南數丈。聳峙直上。登臨遠眺。則水光漾盪。山翠青蒼。小艇如鷗。清風入抱。棲息於此。令人心曠神怡。不啻身入世外桃源矣。

金馬祠

金馬祠在昆明縣東金馬山麓。內有隸書王褒祭文。並楊慎題辭。餘無可觀者。

曇花庵

臺花庵在昆明城東。殿宇清潔。至堪憩息。內有山茶一株。高達數丈。大可合抱。每屆花時。美豔異常。又有丹桂。高逾屋檐。濃蔭數畝。而芬芳馥郁。倍于尋常。

押赤城

押赤城在羅次縣東南。舊爲烏蠻之都。元史烏哩特哈達傳。攻羅部。進至押赤城。城際滇池。三面皆水。旣險且堅。又烏哩特哈達入交趾。交趾主內附。於是大饗軍士。還軍押赤城。皆卽此。

吳雲死節處

嵩明縣東三十里秀嵩山。乃明初吳尙書雲死節處。今其墓卽在於此。雲字友雲。宜興人。性明敏。善詩詞。洪武時。以來賢舉。授弘文閣校官郎。累官至刑部尙書。出爲湖廣左參政使。雲南卒。謚忠節。

忽納寨

忽納寨在晉寧縣西。明洪武十四年傅友德等入雲南。元梁王博囉走晉寧。忽納寨赴滇池死。卽此地。今王墓在昆明縣西進耳山。

碧玉泉

碧玉泉在安寧縣北十里。溫泉也。一名湯池。四山壁立。中爲石坎。飛泉注焉。水澄清見底。爲滇泉之冠。明楊慎云。清澈見底。垢自浮去不積。舊有人見其巖出丹砂數粒。乃知其下爲丹砂。又泉之附近有聖水泉。隨涌隨涸。一日三潮。又有龍泉。噴沫而上。瑩澈如珠。

禹碑石刻

安寧縣東洛陽山崖石上有禹碑。乃明楊慎得墨本而鐫刻者。其地昔時大理段氏建法華寺於此。舊有遙岑樓。登之可覽一州之勝。

曹溪寺

曹溪寺在安寧縣西北葱山。南宋時建。舊有優曇花樹。清康熙時督臣范承

勳嘗建護花房於寺左。寺之右有聖水塔。亦曰清禪塔。

王仁求墓

王仁求墓在安甯縣南三泊故城南二十里石樁村。其碑文爲閻邱均撰。仁求爲河東州刺史。

獅子山

獅子山在武定縣西八里。頂平曠有石岩。狀如獅子。峯巒聳峙。壁立千仞。中有深谷。可容萬人。有泉自山岩噴出。瀦爲小池。羣山錯立。此爲最勝。山上有龍隱臺。孤峯入雲。兩石相抱。中容數人。世傳明建文帝常隱於此。山之巔舊有凌泉亭。明巡按劉維建。有古松二株。形如蚪龍。明時補鍋匠。雪舫和尚嘗修煉於山。

壽胚胎洞

壽胚胎洞在武定縣西北四十里。深十餘丈。有石凝結成拳。內中石筍森

立。又有石如壽星、益、孟、獅、象等，極爲怪異。

懸女石

懸女石在祿勸縣北石舊故城南十里。俗傳古有二女，牧織山下。有飛蟲來集，摩之不去，撲殺之。俄而烈風大作，吹二女懸於崖下，化爲石。

五龍寺

五龍寺在祿勸縣東北五十里撒馬邑。林木深密，石隙玲瓏，周圍出清泉數處，故曰五龍。近寺田畝，賴以灌溉。

黑龍潭

黑龍潭在曲靖縣東二十里。旁有石洞，其上怪石巉岩，林木盛密，遊行其間，清涼襲人。潭水泓深，近處田畝，資以灌溉。

朱家民墓

朱家民墓在曲靖縣西十五里王家屯。家民字同人，明南寧（卽曲靖）人。

萬曆舉人。歷任貴陽知府。著能聲。擢貴州監軍道。勦安賊之亂。建城十七座。更建盤江鐵鎖橋。以勦賊功。特晉一品服。誥封三代。蔭一子。世襲指揮使。歸里後。置田郡中。爲士子科舉之費。又置萬卷樓。使合郡士子誦習其中。培養士類至宏。

爨寶子碑

爨寶子碑在曲靖縣南七十里楊旗田。乃晉振威將軍建寧太守爨寶子墓碑也。亦曰小爨碑。字畫樸茂。與谷朗碑相似。清乾隆四十三年出於土。極爲金石家所珍。

桂花洞

桂花洞在平彝縣北十里。岩穴幽深。舊有一老桂。高百尺。根盤洞底。枝橫洞外。花時香于他山。

清溪洞

清溪洞在平彝縣西北三里。下有鯉魚潭。洞在蒙洞定南二山間。高十餘丈。濶如之。中爲平臺。石級右垂。石至洞口昂起丈許。成獅象形。又有石柱下垂。當洞中。中如筍。森立不可名狀。遠通山後。石徑非一。明楊慎嘗遊於此。

石門山

石門山在陸良縣西平壤之上。石筍森密。參差不齊。周匝十餘里。行者穿其中。故曰石門。又東出數百步。有離石。狀類西岳三峯。宛然如畫。

大爨碑

大爨碑在陸良縣東南二十里貞元堡。乃南北朝宋龍驤將軍寧州刺史邛都縣侯爨龍顏碑也。清阮元訪得之。高九尺。厚八寸。廣四尺半。與爨寶子碑同爲金石家所珍寶。

仙人洞

仙人洞在尋甸縣西南四里。有礎礎石床石柱之屬。洞深二十里。幽景奇妙。

其下又有水洞。

架空石

架空石在東川縣西北二十里以則村。徑丈餘。厚三四尺。有土四股。如柱。度其下。人或鑿去一股。次日土長如故。亦一奇也。

青龍洞

青龍洞在東川縣北十里青龍山。繞山半石室。行上數武。巨石攢簇。中開大穴。梯而下。敞如夏屋。天光微露。水聲自出。石乳雲飛。中有石几。石榻。石盃。諸器皆自然天成。

縮泉

縮泉在東川縣西三十里雲弄山腰。取之者。凡有銅鐵器及人聲。則收縮不流。

八仙海石

八仙海石在昭通縣東二十里海中。有島八石。屹立如人。土人謂之八仙。相傳諸葛亮南征曾有記云。

天馬山

天馬山在澂江縣東南十里。兩山夾護。峯形如馬。陟其巔。東見大池。南望撫仙湖。西連梁王山。北觀湯池。有泉環繞如帶。風物頗佳。

盟石

盟石在澂江縣路旁。相傳蒙氏細奴邏欲張樂進求讓位。乃拔劍祝石曰。如屬我。劍當入石。今石裂三寸許。其遺跡也。

譽泉

譽泉在澂江縣西三十里蟠龍江石厓下。左右潭泉。合流成溪。資以灌溉。一名西浦泉。舊傳水自地中接昂明池。雙涌於西山之麓。流不百武。南入於海。明隆慶二年開河二道。導泉入海。仍立四壩。以時蓄洩。

華藏寺

華藏寺舊在激江縣東五里闕摩山。創自齊梁。其地林壑清秀。洞穴深奧。丹崖翠壁。古樹幽花。極擅佳勝。寺後有冷然泉。味甚甘冽。

段文瑞墓

段文瑞墓在激江縣重珠山。文瑞元河陽人。少折節讀書。奉母盡孝。母歿哀毀踰禮。以手履地行一里外。負土塋墳。百五十日始成。事聞。旌表曰孝義之門。授本路學正。歷官臨安路總管。

石林

石林在路南縣東北。舊名李子箐。怪石森立。巖結玲瓏。下有伏流。深遠莫測。

仙人洞

仙人洞在江川縣南五里。有巨人跡。俗謂之仙人跡。有石如牛馬磨白之形。

郭椿城

郭椿城在江川縣北二十里。昔蠻酋易昌所築。元置雙龍縣於此。後省入江川。今爲雙龍鄉。其北有古樹。春初葉萌。土人視其先萌之方以下歲。北雨。南旱。西則風雨調和而歲稔。東則豐歉各半。四面皆萌。則旱潦飢饉。歷驗不爽。

芒部城

芒部城在鎮雄縣西南七里。古爲屈流大雄甸。昔阿蠻之裔阿統與其子芒部居此。因號芒部。元至元中歸附。置芒部路。明洪武中置府。使土官隴氏世守其地。

九臺山

九臺山在楚雄縣西南九十里。上有九臺。曰大本。曰廣珠。曰甘露。曰聚仙。曰大中。曰振衣。曰寫經。曰滿月。曰湧蓮。又有三十峯。曰慧照。曰捧日。曰法鼓。曰西來。曰鉢盂。曰錫杖。曰香爐。曰屏翰。曰觀音。曰普覽。曰紫烝。曰筆架。曰天馬。曰童子。曰東勝。曰達摩。曰聚星。曰南瞻。曰老人。曰學士。曰犀牛。曰太白。曰玉

屏曰彌勒。曰扶杖。曰須彌。曰天鐘。曰玉女。曰五老。曰北拱。各以形似名。參差聳峙。萬殊不同。林木蒼鬱。泉壑幽深。仰觀峯巒。俯瞰廬舍。爲邑之勝境。

鳴鳳山

鳴鳳山在楚雄縣西門外峨峯山之左。蜿蜒起伏。環峙十數里。相傳蒙詔時。有鳳鳴其上。故名。舊於山巔有雲泉寺。丹厓翠壁。古木蒼藤。蔚然深秀。寺以井泉得名。又以山產響石。一名響石寺。

健林倉山

健林倉山在摩訶縣東五里山巔稠疊。內一峯竦秀。林麓四周。其頂有泉。昔黑鬘蠻祖瓦辰吳立柵其上。子孫漸盛。不隸他部。至高氏封於威楚。始隸焉。見元史地理志。

神石

神石在摩訶縣西五里。鳳凰山巔。形狀怪異。石高十餘丈。蒙氏號爲南岳社。

靈安邊之神。昔時土人每歲以金貼其頂。有禱輒應云。

馬蹄痕石

馬蹄痕石在牟定縣清和鄉厓畔。石上有六七馬蹄痕。殊怪異。人有鑿去之。經宿仍舊在焉。

二 蒙自

雲龍山

雲龍山在蒙自縣東三十里。四山盤束。若蒼龍蜿蜒。奇詭萬狀。有石室可坐千人。有雲氣出如白練。其中琅玕琪樹。瑶草文鹿。迥非人境。殆邊疆之仙窟歟。又北爲小雲龍山。亦奇峭雄麗。卽雲龍洞也。

石巖三洞

石巖山在建水縣東十五里。或謂之蒙山。山麓有洞三。曰水雲洞。亦名雲津洞。又名中洞。復稱岩洞。門前虛敞。可容數百人。瀘江之水。赴以爲壑。冬月水

落架橋執炬而入。石笋倒垂。如龍蛇虎豹之狀。旋轉迴合。幾二十里。一曰南明洞。在水雲洞後。上有兩竅。陽光射入。見有石床丹竈。一曰萬象洞。與南明洞相連。勢更峻絕。歷級而上。窸窣聞風雷聲。明嘉靖初。給事中臨清閻闡諭。蒙自縣丞。寓建水。好遊山水。是三洞相傳爲閻所闡。故名闡洞。一名句町三洞。

仙人坡

仙人坡在通海縣東南二十里。每旦有白沙印。巨人跡於上。掃去復見。俗以爲仙人跡。因以名坡。

董文彥故里

董文彥故里在通海縣東十里富春山。文彥元通海人。天歷間。在威楚路知事。中慶鎮將敗狐叛。攻威楚。官吏皆遁。文彥獨死守。城陷。賊欲降之。文彥怒罵賊不絕口。賊載其耳。使醫之。文彥嚼血噴賊。遂遇害。明年敗狐伏誅。事聞。

賜諡莊愍。官其子時中爲祿豐主簿。

螺髻朝嵐

河西縣西五里螺髻山。頂如螺髻。上有石塔。高丈許。塔前有池。中多蓴菜。每晨往往有雲覆其上。邑人目曰螺髻朝嵐。

三元洞

三元洞在嶧峨縣西十五里。兩山夾峙。有東西兩門。高十餘丈。洞凡三層。中有奇石異景。頗堪游覽。

龍馬蹄石

龍馬蹄石在石屏縣西八十里。高四尺。圍六尺。旁有小石四。俗呼謂風伯雨師。又有砌碌石在縣西五畝。石高七尺。左右各一石。高四尺。如犬逐鹿之狀。

異龍湖

異龍湖在石屏縣東。有九曲。周一百五十里。俗呼爲海。其水流爲瀘江。入建水縣界。中有三島。小島曰孟繼龍。舊有蛇蟲。不可居。昔蠻酋竄罪人於此。中島曰小末束。大島曰和龍。昔蠻酋嘗立城其上。漢名水城。元史至順初。雲南諸王托卜佳等亂。石屏鎮將朱寶翼引泉據守和龍島。賊帥戰艦來攻。拒却之。即此湖上。風景頗佳。明時有畢山人者。嘗愛而居之。畢山人。畸人也。初不言其生平。常爲人相地。有奇驗。一日危坐語人曰。予逝矣。遂悉取書籍詩草焚之。今縣西其墓在焉。

水泉山

水泉山在阿迷縣南五里。翠屏峭壁。影動清波。其上古樹青青。奇花爛漫。遊履蒞此。輒興故鄉無此好湖山之嘆。

傳聲洞

傳聲洞在阿迷縣東南二十五里集甸境。洞口石如席狀。一孔僅容指。噓氣

聲如吹角。可聞半里。

木角甸山

木角甸山在黎縣東一百三十里。備樂鄉。舊產蘆甘石。昔封閉。明嘉靖三十四年開局鑄錢。取以入銅。自後復啟。其東爲楊暮山。多陽樹影。紫翠萬狀。中有龍洞。分上中下凡三。幽奇瑰異。不可窮測。

武石仙蹤

黎縣西十里道旁有武石。凡三。一類人足。一類視池。一類棋局。俗傳仙人所作。號爲武石仙蹤。

鳴舊石洞

鳴舊石洞在文山縣西一百八十里。洞有一石。扣之逢逢有聲。再進石乳滴成。纒絡下墜。宛如蓮臺。土人嘗塑大士像於上。

石城

石城在文山縣新現阿打克山嶺山下有井。旁立石碑。字跡磨滅。不可辨識。城中有確磨軍器諸物。人或取之。卽中毒。其城四面石壁。惟一徑可通。不知何時所城。見府志。

澧源洞

澧源洞在廣西縣城西三里。深遂不可測。洞有透明魚。其大如指。額有肉角。色白無鱗。蓄水盆中。表裏瑩然。

紅石巖

紅石巖在彌勒縣西南二十五里。有石如龍馬。相傳昔龍馬至此化爲石。土人恒視其色之黑白。以卜陰晴。

烈婦石

烈婦石在彌勒縣西十里。昔有夷婦。夫亡。姑逼嫁不從。携子撞石而死。今石上有母抱子形。

夷婦石

夷婦石在彌勒縣南。昔有播夷從征交趾不歸。其婦至山巔望之。化爲石。高五尺許。

楊繩武墓

楊繩武墓在彌勒縣南玉枕山。繩武字念爾。明彌勒縣人。崇禎中進士。由翰林改御史。出視河東鹽政。繼按河南。流寇至。繩武潛師破之。時方舉鄉試。闈中不驚。擢順天巡撫。旋督兵部左侍郎。督薊遼師。卒於豐潤。贈兵部尙書。賜祭葬。諡莊介。

李璜石

李璜石在師宗縣阿寧鄉。明土官李璜。以土官時爲民害。至京奏請改土設流。詔如其請。龍氏聞而欲害之。乃避居江外。携一小石。置道旁。祝曰。璜如私。此石銷滅。如公。石當昂藏。今其石巉巖特立。後人因名曰李璜石。

三 普洱

諸葛營

諸葛營在思茅縣東北班鳩山下。蜀漢諸葛亮征孟獲。往來駐軍於此。故名。

普濟寺

普濟寺舊在寧洱縣北三十里。寺在半山間。俯瞰城郭。臨眺山溪。花竹週環。煙雲出沒。爲邑之勝地。

奇山

奇山在元江縣北三十里。舊名龍爪山。上有涵春臺。仙人洞。怪異萬狀。林木蔥鬱。境地清幽。足資遊觀。

蘭津橋

蘭津橋舊在景東縣西南。跨瀾滄江上。後漢永平中建。明時重修。廣高千仞。兩峯峭壁。飛泉急峽。鎔鐵爲柱。以鐵索繫南北爲橋。自古稱爲巨險。

四 騰越

干莪山

干莪山在騰衝縣北十里。其下有池。亦名下干莪池。又二里爲上干莪山。下亦有池。名清河。亦名上干莪池。周四百餘丈。花木圍繞。落葉池中。往往有鳥雀爲之銜去。山北有金塔坡。相傳昔有異人修道於此。至今無蚊蠅。

安樂山

安樂山在保安縣東二十五里。夷語訛爲哀牢。孤峯秀聳。延袤三十里。絕頂有石。巉岩如人坐懷中。又一石有二穴。相去寸餘。名天井。土人於春初視穴水盈縮。卜歲豐歉。相傳諸葛武侯鑿以濟軍者。山下有二泉。一溫一涼。號玉泉。故一名山曰玉泉山。

易羅池

易羅池在保山縣南九隆山下。亦曰龍池泉。傳昔哀牢婦觸沈木感孕。卽此

池。後漢書西南夷傳。哀牢婦人名沙壹。居于牢山。嘗捕魚水中。觸沈木。若有感。因懷妊。十月。產子男十人。後沈木化爲龍。出水上。沙壹忽聞龍語。曰。若爲我生子。今悉何在。九子見龍驚走。獨小子不能去。背龍而坐。龍因舐之。其母鳥語謂背爲九。謂坐爲隆。因名子曰九隆。及後長大。諸兄以九隆能。父所舐而黠。遂共推以爲王。今九隆山即以九隆而名。沙河源出於此。諸葛亮南征嘗鑿斷山脈。以洩其氣。猶有遺迹存焉。

金雞泉

金雞泉在保山縣東五里金雞村。泉出二池。一溫一涼。泉畔有石周二丈餘。中斷處深尺餘。相傳蜀漢雲南太守呂凱立戟之處。

諸葛村

諸葛村在保山縣南十里。一名諸葛營。諸葛亮南征屯兵之所。旣旋師。漢人有遺於此者。因聚廬世居焉。營前有海。海內有一阜。周遭三十六丈。傳爲孔

明旂臺。海水今半涸竭。惟有古碑甚多。頗堪摩挲讀也。

玉皇閣

玉皇閣在保山城內。崇樓高聳。上矗雲霄。登臨俯眺。山川廬舍。盡收眼底。荒陬麓山之間。得此勝遊。悶懷爲之一擴。

光尊寺

光尊寺在保山縣世科村。梵宇琳宮。崇宏壯麗。乃邑之大叢林也。旅行抵此。亦足隨喜。

雞額山

雞額山在大理縣東北七十里。一名雞巖山。峯巒高聳。宜於眺遠。楊慎曰。石磴盤紆。可三百武。削壁卷阿。正向點蒼。十九溪峯。盡在几席。

鐵雨崖

楊慎曰。由雞額山而南至鐵雨崖。云是羅刹欲背盟逃逝。大士雨鐵以止之。

是其跡也。厓西如蜂房蟻窟。大者棲鵲鷓。小者巢蝠鵲。聞舟人喧。驚出羣飛。今厓在大理縣東洱海東岸。

石乳厓

石乳厓大理縣來西芒涌溪下。有滴乳石。相傳南詔時。高智昇初生棄其下。有石乳滴入其口。數日不死。乃收養之。芒涌溪深處有放光谷。一名悉達場。俗傳四圍皆有佛光。或圓或長。五色互異。云是藥師道場。

赤文島

赤文島在大理縣洱海東。一名赤巖島。島有大篆數十字。莫可辨識。志謂之地券。

龍首關

龍首關在大理縣北七十里。當洱河之首。一名河首關。又名上關。兩山壁立若門。即唐時石門南道也。故亦名石門關。元史烏哩特哈達傳。大軍至金沙

江。烏哩特哈達分兵入察罕章。圻在寨柵。以次攻下。獨安達拉所居半空和寨。牢不可破。烏特哈達遣其子鄂摩迎擊之。進師取龍首關。翌日世祖入大理國城。卽此。

龍尾關

龍尾關在大理縣南三十里。當洱河之尾。一名河尾關。亦稱下關。唐時名龍尾城。滇說洪武十五年藍玉沐英率師至品甸。段世聚衆扼下關以守。玉等遣王弼率兵出洱河之東趨上關。爲犄角勢。自率衆抵下關。造攻具。卽此。

洱海

洱海在大理縣東。卽古葉榆澤。一曰昆瀾川。一曰洱河。一曰西洱河。一曰洱水。形如月抱珥。故又名珥水。縣出洱源縣北罷谷山。滙諸谿。空南經洱源縣東。又南經鄧川縣東。又南入本縣界。西受點蒼山十八川而爲巨浸。經縣東西南流而入於漾鼻。洱海志。東岸有分水厓。儼如斧劃。漁人謂自厓下分水

爲兩界。南爲河。北爲海。鹹淡不類。河魚不入海。海魚不入河。魚游至此則返。水中有三島。曰金梭。赤文。玉几。水涯有四洲。曰青莎。鴛鴦等。又有九曲。曰蓮花。大鶴。蟠磯。鳳翼。蘿蒔。牛角。波垞。高巖。鶴竊。皆可田廬。今海周二百餘里。澄水一泓。涌濤千頃。煙波萬狀。風物佳勝。履大理者。輒徘徊其間而不忍去。

感通寺

感通寺舊在點蒼山第四峯之半。舊中有三十六院。相傳漢時摩騰竺法蘭由天竺入中國時建。明初有僧無極居此寺。洪武間入觀。獻白駒一。山茶一。太祖臨軒納之。茶忽開一花。太祖喜。親爲詩十八章。並厚賜之。無極歸。鐫詩立石於山門。

崇聖寺

崇聖寺舊在點蒼山第十六峯之下。寺有七樓八殿。又有三塔高十餘丈。凡十六級。唐開元中建。以寺有三塔。亦名曰三塔寺。

晒經坡

大理縣西北蘭峯之半。有晒經坡。廣三百步。不生草木。世傳唐三藏晒經處。坡下舊有無爲寺。中有汝南五碑。聲如玉磬。清越可聽。

五華樓

元志。大理城中有五華樓。唐大中十年。南詔王券豐祐所建。樓方五里。高百尺。上可容萬人。世祖征大理時。駐兵樓前。至元三年。嘗賜金重修焉。按樓屢廢屢修。今規模不及唐時。然猶巍然聳峙城中。

青華山洞

青華山在雲南縣南八里。下洞濶十丈。山僅培塿。洞中深不可測。懸厓滴乳。旁有石竅。日月漏光。景物幽奇。

九鼎山

九鼎山在雲南縣西北二十里。一名寶泉山。九峯相並。望之簇如青蓮。石穴

空峒。盤折而升。上有九鼎寺。傍巖結構。飛檻懸梯。以山有九頂。又名九頂山。

蓮花浮屠

涇源縣東北四十里有蓮花山。峯巒攢疊。狀如蓮花。三面陡絕。惟一徑僅容馬可上。山麓有一浮圖。邑人謂蓮花浮屠。

清源洞

清源洞在涇源縣鳳羽鄉之南。深不可窮。中有石田、石蓮、石牀、石枕、石獸之類。石筍倒懸。五色畢具。景物之佳。莫與倫比。又有清泉湧出。流行於外。卽鳳羽河也。

鳳山曉月

鳳儀縣西一里鳳儀山。邑之鎮山也。一支兩翼如鳳。山脈自點蒼山來。一名三耳山。薄晨之頃。登山望月。景物至佳。邑人謂之鳳山曉月。稱名勝焉。

定西嶺

定西嶺在鳳儀縣南四十里。高數百仞。本名昆彌山。明初西平侯沐英過此。更今名。兩厓間有刻文如印篆。世傳以爲諸葛武侯印。

畢鉢羅窟

畢鉢羅窟在鳳儀縣南六十里白厓川西。山巖壁立。林木翳鬱。夏時遊行。殆不知暑。志云。南詔時有杜老蠻者。卽厓建寺。上有獨木橋十餘所。木大如指。人不敢著足。樵子僂疾者履之而過。亦不損折。其木非常見之材。每月十五日更換一次。不知其因。世傳神仙所爲。因謂之仙橋。

鐵柱

鐵柱在鳳儀縣東南白厓城。蒙氏建極十三年四月鑄。名曰建極。又鑄鐵笠覆其頂。土人號天尊柱。歲必貼金其上。祭之以邀福。俗傳諸葛亮鑄。誤。

南詔潭

南詔潭在鄧川縣西二十里。廣十餘畝。三山環匝。萬木陰森。一面峻壁。宛如

石牆。潭深莫測。歲旱邑人禱焉。

毫豬洞

毫豬洞在鄧川縣東二十里。滇志。孔明縱孟獲於白厓。獲引所部至銀坑。坑一名毫豬洞。險絕非人力可到。孔明出奇策擒之是也。

佛光岩

佛光岩在鄧川縣北二十里。與洱源縣佛光山相接。滇志。初孟獲自毫豬洞被擒。丞相亮復縱之。獲走佛光岩。據險堅守。漢兵不得進。乃由漾濞江而北。出岩後。遂破之。明初傅友德等既平大理。餘孽普顏篤復叛。據佛光岩。傅友德自七星關回軍大破之。皆即此。

烏龍山

烏龍山在賓川縣西南三十里。亦名五福山。有烏龍池。積水下迸。諸堰皆仰給。其北麓爲奇石山。山多奇石。空窅玲瓏。上有觀音洞。洞中有自然大土石。

像。

白石巖

白石巖在賓川縣沙認村。懸崖壁立。石色潔白。中通數竅。小若戶牖。大若堂室。前有瀦水。可鑿毛髮。乃邑中勝地也。

迦葉洞

迦葉洞在賓川縣雞足山東北三十里。明李元陽遊記。有二洞。皆名迦葉。一在山麓。每歲二月。土人作會。一在山腰。草木叢蔽。洞深各百餘步。奇石萬狀。而雕鏤巧妙。如人爲者。

老君山

老君山在麗江縣西南二百五十里。高六七十里。錦互百里。連峯疊嶂。上摩霄漢。林樹蒙茸。條忽萬狀。世傳老君修丹於此。故以名山。今山頂有丹灶存焉。又有梓潼遺筆在巖上。乃化書「春光洩柳條」之句。山有龍潭。凡九十

相傳犯之風雨輒至。

青元洞

鶴慶縣西二十五里。有逢密山。三峯入雲。中有青元洞。石孔玲瓏。伏流相接。稱爲奇境。每歲六月六日。遊人燃松炬入。乃窮其勝。

月山

月山在鶴慶縣東南二十里。積石圍繞。形如半月。距山十里爲龍華山。林壑深秀。石泉迸洌。上有梵宇。一州之勝境也。

方丈山

方丈山在鶴慶縣西南一百二十里。巍然峻拔。山半有洞。中有池。深不可測。水滴巖下。若金石音。昔蒙氏嘗琢觀音像於壁。故一名觀音山。南詔名山十有七。此其一也。

石室山

石室山在劍川縣南五十五里。層巒峭壁。上有石坪。方數十畝。昔爲高祖養道之所。中有羅漢跡。另有石自然具佛座、獅象、鐘鼓之形。梵剎凌虛。花木叢匝。景物絕佳。李元陽有遊石室山記。

中山

中山在劍川縣南五十餘里。石室山之南。巖石峭立。鑄爲梵像數百。妙相莊嚴。歷時已久。不知起始。石佛旁有石如羣蛙。俗呼爲聽法蛙。又有峻厓。名金樓雞。在江南二里。石面有巨人掌跡。其大如箕。

范寅墓

范寅墓在蒙化城北天策堡。孝子范連吉親負土石而成。連吉字修用。明蒙化人。嘉靖舉人。父出行不返。連吉以文行受知于巡撫應大猷。許妻以兄女。連吉誓不見父。不娶。重繭求之。五年不歸。後於太和山得遺骸歸葬。廬墓三年。時稱范孝子。事聞。詔褒其門。

壺山

壺山在永北城東二里。峯巒竦立。宛如壺狀。春日晴朗。紫翠盈眸。又有清流環抱。潺湲有聲。舊有吳子道觀音石刻。在山之後。

臥佛洞

臥佛洞在永北縣西關半山。中有臥佛。人秉炬探之。石像宛然。洞外舊有臥佛寺。岑樓疊架。林木森羅。境界至爲幽妙。

九鼎鐘山

九鼎鐘山在姚安縣東北五十里。一名華山。峯巒有九。形如懸鐘。春夏之際。花木繁茂。遊者甚衆。

高陀山塔

高陀山塔在姚安縣北二十里。晉天福間建。高十有五級。有碑記在焉。一名白塔。西南數里有池。塔影倒映其中。因名塔鏡。

方山

方山在大姚縣北三十里。山多產藥。有菩提子圓淨而瑩。勝他郡之產。山上有仙人跡及石棋石盤。俗傳爲仙人對局處。人有懷棋去者。不覺失之。仍歸其所。

中阿山

中阿山在順寧城西南十五里。奇峯秀嶺。林泉環鬱。明正德中有人於此山得方石丈許。鐫曰襟滄江。帶錫河。爲崑崙山冢子。厥名曰中阿。下十數字剝落。

瓊英洞

瓊英洞在順寧城西南二百里西粵山中。洞如城闕。廣十餘丈。石乳下垂。宛如華蓋。內有石鼓。鐘磬之屬。擊之有聲。故名瓊英。

中華名勝古蹟終

